





11.23.

?

17

14-1. C. 11.







DE REP. ANGLORVM  
INSTAVRANDA LIBRI DE-  
cem, Authore Thoma Chalonero  
Equite, Anglo.

*HVC ACCESSIT IN LAVDEM  
Henrici Octavi Regis quondam Anglie  
præstantiss. carmen Panegyricum.*

Item,  
DE ILLVSTRIVM QVORVNDAM ENCO-  
MIIS MISCELLANEA, CVM EPIGRAM-  
matis, ac Epitaphijs nonnullis,  
codem authore.



ts or h



LONDINI,  
Excudebat Thomas Vautrollerius  
Typographus.

1579.



- 1 Sol decorat terras, insignia Principis Anglos.  
 2 Vita fuit Chalonere tibi Burghleius Heros.  
 3 Testamenta piè VVreyus prouexerat æquus.  
 4 Teq; notât doctis tua docta volumina vatem.  
 5 Et tua te coniux charissima luxit ademptum,  
 6 Fœmina præclaro rursus sociata Broketto.

GVLIELMVS D. BVRGH-  
LEIVS THESA VRARIVS ANGLIÆ  
IN MEMORIAM THOMÆ CHALONERI  
Equitis aurati ab Hispanica Legatione re-  
deuntis, & ad cælestes beatorum  
oras proficiscentis.



Væ nobis viridi concordia cœpta iuuen-  
ta,

Regia cum primùm iuuenes coniungeret  
aula,

Quæ sociæ curæ, moles quid publica poscat,  
Dum tua cura foris legati munera gessit,  
Et mea cura domi vigilaret ad ardua regni:  
Vt recolam semper memori te mente sepultum  
Sunt iustæ causæ, sunt magni ponderis instar.

Quòd mihi commissis rebus, cum scanderis astra,  
Vxorem, natum, famulos, & singula vestra  
Credideris nostræ fidei, tutandâq; nobis,  
Iustior incubuit (quid ni iustissima dicam ?)  
Tunc mihi causa, tuis peragendi debita votis,  
Vt peragi cupio nostrum post funera votum.

Nunc tua cum gestit produci posthuma proles,  
Ingenij proles, peperit quam plurimus vsus,  
Publica priuatis moderando negotia Musis:  
Quando tibi limam mors inuidet, inuida summis,  
Me meus illabefactus amor committere mouit  
Malimi studio, quò tandem prodeat illa



Cultior ornatu, meliore induta metallo.  
Vt tua suscipiant monumenta libentè amici,  
Vt tua suscipiant omnes hæc pignora dena,  
In quibus Angligenûm Respublica sacra relucet.  
Hinc te militiæ dijudicet ordine dignum,  
Dignum tergeminis cognoscat honoribus orbis,  
Dignum Principibus, victuro nomine dignum.

Hæc ego grandæuus posui tibi carmina pauca,  
Carmina mansurum studium testantia nostrum,  
Semper inoblita quia sis mihi mente repostus.  
Idque sciant seri, post plurima sæcla, nepotes,  
Grata quibus fuerit pietas, prudentia, virtus,  
Quæ diuisa alijs, Chalônero iuncta fuere.

ILLV-



ILLVSTRISSIMO VIRO.  
OMNIBVS VIRTVTIS, DO-

CTRINÆ, ET CONSILII LVMINIBVS CLA-  
rissimo, D. Gulielmo Cæcilio, aureæ periscelidis Equiti aurato, D.

Burghleio, Magno Angliæ Thesaurario, Serenissimæ Re-  
ginæ Elizabethæ à consilijs, & Academiæ Can-  
tabrigienfis Cancellario dignissimo

Δ' Παύλος Δ' αζ' ην.



ROKETTVS vir genere, ac humanita-  
te cōspiciuus, qui Dominam Chaloneram  
duxit in uxorem, doctiss. Chaloneri ali-  
quot abhinc annos defuncti, ac Equestris  
ordinis viri opuscula quedam, simul at-  
que literas (Heros nobilissime) tuas ad  
me dedit: quibus idpotissimū voluisti non modò in illis  
ut dissipata colligerem, & corrupta emendarem: sed an a-  
liquo certo cum fructu in vulgus emanare, ac in publicum  
prodire necne potuissent, tibi significarem. Quorum utrū-  
que etsi (ut verè fatear) ἔκιν' ἀκροῦσι γὰρ θυμῷ, ut Homeri  
verbis utar, in me primò recepi, cum propter Sisyphium  
illud saxum, quod indies voluo, tum propter virulentas  
quorundam otiosorum, nimisque arrogantium linguas, que  
temerè, & effrenatè in alios celerrimè concitantur: diffi-  
cultates tamen has tandem grauēs vicit humanitatis pri-  
stinae tuae recordatio, ac recens istud tuum de me ipso iudi-  
cium. Hoc enim boni in illo malo adipiscor, quod quamuis  
recusandi potestatem litera mihi tua abstulerint: attule-  
runt tamen si non perficiendi scientiam, at aggrediendi  
voluntatem, ac nonnullam de presenti hoc negotio iudici-  
candi facultatem. Quod ego tuae amplitudinis iudicium

tanquam obicem latrantibus opponere decreui, quibus  
ἐπὶ τῶν μωμῶν δαί, ἢ μωμῶν δαί. His itaque praesidijs, tanquam  
Palladis agide munitus, talium hominum calumnias (cum  
ne optimis quidem maledica lingua soleat parcere) tacendo  
reprimam, vel contemnendo potius conuincam. Nunc qui-  
bus in rebus nostra potissimum sudauerit industria, paucis  
explicandum iudicauimus. Nam cum ab authore ipso de-  
cem illi de Repub. instauranda libri (quibus nihil ferè po-  
test esse perfectius) ad βιβλιογράφου quendam, nescio quem,  
exscribendi tantummodo causa deuoluerentur: tantis un-  
dique scatebant mendis, tantumque in orthographia er-  
roris relictum fuerat, ut maiorem sanè, utiliorèmque  
praestitisset operam, si intactos omninò eosdem ipsos reli-  
quisset. In hoc itaque opere, etiamsi mihi quasi Angia sta-  
bulum exhauriendum esse vidi, quod Herculeas ferè pos-  
set vires delassare: omnes tamen in eodem ipso latebras  
perpurgare, errata non solum in forma, sed in materia  
etiam crebrò fusim dispersa corrigere, singula demùm,  
quoad potui, priori integritati, ac natalibus suis restituere  
conatus sum. Idem etiam praestiti in Miscellaneis de illu-  
strium quorundam encomijs ab authore ipso conscriptis. In  
varijs etiam epitaphijs, ac epigrammatis eandem pro vi-  
ribus telam pertexui. In singulorum praterea decem de  
Repub. librorum argumenta (quò Lectori faciliores ad in-  
telligendam forent) ὀρθογράφου praefixi. Quae etsi seriùs  
fortasse ad manus tuas (vir illustrissime) nunc peruene-  
rint, quàm expectabas: procrastinationem tamen hanc, si-  
ue tarditatem, meam in liberando fidem faciliè excusa-  
bit tua solita clementia, & negotiorum meorum moles. E-  
tenim molestum hoc nostrum viuendi genus rarissimè ad  
longum aliquod tempus iter interrumpi sumpatitur. Hoc  
itaque modo etsi iusta omni culpa liberor: nisi cum aliqua  
tamè adeò longi temporis usura, ad te ista proficisci, nolui.  
Nam unà cum superioribus illis Domini Chaloneri libris  
(penè



penè dixeram liberis, quos eius prudenter concepit, & ex-  
cogitauit ingenium, confirmauit ratio, iudicium disposuit,  
& manus demùm scitè perpoliuit, ac efformauit) libellum  
illius planè aureum in laudè Henrici Octauī nuper Angliæ  
præstantissimi, ac potentissimi Regis conscriptum, què anno  
Domini 1560. Serenissima, Augustissimaque Heroīna D.  
nostra Elizabetha Dei gratia Angliæ, Franciæ, Hybern-  
ique Regina, &c. sine nominis appositione dedicauerat,  
attexendum, atque excudendum curauit: ut & tanti Prin-  
cipis, ac Herois unà cum authore diuturnior esset memo-  
ria, & ne diutius nostrates, fidelēsue subditi tanto bono,  
tam necessario præsertim, aliquot iam annos Cimmerijs  
quasitenebris obruto, posthac defraudarentur. Illuc nunc  
dilabor, ad priuatum nimirum meum de publica Domini  
Thomæ Chaloneri virtute, eiusdemque de Repub. libris  
testimonium. In quo non multis opus est, quoniam & ti-  
bi, dum uiueret, quamplurimisque alijs nobilibus erat no-  
tissimus, tum etiam quod qui eum non cognorunt, facili-  
tè ex τῶν ὀνύχων τὸν λίοντα, ex scriptorū scilicet varietate  
posteris relicta æstimare possunt. Fuit igitur patria Londi-  
nensis, studio Cantabrigiensis, educatione aulicus, religione  
pius, verèq; Christianus. Itaq; cū iuuenilem ætatem, men-  
tèq; suam humanioribus studijs roborasset, Domino Hen-  
rico Kneuetto à potentissimo Rege Henrico eius nominis o-  
ctauo ad Carolum v. Imperatorem transmissō Legato, unà  
cum illo profectus est tanquàm familiaris amicus, vel eidē  
à consilijs. Quo quidē tempore Carolo v. nauali certamine  
à Genua, Corsica in Argyram in Africa cōtra Turcas clas-  
sem soluente, ac hostiliter proficiscente, ornatissimo illo  
Kneuetto Legato Regis, Thomæ Chalonerō, Hērico Knolleo,  
& Henrico Isamo illustribus viris eundē in illa expeditione  
suapte sponte sequentibus, paritèq; militantibus, miri-  
ficè vitam suam Chalonerus tutatus est. Nā trirēmi illa, in  
qua fuerat, vel scopulis illisa, vel grauissimis procellis con-

quassata, naufragus cū se diu natatu defenderat, deficientibus viribus, brachijs, manibꝫq; lāgūdis, ac quasi exenuatis, prehensa dentibus cum maxima difficultate rudenti, quæ ex altera triremi iam propinqua tum fuerat eiecta, nō sine dentium aliquorum iactura, ac fractura sese tandem recuperavit, ac domum integer relapsus est. Henrico postea demortuo Rege, ac Edoārdo Sexto eius filio præclarissimo, & rarissimo Principe regnante, finita clade Scotica Muskelburgensi (qua quidem fortissimus ille Schellæus occubuit) à Duce illustrissimo Somersettensi, cum alijs nonnullis nostratibus, inclytis viris, ex equestri ordine vnus 28. Septembris, anno Domini 1547. creatus est. Deuoluta tandem ad augustissimam Reginam nostrā Elizabetham rerū summa, singulari cōmendatione tua, & virtute propria ab eadem ad potentissimū Hispaniarum regem fuit trāsmisus orator, & quasi Hermes dignissimus. Quo quidē legationis tēpore hos illum de Repub. libros successiuis horis dum in Hispania demoraretur, scripsisse, ex ipsius testimonio, & exemplari primo (quod adhūc etiam extat) manu propria confirmatum, liquet. Cuius verba hoc modo sequuntur.

Deo auspice, Thomias Chalonerus Londinensis, Equestris ordinis vir, Serenissimæ Angliæ &c. Reginæ Elizabethæ ad potentissimum Hispaniarum regem Philippum Legatus, animi recreandi, cum otio abundaret, causa, libros hosce decem de Repub. Anglorum instauranda incepit 25. die Decembris, anno Domini 1562. perfecit verò 21. die Iulij 1564. quum horis tantū successiuis, idque ferè anrelucanis, ad componenda carmina se confertet. Atque hunc archetypum manu propria conscripsit.

Vnde pro comperto est, non modò quātum laboris libenter foris exantlauerit, sed quā breui spacio res magnas, idonea studijs suis tempora quasi suffurando tractauerit, atque absoluerit. Sed breue tempus satis longum est paratis. Principis itaque Serenissimæ nostræ mandato domum renocatus, atque illo benè, fidelitèrg, legationis finito munere



nere, non multò pòst nescio quo fato Londini Londinensis  
Chalonerus Nonis Oct. 1565. Fatis concessit, ac in ecclesia  
diui Pauli honorificè sepultus iacet, nò sine graui familia-  
rium tantummodò amicorum, sed studiorū etiam iactura,  
& nostratum vulnere. Etenim singularis erat in illo dili-  
gentia, rarum ingenium, iudicium altum, varia lectio, mo-  
res cum sale festini, vita integra. In istis Politicis singula  
ferè plena sunt grauitatis, sapientiae, consilij: memoriam re-  
praesentat iuriconsultorū, sententias consecatur philoso-  
phorum, verba poëtarum: Virgilium, ac Horatium imi-  
tatur maximè. Et quoniam poëma debet esse reconditum,  
teste Cicerone, historicam quandam veritatem verborum  
nonnunquàm integumentis obumbrat: tum etiam breuif-  
simis quia versibus omnia pingit, poterit fortassè (quia  
breuitas est obscuritatis mater) quibusdam videri subob-  
scurior. Has tamen spinas, & vepres omnes facillimè tol-  
let frequens eiusdem lectio, & diligens consideratio. Nus-  
quàm enim sui dissimilis est. Nam quāuis πολυτῶρες, ac va-  
riæ lectionis fuerat Chalonerus: vtilitatem tamen potius  
vera, quàm ostentationē varia eruditionis mihi quæsiuisse  
videtur. Sed de his hactenus. Nunc igitur cum reliquis e-  
iusdem rapsodijs (amplissime Cæcili) ad te τὸν πολιτικῶτατον  
Chaloneri τῷ πολιτικῷ remitto τὴν πολιτείαν: sed cultiore,  
quàm antea fuerat forma, habitūq. vestitam: qua tibi quo-  
ties libeat, licebit uti, & frui. Non enim quibuslibet scri-  
ptis animus tuus circa commune bonum occupatus, est im-  
plicandus: sed hijs maximè, quibus defessus refocillari, ac  
iuuari Respub. potest. Ita ut grauiora negotia, ac studia tua  
hysce studijs amœnioribus, nec minus frugiferis condire  
queas. Solent enim peregrinantes, qui longinquum, ac ar-  
duum iter ingrediuntur, cum aliquantulum confecerint,  
quasi subdesse in locum amœnum animi relaxandi causa  
de via aliquādo secedere. Tu verò quàm longum, ac spino-  
sum iter iamdiu ingressus sis, grauisima ad nominis eter-  
nitatem istius Reipub. Atlantis instar, hameris tuis onera

supportando, non modo nostratibus, sed exteris etiam nationibus notissimum est: qui proprijs, ac domesticis neglectis commodis, Reipub. curas in te libenter susceperis, ades tuas tam pauperioribus, quàm ditioribus aequè patefeceris, quamplurimorum causas benignissimè audiueris, controversias equissimè direxeris, Academiam Cantabrigiensem foueris, ac sustentaueris, neminem denique, in quo aliquis virtutis scintillula appareret, tristem à te dimiseris. Sed ne videar λύχρον ἐν μεσημερίᾳ ἀπλεῖν, sic tuis de laudibus, quomodo Salustius de Carthagine, concludā. Nam de Carthagine silere malo, quàm parum dicere: tum etiam ne mihi fortè, si in laudes tuas decātando longior essem, succenseas, ut est apud Euripidem in Iphigenia.

Αἰνέμενοι γὰρ οἱ γὰρδι, τρέπον τίνα

Μισῶσι τὸς αἰνῶντας, ἐὰν αἰνῶσ' ἀγαν.

Sed loquacitatis, quàm ingratitudinis mihi notam inuri malim. Nam quum ingratus non modo sit, qui beneficium acceptum non fateatur, eiusdémue immemor videri velit, sed qui in alijs expressam virtutis imaginem contemplādo, eandem nulla unquàm ratione, cum poterit, exprimit: in utroque nunc genere peccāsem, si praesentem occasionē negligendo, alterutrum consultò praetermissem. Etenim quas, quantūsq; Heroica virtutes tua mereantur laudes, ita ut per singulas huius regni partes disseminentur, neminem penè latet. Me verò Londinum ab Antiochena ciuitate, Constantinopolitana seu Byzantiaca, Hierosolymitana, aliisque nonnullis illustribus Asia, ac Europa ciuitatibus, & prouincijs reuersum (cum ab honorādo illo Domino Ambrosio Cano in tuam praesentiam primò deductus fueram) quàm humanitè exceperis, mensa tua communicaueris, quemadmodum cum nobilissimo illo, ac illustrissimo Comite Leicestrensi, Domino meo semper colendissimo, ac eximio patrono, teipsum meam in gratiam coniunxeris, atque cum illo propter me Regie Maiestati supplicaueris, omnibus demum humanitatis officijs profecutus sis: ipse mihi

*mihî optimus testis sum, & quoad vinam reminiscar, nec idē sēpius meorū quamplurimis predicare destiti. Quorsum hæc? Nempe ut cognoscas me de præsentî hac oblata animum testificandi apud te meum occasione latari, nihilque mihî magis in optatis esse, quàm istam tuam in me propensam voluntatem honesta aliqua ratione magis magisq; demereri. Etenim est ingenui (ut ego interpretor) ac aperti hominis conari, testatâ animi sui gratitudinem illis, quorum apud se beneficia constant, relinquere. Hinc etiâ sit, ut egregia illa Chalonera, eiusdēque optimæ spei filius, illustris illius Chaloneri hæredes, lautam hanc supellectilem iamdiu adibus inclusam, lucubrationes nimirum hæc præsentēs tibi, cui uni dum viueret, debebat ferē omnia, libentē nunc demum excludant, offerant, atq; dedecent. Quod officiosē ab illis factum, tuo iure expectare, ac vendicare possis. Nam cum gratissimus ille, tuique studiosissimus Chalonerus, non solum (quod certissimē scio) opera, suæ lucubrationes suas, sed filium etiam unicum testamento tibi reliquerit, & in tuam solius tutelam legauerit: æquissimum est, ut non solum eorundem possessionem, sed usum fructum etiam retineas. In quo quidem cum officij probentur illi memores, tum hoc unum mihî cum illis conuenit, unica ista vel maximē ratione, videlicet nominis tui celebritate laboribus nostris à bonis honestam opinionem, ab inuidis munimen parari posse. Debitum igitur hoc nostrum in te (honoratissime vir) officium eodem nunc animi candore, precor, accipe, quo me domum peregrē regressum complexus es. Sic magnas meorum in te accessiones facies, studiū meum posthæc exacues, alioque ad maiora summæ humanitatis tue contemplatione, concitabis. Vale maximum studiorum decus, studiosorum ornamentum. E schola Paulina, pridie Idus Augusti.*



PRAECLARISSIMO VIRO,  
DOMINO GVLIELMO CÆCILIO,  
EQVITI AVRATO, DOMINO BVRGH-  
lcio, summq Angliæ Thesaurario, & suo Pa-  
trono vnico, Thomas Chalonerus F.  
Nestoreos precatur annos.

**E**C TE nos suadet Isocrates, (mi Meccenas vnice) decere nimirum liberos, quemadmodum in re familiari relicta, sic in paterna amicitia, & beneuolentia succedere.

*Πρέπει γὰρ τὸς παῖδας, ὥσπερ τὴν οἰκίαν, οὕτως καὶ τὴν φιλίαν τὴν πατρυνῆς κληρονομεῖν.*  
Nam in hoc excolendo magna vis honestatis sita est, & ingens in negligendo, dedecus. Ego verò, Deo auspice, quantum in me est, sic actiones meas, & reliquum vitæ cursum posthac moderabor, vt & tui semper obseruantissimus esse, nec à paternis, quibus me dudum antegressus est, vestigijs, aliquando deflexisse, videar. Quibus, quantisque nominibus tibi, vir honoratissime, cui vni debebat sanè omnia, pater meus dum viueret, fuerat deuinctus, quàmque intimè eundem complexus es: nostrates ferè omnes vel me tacente sciunt, & eodem iamdiu demortuo, ego cum matre mea charissima ad nominis tui perennitatem, & singulare beneficium nostrum, indies experimur. Nam non solum eandem viduam omnibus in causis vmbra auxilij tui texisti, sed nunc etiam in matrimonio cum domino Broketto vitrico meo iunctam, defendis. Me

verò quantum hætenùs rure commorantem semper  
foueris, & nunc in Oxoniensi Academia studentem  
bonis literis sedulò erudiendum cures, cum neminem  
meorum lateat, non opus est attexere. Pro quibus om-  
nibus maximas tibi in præsentia & agimus, & habe-  
mus gratias: & cum referre nobis nullo modo liceat,  
assiduas ex animo Deo Opt. Max. pro salute, ac inco-  
lunitate tua suppliciter preces fundimus. Adferimus  
nunc igitur tibi (Patrone rarissime) cum alijs quibusdã  
fragmentis, decem de Repub. libros, paternas scilicet  
opes ex maternis ædibus profectas, procuratione, &  
ipso iure tuas. Nam cū pater meus moriens non tātum  
hos libros, sed me etiam ipsum tibi pro legato, suo te-  
stamento reliquerit: par est, vt cum ego filius adop-  
tione tuus factus sim, vt nostra omnia tanquàm accef-  
soria, me quoque sequantur. Satis enim præsidij fortu-  
nis, ac facultatibus meis in vestra solius benevolentia  
esse relictum, expertus in vita nouit. Quæ omnia do-  
mestica nostra perinde sunt, vt tu vnus acceperis.  
Tantum hoc cupio, & à teipso (vir illustrissime) flagi-  
to, vt propensam hanc gratiamq; voluntatem in te no-  
stram, & alienam in his perpoliendis industriam bene-  
uolè, vt soles, interpreteris. Deus te quamdiutissimè  
seruet in eodem statu, in quo nunc es florentissimo.  
Oxonij è Collegio Magdalenensi, Calendis Augu-  
sti. 1579.

*Guliel. Malim candido Lectori.*



Tſi vereor (optime Lector) vt par  
eſt, doctorem reprehensionem, ac  
prudentium : non ita tamen reformido,  
vt propter hoc honeſtam à me cauſam  
negligentiæ latebras quærendo, abijciam,  
vel tanti Herois iuſta petitione (qui mihi  
imperare ſuo iure poteſt, & debet authoritate  
me frangere) nihil mouear. A quo, dum illi  
paruerim, deſiderari malui perfectionem,  
ac diligentiā meam, quam ſi id non  
feciſſem, beneuolentiā. Nam ſi meapte  
ſponte in hunc laboris labyrinthum memet  
præcipitaſſem, iuſtè tum quidem temeritatis  
ad me reprehenſio potuiſſet allini: ſin  
illius rogatu hūc deſcendendo (quem noſtrates  
tantoperè amant, exteræ nationes propter  
prudentiam admirantur) non me decuit  
*δοῦναι χεῖρ.* Afferimus itaque nunc tibi  
clariffimi illius Chaloneri decem de  
Repub. libros, ac reliqua eiufdem  
opuscula nonum nunc depreſſa per annum  
(vt Horatius ſuadet) varijs temporibus,  
varijs de rebus ab eodem elucubrata,  
ac horis ſucceſſiuis à me correctæ,  
ac locupletatæ. Quibus ex laboribus  
meis, ſi quid tibi voluptatis legendo,  
vel utilitatis emerſerit, excellētiffimo  
illi Cæcilio, ſummo huius regni Theſaurario  
iſtorum librorum uſuram, inclytis Chaloneri  
hæredibus fortem acceptam referre debes.  
Quid verò nunc ego ſeparatim in hijsce  
libris præſtiterim, non opus eſt repetere:  
actum enim agerem, ſi ſuperiora in  
minutas partes excutiendo, euentilarem.  
Ità vt non tam quærendum tibi ſit, quid  
à me nunc expectare poſſis, aut pertexi  
velis: quàm à teipſo mihi impetrādum,  
ne antè de labore hoc noſtro iudicium



facias, quàm cum iudicio, hoc quod in manibus est, perlegeris. Duo sunt crura, quibus nō modò incumbunt bonæ literæ, sed quibus etiam imprimis propagantur, & conseruantur, diligentia nimirum, & fauor: quorum illa ad me, aliósq̃ue spectat omnes, qui aliquid corrigere, explanare, vel in medium asferre conantur: hic verò non modò sese ad bonarum literarum patronos porrigit, verùm etiam alienæ industriæ censores. Horum enim interest studiosis non solum fauere, sed illorum quantum possint studia impensius alere, ac fouere. Sed nihil cuiquam præscribo. Hoc me nunc egisse spero, alienis laboribus meas manus admoliendo (si quid omissum, aut non rectè commissum fuerit) vt si non laude satis dignus, æquo tamen Lectori venia saltē non prorsus indignus esse videar. Quòd si in istis subodorandis fuerit nasutior aliquis, quàm est necesse, non magnoperè laboro. Tantum enim abest, vt illi succenseam, eidem vt libentè ignoscam: qui tum rectius, ac æquius de alijs sentire discet, cum ipse alios fructuosum aliquod docere sciet, aut volet. Vale.

IN



# IN ORNATISSIMI EQVITIS,

THOMAE CHALONERI DECEM DE  
Repub. libros, Laurentius Humfredus.

**P**rosperitas, generis splendor, praeconia Martis,  
Militis aurati nomen, Equestre decus :  
Hac sunt magna quidem, verum terrena, cadentque :  
Terra suum repetit, quod dedit illa, vorat.  
Hac tua sunt Chalonere, tuæq; insignia gentis,  
Immo non tua sunt, dico fuisse tua.  
Hac tua sunt acies mentis, doctrina, Camena,  
Ingenij factus, gloria Pieridum.  
Hac monumenta tui consumet nulla vetustas,  
Fama manet doctis perpetuata libris.  
Non sic exornant gemmae, non marmora durant,  
Vivet scriptorum gloria sola tibi.  
Instituis pubem, civesque, & percolis artes,  
Rustica facunde, classica rite canis.  
Qui sint regnorum nervi, Respublica florens  
Qualis, per bello carmine significas.  
Christe tuo clauo nostratē dirige nauem,  
Hanc o Christe fove, perpetuoque bea.

## GVLIELMVS FLEETWOODVS

Recordator Londinensis.

**P**ensa notant Chalonere tuos finita labores,  
Magnanimus veluti noscitur ungue leo.  
Te iuuenis iuuenem noui, quem cura scientem  
Reddidit, expertum tempora longa virum.  
Vicisti tamen vsque tuis virtutibus annos :  
Plurimus hinc scriptis omnibus vsus inest.  
Quaque diu lapsa est, Respublica nostra resurgit,  
Per te quando nouas discit inire vias.


*Heroas tantis nostrates laudibus ornans,  
Efficis officij tu videre memor.  
Metra Sophocleo quòd surgant vestra cothurno,  
Ingenij nervos dexteritate probas.  
Que quoniam caute nonum premerentur in annum,  
Accèssit titulis tempore maior honos.  
Chare mihi Chalonere vale, si fata dedissent,  
Dignus eras Pylj vivere secla senis.*

*Christophori Carlili carmen.*

*C*Armina suaui loquens emendat clauda Malimus,  
Carmina concinnis perpolit apta modis.  
Est de defunctis meritis benè manibus ille,  
Qui sobolem digno donat honore rudem.  
Dulce Chaloneri fateor que pœma periti,  
Ingenij sobolem fertilis esse suam.  
Splendor debetur tam charo quantus amico,  
Qui tanto absentes ornat honore viros?

*Eiusdem.*

*Qui novas terras, peregrina regna  
Lustrat, haud ullum fugiens laborem,  
Est is in summo pretio vehendus  
Laude perenni:  
Pertulit frigus, toleravit æstus  
Fervidos, fluctus tulit & marinos,  
Quò suo posset patriam iuvare  
Marte Malimus.  
Denj tandem rediens ab oris,  
Artibus, linguis, iuvenes ad omnem  
Regulam vitæ renocat, decorum  
Discere suadet.*



EDOARDVS VVEBBVS

ROFFENSIS.

**S***ilabor, & laus est, peregrinis edita linguis*  
*In patrios quenquam vertere scripta sonos:*  
*Si labor, & laus est, inuentis addere primis:*  
*(Quod nemo inficias vel mediocris eat)*  
*Huic an danda forent hederateæserta pœtæ,*  
*Ausim iudicio linguere Mome tuo.*  
*Dignus eras vixisse diu Chalonere, Britannum*  
*Gloria, in aeternum viuere dignuseras.*  
*Te tamen extincto superant tua pignora nobis,*  
*Quis fugienda doces, quis imitanda doces.*  
*Verum quanta tibi debet tua patria, tanta*  
*Debes Malimo tu quoque iure tuo.*  
*Scilicet hic corrupta graui tua scripta labore*  
*(Qualia si legeres vix tua scire queas)*  
*Hic inquam, sudore graui cultissima fecit,*  
*Diluit in varijs crimina crebra locis.*  
*Quid referam? multum gens Anglica debet utrisque,*  
*Cum Malime tibi, tum Chalonere tibi.*

# BARTHOLOMÆVS CLERCVS LEGVM DOCTOR,

*Curie Cantuar. de Arcubus Lond. Decanus,  
Gulielmo Malimo suo S. P. D.*



VM ad aures meas fama percrebuisse (Malime doctissime) Chalonerum nostratem decem de Repub. libros Heroico carmine scripsisse, eoque nobilissimo Domino Burghleyo, summo Angliæ Thesaurario dicasse: perculit animum meum singularis (nescio quæ) de libris illis opinio, & propter authoris excellentiam, & propter Patroni authoritatem. Postea cum eisdem tuis castigationibus commissos audirem, non dubitabam, quin satis politè, & elegantè in publicum prodirent: verebar tamen (id quod sæpenuerò tali in re solet fieri) ne spei nostræ, atque expectationis magnitudo, librorum elegantiam, vbi primum in illos incidere, paululum apud me imminueret. Nunc vero cum illos per tuam humanitatem semel atque iterum viderim, tantum in illis grauitatis, ingenij, lectionis, artificij conspicio, vt contra communem consuetudinem, spem, atque expectationem meam, ipsa poësi, scribentisque virtute, & præstantia multò inferiorem consitear. Numeros habet illius carmen Vergilianos, inuentionem Homericam, phrasim, & venam diuitem, reconditam, admirabilem, & (vt pressè dicam) verè poëticam. Hanc artem etsi Aristoteles inter virtutes Heroicas enumerarit, vt potè qui mentes artificum excellentium diuina quadam flamma cœlitus incendi putauit: tamen ego Chaloneri nostro non nudam solùm poësim attribuendam puto, sed veram etiam philosophiam: qui generales philosophorum de Repub. instituenda regulas, in particularia præcepta, & practicas conclusiones suis carminibus sic diduxit, vt illas non iam à Platone, aut Aristotele audire, sed à Chaloneri nostro oblatas, manibus contrètare videar. Quare & Chaloneri doctissimo gratiæ immortales sunt agendæ, qui hæc ad nostram omnium vtilitatem conscripsit: & Thesaurario nobilissimo, tanquam vnico doctorum Meconati, qui ista nobis diuulgauit: & tibi, qui castigationibus doctissimis effeceris, vt illius scripta emendatè, & politè in lucem prodeant. Vale è nostro Museo, vij. Calendas Augusti. M. D. LXXIX.

GVLIELMI



# GVLIELMI MALIMI IN SIN-

GVLORVM DECEM DE REPVB. LIBRO-

*rum argumenta, Οἷος ἔστιν.*



## I.

**I**N primo Brittanna graues Politeia libro  
Indignis lacerata modis, dat ab ore querelas.  
Angliacæ diuersa refert encomia terræ.  
Vtque Deo dignos referamus supplice cultus  
Corde monet: stolidos reprehendit postea nautas,  
Quorum luctifici causa est inscitia damni.  
Hinc Euangelij doctoribus admonet aures  
Intendens vulgus, mores componat, vt æquum est.

## II.

**M**onstrat vt à cunis soboles sit alenda Secundus,  
Vt pia se præstent pueris exempla parentes.  
Taxat eos, titulis quos luxuriare paternis  
Non puduit, patrijs cum nil virtutibus addant.  
Inde notat quænam fiet indulgentia matrum.  
Carpit & hæredes, qui dempto patre paternas  
Diuitias, & opes in luxum, & scorta profundunt.  
Heroas canit Eduardo cum rege Britannos.

## III.

**T**ertius à studijs, stolidi quos ima popelli  
Fex generat, stupido nimum crassoque cerebro  
Natos, ingenua & dissuadet ab arte Mineruæ.  
Sit cœcæ vis quanta Deæ declarat, & ægræ  
Fert, quòd in has fuerint transuecta exotica terras,

Anglica vel modico quæ funderet ora labore.  
Diuitias auido reprehendit scœnore partas.  
Et malè fucato condemnat hypocrisim ore.

IIII.

QVartus aratra pedo præponit, & irrita legum  
Fulmina conqueritur: dānantur auara colonum  
Pectora: in externas malè transportarier oras  
Plebs patitur fruges: tam crebrâque pascua taxat,  
Neglectósque agri cultus: pòst concinit vnde  
Turba tot erronum satagat sibi quærere victum.  
Oceanum ob pisces pulchrè commendat, & vdo  
Neptuno statuit libamina thugea demus.

V.

QVintus vt ardenti laudatus pectore ciuis  
Pro patria pugnet, laribúsque, & coniuge, suadet.  
Hinc iuuenem Musis primùm, castrensibus inde  
Postulat instructum studijs, prodesseque multum  
Eloquium in bello memorat: quæis debeat armis  
Vti miles, & hic quòd ferre famémque, siúmque  
Non renuat, proprijs patriam tueamur & armis  
Admonet, & quæ laus subdat calcaria, narrat.

VI.

SExtus equos alijs quoniam mercamur ab oris  
Conqueritur, proprijs quando ad castrensia terris  
Munia quadrupedes facile est nutrire: monétque  
Vt non tam nitidis Equitum decorata tapetis  
Aula micans extrà, pulchrisque extructa columnis,  
Quàm camera interiùs telis castrensibus ipsum  
Commendet dominum patriæ suspensa parentem.  
Pòst tormenta refert, aptâsque ad bella sagittas.

VII.

SSeptimus vt faustas Saturni Patris ad oras  
Transuectus fuerit canit, & quæ viderit illic.  
Cordâque nostratum nimium præpostera carpit,  
Vt potè

Vtpotè qui nullum reputent pretiosius esse,  
Quàm carum, ac alijs quod transportatur ab oris.  
Inde dolet, queriturque homini quòd necat iniquas  
Alter homo insidias, quòdque hospes ab hospite tutus  
Esse nequit, gnatúsque suo struat arma parenti.

VIII.

**O** Ctauis grauiora refert incommoda ciues  
Stringere, cum certant odijs cõmunibus, alter  
Alteriúsque petit iugulum, quàm mille phalanges  
Hostiles si quando struant in moenia technas.  
Liuorémque norans mordaci carmine, punctim  
Vt figulus figulo, fabro faber inuidet, infert.  
Posteà quæ nostrúm gula sit, luxúsque virorum,  
Turpior & reliquis damnosa superbia, pingit.

IX.

**N**onus foeminei quæ sit petulantia sexus,  
Quis fastus, tum quæ morosa proteruia, mōstrat.  
Inde monet qualem deceat duxisse puellam,  
Nec sponsa optato nimis immatura marito  
Iungatur, miserè torpere per otia corpus  
Neu sinat, ast aliquas in queis versetur opellas  
Iugitèr exquirat : sacros extollit honesti  
Coniugij ritus, & cunctis suadet idipsum.

X.

**C**om mendat leges Decimus, dubiámque tyrannúm  
Cõmemorat vitam, quam mille pericula cingūt.  
Tum queritur, leges quia permutantur in horas.  
Stultitiam taxat vulgi : ciuilia damnat  
Dissidia : integram noctem dormire regentem  
Dissuadet, quales regem per somnia curæ  
Discrucient, referat : ne Princeps prodigus extet  
Suadet, adulantúm neu det sermonibus aures.

FINIS.







# DE REP. ANGLOR VM INSTAVRANDA,

Liber primus.



Aivs opus moneo, stipula quàm  
 pangat agresti  
 Quilibet ad patulam sagù pro-  
 iectus in umbra  
 Pastor, ubi aestivo stridunt sub  
 sole cicadae  
 Per sata, iam dudum flauis nuta-  
 tia spicis,  
 Sapius ipse sitim fontano flumine sedat,  
 Qui procul ut summa pendentes rupe capellas  
 Frondentum cernit fruticum decerpere tonsas  
 Ore comas, alacrig, ex hinc colludere saltu,  
 Magnum habet alternis Mopso certare sodali,  
 Phyllidis argutos oculos iuuenilius ipse  
 Dum ciet: at niuea praefert ille oscula Nise,  
 Hic te (magna Pales) hic te (Pan piniger) altè  
 Personat inflatis, syluestria numina, buccis.

Rura suas habeant alijs laudanda Camenas,  
 Immemor atque herba stupeat pecus omne Menalcam,  
 Dum canit: Arcadicis non sunt hac apta cicutis  
 Carmina, sed plectro potius tractanda potenti  
 Illius (ut perhibent) quem Sylva, & saxa canentem  
 Audierant, positoq, stupebant flumina cursu:



*Aut noua Dircæis primus qui mænia Thebis  
 Constituit, silices ipsos testudine mulcens.  
 Quum videar, dempta figmenti ambage, laborum  
 AEmulus, & studio ductus propè fungar. eodem,  
 Ius, mores, ritûsque, atque incunabula gentis  
 Effrene, in melius fausto deflectere versu.  
 Si tamen haud vano saluunt mihi pectora nifu,  
 Nec frustra resides Musas exciuit Apollo  
 Sanctior, & patriæ numen venerabile nostræ,  
 Quam colimus, semperque pio re fouebimus ipsi  
 Conatu memores, ceu quisquis sacra parentis  
 Antiquæ decora (heu nimium collapsa) reponit.  
 Nam mihi non dubio visa est se ostendere spectro  
 In somnis, lacerata comas, circumdata amictu  
 Pannoso, & varijs centonibus undique fædo,  
 Undique inaequali, qualem nec fœmina possit  
 Ritè suam, nec vir concinnus dicere vestem.  
 Quippe tegens talos illinc stola fluxit ad imos:  
 Hinc medias vix usque nates succinctior ibat:  
 Vellera commiscens Cilicensi Serica villo,  
 Totâque neglecto propria telluris honore  
 Degener externis cingebat tempora plumis.  
 Ex humero pharetram telis gestabat inanem,  
 Ingentem & laua sine neruo aptauerat arcum;  
 Cincta latus gladio obtuso, cui cuspide dempta  
 Plurima desuetum infecit rubigo nitorem.  
 Quoque etiam mirere magis, differtior ensis  
 A capulo duplici pendebat mantica sacco,  
 Causidicûm retgens per trita foramina cartas,  
 Fasciculo innumeros unâ cogente libellos.  
 Sublatæ, & capiti admotæ conamine dextra,  
 Nescio quid supplex signans, similisque petenti  
 Implorabat opem. Specie dein corporis ipsa,  
 (Hæc mihi) quam se aliena stetit? veterisque figura  
 Dissimilis,*

Dissimilis, notos non amplius extulit artus.  
 Ampla caput, paruos humeros, & brachia parua  
 Quæ facile obtegeret porrecta verticis umbra:  
 Non quia mole foret capitis pronectior aquo,  
 At capiti exiles humeros, & brachia, tanto  
 Decreuisse videns, optasset Symmetriastes  
 Illa etiam iusta rursus pro parte reponi.  
 Colla sibi inflatis turgebant obsita strumis:  
 Cervicisq; retrò gibbus deformiter arctis  
 Excepit scapulis: sed enim (mirabile dictu)  
 Vberibus centum pectus manabat opimum,  
 Et totidem lactis riuis operosa fluebat,  
 Undique inexhaustos promens à corpore succos.  
 Tota ad aperta sinus, laterumque torosa renudans  
 Ventre tenuis, vasto sed distentiſſima ventre,  
 Et femora, atque nates referant quæ dolia forma  
 Vix bene distortis ferret quæ pendula suris.  
 Longa per extensum procurrens tibia nullis  
 Musculorum \* ordinibus, æquè tendebat ad ipsos  
 Indistincta pedes: sed nec pede clauda valebat.  
 Cætera repletis pollebat succida venis:  
 Et roseum referens rubicundior ore colorem,  
 Visa fuit non tam macie deformis, ab ipso  
 Quàm potius nimio forma cecidisse decenti.  
 Immortale tamen frontis decus, atque virentes  
 Nulla genas potuit tam tristis perdere imago,  
 (Ipsa licet lacrymans, & mæsto nubila vultu,  
 Penè fateretur contractum corpore morbum;  
 Quin aliquà exprimeret vestigia certa decoris  
 Antiqui: postcæq; illud (nec amabile velle)  
 Restitui in melius, quamvis seiunctior Indis,  
 Antipodasue colens, vix hanc à nomine nôsses.  
 Mirabar: nec quæ, nec quo sata diua parente,  
 Nec quibus ex oris, poteram cognoscere signo

\* Cæsuræ.

Perspicuo, cælumne colens, terrâsne, vel vdos  
 Per maria alta sinus, an furui mænia Ditis,  
 Multâque coniiciens dum longius illa remoto  
 Distaret spacio, quoniam pharetrata Diana est  
 Venatrix, laterique canem solet addere fidum,  
 Hæc quoque quadrupedem loro per colla reuinctum  
 Duceret, esse aliquam Trivia de gente putabam  
 Stultior : ille etenim fidus comes, ille molosum  
 Ingressu primo referens, turpissima tandem  
 Quum propè factus erat, sit simia, corpora saltu  
 Huc, illuc, agili iactans per inania, collum  
 Atque humeros domina, quandoque & crura petulcè  
 Insiliens, rictûque ipso ridenda, proteruus  
 Monstrabat fædè diducta per ora lacunas.  
 Usque adeo, ut ni me stupefactum inculta magistra  
 Turbasset species, potuissem non sine multo  
 Bestiolam ad quidvis mimam spectare cachinno.  
 Verum, ubi noscenti similis vicinior illa  
 Astitit, atque latus blande connixa iacentis  
 Attigerat, clara compellans denique voce,  
 Dirigui : horrentesq; comas cutis aspera duro  
 Frigore contraxit : glaciem sentire medullis  
 Visus eram : nec vox tremefacto pectore quicquam  
 Ter conata loqui potuit proferre petenti.  
 Tum dea (sentit enim) fili ô charissime, dixit,  
 Pone metus : non hic lemures, lamiâsue nocentes  
 Pertimeas : tua sum genitrix, vitalibus auris  
 Nascenti quæ prima dedi incunabula vitæ.  
 Mater ego infelix, prabens hæc vbera alumnis  
 Indefessa meis : semperq; benignior extans  
 Ingratis : meruisse alio procedere cultu  
 Quid iuvat ? indigno postquam violata meorum  
 Consilio, fædas referam pro munere sordes?  
 Scilicet hoc meruit pietas mea ? dispice saltem

Effigiem hanc misera: tum si quid corpore nostro  
 Dissipicet, hoc totum scito euenisse per illos.  
 Nempe ego vicinis vel nunc regionibus almo  
 Anteferenda situ, tam pinguis & insula gleba,  
 Illa ego, quondam opibus, rerumq. Britannia dote  
 (Heu) nimium felix, certè inuidiosa videnti,  
 Non semel ut gemitu liuens detexerat hospes,  
 Ecce vides quantum facie mutata priori,  
 Cogar inexpletos animos lugere nepotum:  
 Qui mea sic studio turparunt membra supino.  
 Hæc effata gemens, imo suspiria duxit:  
 Humida nec lachrymis caruerunt lumina obortis.  
 Visa fuit nimio verba imperfecta dolore  
 In medio questus superata abrumpere cursu.  
 Hic ego paulatim pulsa formidine, fibris  
 Ut vigor, ac notus redijt calor (ora loquentis  
 Lenia nam fecere animos) sic farier ultro  
 Incipio, & magnos matris lenire dolores.  
 O mihi certè oculis, certè ista dulcior aura,  
 Chara parens (si me non vanis improba falsum  
 Ludis imaginibus) sic nostros fata secudent,  
 Et mihi currentes foueant successibus annos  
 Sydera fausta nouis, ut te deformiter isto  
 Aspiciens habitu, doleam, & compungar ab imo.  
 Tene ita (proh mores, maculosaq. tempora) ferre hæc  
 Que nec ab hoste feras ludibria tanta tuorum?  
 Ah piget: & si non deterrima pectora quicquam  
 Penitet, at pudeat meliores: omnibus una  
 Forsan aberrandi non stat sententia menti.  
 Dic age quid cupias: me fido vtère ministro:  
 Nam tua non tacitis vulgabo oracula scriptis:  
 Quicquid erit, pulchrum est patria profundere vitam.  
 Illa nihil contrà, nisi que proferre modesta  
 Debit: ecce vides quantum mutata recliner,

Quantaq; nunc, ipsa me iudice, fabula fiam.  
 Quorsum opus, ut longis reficem mea vulnera dictis?  
 Quod doleo, ac pereo, totum hac sub imagine pictum est.  
 Viue, vale, nostri memor: et si pectus honesti  
 Cura subit, patria aut quicquam pietate petentis  
 Duceris: hæc scripto actutum committe fideli.  
 Ipse Deus qui prima dedit consortia genti  
 Humana, voluitq; pijs sub legibus omnes  
 Viuere ad exemplar patrie celestis, abunde  
 Cetera dictabit. Nec & hoc sine numine factum est.  
 Dixit: & excusso vigilem frustrata sopore,  
 Liquit: & in tenues abiens disparuit auras:  
 Qualis ab exesatandem pinguedine flamma  
 Deficit, & noctis tingit caligine vultum.  
 At mihi vibranti salientia viscera pulsu,  
 Vdus & à toto distillans corpore sudor,  
 Spem dederant non hæc vanis simulachra figuris  
 Morphea mentitum: (tam certo somnia visu  
 A capite ad calcem quum raro equalia constant)  
 Quin potius verè genij melioris ab arte,  
 Ostentum hoc tacito subtus contendere sensu.  
 Natiuos etenim non ficto corpore vultus,  
 Membra simul patriæ reputans pulcherrima nostræ,  
 Qualia terrarum reliquus vix exerat orbis,  
 Esse aliquid rebar magni discriminis, isto  
 Cur habitu, hos artus tantum mutata referret.  
 Nam quatinus alio tendentem Cynthia ipse  
 Me vetet incepto quicquam diuertere cursu,  
 Aut Satyra accedens in laudem exire poemæ:  
 (Quum nemo ex igno possit comprehendere versu  
 Iusti operis molem, qualis qui dona Britanni  
 Amplæ soli studio peruerso cogat in arcum)  
 Attamen, ut partè liceat laudare merentem,  
 Phæbe precor facilis veniam largire petenti.

Pauca legam : & pronos iusta indignatio versus  
 Sponte sua faciet : nam quæ facundia plenis  
 Extulerit velis diuinæ ordine dotes?  
 Seu canimus colles pulchros, & amana viroris  
 Perpetui totis passim spectacula campis,  
 Sine metalliferas montana per ardua venas,  
 Aut nemora, & gratis sylvas secessibus aptas?  
 Vndique fonticulis salientis murmure lymphæ,  
 Incundam medio requiem suadentibus æstu.  
 Dein, quæ Maronij contendens cura poetæ  
 Ritè pares rerum pro maiestate camenas  
 Afferat? ut cultos nostris regionibus hortos  
 Prædicet? aut latas valles, aut florea prata,  
 Quælia Naiadum tenero pede turba sororum  
 Lasciuus cupiat longum exercere choreis?  
 Parte alia, docilem peregrino semine terram,  
 In quodcunque voces (ne quis desyderet vsquam  
 Vndantes late distentis fructibus agros,  
 Ruræque fecundis Cereris nutantia donis)  
 Si canat altiloqui sublimis musa Maronis,  
 Vix canat : ipsa modos ut duplicet : ille Gradini.  
 Arma virumque licet nostræ telluris amore  
 Deferat, & totus repetita Georgica tractet.  
 Pascua nam certè rediuiuo vberima succo.  
 Penè fidem superant : armenta expleta peritis  
 A dominis cernas, non dum satiata, reduci  
 Sæpè domum, nimio ne rumpant ilia pastu.  
 Rursus at exesis is pullulat humor ab herbis,  
 Vt si manè petas, noctem non ampliùs vnâ  
 Interhibens, frustra proiectam gramine virgâ  
 Iam super inductam rediens quesuisse labores.  
 Nunquam igitur tantis mortalis fistula rebus,  
 (Iudicet ipsa Pales) censebitur aqua canendo.  
 Pasce boues iterum : ne queras Thessala rura,



(Delie) sume Lyram: quod laudes dignius, hic est.  
 Sive canas vitulos, Lactentia corpora, Pandis  
 Naribus adstantum pulsantes ubera matrum,  
 Vbera, non ipsam tantum tangentia terram,  
 Et que terna die vix dum mulctralia siccent,  
 Sive canas, mensa dubie laus prima iuencus  
 Quantus ad ethereas tollat se cornibus auras.  
 Quin etiam tenera que vis occultior herbe  
 Montibus aquatis, leuataque per iuga formet  
 Lanigera pecudi preciosam vellera mercem,  
 Vellera mollicula Serum certantia bysso,  
 Queque suis Pallas deponat cassia palmis,  
 Pan Deus arguta recubans si pangat auena,  
 Pan Deus insoliti tactos modulamine cantus  
 Adstantes stupeat, Syluestria Numina, Faunos  
 Suspensosq; Palen, Satyrosq; ad carmina gressu  
 Tot circum glomerari: auscultans rupe sub ima  
 Miretur pastor Corydon: miretur Amyntas.  
 Præterea volucrum sylvas, aut stagna colentum,  
 Innumera species alis quantum aëra densent?  
 Aut quota dumosos colles terat ungula cerui  
 Alipedis, pictæque ante ora latrantia damæ,  
 Millia quot pavidò fugiant per devia cursu?  
 Exin nauigero quæ flumina progerat alueo,  
 Bis refluum quocunque die instaurantia cursum,  
 Quosque lacus, quæ stagna canis piscosior edat  
 Visceribus venosa parens, mirabile fibris  
 Quot passim exsudans, dum glaucis amnibus urnas  
 Implet arundinea velatis tempora fronde,  
 Aut demum toto ludentes littore, Nerei  
 Squammigeros latè variata per agmina cætus  
 Ut foueat, cæco præbens vada tuta recessu,  
 Si memorem: memorare iuuet simul insita celo  
 Sydera: & Archimедem sæcter numerator arena.



Sed tantis quum tanta viget, tamen omnia vincit  
 Addita temperies, cælique beator aura.  
 Torreat ardentis Phœbus si terga leonis,  
 Tuta suo superant hic semper gramina rore,  
 Intensos Zephyris blandè mulcentibus æstus.  
 Canaue si gelidis rigeant iuga summa pruinis,  
 Est rigor ille tamen tolerabilis: & citò victus  
 Lentescit, tepidòsque resoluitur æstus in imbres.  
 Vnde etiam hac hominum producit corpora tellus  
 Viuida: proceros natis & temperat artus  
 Formosis: niueum, Tyrio miscente colorem.  
 Adde, quòd ipsa situ toto celeberrima proset  
 Cincta mari: & vitreis contemnat manibus hostem.  
 Hinc sua Sarmaticis obuertens cornua terris,  
 Germanos, Rhenumque patrem, Batauòsque salutans,  
 Hinc Gallis obiecta, sinus procurrit ad ipsos  
 Hesperia: & latè commertia mutua miscet,  
 Tot populis fidos concedens hospita portus.  
 Haud aliter quàm quæ diuerso littore gentes  
 Italia innumeras peninsula dia tuetur.  
 Hac igitur terra quum sit genuina beata  
 Effigies, talèsq; oculis vberima nostris  
 Promat opes: quem non moueat tam iusta querentis  
 Et vox, & forma species inuersa prophana?  
 Nam quòd in hos potuit sese conuertere vultus  
 Aut patria, aut patriæ genius mandante suprema  
 Sic anima mundi, quæ terra cuilibet addit  
 Custodes genios, nemo non dixerit, alma  
 Qui sacros sophiæ latices à fonte petiuit.  
 Sacrum etenim in terris hominum genus, alta deorum  
 Cura sumus: nos & propter quum cætera fiant,  
 Credibile est bonitate sua nos velle potiri,  
 Qui Deus ipse bonum, non illud denegat autor.  
 Quare etiam errantes reuocans, pietate superna

Dirigit, & cæca lapsos caligine tollit  
 Admonitor, variisque ciens obiecta figuris,  
 Semper adest, loquiturque stupendo incognitus ore.  
 Vnde trahunt pondus semper miracula certum,  
 Et certum scrutata solent portendere finem.  
 Seu rutilis æther cudad metuenda Cometis,  
 Sive per aërios concurrant prælia tractus,  
 Terræque monstrosos producat in omnia partus,  
 Sive aliquod moto monstrum deforme profundo  
 Emicet, aut summas legat ipse Tridentifer undas,  
 Cæruleo inuectus curru, latera ardua circum  
 Cui Tethys, nataque impulsis vorticibus dent,  
 Et Triton, Glaucusque, & Proteus, & Melicertes,  
 Turba vdo comitum genitori affusa bimestris,  
 Seu quæcunque oculis species diuina prophanis  
 Visa parum, raroque aliquo sine pondere visa,  
 Religionem solet trepidantia corda mouere:  
 Imprimis si vox testis demissa per auras  
 Intonet, aut non sœtuum animalia bruta loquantur,  
 Exiliensue adytis virgo furibunda caleseat  
 Plena Deo, crinibusque rotans meditetur anhelum,  
 Mille modi: & totidem curanda piacula surgunt.  
 Hinc ego, nescio quos iam dudum pectore motus  
 Experior: Phœboque sacer, iam non meus, alto  
 Effero afflatu, iuuat indulgere labori  
 Ingrato, & læsi contemnere murmura vulgi,  
 Dum reuoco amissam viuendi rectius artem:  
 Tantus amor patriæ, possessum & cura fatigat.  
 Nempe oculis species iterumque, iterumque petentis  
 Adstat, & infixos inculcat sedula vultus.  
 Sed quid ago? aut quorsum nodosam Sphingam lacezzo?  
 Parce precor dubijs, (Mater veneranda) retortos  
 Aut aperi griphos: positoque enigmate, clarum  
 Pande tuo vati, quem fers sub imagine, sensum.

*Si placet ut nudis tantum hæc miracula verbis  
Describam, nihil ulterius non Oedipus addens:  
Dixi, & quæ dederas plenè mandata peregi.  
Non deerit vaser, emuneto qui cætera naso  
Ciuiibus exponat, Silenòsque eruat altos.  
Sin etiam ulterius cupis hæc ab origine duci,  
Quo posita pulchri specie, deformia contrà  
Facta palam, per se iam fastidita facessant,  
Accingor. Nunc ò Superis placatior oris  
Adsis cura Deum, proles Astræa Tonantis,  
Neu fuge congressus condignè excepta viriles:  
Templa tibi statuent, templisque altaria sanctè  
Rursus adornabunt Nabathæis summa donis.  
Nam quæ (ni socios tu prima, per oppida cætus  
Iunxisses) hominum crudelis vita fuisset?  
Non leo sic Libycis, non Parthis tigris in aruis  
Sauit, nec Geticis errat qui saltibus vsus,  
Vt rudis immani cunctos feritate superstans  
Fertur homo in cædes, & vi grassante rapiñas,  
Indomitos ausus si nulla repagula sistant.  
At tu Diua præ nostros miserata labores,  
Dirigis immixtis paulatim legibus actos  
Conuentus iustumque doces, Numenque vereri.  
Vnde etiam utilitas tractos dulcedine capti  
Trudit in ulterius: tua sic inuenta inuentus  
Multiplicans, varios vitæ transformat in vsus.  
Haud aliter culti quam si discriminis hortus  
Ostendat dubios diuersæ stirpis honores,  
Et passim innúmeras, certo tamen ordine, plantas.  
Hic fons irriguis radices alluit undis,  
Hæc rubus in sepem tendit sua mœnia custos,  
Illic densatas platanus se porgit in umbras,  
Nata refrigerio: Quincuncem respicit arbor  
Poma ferens: lauræ virides, Alysque viarum*

Hinc atque inde latus stipant : tum floribus ipsis  
 Tale decus patulis distincta per agmina fulget,  
 Quale refert vario in Solem Thaumantias ore.  
 Colligat hic Venus alma rosas, & lilia Nais  
 Plena sinu, & violas pallentes flava Napæa:  
 Usque adeò pulchrum, pulchrique decentior ordo  
 Præstat, & illectans Divos demulceat ipsos.  
 Sic cultrix Astræa rudes prius artis, ab antris  
 Transtulit insuetos domibus, dein misit in urbes,  
 Et totum adnatis compleuit gentibus orbem.  
 Lege tamen proprium, certo discrimine rerum,  
 Inde etiam à primo emissis statuente colonis:  
 Ne vagus insultans alienis sedibus hospes,  
 Fœdera turbaret, discretâq; tempore regna:  
 Neve nocens patriam cuius grassetur in ipsam,  
 Constituit iustos, nota virtute magistros,  
 Qui regere imperiò possint, & fascibus agmen  
 Stare loco doctum, dira formidine pœnæ.  
 Nam licet ipsa Iouis Minos oracula iacēt,  
 Ipse Iouis genere, & sceptris, solioque superbus:  
 Ni tamen instantes ultrix vindicta secures  
 Expediat, nihil est legum sarragine larvas  
 Nitenti in vetitum populo prætere inanes.  
 Tum quoque sacratas per æthere vincula leges,  
 Et Phalaris temnet tauros, & corpore quicquid  
 Turba luit, pœnas sic tandem morte paciscens,  
 Si non ulterius animo proponat iniqui  
 Supplicia, & multa se religione refranet.  
 Est Deus: hoc cunctis alto stat pectore fixum,  
 Et Numen trepidis se infundit mentibus ultro.  
 Quamvis Caucasæis horrens à rupibus exit  
 Ora gelu concreta Scythæ, impexâq; menta,  
 Mæsyliæ leuæ, Nomadumue acerrimæ cursu  
 Agmina, desertis festinent tendere arenis,

Nullus in orbe locus superis caret: hic sua figit  
 Sede sub ambusta delubra retorridus Ammon:  
 Illic sparsa rigat Maiors altaria tabo:  
 Barbaricòq, Deus studio celebratur vtrunque.  
 Quàm bene? non operis nunc huius pertinet ad rem:  
 Sufficit incultos aliquem prætendere cultum,  
 Nec frustra ætheream iaculari fulmina dextram.  
 Attamen, hæc animo purus qui cernit acuto,  
 Agnoscit visu informem, solúmque fatetur  
 Esse Deum, colitur nobis qui trinus, & vnus.  
 Hic est, quem perhibent arcano biblia versu,  
 Quem vates cecinere pij, quem fida per orbem  
 Ora olim populis commendauere prophanis.  
 Quem perhibent, si scripta neges, si testibus ausis  
 Detraxisse fidem, si nil miracula ducas,  
 Nec moueare vlla iam relligione parentum,  
 Hæc, quicunque vides: pudeat terraque, marisque,  
 Et cæli obiecta specie, pueriliter vnquam  
 De Domino dubitasse suo: circumspice, an vllum  
 Pulchrius, aut opere hoc vsquam perfectius extet.  
 Quo digito hæc dicas olim molita? scientem  
 Artificem, fabròque omni fateare necesse est  
 Maiorem, hæc primus qui disita iunxerit autor,  
 Eg, suo solum produxerit omnia verbo.  
 Proh Deus: ut mira est operosi machinamundi!  
 Quàm certopede fulta! quis vnquam puluere formas  
 Tam scit as noster geometres duxerit, ac se  
 Vasta ferunt elementa affabrè iuncta, locorum  
 Alternante situ? proprio & libramine centro  
 Circumfusa suo cunctorum semina rerum,  
 Ordoque cælestium constanti lege globorum?  
 Quos temerè, aut casu fieri qui dixerit, & non  
 Mente regi (que mens Deus est) ille absonus, amens,  
 Nil ait: & digno pro dictu verbere flagri

Exceptus, solas exul migrare meretur  
 Interras: quintusque sodalis quattuor addi  
 Insutis: ne terra scelus, nec contegat aër,  
 Nec latices, omni indignum pro labe sepulchro.  
 Quod si hæc, aut istis maiora, effinixerit iste  
 Nictu oculi Plastes, quum vult, & sanctius omni  
 In terris animali hominem præscribere cunctis  
 Iusserit, à solo pendentem Numinis almi  
 Arbitrio, ut gratas referat pro munere laudes:  
 Iustum erit ore Deum, tum corde faterier omnes.  
 Quin etiam omne genu curuato ut poplite flexum,  
 Omne caput, manus omnis, & alto brachia cælo  
 Tensa, iterum atque iterum percusso pectore, tanti  
 Suspiciant regis plusquam venerabile numen,  
 Officiosa pio cultu, signisque receptis  
 More patrum, prona unde queat constare voluntas.  
 Quam licet ille olim norit, neque postulet ac si  
 Indigeat, postcit tamen: & placatior id dat  
 Quod petitur, si quis reuerentèr, & ordine postcit.  
 Omnibus hic ergò cultus, pro lege verenda  
 Pontificum, queis sacra Dei, & sacraria cura,  
 Infixusteneris unà concreseat ab annis,  
 Nōsse Deum, laudasse Deum, & prece compellasse,  
 Immensum, immotòque mouentem singula nutu,  
 Cuius inexpletus completitur omnia pugnus,  
 Æthera, terram, auras, latices, & quicquid in illis  
 Gignitur, aut vasto quod circumuoluitur axe:  
 Qui sua promeritis dat præmia, reddit iniquis  
 Et sua, cunctorum ex aqua dum facta bilanci  
 Noscit, & ad minimas perpendit singula partes.  
 Sponte fauens iustis, inuitus crimina plectens,  
 Illa tamen plectens pœna, quò seriùs, alta.  
 Ut tandem indomitos tenebrosa in Tartara trudat  
 Tartara, inextinctis dirum crepitantia flammis,



Et planctu, & lachrymis aeternum à funere cassis.  
 Sæua ubi sanguineo flammantia lumina gyro  
 Contorquens, atris & Alecto sibilat hydrys:  
 Vipereique super consurgens verberare flagri  
 Transadigit costas miserorum. It clamor ad aula  
 Culmina Tartaræ tetro squallentia fumo:  
 Vnderepercussu horribili septemuplicat Eëtho  
 Frendentum gemitus: illa insatiata malorum  
 Obijcit insultans impura crimina vitæ,  
 Auditū grauiora, & amarum denique ridens  
 Intercepta nouis distinguit iurgia flagris.  
 Dum soror hos imomersat Phlegetonte Megæra,  
 Stridentes, largòque implentes omnia questu,  
 Hos infanda rotis, hos tenso torquet equuleo,  
 Hos in frustra secat, rediuiuæque viscera curuis  
 Harpyis lanianda locat. (Proh Numina) quid non  
 Vmbra humiles frustra implorant? etiam horrida toruæ  
 Prostrant se ad furia genua, & demissius orant.  
 Surdior illa suo tamen aspide, plurimius atras  
 Qui circum vittas, impexaque tempora serpit,  
 Infernale ululat: pænisque proterua nocentum  
 Irritata manet. Quis tam crudelia dictu  
 Arrectis horrore comis non ipse tremiscens  
 Efferat? & Stygiæ tamen hæc pars quantula pænæ est?  
 Precipue in partes, vel non accita, sororum  
 Tertia si veniat longè immanissima? cæptis  
 Supremæque manu pondus tam tristibus addat  
 Tisiphone? hæc ipsis plarumque sororibus atrox  
 Quum rugit, & totas irarum laxat habenas,  
 Sig. suo. infernis Acheron qui labitur undis,  
 Infausto genitori, & Nocti denique opacæ  
 Quæ mammas dedit, & furuis peperisse sub antris  
 Perniciem & pestem tantam mortalibus agris.  
 Dicitur, infrendens gelida formidine cogit



*Stare comas, (suo tanta inclementia vultu est)*  
*Quanta per umbrarum pallentia regna feretur*  
*Luctu, horrore, metu?*  
*Nam nec quos rabido depascit Cerberus ore,*  
*Aut trahat impastos ipsius fuscina Ditis,*  
*Hic animus memorare audet: nec dicere tutum est,*  
*Pauper, ad excelsi dum fertur tecta Tonantis,*  
*Quot quondam vittis celebres, gestisq, tiaris,*  
*Atria seruantes subtus Plutonia cernat.*  
*Sufficit haud auro redimi, nec crimina regno:*  
*Ipsè lues commissæ tuo post fata periclo,*  
*Quisquis es: hæc noxæ lex immutabilis esto,*  
*Innumeras scelerum ut facies, tot & ordine pensent*  
*Vltrices Erebi irremeata per atria pænæ.*  
*Contrà, alias animas vitæ melioris, Olympo*  
*Ille idem Diuum Pater, ille idem atque hominum rex*  
*Destinat. Hæ scelerum puræ pertaxa malorum*  
*Corda olim sacri pascebant semine verbi.*  
*Vota Deo: patria officium, maioribus ipsis*  
*Cultum & condigne cunctis, seu ciuis, an hospes*  
*Præstantes animi fructus & munera grati.*  
*Fælices animæ: vobis en nectare currunt*  
*Stillantes flumij, turgent campiq, liquentes*  
*Ambrosia: vobis concessum est lucida summi*  
*Ora Boni coram, maiestatemq, profundam*  
*Cernere, quo melius rerum in compagine nil est.*  
*Quare age, qui pulchrum per se metiris honesto,*  
*Turpe simul vitas, omni vel teste remoto,*  
*Quid facias? ubi cuncta Deus per viscera serpens*  
*Cognoscit, tacitoq, reuoluit pectoris ausus?*  
*Quem neque si cupias, fallas: dabis improbe pænas,*  
*Aut pius, olim agili transcendes æthera saltu.*  
*Promisit solide verax, immobile cuius*  
*Prodit ab æterno sancitum pectore verbum,*


Non tam per Stygias Plutonia claustra lacunas,  
 Quàm per (quo maius quàm sese, non habet vsquam)  
 Quicquid inexhausti spacijs mens supputat orbis.  
 Tug, adèd hæc animo voluens, discrimina cautè  
 Discutito, an tanti est nictu peritura voluptas,  
 Aurum, ebur, Attalica vestes, dubiæue petitis  
 Vndique delicijs epule, aut portenta priorum  
 (O utinam ne quid rursus lugenda) tyrannùm,  
 Vt iugi redimas tam sera piacula pœna?  
 Tale quid imbutis operatur mentibus, omnes  
 Relligio tabulas, consulta, edicta Monarchùm  
 Et placita, & populi vndantis psephismata vincens.  
 Quorum etenim sculptos aut ære, aut marmore versus  
 Proponas, tacito imperium temnentibus ausu?  
 In vitio mens est, quam ni prius ordine flectis,  
 Nil agis: haud peccat moles hæc carnea nobis,  
 Ni primum affectus circumpræcordia moti  
 Spem dubijs faciant, & titillantiùs insistent.  
 Non aliena petam, non testis perfidus ausim  
 Periurare Deos, non liuens dente canino,  
 Aut odijs ferar occultis, non pocula felle  
 (Quis putet) arridens tendam medicata rubet.e,  
 Non magicas artes, & non innoxia verba  
 Ante diem quo funus eat, non denique magnum  
 Intent àsse nefas, animo renuente parârim.  
 Hic prius admonitor, technæ structor que latentis,  
 Inuigilat sceleri: quòd si spes fulserit istuc  
 Clâm fore tunc serue iungit socia agmina dextra,  
 Et vocat exiguas in partes corporis vsum.  
 Rectè igitur, plusquàmque salubriter, omnis ab ista  
 Relligione dator legùm, tanquam ab Ioue, prudens  
 Incipiat. Populùm venerato Numine suctum  
 Et cælum sperare, & formidare Acheronta,  
 Ducet in optatam, quo vult, ad cætera normam.

*At neque multifidis operosus legibus instet,  
 Hac una solido tandem fundamine iacta.  
 Ut cornu statuas vicina cadauera visis,  
 Corpus & agrotum medicorum turba reuincit:  
 Sic numerosa strues legum, & consuta supellex  
 Labentes populi mores, & proxima signat  
 Nunc instare viris corrupto ex ordine fata.  
 Degeneres postquam fucos natia reliquit  
 Simplicitas. Tanti est deflexo tramite trito  
 Admisisse aliquid stabilita in iura nouatum.  
 Vin' breuiter paucis complectar ut omnia verbis?*  
*"Religio princeps animos informat honesto:  
 "Proxima vis pueros à primis educat annis:  
 "Tertia, sine coli modico vult corpora frugi:  
 "Vltima ius patrium constanter seruat ad vnguem.*  
*Verùm aliàs isthæc tractabimus, ordine quæque  
 Dicta suo. Nunc ut commota non sine bile  
 Pauca querar, locus est: labefacta & religionis  
 Damna cothurnata protollam ad sydera voce.  
 O ciues, ciues: quonam metus ille Deorum  
 Nunc aby? quota pars vestrum pietatis amore  
 Tangitur ingenuo? nec fictis athera palmis  
 Sollicitat? satis est Christum professæ per ora  
 Iactantes, scelerum subtus contendere Lerna,  
 Et facilem aut nullum proponere Numinis vsum?  
 Scilicet, excutitur tandem reuerentia recti,  
 Quæque latent homines, securi à Numine, turpes  
 Exequimur: solùmque dolet non tempora votis  
 Quæque dari, ut solida abscondant trieterica noctes,  
 Nec pudor umbratis maculis ingrator instet.  
 Vir bonus, aut casto mulier dignissima peplo  
 Est hodie, quorum næui non frontibus ipsis  
 Inscripti eludunt populi suffragia falsi.  
 Vsq; adeò magnum est nunc & simulare decenter,*

*Si bene fucato procedat hypocrisis ore,  
 Nec vitia ostendat plebeio more reclusa.  
 Sed neque nunc simulare opus est, socialiter omnes  
 Quum peccent, veniámque malo confecerit usus.  
 Qualis enim Græcas offenderit aduena mensas,  
 Ni bibat, atque comat, maioráque pocula poscat:  
 Sic cultu simplex, & moribus integer albis,  
 Luxuriata nigri perpeffus scommata vulgi,  
 Fœnum habet in cornu, demissa sentiet aure:  
 Nec lateri comes, aut cuiquam conuiua recumbet:  
 Quin Pandionia metuet fastidia testa,  
 Iussus inaccessos muros habitare Platonis.  
 Vnde hoc? quæ tandem probrosa hæc secula Erinnys  
 Exagitat? vel quæ labis dicatur origo  
 Tam valide, ultra omnem cancro serpente medelam?  
 Ah pudet: at verum est vitio euenisse medentum,  
 Vlcers consilio longum neglecta maligno  
 Qui sordere sinunt, decimo dein turpiter anno  
 Nescio quæ illotis emplastra sacerrima palmis  
 Expediunt blandi? sed non radicibus imis  
 Conscia paréntes sibimet, cauteria figunt.  
 Cura sui postquàm nunc est antiquior istis  
 Officio, ut nummo prodant potiore salutem.  
 Christe Deus, dederas pastores sanguine primum  
 Effuso astrigeri tutantes mania regni,  
 Exemploque pia, plus quàm per dogmata, vita,  
 Lucrantes motam persuaso pectore plebem.  
 Illa nihil dignis nimium rata, primitus ultro  
 Obtulit hys iacti verbi vice, præmia victus  
 Lautas satis, voluitque aliquid superaddere certi  
 Prædiali: traxit primus dator amula corda,  
 Certatim incautis cælum redimentia donis.  
 Donec ab infuso pietas labefacta veneno  
 Sensit auaritia possessa per ilia morbum.*

*Tum primum, sed adhuc dubiè, dictante decoro  
 Dulce fuit noménque Patris, primusque sacratís  
 Accubitus, comitésque dati famulante caterua,  
 Bullatusque terens spumantia fræna caballus.  
 Inde etiam fulvis species generosa metalli  
 Detinuit captos oculos, inuersaque dona  
 Pauperibus dempsit, propriisque recondidit arcis.  
 Et iam tota labens pietas incendia venis  
 Traxit, inexpleti superata cupidine questus.  
 Corrumpens, adimens, addens, sensuque priori  
 Detorquens genuina lucro seruire nocenti  
 Compulsi, ut tandem proprio sub pondere pressa  
 Religio, tanquam satiata cruoris hirudo  
 Excidat à partis, terramque cacumine tangat.  
 Intere à plebes (quoniam compage soluta  
 Somnus habet vigiles, & iam sub nocte profunda  
 Fluctuat impingens scopulis surgente procella  
 Errabunda ratis) nequicquam respicit igneis  
 Laternæ extinctos, & cacos caca magistros  
 Ore ciet vano. Tum demum lumine dempto  
 Peruigil è speculis tenebrarum retia Princeps  
 Exilit intentans: blando quoque carmine Siren  
 Huc (ait) ad laeam: cautes qua plurima laeae:  
 Quin etiam nox ipsa nihil moderabile suadet.  
 Quid faciant? clament? surge heus, dormisne Canobe?  
 Veh miseris, stertit, stertente simul Palinuro.  
 Extemplo fædis naucleros vocibus omnes  
 Insimulant, vitæque cient repetita prioris  
 Crimina, consurgit tandem cerebrofior vnus,  
 Et valido accensas ita flamine promouet iras.  
 O Socij (neque enim vel si spes spondeat ipsa,  
 Hys ducibus sperem optatos contingere portus)  
 Exturbate pecus ventris studiosus equo.  
 Ferte manus celeres: mea vos inuenta, Charybæes,*

Et Scyllas, Maleasque omnes superare docebunt.  
 Annuit admoto capite, & clamore fauente  
 Turba leuis, medijs dormitantisque magistros  
 Protrudunt undis, petulanti non sine sanna.  
 Tum verò auscultant, arrectisque auribus omnes  
 Excipiunt auras, laudant quæ primitus ille  
 Dixerat, at nondum plenè satis: alter, & alter,  
 Infert se medium: gaudent nouitate, nec ultra  
 Nunc opus exclamant ducibus, magneticus ex quo  
 Ille lapis planam patefecerit omnibus arcton.  
 Quin etiam tabulas, ventos, portusque notantes  
 Quas olim ut sacras tractu liuore premebant,  
 Ecce licet proprio nunc tandem euoluere Marte.  
 Hic sita Taprobane est: hic fortunata relucet  
 Insula, fulgenti malo celeberrima quondam  
 Hesperidum: Qui scis? rogitas? quando ultima Thyle  
 Tam propè depictas vicina hic exerat oras?  
 Falleris, (alter ait) totisque erras para sangum  
 Millibus, ad Meroën Nilo circumflua Thyle est.  
 Hesperidum at littus, nemo non dixerit ipsam  
 Italiam. Quò tu nunc audacissime tendis  
 (Hic prior ille refert) mene hæc nescire? tuoque  
 Sic tandem ingenio vacua dominabere puppi?  
 Quo fretus genitore? aut qua bonus arte superbis?  
 Scilicet, an tanti est calamo triuisse labellum?  
 Nouimus at qui te: qui te quoque (reddit amarè  
 Ille alter) cerdone satum, nec vilia dudum  
 Erubuisse vago vendentem scruta popello.  
 Et mihi Phæbus inest, & sunt mea tempora fertis  
 Cinctæ corymbiferis aequè ac tua: desine solus  
 Calliopen sperare tuam: circumflua turba  
 Miratur, magnosque putat certare duello  
 Stoicidas: postcit tabulas, litèmq; suopte  
 Iudicio censens, absurdis omnia scitis



Distrahit: ac tandem in partes se tota refundit.  
 Heu Superi: quisnam medicati toxica pomi  
 Obtulit hys veterator, & ultra quam decet altum  
 Gustantes voluit censuram denique rerum  
 Sumere? num scire, aut nimium scire officit istis?  
 Quis regat hos vnus, quorum vel quilibet instet  
 Esse Senatorum princeps? disquirere & idem  
 Omnia non dubitet rationibus vsque minutis?  
 Et damnet minimum quod non sibi quadret ad unguem?  
 Bellua sed populus, postquam bacchata refractis  
 Carceribus furit, & proprias male conscia vires  
 Cognoscit, tali praeceptis per devia cursu  
 Fertur. Habes precium neglecti triste magister  
 Officii, mediocque natant tua membra profundo.  
 Quid iuuat? insano si tum quoque naufraga ponto  
 Huc, illuc miseranda ratis per dissona corda  
 Iactetur? certentque altis clamoribus vnà  
 Vectores, nautaeque? nec adstet dextera clauo  
 Aptasatis tantis sese conferre periculis?  
 Quid lapis Hercules? quid bardis nautica prodest  
 Carta viris, nullos inde elicientibus vsus?  
 Quero ego num melius consultum est moribus ipsis?  
 Viuitur? ane agitur quicquam perfectius, ex quo  
 Scitur? & è manibus verum nimis altercando  
 Labitur? vnde ambas inflat sapientia buccas  
 Detestans scioli nugacia corda popelli?  
 Tolle tuas precor ideas, atomosque recuruos,  
 Et vacuum, antiquumque chaos, tum cetera mitte  
 Soli nota Deo: sit certa scientia vita  
 Formanda in melius. Superiorum sobria sunt  
 Iudicia, & quantum praestat cognoscere cures.  
 Malo lacernatos quouis de rure colonos  
 Indoctos, humiles, gnauos, sensusque modesti,  
 Urbica quam nimium culta fastidia plebis,



*Si neque nunc totis perstat contenta Theatris,  
 Quin gladiatores etiam, & funambula poscat,  
 Aut Circensis equi fauuisse coloribus instet.  
 Est modus: & certa gaudet consistere meta  
 Extremis medium virtus compacta duobus.  
 Non ego tam culpo quodam tenuis esse peritos,  
 Pectora quàm stolido dudum turgentia fastu  
 In nimium erupisse queror. Postquàm omnis ab acti  
 Vita hominum nunc se transfert ad inania verba.  
 Quemlibet audieris media de plebe loquentem,  
 Ab Ioue præsatus, necnon Iouis omnia plena,  
 Barbato tibi Chrysippos, rigidòsq; Catones  
 Expinget: rogites demùm quid mantica tergo  
 Illa velit? pallor sudantia tempora fundet.  
 At saltem per amicitiam dic (chare) quid hoc sit?  
 Non mittam, & lapidi nunc dixeris: eia age postquàm  
 Scire cupis, paucos Epicuri hæc mantica condit  
 Commentariolos: dudum sex asibus emi  
 Insignes, (neque enim tantum deliquerat ille,  
 Si rectè, & proprio perpendas singula sensu)  
 Omnibus instar apìs, passim liberrimus insto.  
 Quod placet, hoc mel sit: quod non placet, esto aconitum.  
 Nullane tam varijs immixtum incuria fallit?  
 Nec specie recti quandoque impingis iniquo?  
 Qui putus, purusque siem, quum dicat in aurem  
 Socraticus Damon? nec abest mihi Lesbia norma.  
 Mirum ais: at vide sis, ne quando audacia tanta  
 In neruum erumpat: proprijs qui viribus ultra  
 Quàm satis est fissus, denso se vellere captum  
 Induit, Æsopi coruo similabitur, alis  
 Ridiculè ac tonsis puerorum præda recedet.  
 Quid mi igitur suades? durum est liquisse libellos  
 Tam pulchros: iterumne iubet idiota sutrinam  
 Noctes atque dies, musis procul omnibus, ornem?*

*Nescio: consilium pendet, dum planius hac quo  
 Consilio facias, finis produxerit ipse.  
 Si pius augustas veneraris Numinis aras,  
 Qualis ab innocua superis probitate Philemon  
 Charus, ut hospitio, postquam vicinia tectis  
 Reppulit auratis, capiat magale Tonantem,  
 Aut studio veri, patriæ & cælestis amore,  
 Sobria si cartis immittis lumina, sudi  
 Luce magis Phœbi radiantibus: hinc tua noscens  
 Stemmata ab antiquo vitata, & crimine ab uno  
 Crimina tot nostris passim enascentia campis,  
 Conscia vix cælo attollis confusior ora,  
 Multa super minimis tormenta reatibus horrens,  
 Nec malè longanimes spe pœnas ducis inani,  
 Non illos iactata fides quum prabeat usus,  
 Ipse humilis si iussa facis, contentus & illa  
 Quam tibi fors dederit vita ratione, modestum  
 Regibus impendas, patriæque, & ciuibus usum.  
 Iam nihil est cur te quisquam deterreat illos  
 Evoluisse libros per quos via ducit Olympo.  
 Sin levis, & ventis longè inconstantior ipsis  
 Ter secreta sacri queras abscondita verbi,  
 Iamque procax, idèoque procax quia nescius, omnes  
 Rabbinos facili præ te molimine temnas,  
 Nescio quid taciti iamdudum murmure rauco  
 Eructans, quoniam non aqua prædia sorte  
 Omnibus ad iustas prostent aqualia partes,  
 Et tandem in medio caupone pulvere reges  
 Sollicites, pugnâque iterum meditere gigantum:  
 Iam niger es: tûque hunc diademate cincte caueo.  
 Optima sic tandem gladios ad pessima strictos  
 Relligio armabit: quæque omnia lege coercet  
 Interna, emittet bipotentibus inscia valuis  
 Rullôsque, Gracchôsque, & te (Catilina) minaci*

*Tendentem*

*Tendentem gressu, quo lex Agraria suasit.  
 Nunc igitur, quoniam dixi quæ noxa reuincētis  
 Post tergum manibus vim tendat religioni,  
 Nec timui demens sic irritare crabronum  
 Pastorum, populique, retortis spicula linguis,  
 Vos, quibus ardenti scintillant pectora vero,  
 Testor, an Harpocrates hic digna silentia labris  
 Imponat, digito causam prodente receptam?  
 Si nihil est, recte est: sin est, sine certet uterque  
 Collapsas reparare vices: præfulgeat alta  
 Sublimis specula pastor, primusque cathedra  
 Ante eat exemplo iussus: bene sedulus adstet  
 Dictanti populus, tum quæ dictantis ab ore  
 Hauserit, impigrè mores transformet in ipsos,  
 Inde ego tercentum linguas, totidemque canori  
 Expediam in laudes vocalia munera plectri,  
 Sublimēsque ambos meritis ad sidera tollam.  
 Interea, an teneras scalpo nimis acriter aures?  
 Num dolet? ingratoe cietur nausea vero?  
 Scilicet ingrato (ut puto) & importunitè insto  
 Innumeris: toto quicquid delinquitur orbe,  
 Aufer in exemplo fretos transferre Britannos,  
 Turba sibi ignoscens, monitori atque aspera dicet:  
 Nec soli sumus, & peccanti murmur in aurem  
 Præstiterat: non sunt hæc fortè erratula tanti.  
 Ergò aliquid fecisse iuuet, narrasse pudori est?  
 Vnus homo peccet, magnū est? numerum adde, minutū est?  
 Et nunc turba labans causæ, se iudice, fidit?  
 Dij melius: nemo hæc prudens erratula sero  
 Distulerit reparanda die: nec tempserit omen:  
 Saucia quum tanto Respublica vulnere nutet  
 Hys super: extèrno pietas ubi cortice freta,  
 Nescio quo marcet senio radicibus imis,  
 Vix ullam antiquæ retinens vel imaginis umbram.*

*Fervida Apostolicis produxit pectora sacclis,  
Alloquio dignata Dei: Nunc vivere purè  
Postquam desuetum est, non puros vitat & ille  
Congressus, clausoque negat chura irrita naso.*

LIBRI PRIMI FINIS.



# DE REP. ANGLORVM INSTAVRANDA,

Liber Secundus.



*ISSA sed ut posita faciã hæc spinosa querela,  
Nitar in ulterius: quoniã pars plurima labis  
Istius, à primo sumet medicamina cultu:  
Si nova per teneros etas benè flexilis annos  
Imbibat actutũ memori pulcherrima mente  
Dogmata, quæ longo ad canos servabit odore,  
Vix vlla scindente tenacia vincla bipenni  
Iam semel admissi primæva ab origine moris.  
Est aliquid clara prognatum stirpe puellum  
Esse suis similem: nutricis ab ubere quiddam  
Nutricem referens affecto se indit alumno:  
Seminis, & lactis, tanti momenta sagaces  
Si facimus, quidnam formans industria tandem  
Conficiat, summis operæ si partibus instet?  
Munera & alterius præstans potiora parentis  
Ars bona, naturam recta ratione sequacem  
Instruat ad vitæ finemque, & vota cupitæ?  
Ergo novis quisquis committis semina campis,*

LUXURIEM

*Luxuriam duro ni primùm vomere frangis,  
 Ad solis radios, ad brumæ frigora versam,  
 Sperata incassum præstruxeris horrea messi,  
 Pro spicis lolium, & sterilem execratus avenam.  
 Pessima sponte etenim, & nullo conamine crescunt,  
 At vix apposita consurgunt optima cura.  
 Quò magis ut soboles ciuili munera vitæ  
 Inde etiam à puero, lactenti & pectore discat,  
 Hoc opus, & tota hoc moles se cardine versat.  
 Quum nihil aut tectis, puero tibi teste, sub ipsis,  
 Siue foris clara geritur sub luce, quod acri  
 Non ille excipiat cerebro: non psittacus aquè  
 Exprimit humanas voces, non simia fœtrix  
 Assimulat nostros quoscunque libentiùs actus,  
 Quàm puer: hunc specie falsum si proditis honesti,  
 Turpia per primos imitantem te duce passus,  
 Bis peccas: patriæq; iterum vim porrigis hostis.  
 Huc etenim catuli, quondam monstrante Lycurgo  
 Tendebant, vno genitore & matre, gemelli,  
 Diuersos studio Dominus quos reddidit altor.  
 Hoc leporem emissum sectante per inuia cursu,  
 Germano ignauè pultem lambente culina  
 Riserat adstantum cætus discordia fratrum  
 Proposita, & quidnam hæc vellent commenta? petebat:  
 Ille suis tandem non expectata reponens,  
 Hæc (ait) est vitæ (ciues) pars plurima vestræ:  
 Nec tantum genuisse sat est: plus perficit usus:  
 Vsq; adeò artificii pendet spes altera cultu.  
 Euge hercle inuento hoc pulchro ter mactæ Lycurge,  
 Dignus eras, cuius non vllò obnoxia scripto  
 Scita sub aquali morum seruata tenore,  
 Per septingentas regerent Lacedæmona brumas,  
 Et meritò: postquàm assuetis tractabile quidvis  
 Redditur: a vitulo incipiens, & pondera tauri*

Tolle ouans, stadioque humeris feret arduus imo.  
 At quoniam varijs Respublica partibus una est,  
 Diuersoque fluunt diuersi tramite in unum,  
 Nil opus est unum nimium statuamus: eodem  
 Nec soboles studijs se tota informet eisdem:  
 Quum bene vix quicquam faciat, qui plurima solus  
 Aggreditur: verum tunc perfectissima fiunt,  
 Vnum opus vnus homo propria si pensitat arte,  
 Atque opere in tanto componitur vnus ad vnum.  
 Hinc etiam altrici cura par limine primo est,  
 Diuersi vt diuersa sui documenta sequantur  
 Propositi: hic iussus non detrectare iubentum,  
 Hic regere imperio, cui stat commissa potestas.  
 Ars etenim longè distinctum regia tractat,  
 Opposita populi, quæ semper paret, ab arte.  
 Crediderim & Graij salua grauitate magistri,  
 Non adeò scitè aequales parere vicissim,  
 Quàm qui perpetuo insuescunt se subdere sceptro,  
 Nec mage quid cupiunt, quàm quod rudis indidit vsus.  
 Si confert pecundi, & stulto custodia, postquam  
 Non valet ingenio impendens prauertere damnum,  
 Et bona pars hominum, fortasse & maxima, brutis  
 Non adeò excellit, quin quantum proficit illis  
 Cura viri, vt stabulis torpentes condant opertis,  
 Quum niue canet humus, collectaque pabula promat,  
 Tantundem excellens animo, custodibus ipsis  
 Præstiterit, recta vt stolidos ratione gubernet.  
 Nam licet hanc cuius diuinæ particulam aure  
 Arroget, haud cuius ratio se prodidit aequè.  
 Siue quid obtusi præstructa per organa fiat,  
 Siue patrem proles sequitur, seu cura magistri  
 Defuit: hos semper pronos melioribus esse  
 Tam inuat, vt nulli sint, si non sint alicuius.  
 Rursus & hunc alicui sua subdere colla iubebo,

Donec ad excelsi regalia sceptram monarchæ  
 Conueniant cuncti, & gradibus stata iussa capeffant.  
 Ordinis hæc vis est, quam si confundere pergas,  
 Armentum ut stabulis nullo ductore petitis,  
 Exigat à se hominis curam, regat atque bonem bos,  
 Quid dignum tanto referes turbator hiatu?  
 Quid? nisi contemptus precium mox excita saui  
 Ora lupi, & coruis proiecta cadauera pastus?  
 Parte alia, quoniam paucos moderarier æquum est:  
 Dein reliquos omnes iurare in verba iubentium:  
 Quem potius maioris doctrinæ munere fungi,  
 Qui iubet, an iusso arerctas qui porrigit aureis?  
 An sonipes duro sua prabeat ora lupato,  
 Tantundem ac sessor, quantoque huic viribus ante it,  
 Si sciat? immò æqua fretus ratione, rebellis  
 Dentibus, & multa metuendus calce resistet.  
 Nec cicuri totam ut domitor communicet artem  
 Consiliūmne putes, nisi quatenus inscia corda  
 Scire sat est: discat cernicem flectere, dorso  
 Ferre equitem: ulterius pullus si sciuerit, actum est:  
 Ars præfracta regit, paruo tibi machina nisu  
 Corpora vasta mouet: qui nulla insistit ab arte  
 Hic Phaëtontæ eos expectet denique casus.  
 Scilicet, ut teneat scuticamque & lora superbus,  
 Iura ferat, meliora suo qui pectora sensu  
 Aut tenet, aut saltem qui se tenuisse putarit:  
 Nempe (reor) paribus facile est submittere fascēs,  
 Ut nihilo inferior non det pro munere murmur.  
 Nil minus. At vulgo prodest nescire, suoque  
 Aut aliud præferre nihil, siue arma, modumque  
 Ignorare, quibus possit tractare cupita.  
 Scimus enim cupiant ut nullo ex ordine cuncti,  
 Quæ meliora putant. Sed quum non omnibus æquæ  
 Aura fiat, aut bimarem cuius datur ire Corinthum,



Quanto erit hoc votis moderati optatius? id ne  
 Suspirare quidem, quod fors fortuna negavit,  
 Dicere nec melius quicquam, se iudice, sortis  
 Quàm propria primo quod prodidit alea iactu?  
 Sic etenim quævis rustici Thestylus ore,  
 Ilia, & Ægeria est. Sic & sub agreste palato  
 Indocto sapiet Sybaritica fercla moretum.  
 Quod si istoc animus vivat contentus, abunde  
 Iam diues, sapiens, & fortunatior esto.  
 Hoc tamen ut fiat, sola ignorantia causa est:  
 Quum benè te fallat mentis gratissimus error.  
 At malè si toto tandem promiscua vulgo,  
 Et passim triuijs commissa scientia prosteret:  
 (Ut taceam dominos cunctos, totidemque iubendi  
 Artifices, nullo paribus parente magistris)  
 Scire velim, an calamo manus hæc exercita, stiuam,  
 Siue graues iterum tractet non pigra ligones?  
 Quis cerdo? quis sutor erit? quis denique fabra  
 Molle latus, mollè sue exerceat arte lacertos?  
 Et tamen humana nequit ut consistere vita  
 Hjs sine conditio, rursumque, ut pluribus una  
 Mens poterit dextris opera præscribere formas:  
 Sic Natura parens que nil molitur ineptè,  
 Queque suo prudens componit singula fini,  
 Mille viros potius curuo producit aratro,  
 Et totidem curuos opera ad fabrilis condit,  
 Quàm, qui alijs recto ingenio præfiniat, vnum.  
 Tante molis erit, nec ligno ex quolibet exit  
 Mercurius, cura iunctim sculpendus & arte.  
 Scire etenim eximium paucis datur: & regere ipsum.  
 Multo usu, variisq; ars quadam est condita libris,  
 Queis optem à primis generosa incumbere cunis  
 Pectora nobilium, doctos ut docta parentes  
 Ad viuum referant, & stemmata prodat acumen.

*Quale tyro seruire scelus tamen extulit, ortum  
 Ingenuo Solis versa ratione docente,  
 Vt seruatore[m] tegeret noua purpura seruum.  
 Nam latet in claro quadam vis sanguine, si non  
 Degeneret forsan materno sanguine dispar:  
 Vt p[ost] ipsa etiam exponam, connubia quantum  
 Intersint, iunctis paribus, nec dispare cultu.  
 Nunc agit hoc Erato mea, regno ut regia proles,  
 Nat[ur]aque nobilium sceptris fatura secundis,  
 Ingenuas animo quamprimum perbibat artes.  
 Vt quantum titulis defert ignobile vulgus,  
 Tantum etiam ingenij subdat se dotibus alti.  
 Hoc etenim primos peperit virtute fauente  
 Induperatores: populo suffragia sponte  
 Plus merito cunctis, & se tribuente regendum.  
 Hi patrijs gnatos formantes artibus, ipsos  
 A genere, & cultu, quiddam spectabile rursus  
 Spondentes, votis commendauere sequitis.  
 Tertia surrexit fatis concordibus atas,  
 Inde alia, atque alia, egregios longo ordine fundens:  
 Exinde ut raras soboles sit passa repulsas,  
 Que non degeneri maiorum stemmata cera  
 Oblineret, satagens exempla domestica luxu  
 Perdita abhorrentis populi obiectare susurris:  
 Vnde odia, & crebris consurgunt vocibus orti  
 Contemptus, animos quando indignatio ringit  
 Tam bona tam nihili seruire nepotibus arua,  
 Qui sua non digno patrimonia maxima sumptu  
 Non cordi, aut cerebro, sed ventri, aut fœdius ima  
 Impendunt publi: quod si quid denique restat  
 Hoc scurra, aut scopulis damnosior alea tollat.  
 Sed quamuis tardam iam deplorata medelam  
 Concreto in callum vitio, pretexta iuuentus  
 Suscipiat, que purpureis ut primula cunis*

Vagyt, & mammis lac auxiliariis hausit,  
 Turgescit bullans, florésque emittit, at ultra  
 Vix unquam matura suo dat tempore fructus,  
 Ante malis vuas inuertere sueta labruscis,  
 Attamen ut fungar vice cotis, & improba taxans  
 Sic acuum accensos animos conamine recti,  
 Me Deus inuitum increpitans crinitus Apollo  
 Vrget, & ignauam iubet altè incessere pubem.  
 Heu pubes Ithaca sponis numeranda puella:  
 Que toties generis Crambem spumosa recoctam  
 Eructas, titulosque recolligis vsque petitos  
 A Mynijs, claroque ab Iasone, Bellerophontes  
 Siue magis placeat, iactatâque monstra Chimææ,  
 Seu ferro anguicomæ secuit qui colla Medusæ.  
 Siccine nobilium pergis decora alta parentum  
 Afferere? & pennas volucris Iunonia pandis,  
 Quando aquilas, tauros, Nemeique tremenda leonis  
 Ostentas clypeis, & pictis ora tapetis?  
 Quid tum? iure licet signis clarere paternis:  
 Hæc genitor ferre arma dedit, pater optimus illi,  
 Nonus ego accipio, & Deus est in utroque parente.  
 Laudo equidem, & ius est Heroum agnoscere prolem:  
 Attamen hoc clari (quæso) dic nominis heres,  
 Num tuus ille olim qui primus stemmata genti  
 Constituit, solum hæc texit sua pectora parma?  
 Nulla nec ulterius cor ipsum lumina sepsit?  
 Lamina? quid tibi vis? quis ineptius arma tuende  
 Facta cuti, interiùs cordi, aut pulmonibus aptat?  
 Quando igitur nescis, dicam (clarissime) quid sit,  
 Vt tua sint varijs hæc scuta induta lituris.  
 Illa tamen cordi propriè quæ optauerat arma,  
 Ille tuus, nono quem tu nunc ordine tangis,  
 Iamdudum neglecta tibi, collecta tulere  
 Terrigenæ, Marius, Cato, Tullius, hÿ noua proles

Obscuris titulis: tum libertina propago  
 Nescio quis Flaccus, paribus se partibus effert,  
 Charior Augusto, quam tu, propiorque cubanti  
 Coniuiæ, & vacuis longè præclarior horis.  
 Proh scelus: audaces certum est haurire duello:  
 Nec mea quæ fuerant, alius gesserit unquam  
 Me vino: at quæ sunt illa arma, & lamina? pande.  
 Scire cupis? cordis tegumen præstantius auro,  
 Duriciæ & ferrum vincens, adamantina virtus  
 Illa fuit: quam tu, deceptus imagine picta  
 Despicias: ille tuus multum sudauit & alfit,  
 Sanguine tum vigili pererrumpens iniua cura,  
 Quò meritis patriam, fama distenderet orbem.  
 Hanc unam obtendens clypei vice, Gorgonis ori,  
 Et Scyllæ canibus, rediuiue & rictibus Hydra,  
 Enasit: iecitque tuis fundamina ceris.  
 Tu segni imbelles artus prostratus in umbra,  
 Audis quæ ad citharam cantat crinitus Iopas,  
 Et valdè inflaris, vano si carmine bardus  
 Pangat opes veteres, aut fortia facta parentum:  
 Illa tuo veluti constarent adita Marte,  
 Quem scimus: sed enim site (generose) tuorum  
 Laus capit, eia aliquid titulis tute adde paternis.  
 Semper ego proanos tantum? nunquamne nepotis  
 Gesta legam? durum est toties assurgier umbris.  
 Si refugis: dicam, generis nec Dardanus autor,  
 Nec tibi Diua parens: mentito at proditus oïo  
 Nescio quem potius Thersitem moribus effers.  
 Sed cape dicta memor versa denuntia sortis:  
 Ni resipis (neque enim tantis tu solus inanes  
 Intendâsue minas, aut sesquipedalia verba)  
 Nil erit huic quare clypeo confisus, & isti  
 Cassidis in summo nutat quæ vertice crista,  
 Antiquum speres fastu retinere decorem.

Ecce vides postquam fatalis lamina vestro  
 Proditâ contemptu, fœdèque abiecta, nonorum  
 Prada hominum facta est, vestris ut gnauitèr armis  
 Vos etiam oppugnent, conuersa & sorte vetusto  
 Exuere imperio pergant, & nomine herili.  
 Vnde etenim tot castra, & tanta palatia signis  
 Antiquis insculpta nouos virtute fauente  
 Suscepere suis dominos penetralibus? unde  
 Scipiadum fundus, Lepidi domus, atria Scauri,  
 Mercurij accedunt, alieno ex are, clienti?  
 Aut sua rostrata qui dedicat ora Mineruæ?  
 Vnde genius clari Valeri? aut stirps postera Codri  
 Nunc tunicata, suis quondam famulatur? & vltro  
 Dediscit proauos? nec prima crepundia nouit?  
 Vnde? nisi amissa postquam virtute, palati  
 Posthuma progenies, plusquam studiosa, seneræ  
 Non vltà seruat ferule præcepta: nec ullos  
 Fert genitrix paruo domino bis stulta magistros  
 Peccanti improbulos, virgis abstergere neos?  
 Nempe etiam à primis recipit puer undique cunis  
 Verba salutantum: bullataque tegmina gaudet  
 Ferre humeris: pictoque obuincit crura cothurno.  
 Dein primum ut tenero balbutit blasfulus ore,  
 Accumbit mensis præcox conuiuia prophanis,  
 Audit & illicitos olim genitoris amores,  
 Et temerata thori vicini, non sine risu,  
 Iura, patrique suam corrupta matre puellam  
 Ablatam: hic geminis applaudens cætera palmis  
 Turba fauet, sponda parasitica quæ cubat ima.  
 Tum postquam caluere animi, num exusta Syphacis  
 Castra? vel Annibalis flagrantès cornuatauros?  
 Aut metuenda fuga Parthorum tela locutos,  
 Disceptare putas ductoris nobile prisçi  
 Vllum opus, exemplo versuto imitabile, ut olim

*Mos epulas inter Philopæmenis esse solebat?  
 Longum opus hoc: narrent potiùs quibus ardea gyris  
 Accipitris vitet demissum, ut fulmina, iactum:  
 Aut celer Æthiobates præuerterit omne Melampo  
 Ut stadium, qualisue Lacon latratibus altis  
 Solus opus lassò sub sera crepuscula ceruo  
 Consecit. Positis num reris denique mensis,  
 Immanes Ericis produci in prælia castus?  
 Immò aliud: geminos salienti murmure talos.  
 Luditur? immò agitur dubio res seria sensu:  
 Sæpè per unius postquam dispendia iactus,  
 Exeat implumis gallinæ filius albæ.  
 Quod, quoniam tali lufores alea peste  
 Disperdat cupidos, & quæ variata lituris  
 Puniceis, pullisque suo stat charta veneno  
 Infamis, miror quoniam Respublica pacto  
 Vlla queat tanta contagis noxia ferre  
 Semina, non penitus totis à finibus acta.  
 Præsertim hac scelerum tam facta ætate, nefandi  
 Postquam Pantolabus, Balistæque, fûrque Voranus,  
 Simalio, atque Harpax, balatrones hoc genus omne  
 Obsideant mensas citreas, & luce sub ipsa  
 Nunc coniuratis veniant ad classica talis.  
 Heu fuge crudeles hæres nummate sodales,  
 Nec te decipiat mentiti forma Patrocli:  
 Quilibet istorum Vertumno inuersior ipso,  
 Perfidus appposito prætendat amabile vultu,  
 Aulam habitans, cætu medius, (nam byssina comptus  
 Indumenta geret, digitos ornante pyropo,  
 Ex auro & triplici necet sua colla catena)  
 Finget amicitiam, captataque tempora Lynceus  
 Obseruans perdet paruum non inscius, ut te  
 Iam totum decima consurgens obruat vnda.  
 Quod te per Genium, magno patre creta virago*

Regia permistè viridi cui fascia candens  
 Frontus honos, gemmis, auroque intexta refulget,  
 Hanc unam ætutùm terris diuertero labem,  
 Oro : & carminibus si que vis denique restat,  
 Obtestor : supplex mecum sua brachia tendit  
 Et Patria, & iuuenum spes non temnenda labantum  
 Hijs ducibus. Non est hæc oblectatio tanti,  
 Vt quoquam eueniens damnum excusare colore  
 Facundi possit vel clepsydra Quintiliani.  
 Interea Astyanax tacita hæc qui singula mente  
 Aspicit, aeternùm & condit penetralibus imis,  
 Paruulus Astyanax, paruo sociatus Iiulo  
 Conuocat Euryalum : magnorum exempla Deorum  
 Fortiter ut paruis imitentur visa fritillis.  
 Seruulus hic nebulo punctos docet, & puerilem  
 Abiectis nucibus iubet æri insistere ludum,  
 Per caput alterius iurare, altumque tueri  
 Instruit, & totis iam bellum indicere libris,  
 Atque odisse viros (velut anguem) grammaticastros.  
 Quippe dolet puero caput, aut latus imbecilli.  
 Mater, te appello : & per dulces eripe mammas.  
 Mi vir, si sponsa bene vis, fuit aut tibi quicquam  
 Dulce meum, serues communia pignora : noster  
 Hic tener est : tetricis quid vexas pectora cartis  
 Vsque adeo ? anne aliquem formaueris Amanuensem ?  
 Non tibi succedet ? Non huic tua pradia linques ?  
 Vnde queat doctis numerare salaria seruis ?  
 Sic facile insulsa precibus caper ille marita  
 Ducitur, & barbam fatuam permulsus, iniquis  
 Adscribet votis molita exinde ruina  
 Nominis, & generis læso fundamine primo.  
 Vicimus, & meus est : (exclamat mater) opac as  
 Venatum in syluas famuli deducite nostrum  
 Astyanacta, sciat Berecynthia cornua scitè



Inflare, & sacras venantum addiscere voces:  
 Nomina det canibus, pugno simul accipiter stet.  
 At neque vos præter lepores, capreæque fugaces,  
 Adm. ut nostro quicquam obiectetis ocello  
 Dente, vel ungue ferox: astius syderis ardor  
 Ne capiti noceat, neu vespersis aura, caute,  
 Tum succussantis ne scandat terga caballi,  
 At placidi, & ventos qui aquabilis ante eat ipsos.  
 Me miseram, ut metuo? nam vos, mala turba, remoti  
 Postquam è conspectu seceditis, ilicet istum  
 Ah teneros lassantem artus per aprica, sinetis  
 Aut lucta certare, aut longo tendere cursu,  
 Aut disco, aut iaculo, vel iniquo denique saltu,  
 Ut referat madidos, & stantes pulvere crines  
 Aureolos. Hera pone metus: nec cornibus atrox  
 Huic sese obijciat ceruus, nec dentibus vrsus.  
 Ah puer infelix: & qui genuere parentes.  
 Hunc cecine sic decuit penitus nescire elementa,  
 Linguarum, librumque rudem? contemnere Divinum:  
 Nomina? tam paruos digitos lassare fritillo?  
 Hactenus & sylvis votum meliora iuventa  
 Tempora, nil olim eximij promittere fructus?  
 I nunc: & tali famulo committe regendum,  
 Quisquis es, imbutum pulchris qui moribus optas  
 Astyanactæ suis oculos tibi claudere palmis.  
 Id verò atque lubens faciet: nam Firmicus illum  
 Consultus narrat patrios inquirere in annos.  
 Quin simul ut pheretro impositum te cymba Charontis  
 Transuectat Stygias metuentem multa per undas,  
 Inuolat in oculos præceps: & questus hianti  
 Spe minus Astyanax sese inuenisse, profundit  
 Vel triduo aggestam per tot tibi lustra monetam  
 Ingluie, & pompa, & scortis, aliisque per artes,  
 Quas pridem admissas didicit puer improbus usu.

Sic postquam immodicis nec centum millia mensis  
 Sufficiunt, patrius quod census fudit in annos,  
 Prima manus velites, auratis pocula signis,  
 Inde bouum prostant armenta à sænore capta:  
 Pòst ouium versura decem legionibus instat:  
 Hæc quoque quum clades proferre Triaria suasit  
 Subsidia, & totis insternere viribus hostem,  
 Tunc villas, fundosque & prædia subycit hæc:  
 Postremum cineres maiorum, ipsosque penates  
 Distrahit, & parma tum demum inglorius alba  
 Ingemit, & patrios algens reminiscitur Argos.  
 Interea (hæc quoniam messis sperata fefellit  
 Et regem & populum) præstantes rebus agendis  
 Vndique confuso admittet Respublica lectu.  
 Nec querit proavos terra num filius affert,  
 An rarum sola comitatum Pallade pectus,  
 Quæque suis olim titulos pronepotibus addat,  
 Virtutem. Quid enim? dum vos me proditis (inquit)  
 Et mea deseritis resupino munia fastu,  
 Quid faciam? aut quibus insistam patria indiga fulcris?  
 Vestrum erat à serie sic dependere paterna,  
 Vt ne quid magnum exigeret iactata vetustas  
 Arentis senio frondis, quam secula quondam  
 Troica Achilleo capiti flexere virentem,  
 Ni sua sæpè noua circumdare tempora lauro,  
 Postera cantati contenderet AEacide stirps.  
 Laurus? ubi est? vestris planta hæc an crescit in hortis?  
 Ecce rosas video: Peneiamarcuit arbor  
 Iamduðum contracta situ: squallentia tristis  
 Brachia nam ponit, valde indignata, rosetis  
 Sobria quòd madidis adeò postponitur: ipsi  
 Quippe inhonorata toto vix angulus horto est,  
 Solis egens, & fontis egens. Si fortè triumphos  
 Vel fictos simulet dispar prosapia prima,

Expectate

Expectate (viri) dum laurus sicca nouellos  
 Rursus agat ramos, nunc nomen inutile trunci est.  
 Scilicet expectate (viri) pariterque liquentis  
 Ad vada Sabrina nigros expectet olores  
 Dedita nugiloquum prae scitis Cambria vatam:  
 Seu quandoque suas Rutupino littore rupes  
 Cantia Lunensi posituras marmore cretam.  
 Quippe (reor) si exempla placent, morumque magistris  
 Stabitur: en quos archetypos, quae prisca rigentis  
 Virtutis monumenta, & dignas stemmate plantas  
 Laudato, vnde meae queratur surculus hortis.  
 Eheu, quid volui misera mihi? perditae sulcis  
 Semina degeneris lolij, lappasque, rubosque  
 Interferta queror segetem mihi tollere in herba,  
 Ingentique umbra totos obducere campos.  
 Quum quibus exemplis, quibus atque authoribus, omnis  
 Contagem populi manus emollita sequacis  
 Contrahat, AEscidum resupina fatebitur horum  
 Purpura, imaginibus fallens, ignarâque vulgi  
 Inaudens studia in praeceptis conamine prauo,  
 Dum quis, non adeo quid, penditur. Ille tonans si:  
 Iupiter hoc fecit: cur Charca tale libenter  
 Non faciat? facit insistent: & crimina Olympo  
 Plebs deducta solet plerumque autore leuare.  
 At forsan latas luxus bene condeceat res:  
 Nec dure tetricos Tatiij sub Marte Sabinos,  
 Romulidâsue petam priscos, nunc aurea Roma est.  
 I puer, & dubiae praesto miracula cœnae  
 Omnibus intendas neruis: in Apolline lis est  
 Iudice sub Catio: ni cœna liguriat vna,  
 Quod victi inuideant AEsopi filius, & qui  
 AEgyptum squillis inhians properauit ab urbe.  
 Queret amatorem chelidon irata recentem:  
 Nullus ero? Immo hoc tu nullius, pessime gurges:

Id metuis? non hoc metuis, quòd fama laborat?  
 Res abit? & nudum mox sera crepuscula plectent?  
 Quid, si sylva meis minitetur classica ripis?  
 Dira virum facies inimicas littore plantas  
 Imprimat? insuetis populetur & omnia flammis?  
 O iuvenes: nemon' prodit? num ter tribus horis  
 Dormitur? nec adhuc hesternæ crapula cœna  
 Digeritur? quid vis? iam iam expergiscimur: hora est  
 Nec dum undena: licet paulo ampliùs. Hei mihi, vos an  
 Vos tales, tantum mutatos Hecfore ab illo  
 Ista dies videat, muros scandente Sinone,  
 Ut propè stercenti vigili plus audiat anser?  
 Nec sacra Elysus maiorum sedibus umbræ  
 Hac narrata ferent animis, aut auribus equis:  
 Nec meus ille pudor, nec qui sol omnia lustrat  
 Dedecus hoc grato rubicundior aspicit ore.  
 Corripite è stratis ætutùm corpora: nunc ò,  
 Tempus adest quo se virtus iactata parentum  
 Marte probeat proprio. Nunc primos tendere in hostem  
 Vestrum opus, & vestris patriam hanc defendere dextris.  
 Qualiter ingentùm memini quum tempore auorum  
 Dura sub assidua callebat casside cernix,  
 Nulla dies, humeris qua non tegumenta placerent  
 Squammea, loricam nodo cogente trilicem,  
 Vitpote Sericeo non dum thorace rigentes  
 Eneruante toros pulposi pectoris: auro  
 Nullus honos: clavis galeæ decus inter stinctum  
 Forsitan aratis tremulum fulgebat, eodem  
 Fimbriâq; armorum radiabat puncta metallo:  
 Cetera terribili crepitabant obsita ferro:  
 Ut ferrugineos ferri laus prima mouebat.  
 Nunc si aliter visum est, causæ quid suspicer? idne  
 Tritius? effætam tandem sterile scere stirpem?  
 An quia militiæ nunc (ab) nunc altera vestra

*Laus est? setosum deceant nempe Hectora pugna:*  
*Tu Pari semper ama: fortes Milesia tellus*  
*Quondam aluit, nunc ipsa suo mage vellere pexa est.*  
*Nempe feros, nempe incultos prior edidit atas:*  
*Huic fracta mage molle placet: refugitque pruinas*  
*Ire per, & soles dispar prosapia prima.*  
*Vnde sonent rauco si Martia tympana bombo,*  
*Increpitet si Mars, si Pelias hasta lacertis*  
*Nequicquam (ah) teneris tollenda expromitur: istos*  
*Mirum omnes ni Erycina suæ ferat esse cohortis,*  
*Qui digito scalpunt vno caput, obstipique*  
*Incedunt, femora atque humeros centone referti,*  
*Surgere sæpè plicis soleat qui pluribus, olim*  
*Quàm stetit Aiæ septeno ex tergore scutum.*  
*Ilicet ista tuis bombycina corpora castris*  
*Dure Gradiue petas? clames licet, & tua quantum*  
*Quinquaginta alij vocalia guttura solus,*  
*Quum benè clamâris, frontem si contrahat illa,*  
*Et super impingat verba imperiosa labanti,*  
*Pauca, sed irati telo grauiora Tonantis;*  
*Extemplo conuersa retrò fera corda resident:*  
*Et cedes posita Mars importune querela.*  
*Nam quid agas, veris si vinceris? Ilicet istud*  
*Dedecus haud vlllo purgarit Tullius ore.*  
*At pallent: possitque etiam laudaviet ille*  
*Liuentum exanguis materato corpore vultus:*  
*Si vigili soles studio prauertere primos*  
*Vix dum etiam exiliens Tithoni lutea coniux,*  
*Aut seram à sophiæ libris auferre lucernam,*  
*Prætextos videat nox intempesta Catellos:*  
*Plus olei ut dicas quàm consumpsisse Falerni*  
*Pallidulos. Nugæ: non ista inducitur arte*  
*Hic color, aut lateris macies elumbis: adultos*  
*Nam stertunt soles, studij nox conscia sola est.*

*Siue alij punctis rem totam expungere pergant.*  
*Insomnes: (tanti est toties emittere pyrgi*  
*Carceribus geminos quadrato ex osse caballos)*  
*Siue aliud solas alijs tractasse per umbras*  
*Et sine teste placet: procul ô procul este prophani.*  
*Sed quid ego hæc? quorsum aut nequicquâ ingratiùs insto?*  
*Cedo aliquid. Priscas si poscere dura videbor*  
*Castrorum pelles, galeæ nec pondera ceruix*  
*Sustineat, plumis etiam nunc mollior ipsis,*  
*Si nimium est tetricæ libros triuisse Mineruæ,*  
*Si fortasse piget Latij, & temnuntur Athenæ,*  
*Muta silet vobis etiam vernacula lingua?*  
*Mitto ego nunc Paulos, Labeones, atque Sabinos.*  
*Nomina Pandectis adeò solennia: priscum est:*  
*Nec paret tabulis ius municipale vetustis:*  
*Audio: quid? patrias etiam nescire potestas*  
*Æqua datur leges? an & hoc tolerabile dicam,*  
*Prognatam imperio sobolem, populòque regundo,*  
*Ignorare quibus còeat Respublica vinculis?*  
*Aut demum quæ sit diuersa in sorte facultas,*  
*Quam penes imperij vis est? quantumque iubendo.*  
*Differat, vnus homo? an plures? an concio legem*  
*Constituunt? (neque enim prosit pugnantia secum*  
*Frontibus obuersis componere) quod iuuat isthic,*  
*Forte illic mera est iniuria. Nemo prophanus*  
*Ritè tuos (Astræa) modos, formâsque iubendi*  
*Colligat, hanc ni vim deducat fontibus ipsis,*  
*Quid fuit, informi à victu quod depulit olim*  
*Syluestres homines, quos ni tabulare vagantes*  
*Carmen in adstrictæ sociâsset fœdera vitæ,*  
*Nunc quoque posteritas glandem ructaret inertem?*  
*Et tamen huic sæclo paruum, & triuiale videtur,*  
*(Quippe humiles specie prima) disquirere causas*  
*Cur vetat ista minax? proponit blandior illa*

*Premia? nec pro re quauis lex aditur una?  
 Hac variata loco, persona, & tempore, tunc  
 Illotis manibus tractes: sacrariæque ipsa  
 Introëas, elementa velis ni discere prima?  
 Quod si Patricios monstrari, & dicier, hic est:  
 Hic ille est: turbaque iuuat leuis aura sequacis,  
 Cur non ante fores responsa petentibus omni  
 Pura lucro iuris patrij proferre peritos  
 Tam deceat, quam te Laberi? aut te Scæuola quondam?  
 Totque viros prima clas̃is decuisse, Quiritum  
 Testantur fascēs, oblatæque sella Curulis  
 Non minus hīs, quàm quos suadela diuite Pitho  
 Instructos voluit regnum exercere forense?  
 Siue per edomitas scandens victoria gentes  
 Iussit demerita plebis sperare tabellas?  
 Nunc, neque ius patrium vacat euoluisse: nec oci  
 Quantumuis superest, tantum canis, ardea, tali  
 Concedant: undante foro nec turbida vestrum est  
 Ingenia, aut moti fremitus compescere vulgi.  
 Nec scitis, quid sit subsellia tota togatis  
 Artibus in vestros conuersa reflectere vultus.  
 Quin potiùs studio indigno contemnitis omne  
 Quod sapit: ipsa etiam vitatis nomina docti,  
 Tanquàm aliquid doctrina notum contermina cristis  
 Adferat, aut pietas dispungat acumine ceras.  
 Ergò, malis quoniam corrumpitis artibus artes  
 Maiorum antiquas, quid mirum si nouus alter  
 Succedat vacuo eripiens præsepia fūco?  
 Dicite quantumuis nouus est: nos utile cælo  
 Donamus: ciuēsque suos miratur Olympus  
 Hoc olim creuisse modo. Mortalibus adsis  
 Quisquis es, inuento pulchro, cape præmia summo  
 Digna viro: patriæ proſis, spera omnia: postquàm  
 Virtuti, & meritis, nil non donabile restat.*



Vagyt, & mammis lac auxiliaribus hausit,  
 Turgescit bullans, florésque emittit, at vltra  
 Vix unquam matura suo dat tempore fructus,  
 Ante malis vnas inuertere sueta labruscis,  
 Attamen ut fungar vice cotis, & improba taxans  
 Sic acuam accensos animos conamine recti,  
 Me Deus inuitum increpitans crinitus Apollo  
 Vrget, & ignauam iubet altè incesse pubem.  
 Heu pubes Ithacæ sponsis numeranda puella:  
 Quæ toties generis Crambem spumosa recoctam  
 Eructat, titulosque recolligis vsque petitos  
 A Mynijs, claroque ab Iasone, Bellerophontes  
 Siue magis placeat, iactatæque monstra Chimæe,  
 Seu ferro anguicomæ secuit qui colla Medusa.  
 Siccine nobilium pergis decora alta parentum  
 Afferere? & pennas volucris Iunonia pandis,  
 Quando aquilas, tauros, Nemeique tremenda leonis  
 Ostentas chypæis, & piætis ora tapetis?  
 Quid tum? iure licet signis clarere paternis:  
 Hæc genitor ferre arma dedit, pater optimus illi,  
 Nonus ego accipio, & Deus est in utroque parente.  
 Laudo equidem, & ius est Heroum agnoscere prolem:  
 Attamen hoc clari (quæso) dic nominis heres,  
 Num tuus ille olim qui primus stemmata genti  
 Constituit, solum hac textit sua pectora parma?  
 Nulla nec ulterius cor ipsum lamina sepst?  
 Lamina? quid tibi vis? quis ineptius arma tuende  
 Facta cuti, interius cordi, aut pulmonibus aptat?  
 Quando igitur nescis, dicam (clarissime) quid sit,  
 Vt tua sint varijs hæc scuta induta lituris.  
 Illa tamen cordi propriè quæ optauerat arma,  
 Ille tuus, nono quem tu nunc ordine tangis,  
 Iamdudum neglecta tibi, collecta tulere  
 Terrigenæ, Marius, Cato, Tullius, hynoua proles

Obscuris titulis: tum libertina propago  
 Nescio quis Flaccus, paribus se partibus effert,  
 Charior Augusto, quàm tu, propiorque cubanti  
 Conuiua, & vacuis longè præclarior horis.  
 Proh scelus: audaces certum est haurire duello:  
 Nec mea qua fuerant, alius gestauerit unquam  
 Me uiuus: at quæ sunt illa arma, & lamina? pande.  
 Scire cupis? cordis tegumen præstantius auro,  
 Duricie & ferrum vincens, adamantina virtus  
 Illa fuit: quam tu, deceptus imagine picta  
 Despicias: ille tuus multum sudauit & alsit,  
 Sanguine tum vigils perumpens inuia cura,  
 Quò meritis patriam, fama distenderet orbem.  
 Hanc unam obtendens clypei vice, Gorgonis ori,  
 Et Scyllæ canibus, rediuiue & rictibus Hydra,  
 Enasit: iecitque tuis fundamina ceris.  
 Tu segni imbelles artus prostratus in umbra,  
 Audis quæ ad citharam cantat crinitus Tòpas,  
 Et valdè inflaris, vano si carmine bardus  
 Pangat opes veteres, aut fortia facta parentum:  
 Illa tuo veluti constarent adita Marte,  
 Quem scimus: sed enim si te (generose) tuorum  
 Laus capit, eia aliquid titulis tute adde paternis.  
 Semper ego proauos tantum? nunquàmne nepotis  
 Gesta legam? durum est toties assurgier umbris.  
 Si refugis: dicam, generis nec Dardanius autor,  
 Nec tibi Diua parens: mentito at proditus ouo  
 Nescio quem potius Thersitem moribus effers.  
 Sed cape dicta memor versa denuntia sortis:  
 Ni resipis (neque enim tantis tu solus inanes  
 Intendæ sue minas, aut sesquipedalia verba)  
 Nil erit huic quare clypeo confisus, & isti  
 Cassidis in summo nutat quæ vertice crista,  
 Antiquum speres fastu retinere decorem.

Ecce vides postquam fatalis lamina vestro  
 Prodit contemptu, fœdèque abiecta, novorum  
 Præda hominum facta est, vestris ut gnauitèr armis  
 Vos etiam oppugnent, conuersa & sorte vetusto  
 Exuere imperio pergant, & nomine herili.  
 Vnde etenim tot castra, & tanta palatia signis  
 Antiquis insculpta novos virtute fauente  
 Suscepere suis dominos penetralibus? unde  
 Scipiadum fundus, Lepidi domus, atria Scauri,  
 Mercurij accedunt, alieno ex ære, clienti?  
 Aut sua rostrata qui dedicat ora Mineruæ?  
 Vnde genus clari Valeri? aut stirps postera Codri  
 Nunc tunicata, suis quondam famulatur? & ultro  
 Dedit proauos? nec prima crepundia nouit?  
 Vnde? nisi amissa postquam virtute, palati  
 Posthuma progenies, plusquam studiosa, seueræ  
 Non ultra seruat ferule præcepta: nec ullos  
 Fert genitrix paruo domino bis stulta magistros  
 Peccanti improbulos, virgis abstergere natos?  
 Nempe etiam à primis recipit puer undique cunis  
 Verba salutantum: bullataque tegmina gaudet  
 Ferre humeris: pictoque obuincit crura cothurno.  
 Dein primum ut tenero balbutit blasfulus ore,  
 Accumbit mensis præcox conuiua prophanis,  
 Audit & illicitos olim genitoris amores,  
 Et temerata thori vicini, non sine risu,  
 Iura, patrique suam corrupta matre puellam  
 Ablatam: hic geminis applaudens cætera palmis  
 Turba fauet, sponda parasitica quæ cubat ima.  
 Tum postquam caluere animi, num exusta Syphacis  
 Castra? vel Annibalis flagrantès cornua tauros?  
 Aut metuenda fuga Parthorum tela locutos,  
 Disceptare putas ductoris nobile præci  
 Vllum opus, exemplo versuto imitabile, ut olim

Mos epulas inter Philopæmenis esse solebat?  
 Longum opus hoc : narrent potiùs quibus ardea gyris  
 Accipitris vitet demissum, ut fulmina, iactum:  
 Aut celer Æthiobates prauenterit omne Melampo  
 Ut stadium, qualisue Lacon latratibus altis  
 Solus opus lassò sub sera crepuscula cerno  
 Consecit. Positis num reris denique mensis,  
 Immanes Ericis produci in pralia castus?  
 Immò aliud: geminos salienti murmure talos.  
 Luditur? immò agitur dubio res seria sensu:  
 Sæpè per vnius postquàm dispendia iactus,  
 Exeat implumis gallina filius alba.  
 Quod, quoniam tali lufores alea peste  
 Disperdat cupidos, & que variata lituris  
 Puniceis, pullisque suo stat charta veneno  
 Infamis, miror quonam Respublica pacto  
 Vlla queat tanta contagis noxia ferre  
 Semina, non penitus totis à finibus acta.  
 Præsertim hac scelerum tam fæta atate, nefandi  
 Postquàm Pantolabus, Balistæque, fûrque Voranus,  
 Simalio, atque Harpax, balatrones hoc genus omne  
 Obsideant mensas citreas, & luce sub ipsa  
 Nunc coniuratis veniant ad classica talis.  
 Heu fuge crudeles heres nummate sodales,  
 Nec te decipiat mentiti forma Patrocli:  
 Quilibet istorum Vertumno inuersior ipso,  
 Perfidus apposito pratendet amabile vultu,  
 Aulam habitans, cætu medius, (nam byssina comptus  
 Indumenta geret, digitos ornante pyropo,  
 Ex auro & triplici nectet sua colla catena)  
 Finget amicitiam, captataque tempora Lynceus  
 Obseruans perdet paruum non inscius, ut te  
 Iam totum decima consurgens obruat vnda.  
 Quod te per Genium, magno patre creta virago

Inflare, & sacras venantum addiscere voces:  
 Nomina det canibus, pugno simul accipiter stet.  
 At neque vos præter lepores, capreâsque fugaces,  
 Adm. ut nostro quicquam obiectetis oculo  
 Dente, vel ungue ferox: astius syderis ardor  
 Ne capiti noceat, neu vesperis aura, caueat,  
 Tum succussantis ne scandat terga caballi,  
 At placidi, & ventos qui aquabilis ante eat ipsos.  
 Me miseram, ut metuo? nam vos, mala turba, remoti  
 Postquam è conspectu seceditis, ilicet istum  
 Ah teneros lassantem artus per aprica, sinetis  
 Aut lucta certare, aut longo tendere cursu,  
 Aut disco, aut iaculo, vel iniquo denique saltu,  
 Ut referat madidos, & stantes pulvere crines  
 Aureolos. Hera pone metus: nec cornibus atrox  
 Huic sese obijciat ceruus, nec dentibus ursus.  
 Ah puer infelix: & qui genuere parentes.  
 Hunc cecine sic decuit penitus nescire elementa,  
 Linguarum, librûmque rudem? contemnere Diuûm  
 Nomina? tam paruos digitos lassare fritillo?  
 Hactenus & syluis votum meliora iuuenta  
 Tempora, nil olim eximij promittere fructus?  
 I nunc: & tali famulo committe regendum,  
 Quisquis es, imbutum pulchris qui moribus optas  
 Astyanacta suis oculos tibi claudere palmis.  
 Id verò atque lubens faciet: nam Firmicus illum  
 Consultus narrat patrios inquirere in annos.  
 Quin simul ut pheretro impositum te cymba Charontis  
 Transuectat Stygias metuentem multa per undas,  
 Inuolat in loculos præcep: & questus hianti  
 Spe minus Astyanax sese inuenisse, profundit  
 Vel triduo aggestam per tot tibi lustra monetam  
 Ingluue, & pompa, & scortis, aliâsque per artes,  
 Quis pridem admissas didicit puer improbus usus.

*Sic postquam immodicis nec centum millia mensis  
 Sufficiunt, patrius quod census fudit in annos,  
 Prima manus velites, auratis pocula signis,  
 Inde boum prostant armenta à fœnore capta :  
 Pòst ouium versura decem legionibus instat :  
 Hæc quoque quum clades proferre Triaria suasis  
 Subsidia, & totis insternere viribus hostem,  
 Tunc villas, fundosque & prædia subijcit hasta :  
 Postremum cineres maiorum, ipsosque penates  
 Distrahit, & parma tum demum inglorius alba  
 Ingemit, & patrios algens reminiscitur Argos.  
 Interea (hæc quoniam messis sperata sefellit  
 Et regem & populum) præstantes rebus agendis  
 Vndique confuso admittet Respublica lectu.  
 Nec querit proavos terra num filius affert,  
 An rarum sola comitatum Pallade pectus,  
 Queque suis olim titulos pronepotibus addat,  
 Virtutem. Quid enim ? dum vos me proditis (inquit)  
 Et mea deseritis resupino munia fastu,  
 Quid faciam ? aut quibus insistam patria indiga fulcris ?  
 Vestrum erat à serie sic dependere paterna,  
 Vt ne quid magnum exigeret iactata vetustas  
 Arentis senio frondis, quam secula quondam  
 Troica Achilleo capiti flexere virentem,  
 Ni sua sæpè noua circumdare tempora lauro,  
 Postera cantati contenderet AEacide stirps.  
 Laurus ? ubi est ? vestris planta hæc an crescit in hortis ?  
 Ecce rosas video : Peneia marcuit arbor  
 Iam dudum contracta situ : squallentia tristis  
 Brachia nam ponit, valde indignata, rosetis  
 Sobria quòd madidis adeò postponitur : ipsi  
 Quippe inhonorata toto vix angulus horto est,  
 Solis egens, & fontis egens. Si fortè triumphos  
 Vel fictos simulet dispar prosapia prime,*

*Expectate*

Expectate (viri) dum laurus sicca nouellos.  
 Rursus agat ramos, nunc nomen inutile trunci est.  
 Scilicet expectate (viri) pariterque liquentis.  
 Ad vada Sabrina nigros expectet olores  
 Dedita nugiloquum præsцитis Cambria vaturn:  
 Seu quandoque suas Rutupino litore rupes  
 Cantia Lunensi posituras marmore cretam.  
 Quippe (reor) si exempla placent, morumque magistris:  
 Stabatur: en quos archetypos, quæ prisca rigentis  
 Virtutis monumenta, & dignas stemmate plantas  
 Laudato, unde meie queratur surculus hortis.  
 Eheu, quid volui misera mihi? perditæ sulcis  
 Semina degeneris lolij, lappasque, rubosque  
 Interferta queror segetem mihi tollere in herba,  
 Ingentique umbra totos obducere campos.  
 Quum quibus exemplis, quibus atque authoribus, omnis  
 Contagem populi manus emollita sequacis  
 Contrahat, AEacidum resupinum fatebitur horum  
 Purpura, imaginibus fallens, ignaraque vulgi  
 Inducens studia in præceptis conamine prauo,  
 Dum quis, non adeo quid, penditur. Ille tonans si:  
 Iupiter hoc fecit: cur Charæa tale libenter  
 Non faciat? facit insistent: & crimina Olympo  
 Plebs deducta solet plerunque autore leuare.  
 At forsan lætas luxus bene concedeat res:  
 Nec duræ tetricos Tatiæ sub Marte Sabinos,  
 Romulidæ sue petam priscos, nunc aurea Roma est.  
 I puer, & dubia præsto miracula cæne  
 Omnibus intendas neruis: in Apolline lis est  
 Iudice sub Catio: ni cæna liguriat vna,  
 Quod victi inuideant AEsope filius, & qui  
 AEgyptum squillis inhians properauit ab vrbe.  
 Queret amatorem chelidon irata recentem:  
 Nullus ero? Immo hoc tu nullius, pessime gurges:



Id metuis? non hoc metuis, quòd fama laborat?  
 Res abit? & nudum mox sera crepuscula plectent?  
 Quid, si sylva meis minitetur classica ripis?  
 Dira virum facies inimicas littore plantas  
 Imprimat? insuetis populetur & omnia flammis?  
 O iuvenes: nemon' prodit? num ter tribus horis  
 Dormitur? nec adhuc hesternæ crapula cœne  
 Digeritur? quid vis? iam iam expergiscimur: hora est  
 Nec dum undena: licet paulo amplius. Hei mihi, vos an  
 Vos tales, tantum mutatos Hectoræ ab illo  
 Ista dies videat, muros scandente Sinone,  
 Ut propè stertenti vigili plus audiat anser?  
 Nec sacra Elysus maiorum sedibus umbra  
 Hæc narrata ferent animis, aut auribus aquis:  
 Nec meus ille pudor, nec qui sol omnia lustrat  
 Dedecus hoc grato rubicundior aspicit ore.  
 Corripite è stratis actutum corpora: nunc ô,  
 Tempus adest quo se virtus iactata parentum  
 Marte probet proprio. Nunc primos tendere in hostem  
 Vestrum opus, & vestris patriam hanc defendere dextris.  
 Qualiter ingentium memini quum tempore auro  
 Dura sub assidua callebat casside cernix,  
 Nulla dies, humeris qua non tegumenta placerent  
 Squammea, lorica nodo cogente trilicem,  
 Vtpote Sericeo non dum thorace rigentes  
 Eneruante toros pulposi pectoris: auro  
 Nullus honos: clavis galeæ decus inter stinctum  
 Forsitan eratis tremulum fulgebat, eodem  
 Fimbriâ, armorum radiabat puncta metallo:  
 Cetera terribili crepitabant obsita ferro:  
 Ut ferrugineos ferri laus prima movebat.  
 Nunc si aliter visum est, causæ quid suspicer? idne  
 Tritius? effatam tandem sterile scire stirpem?  
 An quia militia nunc (ah) nunc altera vestra

Laus est? setosum deceant nempe Hec̃tora pugna:  
 Tu Pari semper ama: fortes Milesia tellus  
 Quondam aluit, nunc ipsa suo mage vellere pexa est.  
 Nempe feros, nempe incultos prior edidit atas:  
 Huic fracta mage molle placet: refugitque pruinas  
 Ire per, & soles dispar prosapia prima.  
 Vnde sonent rauco si Martia tympana bombo,  
 Increpitet si Mars, si Pelias hasta lacertis  
 Nequicquam (ah) teneris tollenda expromitur: istos  
 Mirum omnes ni Erycina suæ ferat esse cohortis,  
 Qui digito scalpunt vno caput, obstipique  
 Incedunt, femora atque humeros centone referti,  
 Surgere sæpè plicis soleat qui pluribus, olim  
 Quam stetit Aiaci septeno ex tergore scutum.  
 Illicet ista tuis bombycina corpora castris  
 Dure Gradiue petas? clames licet, & tua quantum  
 Quinquaginta alij vocalia guttura solus,  
 Quum benè clamâris, frontem si contrahat illa,  
 Et super impingat verba imperiosa labanti,  
 Pauca, sed irati telo grauiora Tonantis,  
 Extemplò conuersa retrò fera corda resident:  
 Et cedes posita Mars importune querela.  
 Nam quid agas, veris si vinceris? Illicet istud  
 Dedecus haud vllò purgarit Tullius ore.  
 At pallent: possitque etiam laudari ille  
 Liuentium exanguis macerato corpore vultus:  
 Si vigili soles studio prauertere primos  
 Vix dum etiam exiliens Tithoni lutea coniux,  
 Aut seram à sophia libris auferre lucernam,  
 Prætextos videat nox intempesta Catellos:  
 Plus olei ut dicas quàm consumpsisse Falerni  
 Pallidulos. Nugæ: non ista inducitur arte  
 Hic color, aut lateris macies elumbis: adultos  
 Nam stertunt soles, studij nox conscia sola est.

*Siue alijs punctis rem totam expungere pergant.*  
*Insomnes: (tanti est toties emittere pyrgi*  
*Carceribus geminos quadrato ex osse caballos)*  
*Siue aliud solas alijs tractasse per umbras*  
*Et sine teste placet: procul ô procul este prophani.*  
*Sed quid ego hæc? quorsum aut nequicquã ingratiùs insto?*  
*Cedo aliquid. Priscas si poscere dura videbor.*  
*Casirorum pelles, galeæ nec pondera ceruix*  
*Sustineat, plumis etiam nunc mollior ipsis,*  
*Si nimium est tetricæ liberos trinuiffe Minerua,*  
*Si fortasse piget Latij, & temnuntur Athenæ,*  
*Muta silet vobis etiam vernacula lingua?*  
*Mitto ego nunc Paulos, Labeones, atque Sabinos.*  
*Nomina Pandectis adeò solennia: priscum est:*  
*Nec paret tabulis ius municipale vetustis:*  
*Audio: quid? patrias etiam nescire potestas*  
*Æqua datur leges? an & hoc tolerabile dicam,*  
*Prognatam imperio sobolem, populòque regundo,*  
*Ignorare quibus coëat Respublica vinculis?*  
*Aut demum quæ sit diuersa in sorte facultas,*  
*Quam penes imperij vis est? quantumque iubendo.*  
*Differat, unus homo? an plures? an concio legem*  
*Constituunt? (neque enim prosit pugnantia secum*  
*Frontibus obuersis componere) quod iuuat isthic,*  
*Forte illic mera est iniuria. Nemo prophanus*  
*Ritè tuos (Astræa) modos, formâsque iubendi*  
*Colligat, hanc ni vim deducat fontibus ipsis,*  
*Quid fuit, informi à victu quod depulit olim*  
*Syluestres homines, quos ni tabulare vagantes*  
*Carmen in adstrictæ sociâisset fœdera vitæ,*  
*Nunc quoque posteritas glandem ructaret inertem?*  
*Et tamen huic sæclo paruum, & triuiale videtur,*  
*(Quippe humiles specie prima) disquirere causas*  
*Gur vetat ista minax? proponit blandior illa*

*Pramia? nec pro re quauis lex aditur una?  
 Hac variata loco, persona, & tempore, tunc  
 Illotis manibus tractes: sacrariâque ipsa  
 Introëas, elementa velis ni discere prima?  
 Quod si Patricios monstrari, & dicier, hic est:  
 Hic ille est: turbaque iuuat leuis antea sequacis,  
 Cur non ante fores responsa petentibus omni  
 Pura lucro iuris patrij proferre peritos  
 Tam deceat, quam te Laberi? aut te Scauola quondam?  
 Totque viros primæ classis decuisse, Quiritum  
 Testantur fasces, oblatâque sella Curulis  
 Non minus hijs, quàm quos suadela diuite Pithe  
 Instructos voluit regnum exercere forense?  
 Siue per edomitas scandens victoria gentes  
 Iussit demerita plebis sperare tabellas?  
 Nunc, neque ius patrium vacat euoluisse: nec oçi  
 Quantumuis superest, tantum canis, ardea, tali  
 Concedant: undante foro nec turbida vestrum est  
 Ingenia, aut moti fremitus compescere vulgi.  
 Nec scitis, quid sit, subsellia tota togatis  
 Artibus in vestros conuersa reflectere vultus.  
 Quin potius studio indigno contemnitis omne  
 Quod sapit: ipsa etiam vitatis nomina docti,  
 Tanquam aliquid doctrina notum contermina cristis  
 Adferat, aut pietas dispungat acumine ceras.  
 Ergo, malis quoniam corrumpitis artibus artes  
 Maiorum antiquas, quid mirum si nouus alter  
 Succedat vacuo eripiens præsepia fugo?  
 Dicite quantumuis nouus est: nos utile cælo  
 Donamus: cinēsque suos miratur Olympus  
 Hoc olim creuisse modo. Mortalibus adsis  
 Quisquis es, inuento pulchro, cape pramia summo  
 Digna viro: patria prosis, spera omnia: postquam  
 Virtuti, & meritis, nil non donabile restat.*

*At piger, e mentitus, iners, melioribus usu  
Cede loco, & tota hinc vel cum Carthagine migra.  
Scipiadæ veros sua debita palma sequuta est:  
Tu verò an pariles tam dispar credis honores  
Deberi effata iam dudum stipitis umbra?  
Crede mihi tanti non est numerosa reductos  
In digitos series: nec cælum in utroque parente,  
Larua sibi ut poscat, facies quod vera negarit.  
Non hoc ista sinunt tam sævis tempora turbis  
Concita, non clavi moderamina danda perito:  
Nec vacuus ferat vlla diu Respublica sedes  
Stare sibi, tardè veniente ad munera primo,  
Quo minus ipsa locum properanti exhausta secundo  
Elocet, atque aliqua persona vitet inane.  
Palma etenim in medio posita est certantibus: & lex  
Succurrit vigili: stertentes præterit Hora,  
Hora deæ caluæ famulans. Si ritè recordor,  
Magnus Alexander moriens consultus Eois  
Quem vellet populis post se regnare secundum,  
Illum (ait) inter vos quisquis dignissimus extet.  
Rectè herclè ò iuuenis Pellææ gloria gentis.  
Quippe magistratu (lapis ac si Lydius aurum  
Atterat) à gnauo caudex discernitur: omnis  
Amphitryoniadæ non apta est dextera clauæ:  
Nec bene pomilio stellantem sustinet axem.  
Esset opus generis: generi quis plurima claro  
Deberi inficias rectè iuerit? integer ipse  
Surculus, & pulchro non impar brachia flexu,  
Si tantum reliquæ toto se vertice sylvæ  
Efferat, atque humiles inter generosa myricas  
Aërio solita est se attollere vertice pinus.  
Verum frustra homines nec stare diutius æquum est:  
Nec valet annosi tantum nunc nominis umbra,  
Ut quæat obtutu gnaris imponere primo,*

*Si nihil vlteriùs quàm ductus stemmatis affert,  
 Quisquis erit, canos qui somniat vsque triumphos,  
 Calleat, arguto quum nunc & turba palato,  
 Doctior à primo fatuum deprehendere morsu.  
 Pulcher erat, magnòque satus puer ille parente,  
 Cui loquere vt videam, solus vel Apolline teste  
 Dixit Eryethonijs sapiens prognatus Athenis.  
 Vsque adeò est animus generis certissimus index.  
 Quò magis egregium genus vt doctrina coronet  
 Virtutum genitrix, clara & spes altera stirpis,  
 Omnibus hùc genitor neruis incumbere debet:  
 Nil potius toto quoniam possederit asse  
 Ipso animo pulchrè instructo spectabilis heres.  
 Quòd quamuis stupidos, illustria signa parentum  
 Qui male dispungunt fœdis obducta lituris  
 Musa gemens multo spargat sale, & acriter instet:  
 Non omnes hac carta notat, nec fortè Britannos  
 Maius hoc solos taxari carmine dicat:  
 Cuiuscunque suas mutato nomine, de te,  
 Dèque tuis siquid damnosa canicula menti est,  
 Aut Phrync, aut Tiberi nullus (quia Caesaris) emptus  
 Immani, res est vitij: stant plurima nobis  
 Pectora nobilium claras potiora per artes,  
 Sive togam spectes, seu partas vulnere lauros.  
 Abstineam viuis: verum quos Parca sepulcro  
 Intulit, inuidia maiores quosque recenti  
 Iactura meminisse datur, si ritè reuoluo,  
 Dignum erit vt studio gens amula prodeat equo,  
 Indigitèsque suos imitandos ducat in actus.  
 Norfolchi genus antiquum, quot pignora sudit  
 Magna libris, maiora armis, & maxima fido  
 Consilio, haud facile est properanti extendere paucis.  
 Vnus at heu demptus fati crudelibus Heros  
 Prepositus cunctis poterat Surreyus esse,*

*Ni fera surgentes Lachesis truncâsset honores,  
 Obliquôq, nocens incantis fascine liuor.  
 Crudelis Lachesis : crudelis tu quoque liuor :  
 Ni quiddam potius crudeli dirius esses,  
 Quo te cunque vocent inuisum nomine ciues,  
 Monstrum anceps, Erebo emissum, fatale Britanne  
 Iam toties aule, sed nulla inuisius umbra,  
 Exclamare libet, quæ tanta licentia noxæ est,  
 Vt quæ nunquàm ausit campo se immittere aperto,  
 Grassetur sub nube Calumnia freta susurris?  
 Perfida speratos patria præcerpere fructus  
 Tunc impunè potes, tam crebra innecta securi?  
 Semper & erectis mutilare cacumina plantis  
 Credulitate labans? quid non commiserit error?  
 Si faciles monstrum hoc, & quas non debuit aures,  
 Præueniens, tacito insontes onerârit aculeo?  
 Ille obijt : pœnas liuentum à sanguine dudum  
 Exegit Nemesis : nec tanto crimine flagrans  
 Inuidiosa diu manus est letata superstes.  
 Vulnus adhuc oculis occurrit flebile nostris,  
 Quo nimium pronas iuuenis luit inscius iras :  
 Cui si ingrata dies, & ineluctabile tempus  
 Non ad eò extremam cæptis superaddere limam,  
 Vitatôsq, ferè casus, superare negâssent:  
 Nescio quid maius vidissent secula nostri  
 Temporis, aut claris illo præstantius actis.  
 Tanta sub ardenti tendebat pectore virtus,  
 Tantus & ille fuit generosi spiritus oris,  
 Et vigor aptus equis, structo & concurrere campo,  
 Aptus it em sacro Parnassi vertice cultam  
 Casariam viridi cantans ornare corymbo.  
 Proximus huic, gentis cui nomina signat hirundo,  
 (Infelix puer ille etiam, Matrauersius umbris  
 Additus ante diem) nostro decus orbe refulsit,*



*Quale oriens nitido iubare exerit auricomus sol,  
 Nube tamen letos vultus qui condat opaca,  
 Ante iter inceptum quàm sexta ex parte peregit.  
 Hunc pia cura patris, sperans ex indolis alta  
 Floribus optatos olim decerpere fructus,  
 Bis genuit, genitum erudiens, nascentis alumni  
 Ore fauens leto fouit patria omine cæpta.  
 Et tantum iuuenis superâsset denique factis  
 Spem captam, quum Flandra truci legatio febris  
 Corruptum nono per planctus extulit æstu.  
 Possem alios proferre viros gemmantibus actis  
 Insignes: possem facundi dona Viati  
 Dicere, purpureumque probi laudare Kneueti  
 Os: possem insignem producere Bellinghamum:  
 Teque vel antiquis Poyninghe heroibus æquum:  
 Vt taceam, validis quantum Barclayus ille  
 Pelida propior Iohannes præstitit ausis:  
 Aut quantas paruo Shellæus corpore vires  
 Tertius à Decijs, deuota in vulnera prompsit:  
 Præterea quorum illa ferax tot protulit ætas  
 Proxima, grandisonis celebranda exempla pœtæ:  
 Sed quibus ante suos immitti cuspide canos  
 Confectis memores maiori ex parte dolemus  
 Tam celeres obitus nentes statuisse sorores.  
 Cuius vt exemplar lecta sub imagine proftet,  
 Vnum & pro cunctis nostratæ fama loquatur,  
 Hûc ô sydereis te sistas vnice claustris  
 Rex Edoârde tua nuperima gloria gentis.  
 Accipe deuoto puros à pectore questus,  
 Et repetita tui longum suspiria casus.  
 Heu miserande puer (si tu puer, ora senili  
 Qui studio matura viris aperire solebas)  
 Quò tibi vernantis perijt spes mæsis in herba?  
 Quidue dolens statuit scelerum Rhamnusia vindex*

*Innocuum caput ob fontes, crudelibus umbris  
 Addere? num superum tanta indignatio menti est?  
 Nam neque liuor edax caelestia pectora pulsans  
 Illud erat: nec casus erat, qui sorte peremptum  
 Conderet ante diem: Deus hoc Deus adidit ultor,  
 Moribus offensus (dignum est ita credere) nostris,  
 Indignis tanti solis radiantia ferre  
 Lumina, quo tenebra extincto nunc omnia fuscant.  
 Sæpe malum hoc nobis non laua ex ilice cornix  
 Dixerat, aut Phæbo carmen præcunte Sibylla,  
 Sed Deus ipse Deum genitor, prænuncia cladis  
 Monstra prius mittens, si mens non cæca fuisset.  
 Nam quis non fædi deformia corpora partus  
 Horrui? auersas commissio clune gemellas?  
 Quis non immanes proiectos littore cetos  
 Extimuit? quis non vel signa minantia cælo?  
 Commisissæq; acies? liquidumq; per aëra pugnæ?  
 Cætera de genere hoc, nobis elementa ministra  
 Prædixere iubente Deo: si noxia saltem  
 Gens conuersa, suæ meditansq; piacula culpæ  
 Diuinam vellet precibus deprecere pacem.  
 Sed frustra monuit Deus optimus: ille salubri  
 Consilio cautos voluit: peruersa virum mens  
 Omina despiciens in risum seria vertit.  
 Sic ergo intra aulam iam peccabatur, & extra  
 Plebs scelerata nouis iam pridem turbida rebus  
 Incumbens, vario compleuerat omnia motu:  
 At procerum forsan melior sententia menti:  
 Quid dicam procures? quorum per pectora acerbi  
 Semina dissidij dudum discordia seuit?  
 Ante etiam ut fratres, spirans letale venenum  
 Commisit, faciles nimium dum præbet uterque  
 Aures palponum diris hinc, inde susurris?  
 Nam neque fraterni valuit reuerentia vinculi,*

Quò minùs insano turbarent mutua nixu  
 Fœdera, spem vultu simulantes, facta sed intus  
 Occultis odijs gestantes liuida corda:  
 Vsq̃ue adedò ambitio mortalia pectora cogit.  
 Quæ genitor cæli prospectans culmine ab alto,  
 Sic puerum sua dona viris malè credita temni,  
 Sic obducta foris fallacia pectora fuco  
 Nil factis prestare pium: verùm ordine verso  
 Maiores peccare, atque horum exempla minores  
 Perdita tam cupidis pronos amplectier vlnis:  
 Tandem (eheu) lentam inuitus surrexit in iram,  
 Omnia peccantis populi commissa rependens  
 Vnius ablatu pueri, quem Parca beatis  
 Restituit cæli, quo lapsus, sedibus: & nos  
 Destituit manifesta Dei presentia in illo.  
 Quem si longa dies plures seruasset in annos,  
 Si non maturo mors immatura negasset  
 Exerere vltèriùs diuinæ pignora dotis,  
 Tanta tibi (ò Edoârde) fuit tum gratia formæ,  
 Indolis & tam rara vsque ad miracula virtus,  
 Ingenio docti curam superante magistri,  
 Tanta tibi & morum probitas, vbi mite sereni  
 Principis effulsit specimen puerilibus annis  
 Gratius, ingenio sacrum os ornante pudore,  
 Verbaque vel duras blandè penetrantia cautes,  
 Tanta, inquam, fuerant congesta hæc omnia in vnum  
 Dona Deum, ut meritò post sæcla effeta creasset  
 Delicium humani generis Natura putetur,  
 Quo duce, Britannis illa aurea tempora rursus  
 Lactè amnes, & melle rubos signata redirent.  
 Quando iterum nostris errarent Dij quoque syluis,  
 Dij faciles, lustrata nouis altaria donis,  
 Quique pias grato spectarent sydere palmas,  
 Et genti annuerent restaurato ordine, longùm

Relligione, toga studijs florescere, & armis.  
 Nunc igitur, quoniam nos hac per somnia tantum  
 Visa, iterum ante diem te concedente sinistri  
 Perdidimus, superestne aliud? quàm concita & amens  
 Vt Patria in pullos se tota effundat amictus,  
 Atra comas olim virides, camposque nigranti  
 Sparsa super velo, & conuersis turbida lymphis,  
 Hys saltem accumulet donis monumenta nepotis  
 Ætherei, cinerique tuos tenera oscula iungens,  
 Æternum mea cura vale, vale ò mea (dicat)  
 Cura olim: nunc ò despectans nubibus adsis  
 Cura Deum, læsique Iouis prece fulmina siste:  
 Dignus eras triplices canus qui viuere in annos  
 Nestoris, ipse decem qui Nestoras unus obires:  
 Cuius & imperio totus se subderet orbis,  
 Quà Zephyri Hesperijs, quaque Euri efflantur Eois,  
 Vnde tuis thyrsos Bacchus deponeret aris,  
 Liuerètque nouis Tirynthius ipse columnis.  
 Interea, humano quoniam diuinior extans,  
 Dignus es ipse habitus mensis accumbere Diuum,  
 Dignus eris cui nos votum immortale sacremus,  
 Et quem fama sonans repetat constantius omnes  
 Per numeros, cunctis moueas ut pleetra Poëtis,  
 Dum vada thunnus amat, ludensue per aquora saltu  
 Lasciuo pandus iactat sua corpora delphin.  
 Plura loqui nequeo: singultibus interceptos  
 Tempus adest parcente stylo requiescere versus.  
 Musa nouas postquam pulmonibus hausserit auras,  
 Rursus ad inceptum mea se feret excita carmen.

# DE REP. ANGLORVM INSTAVRANDA,

## Liber Tertius.



*Q*uod pelago fragilem vasto cōmittere cymbā  
 Ausus ego, medijs lassus nūc iacter in undis,  
 Respiciens iter emensum, quæsit aque longè  
 Littora, vix oculis aduersa ex parte nigrātes  
 Contendens acie videam producere colles,  
 Angor inops animi. Tantum superasse laboris  
 Hactenus, auspiciis patrīs Dīs, & pede fausto,  
 Fortasse est aliquid quo spes se proferat ultra,  
 Spes tenuis, paruoque licet concredita filo:  
 Quæ posito audacis paulū conamine cæpti,  
 Aëra, & immensum circumspicit undique pontum,  
 Et tantum superesse viæ tristata, profundam  
 Segnitie stupidis paulatim obrepere neruis  
 Sentit, ut abiectō cupiat discedere remo,  
 Immemor inceptique operis, laudisque sacræque  
 Officij, quo me patria reliquit imago  
 Illa meis miseranda oculis obiecta per umbras.  
 Sed pudor, & pietas, & nescio quis furor imis  
 Sensibus, & valide possessō pectore serpens  
 Spem recreant, magnisque iubent insistere cæptis:  
 Et superata manent post prima exordia, quantum  
 Dimidio propior tota de molere reuulsi:  
 Ostenduntque ipsos portus, terramque cupitam,  
 Substernuntque undas faciles, cymbamque benignis

*Iutantes dextris, pronam per cæcula pellunt.  
 Illa volat, finditque datum fidentiùs aquor.  
 Ergò iterùm Iouecreta meos Astra labores  
 Aspice letanti, quo patas cætera, vultu.  
 Tuque Urbane potens contractibus, aquore verso  
 Cylleni, ignotis merces qui sistis ab oris,  
 Informàsque manus operi, referàsque tabernas  
 Artificum, variòque doces incumbere lucro:  
 Túque Pales : túque alma Ceres : pia numina ruris:  
 Et tu magne Pater custos maris Ennosigæe,  
 Cui transstra, & classes, ventosa & carbasa cura:  
 Túque etiam armipotens, patriæ in tutamen Athena,  
 Quæ robur conferre soles, vim ciuibus addens  
 Vnanimem : túque ô melioris maxime sacli  
 Rector falce potens, quo sub mortalia frugi  
 Pectora concessis tendebant finibus, omni  
 Ingluie, & luxu, & vetitis procul ornamentis :  
 Tuque Venus, cælo genus antiquissima ducens,  
 Et casta, & pueri genitrix velata pudici,  
 Maturas quæ in vincla nurus, pactòsque Hymenæos,  
 Cunctantes, nondúmque oblitæ iura Diana,  
 Spemque metúmque inter sacris genialibus addis,  
 Vos (inquam) hijs oro faciles, & fronte serenos  
 Aspirare pia modulatis mente Camenis.  
 Si purum, & patriæ collatum sponte profundo  
 Officium, neque laudis hians, neque præmia captans,  
 Multorum ast odijs caput hoc non inscius obdens,  
 Augiæ stabulum coner peruerrere ab imo :  
 Vt bene purgati nobis Respublica fundi  
 Pignora, iam melior delecto ex semine reddat.  
 Nunc, istos urbana modos, & rustica pubes  
 Hauariat, & populi triuiæ turba minuti.  
 Quam postquam imperio meliorum viuere pronam  
 Sors tulit, & nutu sanxit rex Iupiter illo,*

Quo statuit mundo aternas in fœdera leges?  
 Vnde suis diuersa locis elementa quiescunt  
 Lite procul, pulchrè discordi iuncta ligaclo,  
 Dignum erit vt gratis animis sua munera lati  
 Procurent: concessa vt quum statione manentes  
 Expediunt gnauas operas ciuilibus vltro  
 Officijs, tum si Fortune aquata voluntas  
 Condrat hæc animi contenti cuncta sapore,  
 Nil erit vt quicquam vltèrius plebeia classis  
 Suspiret, neque discupiat tractare negata.  
 Eia ergò fortunatos, bona si sua norint  
 O nimium, hos tenui sensu, tenuique cerebro  
 Agricolas, fabros, fullones, istaque vulgi  
 Agmina, Musarum sacris exclusa: profundas  
 Quæ nec concipiunt, nec voluunt pectore curas,  
 Ingenio facili pœnarum oblita, metûque  
 Liberiora mali longè impendentis, & alto  
 Quæ tradunt placide stertentia membra sopori,  
 Synceroque magis degustant gaudia fructu,  
 Quàm quibus omne bonum curis corrumpitur imis,  
 Et lepor, & risus, præstructo in pectore acescunt.  
 Scilicet ingenuus candor, natiuæque vulgo  
 Simplicitas, vitæ fines tetigisse beatæ  
 Dat propius, quàm qui tanto molimine doctis  
 Rixantes satagunt libris hausisse magistros.  
 Horum etenim barbis si credimus, omne beatum  
 Rarum erit, & multo nactum non absque labore.  
 Obuia plebeis passim, & concessa voluptas  
 Illa erit, exiguo quæ sæpè parabilis ære  
 Nil vltèrà cupienti, animum persundet ouantem  
 Delicijs, quales nec Cræsi regia sensit,  
 Nec tua, qui Siculas tantis terroribus vrbes  
 Exagitans, gladij exemplo pendentis equino  
 Crine, admoti epulis suprà caput assentantis,



*Gaudia solliciti damnabas falsa tyranni.*

*Et meritò: nam quum sapientis nōsse futurum est,  
Angor item crescat, quantum ipsa scientia crescit,  
Conueniens animo est, qui visa fugacia captans  
Vltiora petit, nactis nec sustinet uti.*

*Quod quum reuerà nulla est sincera voluptas  
Hic hominum, falsosque inuat lepidissimus error  
Conuiuias, congerrones, vinctosque sodales,  
Qui benè curata ducunt cute mollitè auum,  
Quis non pallidulis hos præferat vsque sophistis?  
Postquàm animo hij viuunt placido, placidisque fruuntur  
Siue bonis, seu tantundem quod præbeat usus,  
Mentibus hoc ipso contentis? plurimus illos  
Parte alia dolor indignans corrodit, & atra  
Bile facit vitæ suauissima tempora tristes  
Exigere, atque alijs, quin & sibi semper iniquos,  
Cogit ab effuso in ludos migrare theatro.*

*Quare istis, vos ò faciles tunicata iuuentus,  
Vrbica plebs etiam crassa benè tecta lacerna,  
Si sapitis, vel non sapitis: (quod iustius optem  
Hys quicunque leues fallunt genialitèr horas)  
Admoneo vt tetricas curas, munusque regendi,  
Et sophiam vestris non aptam lusibus, vltro  
Linguatis: totas securi vt stertere noctes  
Malitis potiùs, studio quàm dispare tacti  
Vobisque, nautisque graues, damnòque carinæ  
Iactatæ, vetito nequicquàm incumbere clauo.  
Nam licèt in tota navi præstantius ipso  
Naucleri officio nihil est, meritòque foueri  
Dignus erit, qui plus cunctis desudat, honore,  
Vnde alijs animo ingrato per inertia corda  
Liur edax bullit, non rem, sed præmia spectans:  
Attamen æquatum cunctis qui voluere finem  
Mente potest vna vectis per carula pristi,*

*Scilicet incolumi portus tetigisse cupitos  
 Nauigio, & Diuis soluisse in littore vota,  
 Iam tantum accedit naucleri ex munere fructus  
 Hys, quibus iniunctum fuerat tractasse rudentes,  
 Aut validis vnctam remis propellere puppim,  
 Seu dare vela notis, sentinae aut sistier ipsi,  
 Quam qui alios seruans, opera seruatur eadem.  
 Vna salus cunctis diuerso ex ordine pendet:  
 Nec magis hic saluus, qui primo munere praestat,  
 Quam qui postremi vilem sese ordinis infert.  
 Quod si ita sit: rursus consultum ciuibus optans,  
 Admoneo, vt quo quemque loco sors condidit, illo  
 Perstet, & ingenuo patria se pectore sistat  
 Compositum, neque vesano nouitatis amore  
 Misceat ille suos alienis partibus ausus:  
 Quin patrias artes primis quas extulit annis  
 Percolat, & canos exerceat vsque senectae.  
 Sic etenim cui nil melius mens culta recludit,  
 Gnauius expediet concessae munia vitae:  
 Fallet & adiuncto partim sua tadia cantu,  
 Partim alijs mixtus sociato cuncta labore  
 Condiat, vt quiduis mollescat tritius usu.  
 Praecipue si non aliud sub pectore verset,  
 Quam quod agit: durasque manus obducere callo  
 Pulchrius esse putet, quam culti verba palati  
 Effutire suis malint qui sibila bobus.  
 Mente etenim postquam, connexo & corpore constet  
 Omnis homo, iubet haec longe sublimior, illud  
 Iussa facit: quod si studio male dispare bina haec  
 In diuersa ruant, opus absoluisse cupitum  
 Tum dabitur, quando Musis & Apolline lenis  
 Rauca queat coccyx philomelam vincere cantu.  
 Quare etiam pronos animos asferre decorum est,  
 Prona ministerio vt desudent corpora iuncto.*

*Tum quoque ni suctis manibus meditata retractet  
 Quisquis is est, operis quicquam qui ceperit, & se,  
 Multa prius voluens animo, djudicet, illi  
 An par, vel primo existat tyrocinio impar?  
 Nil agit: & saxum repetito Sisyphus urget  
 Iactura patriæ vano molimine læsa.*

*At neque sic etiam completo munere quicquam  
 Perficiet constans, omnique ex parte rotundum,  
 Ni quando, & quo quidque loco, quoque ordine fiat,  
 Præcipua penset solers industria cura.*

*Ordine nam toto natura in corpore nil est  
 Admirabilius: varios animantibus usus  
 Quod tribuens, fini simul instrumenta petito  
 Appropriet, pinnas squamosis piscibus addens,  
 Et volucris pictas, sulcet quibus aëra, pennas,  
 Tum tardo in solidos componitur ungula gressus  
 Quadrupedi, & tractu sinuoso reptile prodit.*

*Parte alia hic longo effodiens sua prandia rostro,  
 Lumbricos captat miseros, aut denique lusi  
 Grana recens terra furatur iacta coloni.*

*Hic pando tacitis sinuosa per æquora rictu  
 Pisciculis, prædo secreta cubilia turbat.*

*Hic unco pavidas præceps agit ore columbas,  
 Dentibus hic melior, hic curvis unguibus atrox,  
 Hic pedibus fidens ipsos prævertere ventos.*

*Quisque suus noscit natura ex semine vires,  
 Insistitque suis, si vis sese offerat, armis,  
 Tam certo, ut pedibus melior non explicet alas:*

*Cornua nec frendens protendat vulnificus sus:  
 Nec sua calce unquam defendant pignora tigres.*

*Quocirca, atque homines sua munera nôsse decorum est:*

*Quid valeant, & quo valeant, quin & quibus oris?  
 Ne medias, armis melior campestribus, urbes  
 Occupet, aut pagos inuertant pharmacopola.*

Nam quæ Mercurio collegia lucripotenti  
 Dedita contractus nummi exercere dolosi  
 Arbitrio, variâsque solent exponere merces  
 Ambigua pro more fide, præciòque bilingui:  
 Præterea digitis artes tractare minutas  
 Qui lenibus pergunt, quarum pars iure refertur  
 Maxima ad ingenium, minimam vis corporis adat,  
 Siue Myron sculpat, seu pingat dius Apelles:  
 Siue parum fidus varias compingere vestes  
 Instet acu sartor, nec segmina reddere curet:  
 Hinc cerdo, & phrygio, quique vincta dona Minervæ  
 Sollicitat, radio lanam cogente sequacem:  
 Tum qui Dadaleo deformat munere tignos,  
 Siue tuis furuos sistat fornacibus artus  
 Mulciber, ab Cypria diuæ congressibus impar:  
 Parte alia ventris manus ingeniosa magistri  
 Fartores, lanæ, pistor, cetarius, auceps,  
 Et caupo, & madida impurus pincerna tabernæ,  
 (Si tamen huic bene morata locus vllus in urbe est)  
 Atque vno ut verbo expediam, quibus urbica menti  
 Munera sunt, aliquo stilbontis sydære tincta,  
 Mænibus hos omnes patulas inferre tabernas,  
 Lex esto: ut multa versatos luce, propinqui  
 Ne peccent, reuocet non parcens virga magistri.  
 Quippè leues citius volucer non colligit auras  
 Nisus, ubi æriam videt intra nubila ciyim,  
 Nec prius adiunctam versutus polypus oram  
 Induit arbitrio mutata pellis in horas,  
 Quàm genus hoc hominum solers, & mobile, prono  
 In vetitum studio, fallendi mille figuras  
 Inueniat: tantas sæcundo pectore technas,  
 Excuditque dolos, ut & ipsos prodere luci  
 Non dubitet minima spe promergente parentes.  
 Qualis in Arcadicis progenerate caducifer oris,

*Tute vaser, rides periuria vasa clientum.  
 Ergò etiam plebs hæc mutandis improba rebus  
 Incumbit, nouitate ruens, nec gnaua seueræ  
 Integros opera perfert occumbere soles:  
 Quin cauponinti instaurat creberrima cætu  
 Symposia, & vetitos lusus, feriat a profesto:  
 Vnde fluit fallax fluxi satura laboris  
 In clandestinos pacto resoluta susurros,  
 Dimidium ut vendant precio maiore, ferebat  
 Quàm toto pridem iustus valor: atque ità falso  
 Sapè solent putridas expromere nomine merces  
 Ignaro, & pura mercanti mente colono.  
 Quem si oculis coram Archontis versuta propago  
 Fallere non dubitet: quid syluas inter, & agros  
 Audeat? arcanas nullo censore latebras  
 Excutiente doli? campis decurrere apertis.  
 Si queat urbana manus insidiosa sequela?  
 Rectè igitur claustris, & cincta per oppida plebs hæc  
 Cereæ subiectas censori exerceat artes:  
 Ut quantò ingenio fraudi procliuior extat,  
 Hoc magè ne possit, cupiens fortasse, cauendum est.  
 Nec falcem petulans aliena immittere messi,  
 Quando aliam atque aliam professo duplicat artem,  
 Ille vnus, teneris (ut pridem diximus) annis,  
 Assidua versare manu qui debuit vnâ,  
 Ducat ut exactum constantè circinus orbem  
 Ad proprium, nullo deflectens tramite punctum.  
 Sic etenim varijs pollens respublica, cunctos  
 Egregias fundet diuersæ sortis alumnos,  
 Perfectosq; sua, quam tractant, arte magistros.  
 Omnibus ut pateat querendi formula victus,  
 Qui quantum satis est, & censu stet mediocri,  
 Ne nimium capiat Crassus, vix eruat Irus  
 Esuriens ternos in prandia curta lupinos:*

Sed sua fraternis animis commercia pensent,  
 Alter egens opera alterius, ne solus ad omne  
 Sufficiat, quin sit quo praestent mutua cines  
 Officia: utilitas charos sic reddet utrinque,  
 Diuersique omnes referent sua munia ad unum:  
 Quilibet ut culta ciuis sic dicat in urbe,  
 Tecum ego, nec sine te tantillum viuere possum  
 Vir Deus (ecce) viro, quoniam conuenimus omnes.  
 Quòd, duo quum rebus cines studuisse nouandis  
 Plebeios faciant, hinc alta, & turpis egestas,  
 Hinc opulenta, ferox nimio fortuna popelli,  
 Quò quis ab extremis medio se iunctius infert,  
 Hoc magis hos statuet fidos, insig, sequaces:  
 Et quod praeipuum est, constantes semper eisdem  
 Propositis, ut nemo vicem mutasse receptam  
 Concupiat, partis ni quis iactantior aequo  
 Diuitijs, posthac triplicato nomine gaudens,  
 Se ferat antiquis subito natalibus ortum:  
 Deque via populum latè discedere cogat.  
 Nam genus, & quid non, rex regum fulgidus adfert  
 Plutus in arata, larium vice, conditus arca?  
 Mira canam: sed vera canam: speremus amantes  
 Quidlibet, hic ille est, à quo Venus aurea dicta est:  
 Cuique suos imber famosus debet amores,  
 Quem medium inter se reges statuisse laborent,  
 Cognatumque atavis agnoscant altiùs ipsis,  
 Cui proceres, canig, assurgant ordine patres,  
 Cuique genu flexo meditetur vota popellus.  
 Et miramur adhuc numen per tela, per ignes  
 Tam praesens, tam praeipuum si queritur? hic nunc  
 Si cubito tundens quisquam me interroget, heus tu  
 Quando nobilium nihil est quo sata virorum  
 Miremur (lapsis namque hoc concedere sacris  
 Inuidia ipsa volet, meritum & opinio prisca)

*Quæ sit, ut hos etiam nulla virtute refultos,  
 Vix bene litterulas qui noscant ordine primas,  
 Atque alios hebetis sensus, tum naris obesa,  
 Plusus iners faciat titulis illudere clavis?  
 Nescio: ni sorti quoddam sic placet instituenti:  
 Si Fortuna volet, fies: si non volet, adduc  
 Et Musas, Charitèsq; super, glaucâmque Mineruam:  
 Iam rota Pallanti currit: tu summe sophorum  
 Exi alio formande luto, fortasse matella.  
 Ergò Hera non alia pensat sua munera lance:  
 Cæcâq; tam certo semper pede prouehit imo  
 Ingenia haud dignanda loco, ni cæcior ille,  
 Claudus item, solo rectis præcesserit auro.  
 Ah quia nam toties licuit, totiesq; licebit  
 Hoc etiam clarere modo: stant fata sinistra  
 Et sua diuitibus solo surgentia cersu,  
 Ut neque nunc culta citius facundia lingue,  
 Nec ducis ars castris toties Mauortia tendens,  
 Mille ferat decies præstantis iugera fundi,  
 Quàm diues, sacro qui transigit omnia nummo.  
 Ipsæ etiam generi, & virtuti pondere certant  
 Tam propendentis sese præponere lancis.  
 At neque possibile est omnes sestertia Crassi  
 Nominibus cumulare nouis: nec publica poscet  
 Vtilitas, nimio se quisquam ut venditet vnus:  
 Sed bene quum partes diffunditur in mediocres  
 Irrigua in numeros solata pecunia ciues:  
 Non quantum sitiant, sed quantum aquabile dictet.  
 Quod si ita sit: nunc hoc querendum aquabile cunctis  
 Autumo, sælicis patrie qui mænia ciues  
 Constituunt: si non latum ut seruetur ad vnguem,  
 (Hoc etenim optantum est: genus, aut doctrina, vel artes  
 Induperatoris, quum quid spectabile semper  
 Vltra plebeium sapiant, meritòq; reposcant)*



*At saltem classes inter fortuna minores  
 Vt sua cancellis mediocribus angustetur,  
 Vltra quos, citràq, nequit commune beatum  
 Cuius aquales aequalibus addere partes.  
 Ergò alicui mediocre bonum, mediocribus aptè  
 Dispositum si forte placet, verùm ardua rarò  
 Tum via, tum medio modus ignoratur habendo:  
 Accipe, fatidico cecinit quæ carmine quondam  
 Alina Themis: Phæbus dictantis cepit ab ore.  
 Ille Iouis cerebro natalia ritè secundus  
 Vendicet, æthereæ stirpis certissima proles,  
 Quem præstans animi vigor, vnum è millibus, vltro  
 Extulerit regem populo per libera vota.  
 Tales terra recens, nec adhuc conspersa cruore,  
 Deucalionæi vidit post tempora fluctus,  
 Gentibus admissum sortitò implentibus orbem.  
 Hinc Æsymneta veteres heroibus aquas  
 Prælati meruere à gratis ciuibus aras.  
 Quum vaga non vllò turba ante coërcita vinclo,  
 Iura viro statuente bono, cui Iuppiter ipse  
 Prodidit appositis feritatem flectere habenis,  
 Paulatim vitæ ciuilis commoda ab vsu  
 Agnouit: legèsq, Deorum inuenta, dator èmq,  
 Vltra sydereos prouexit laudibus orbes.  
 Multa modis sed quum genitor variantia multis,  
 Mundi opifex, mira rerum compage creârit,  
 Nec si exempla petas, superest quibus ille petendis,  
 Vnum aliquod cunctis plenè quadrare videbis,  
 Te si fortè ducem populo responsa Deorum  
 Ignoto iubeant firmare in littore sedes,  
 Inductòq, recens describere iura colono,  
 Ante nouis teneram quàm cingas mænibus urbem,  
 Imprimis natura soli quæ polleat æquum est  
 Solerti versare animo: & proponere in vsum*

Surgentis populi, mores plerunque futuros  
 Qui solet ad genitricis humi componere sortem.  
 Nempe exhausta siti, dulcèsq; orbata liquores  
 Squalleat inculta macie si saxeæ tellus,  
 Vix ullos decies repetita reponere fructus  
 Quæ soleat, sterilis plus aquo largæ genista,  
 Nil opus hic rigidis ciues sub legibus arcto  
 Vt detrectantes pœna exposuisse labori,  
 Sponte sua stimulos duris in rebus egestas,  
 Et feret ingenij largitor ad inuia venter.  
 At tibi frugiferi multa pinguedine campi  
 Sic ubi luxuriant, quò peste nocentior omni  
 Lenta quies, cunctis rescentur & otia dextris,  
 Tunc vigil adstricta resupinos compede cinge,  
 Inuitosq; instans multo sub puluere dura:  
 Ne bona segnitie torpentia dona parentis  
 Omniparæ, lateant vix quarta ex parte regesta.  
 Quando opus omne fugit mens ultrò ignaua, necesse  
 Si tollas, vario inuento quod inane refarcit.  
 Materiam ergò opera ne quis sibi defore dictet,  
 Causandòque bonas pigrè praterlegat horas,  
 Vnum hoc pro cunctis, tanquàm Iouis indice scriptum  
 Conde memor prona mentis penetralibus imis.  
 Scilicet, ut semper tibi sit respublica vendax,  
 At nullius emax, quantum non cogit egestas  
 Vltima, succumbensque tuo labor irritus agro.  
 Hoc si gnaua boni priuatim cura coloni  
 Intra septa domus parua, pro reque minuta  
 Obseruet, nec te componere maxima paruis  
 Pœniteat: domui atque vrbi nam semina ab vno  
 Fonte fluunt, paribusque vigent rationibus amba.  
 Ergò tuis si quid fieri, aut progignier oris  
 Cura vlla insudante potest: exotica faxis  
 Ignauo populo ne merx aliunde ministret:

*Neue lucro incumbens, dum per maria omnia currit  
Mercator, molli ex Asia mala semina luxus  
Inuehat, & patrios corrumpat inertia mores,  
Ridendo gentis probro, atque errore supinae:  
Stulta sub immani precio que noxia mercans,  
Ipsa suis manibus poterat meliora parâsse,  
Inuentisque suos isdem ditâsse, malignam  
Ferre famem propria qui sic torpedine pergunt.  
Vnde fit incultis passim tot millia campis  
Erronum lacera chænici insidere veste.  
Hæc Themis: excipiens cithara formosus Apollo  
Aurata, attonitis Heliconis vertice Musis  
Reddidit illa alnos teneras, laurò, que fideli  
Cortice, venturis in sculptos prodere versus,  
Dignum opus Aonidum cura statuere sororum.  
Quòd si tanta subit cælestia numina gnaue  
Cura opera, innocuo callosa ut palma labori  
Sucta suos habuisse deos libamine pingui  
Forte queat citius, molli quàm dexterapulpa,  
Quantumuis tenuem spolians sibi dactylotheam  
Dura nimis pulset ficto sua pectora pugno,  
Ingeminansque aris Arabum superaddat odores:  
Vos, quibus hæc Diuum genitor dedit atq; hominum rex,  
Sceptra ebore atque auro, dextris insignia ferre,  
Admoneo vetitos per inertia tempora cætus,  
Otiâque urbani nequissima plectere vulgi.  
Ansim etenim, spondente Deo, qui pectore dictans  
Hæc iubet (agnosco lauros, citharâsque sonantes  
Phæbe tuas) magnum hoc fida promittere voce:  
Perfida sollicitis rarò subrepere dextris  
Consilia: opposita quum semper fluëtuet arte  
Turba leuis, que si longam feriata quietem  
Induerit, circumspiciens, ac freta susurris,  
Rursus ad ingenium rediet compage soluta:*

*Facta infecta volens: mutatoque ordine rerum,  
 Spes animo immensus conuoluet cæca furenti.  
 Haud secus ac longo iamdudum carcere septus,  
 Si semel euasit stabulis, iam proxima cernens  
 Plantæ ingenti sese diffundere prata,  
 Raptus amore loci, tactusque virentibus herbis,  
 Exultim festinet eò se immittere equinus  
 Quadrupedante gradu pullus, mox immemor altis  
 Terga toris teneri det graminis, inde volutus  
 Exurgat, iactansque comas, hinnitibus omnem  
 Aëra, vocales præterlabentis & oras  
 Fluminis, obiectu quâ plurima densat arundo,  
 Sollicitetque ipsas, non muta cacumina, sylvas:  
 Tanta sub insuetis bacchata licentia feruet  
 Pectoribus, longo vix castiganda labore,  
 Crebra licet domino manus inclamante ruentem  
 Accurrens cohibere velit, prensamque priori  
 Reddere, quo ruptis loris aufugit, equili.  
 Quare opus, & vacuus labor ut detondeat horas,  
 Sanum est: successus letans hominẽsque deosque,  
 Arguerit, quantum fælix industria præstat.  
 Sed neque dispositos nostro tot littore portus  
 Quum videam, fætis & passim uberrima campis  
 Pignora, tam raras per dotes fertilis agri  
 Liuidus hic toto commercia mutua tractu  
 Arcuerim, nullam nec mercatoribus ansam  
 Præbuerim licita demum ditescere merce.  
 Quidlibet exportent nostra regione redundans,  
 Quo sine se potterit nutrisse domestica pubes.  
 Astra leuis citius sibi nulla queretur Olympus,  
 Verque suum volucres fugient, sylvasque comantes:  
 Anglia quàm varios operosa refundere fructus,  
 Undique vicinis & opes desuescat egenis.  
 Ergò suas semper naui centesima merces*

Euehat, at minimum decima vix puppe reportet  
 Tale, quod in proprijs nullus labor excitet agris,  
 Nec simile queat multa manus amula cura.  
 Hic finis panda sulcandi ignota carina  
 AEquora lucripetis si mercatoribus instet,  
 (Pace tua liceat Cylleni expromere verum)  
 Ars dabit artifices nostris numerosior oris,  
 Viuere concessa laudatos pignore vite.  
 Ars dabit hac, quæ nunc mercamur stulti aliunde,  
 Multiplicata domi vicinis gentibus ultrò  
 Efferre: ut quantum natura hac insula præstat,  
 Tantum etiam exculta reliquis se præferat arte.  
 Quòd si animo inuigilet vasto mercator adunca  
 Semper auaritiæ, nec publica commoda curet  
 Posthabuisse lucro, vetitas inducere merces  
 Nil dubitans, vnusque malo præuètere multis  
 Consilio pergat querendi semina victus,  
 Proderit actutum nodosa repagula contra  
 Obijcere, & validis turbantem cingere claustris.  
 Præcipuè, quoniam hic toties per sibila vulgi  
 Iactatus, nullo merito, sed sordibus olla  
 Euclio confidens, congestoque aris acerno,  
 Captat inescatam serpenti sænore pubem  
 Patriciam, & nummos tanquam necis arma ministrans,  
 Instat obaratam Iano mactare Calendis  
 Curriculo ingratè redeuntibus, unde propago  
 Aut Fabij, aut Sylla pronepos tener induperantis  
 Ploret annos frustra, villis depe xus, & agris.  
 O ciues, o iura, & fas, patriique penates,  
 Ferte manus, pestem hanc laribus diuertite vestris.  
 Ne liceat, vestra quod nunquam proderit urbi,  
 Mercurij cautos nummo sponse clientes  
 Inuertisse dolo antiquæ patrimonia gentis.  
 Quisquis enim mercator adhuc, vada carula sulcans

*Mercibus incumbit, versis & sænore nummis,  
 Is si pulchra simul grassator prædia captet,  
 Urbano pagana manus sua rura danistæ  
 Exposita ut videat, domino migrante priori,  
 Non mihi si stabilem promittat Iupiter ipse  
 Rem fore, quæ longa sensim propagine crescat  
 Publica, ab hys sperem intactam servasse locustis.  
 Hinc etenim duplici respublica læsa laborat  
 Vulnere, quando novos toties tellure regeſtos  
 Admittit dominos, meritis procul, ingenerosam  
 Qui sobolem patriæ obtrudunt, ut maxima censu  
 Prædia possideat, non vlla ciuibus arte  
 Vtilis in summa quam census classe reposcit.  
 Quando etiam gnatus vestigia trita parentis  
 Linqvit, & extremam inceptis superaddere limam  
 Dum refugit, falsi captator nominis audet  
 Degener albentes anser stare inter olores.  
 Ergo suis semel incipiat si excedere septis  
 Mercator, quocunque modo possessor agelli  
 Quamlibet exigui, præter quos, emerit hortos  
 Fortè suburbanos, angusto aut limite villam:  
 Hunc iam Mercurij totis excludere sacris  
 Lex properet: posthæc loculos, gravidasque tabellas  
 Nominibus, iam paries suffixus habeto:  
 Sic etenim, quæ nunc usura voracior acri  
 Sarcophago ciues erodit sænore triplo  
 Incantos (solum namque est nunc mutua nomen)  
 Mitius hoc faciet multo saturata cruore,  
 Si longæua strues, loculosque æquata, nepoti  
 Vel decimo surgat, serie transmissa perenni,  
 Quàm ieiuna cutem quando acrius urget hirudo,  
 Exercens novitate malam crudeliùs artem.  
 Præcipuè si non vnus nummatus, & alter,  
 At plures simul ad puteal proponere mensis*

*AEmula sic pergant, cubito & trudentia Pluti  
 Pignora, ut hic si fortè neget, propè laxior alter  
 Admittat: nam (quod quacunque optabile in urbe est)  
 Mercator nequiens nummos conuertere adultos  
 In clari, vetitus tabulis, patrimonia Sylle,  
 Dimidio minus exercebit fœnore sordes  
 Turpis auaritiæ: longèque benignior extans,  
 Maxima congeries ne frustrà indormiat arca  
 Cana situ, quodcunque lucrum, mediocrèque malit  
 Quàm nullum. Tanti est quandoque sacerrima quaestus  
 Mancipia hæc, Charitum ingratis dare thura sacello.  
 Scilicet impurus, barathrum, laniena, Charybdis,  
 Sordidus, & quicquid turgenti detonat ore  
 Decoëtrix pubes, & quicquid pulpita clamant,  
 Præterea, quicquid legum veneranda potestas,  
 His ignominia aut mulctæ quadruplicat, omne hos  
 Tam vitrea pergent callosi temnere fronte,  
 Tàmque noua semper pergent eludere larua,  
 Ut si centum oculis custos Iunonius adstet,  
 Mille suis etiam foribus Respublica vèctes  
 Obdat, vinaci renouam serpigine labem  
 Ut semel à totis integrè eliminet oris:  
 (Crede mihi) lateres æquè lauissè laborent,  
 Aut Mauros centum thermis albâsse nigrantes.  
 Quò magis hos zelo potiùs, quàm pectore miror,  
 Qui toties pergunt expressè fœnora cuneta  
 Eycere: ac si non sapientes tempore prisco,  
 Quis vsura vorax, inuiso nomine turpis,  
 Ac bibulam referens naturam hydropis aquosi,  
 AEquè displicuit, tandem versatile, & anceps,  
 Ambiguumque malum, (postquàm contractibus vsque  
 Mercurij innitens, recti & sub imagine tectum,  
 Iuge recurrerat) genuino incedere vultu  
 Malebant, noto & minus altum rodere dente:*



Quàm si pallioli pratenta impuniùs umbra  
 Ceu memorem exercens vindictam fortè repulsa,  
 Iam triplici miseros degluberet undique cultro.  
 Quippe nepos dum non desit, mihi crede, Danista  
 Non deerit, quacunque resurgat imagine Proteus,  
 Quem minùs inuenies concessa sorte nocentem,  
 Quatenùs indulto iuris centesima forsàn  
 (Hac licèt immodicos fructus producat in annos)  
 Terminus exosi stet fœnoris ultimus: illud  
 Quàm si alia insistas frustrà irritare catena:  
 Vilis, & infamis, tum detestabilis esto  
 Fœnoris indigni tractator, iure iubente.  
 Et si fortè datas ultrà se limitis oras  
 Efferat: immani hunc Prætor pro fœnore mulctet.  
 Quod superest, linquat Domino Respublica curam  
 Vindictæ, Stygiam vt reddat pro fœnore pœnam.  
 Quicquid enim nulla medicus vir tollere cura,  
 Nec sanare potest, saltē sic obsidet aptis  
 Emplastris, reliquos ultrà ne tendat in artus,  
 Quam vis ipsa mali iam desperata requirit  
 Consulto obmitti: sacrum sit angier vlcus  
 Respuit, & durè exceptum excandescit in iras  
 Igniuomas, tetro suffundens membra dolore,  
 Quid faciat? cultros hic an cauteria promat,  
 Quis fœdē miseram pellem dilancinet? altum  
 Quum caput vlcus edax intra præcordia condens  
 Sardoum ridet, contrâque audentiùs instat?  
 Nil minus: ergò malum sapiens, quod ferre necesse est,  
 Hoc satagat condire modo, quo lenius illud,  
 Et magis affectis fieri tolerabile possit.  
 Quippe per obliquum recto te occurrere confert  
 Impetus, aut numerus, vires si proferat hosti.  
 Quod magnum est, plures cautus secuisse memento  
 In partes: vitium sublato fomite, per se

Languescet.

Langue scet. Mores & pectora ciuibus, annis  
 A teneris, sancto, & frugi si protinus imbuis,  
 Longus odor tinget plaraque ex parte senectam.  
 Multa dies adimet, multa ars: quandoque recepta  
 Tànquàm alio irrepens detrudit opinio clauo.  
 Tum verò, ut durum est vi niti semper aperta:  
 Sic vigil oblatam sapiens non respuet ansam.  
 Scire malum cuius facile est, quod prodyt extra:  
 Difficile est causam primam, fontèsque latentes  
 Eruere, & longa aetutùm præscindere falce.  
 Ergò etiam urbana plebis facunda nocenti  
 Corda dolo, præses facundo exporgere contra  
 Ingenio satagat, plexisque euoluere spiris.  
 Quod si etiam hic iusto prolixior, aut minùs acrí  
 Urbanos videar durus perstringere dente:  
 Discutite ò ciues qua primùm ex parte vacillans  
 Incipiat vobis patrius mos nuda vetusta  
 Linquere virtutis vestigia, pèrque fluentes  
 Luxu Asiæ calles, ignotaque nomina ferri  
 Antè voluptatum, quas vrbs infecta refundit  
 In nemora, & valles, vinòque cubilia saxo,  
 Montibus hirsutis meliori tempore Diuùm:  
 Exhalansque putrem tabenti fauce mephitim  
 Progreditur, totisque luem superadstruit agris.  
 Vnde rudes tanta tandem contagè subacti  
 Ruricola incipiunt cancrino incedere gressu,  
 Atque suos iisdem technis superasse magistros.  
 Et meritò: nam si ficulneus ille Priapus,  
 Longo usu, recitantis heri post terga locatus  
 Hauserat auscultans quædam vocabula Græcè:  
 Turba potest toties, vrbi congressa tabernis  
 Rustica versari, soles feriata nouenos,  
 Vt quum fallaci videat periuria lingua  
 Versantes, nitido nihilominus ore subinde

*Pulchellos, bene curatos, nec crimine ab ipso  
 Quos Pater omnipotens adigat mox fulmine ad umbras,  
 Audeat ipsa aliquid fallax, non pectore fixum  
 Promere, iuratis mentiri atque improba verbis.  
 Tanta prius puris mala fert vicinia damna:  
 Precipue si que reliquis urbs regia cunctis  
 Spectato præt exemplo, prior ipsa labandi  
 Haud secus elatum pratendat pessima signum  
 Quam tenebrante Polo, medyp per marmora ponti,  
 Exerit extentas puppis pratoria flammæ,  
 Innumeris longo ductis post ordine proris.  
 Nam si cana parum valeat reuerentia legum,  
 Iuris ubi sedes prima est, lectusque Senatus,  
 Si medijs (inquam) penetralibus omne profanum  
 Iura, & fas niueamque fidem, morésque pudicos  
 Prostituat, victrixque per intima pergat Erinnyis:  
 Audeat extremis regni pro sinibus ullus  
 Quasisse ingenui posthac vestigia recti?  
 Aut dubitet progressa lues quo littora fato  
 Vltima, tum vicos viciet, pagosque minores?  
 Non magis, ac morbus si cor inuaserit, æquum est  
 Quærere quid doleant venis salientibus artus.  
 Sed dubitare potest, faciem qui cernit honestam,  
 Non alto tacitos mores examine pensat,  
 Quid sit? in exhaustas quum tot videamus echidnas  
 Vndique canoso stagnare à pectore ciues,  
 De pulchro, atque bono tanta gravitate loquentes,  
 Ac si alius Zeno, præfracti assertor honesti,  
 Clamosam rigido repararet dogmate Stoam,  
 Tam diuersa, simul nodo quod iungat eodem?  
 Eloquar? an sileam? (dicam repetitor, eodem  
 Ter fodienda stylo) pepererunt ocia monstrum hoc:  
 Ocía: quæ Lydo vafre mandante tyranno  
 Mileti quondam fortes moluisse colonos,*

Et legimus fracte paulatim robora Sparte  
 Mascula cum toto trussisse ex urbe Lycurgo.  
 Ocia Eriethonios primum corrumpere ciues  
 Cæperunt, ubi pulueri neglecta laboris  
 Cura theatrales mirata est inscia ludos,  
 Infractosque modos: ubi musica, ut antè, virilia  
 Dissplicuit, sensimque lyra chorda altera creuit.  
 Tum demum clypei abiector septemplex Ajax  
 Cessit, facundusque loco successit Vlysses.  
 Cana situ posthac humeris exuta ferebat  
 Arma sacer postis: iacuit non vincta carina:  
 Classi nullus honos: pro remo tibia pulsa est  
 Ad numeros: levis hic socco, gravis ille cothurno  
 Prodiit, auriti plausu ingeminante popelli.  
 Hinc tandem argutos pallentis dogma magistri  
 Detinuit: discente atomas cerdone recuruos,  
 Et mundos quot non vel centum sacula viuens  
 Ille subegisset, cui non suffecerat vnus.  
 Singula quid memorem? postquam socordia sensim  
 Prætulit ingenuo lingue pigmenta labori,  
 Et locus est cathedra datus, hic roboante Lyceo,  
 Hic Stoã, hic gemina ductoribus \* Academia,  
 Turbæque vel totos istis feriata locabat  
 Sollicitis soles exactos antè tabernis,  
 Tunc Pallas damnosa suas euertit Athenas:  
 Arce datas sedes nam facta profana Pyreum  
 Transtulit, & muros sese demisit ad imos.  
 Quod si fortè alias eadem corrumpat Athenas,  
 Usque sui ad vicium Pallas iam prodiga, dictu  
 Durius est, teneras quàm quod demittere in aures  
 Tempora lapsa velint: duro sed parcere turpe est  
 Te, (mea Calliope personam induta seueram)  
 Que constantè habes calcem tenuis usque tueri.  
 Ergò nec hic locus est digito pressisse labellum:

\* Ecclasia.

Parcite, quos tacita mens damnat conscia culpæ.  
 Quum benè tot dicant, totidem violata repulsis  
 Nuda iacet probitas, nec summo excepta palato  
 Vltèrius penetrare valet. Nunc quisquis ab ovo  
 Plura potest recti & sancti documenta rotunde  
 Laudatis proferre libris, & stans pede in uno:  
 Nil moror an pro re, tercentum adducere versus,  
 Admirandus erit. Nemo hunc, ni denique pressum  
 Audeat hinc vlla maculosum dicere noxa,  
 Aut simulare Deos. Sed quid si sanctulus iste  
 Mæchatur? poscit poelis maioribus? ardet  
 Turpis avaritiæ vitio? centesima cui non  
 Ter satis esse potest? odijs dehinc linet iniquis?  
 Siue tumeat, vana captans praconia fama?  
 Consulit in commune nihil? sin consulit, hoc est  
 Consuluisse suis? satin' huic speciosa loquenti  
 Pòst etiam credas? Non tute fatebere, dictis  
 Quàm cauta est adhibenda fides: potiora sequantur  
 Ni quæ facta Deos mereant producere testes  
 Pectoris interius puri. Ne crede colori,  
 Quisquis es, aut tunicis, Damnatur hypocrisis, at non  
 Omnis in inuiso querenda est fortè cucullo.  
 Quarè aliud si facta ferant, quàm verba loquuntur,  
 Rariùs incautos fallat cos Lydia vitæ.  
 Sperne aliter flores facundi rhetoris: olim  
 Scimus quò præceptis populares duxit Athenas  
 Concio, vel cuius de face indulta popelli:  
 Ceu nihil interfit, num vilis Hyperbolus oret,  
 An laudatus Aristides: Lacedæmone quondam  
 Longè aliter: prauus si dixerat opportunè,  
 Illa eadem post inde probum recitare iuebant  
 Incani patres, ne quem sua crimina cunctis  
 Damnatum fecere, probarent auspice lingua.  
 Sed quid ego hæc nequicquàm iterum in spineta relabor,  
 Quum

*Quum liceat paucis totum hoc absoluerè verbis?  
Actio virtutis laus est: nèque lumina condet  
Sub chænice bonus, sed coràm lucida cunctis  
Præferet: obscuras longo sermone per umbras  
Commonstrasse viam non tantum proderit, ac si  
Dux iter ingrediare, manûque errantibus adsis.  
Nec potis est tenerum quisquam informare magister  
Vlla alia magis appositâ ratione puellum,  
Ante oculos quàm si exemplum deduxerit ipsos.  
Nempè oculis censura fori plus credere binis,  
Quàm bis quinque solet dubiè testantibus actum  
Auriculis. Sequimur magnorum exempla Deorum,  
Vel quocunque modo, dociles in singula flecti.  
Hinc itaque urbanos hoc saltem nomine taxant  
Ruris amatores: culpâque autore leuare  
Tam satis esse putant, quàm si sua Sextus adulter  
Crimina Olympiaco communia cum Ioue dicat,  
Furta sub Arcadici Verres tegat omnia diui  
Nomine, damnatas proscripserit Sylla Gradiuo  
Attribuat scias, & iam nunc numina culpæ  
Queque sue faueant. Tanta est in pessima prono  
Labendi desiderio via pansa per omnes  
Ætates, sexus, classes, simul urbis, & agrî.*

LIBRI TERTII FINIS.



# DE REP. ANGLORVM INSTAVRANDA,

## Liber Quartus.

**N**E verò agricolas unquam melioribus alma  
Telluris studijs crassa incubuisse Minerva  
Pæniteat, tuta sectantes munia vita:  
Quos urbana procul vix summis pocula la-  
bris

Gustantes, quanto propius labor improbus urget,  
Assiduisque domat vicibus, per frigora, & aestus,  
Nunc te (flava Ceres) nunc te (Pan magne) cientes  
Per virides colles, & pingui pascua succo,  
Hoc magis innocua curam probitate Deorum.  
Custodum, & numen praesens hys adfore dicas.  
Quare aurata licet donis delubra coruscent  
Votivis, regum, & populorum Delon ad altam,  
Aut insignem Ephesum, Tarpeij aut culmina saxi,  
Atque coronatis centum ara stent hecatombis,  
Dona ferens tumulis contra de cespite structis  
Rusticus, albatem parvis ab ouilibus agnam,  
Spumantisque super fundens libamina lactis,  
Fortè Deum nares puro nidore supinas  
Non minus inueniet patulas & vocibus aures,  
Quas incompósito simplex sermone profundit,  
Quàm praecceptis qui conficit omnia verbis.  
Tantus amor ruris caelestia pectora pulsat.  
Quippe novas segetes, & cultos Dij quoque campos  
Inuento voluere suo mortalibus olim

*Efferri,*



Efferrî, Ausonij's monstrator falcifer oris,  
 Atque Ceres Siculos proscindens spîcea sulcos:  
 Vnâ hominûmq; pîos manibus tractare labores  
 Diuinis, adèò non illa etate pigebat  
 Quæ nomen fuluò fælix inuenit ab auro:  
 Vt nympha agrestes cætus, Fauniquè bicornes,  
 Et Satyri, & simo titubans Silenus asello,  
 Semideiquè alij, quin & discrimine paruo  
 Dÿ superi, ingenui mirati pectoris album,  
 Expeterent: nostrâsq; habitarent simplicis vsus  
 Sponte casas, hominûmq; simul connubia ferrent.  
 Ne memorem Heroum curam, quos fortibus artus  
 Iuuît neruosos aptare ligonibus, atram  
 Et scrobibus terram egestam circumdare plantis.  
 Stercora nam macris Læxtem inuoluere sulcis  
 Nil puduit manibus sceptrum quibus extulit, ijsdem.  
 Nec Cyrum impediît sua purpura, stirpibus hortos  
 Conserere, aut platanis inflectere brachia pandis.  
 Triptoleum proprijs Cererem lactâsse receptum est  
 Vberibus: vectôque etiam per inane dedisse  
 Et bigas moderare sacras, angûesque iugales.  
 Pastor erat Veneri tantum dilectus Adonis:  
 Pastor erat, cui se frondosa in vallibus Ida  
 Veste dea posita spectantibus ante dedere,  
 Quàm Paris alta vdis laquearia prætulit antris.  
 Denique, si veterum euoluas monumenta virorum,  
 Ruris amatores Superos, agrestia sæpè  
 Agmina, rarò vrbes, operoso aut marmore tecta  
 Hospitio calcâsse leges: infesta colubri  
 Consilia infastos postquàm mortalibus astus  
 Indiderant, iustumque odium meruere Deorum.  
 Ergò pia præstant postquàm duo lumina vitæ,  
 Equatôque vigent per rura Britanna decoro,  
 Hinc bonus agricola, hinc pastor, cui fistula buccas

Sæpe rudes inflat, stridenti facta cicuta,  
 Nesciat ancipiti ut dubius discrimine censor,  
 Nostra pedo, magis an committat prædia aratro,  
 Quæ benè culta, ferunt venatam diuite fruges,  
 Quæ neglecta, nouis surgunt tam pinguiherbis,  
 Et docili usque adeò depromunt munere utrunque.  
 Hic ego quum magnæ admirer decora alta parentis,  
 Ornatamque velim parili procedere honore,  
 Dispositum tamen, & digestos fortè requiram  
 Ordine stare alio diuersa ad munia fundos:  
 Pastor ut accliuës querens in pabula colles,  
 Linquat aratori campos pro iure colono.  
 Quantò etcnim Cereri decedere Pana decorum est  
 Capripedem, Iouis & lecto, & Ioue fratre superba:  
 Quanto etiam victus vestitu antiquior extat,  
 Hòc, lanis segetes, quantumuis mollibus, æquum est.  
 Præponi: ut potior nobis sit tergo venter.  
 Quòd si quis pecoris laudato nomine vellus  
 Prædicet, erepta cunctis regionibus hisce  
 Temporibus palma, quod nostris crebrius oris,  
 Mittitur audaci peregrina ad littora puppi:  
 Vnde etiam totis mites immittere campis  
 Autor oues iubeat, quo diuite merce beatus  
 Mercator, vasto rediens nos implicet orbi  
 Mercibus ignotis, modiosque tot imputet auri  
 Quos fortunante ob pannos Stilbonte repensat:  
 Hac speciosa licet pecoris ditissimus albi  
 Possessor triujs declamitet ore rotundo,  
 Vincat amor patriæ: nec me reuerentia verè  
 Hic siluisse sinet: nostris placidissima passim  
 Quum niuis instar, agris effusa animalia, cernam  
 (Heu facinus) patrijs expellere sedibus, alma  
 Innocuos Cereris, destructa pube, ministros.  
 Usque adeò, ut quàm mille aris Dea flaua resectas

*Primitias segetis votiuæ ferre solebat,  
 Quæq; casis olim tendebat mille colonus,  
 Nunc rarus tria vix pastor magalia figat,  
 Pro gravidis pecudum ostendens vestigia culmis,  
 Quosque alto induxit desuetos gramine sulcos.  
 Hanc verò cultis tantam quis rebitur aruis  
 Vastitiem, pecoris curam progignere posse  
 Peruersam? & leuo surgentes omine caulas?  
 Scilicet: an tanti est lucri sacer ardor, ut excors  
 Bruta suis diues malit consortia campis,  
 Et campos ubi pagus erat, quàm fida virorum  
 Pectora multiplici patria magis apta lacerto?  
 Nec sua desertos quum cernit ouilia fundos  
 Tot circum lato depasci limite, syluis  
 Stirpitùs excisis, inhonesto vulnere trunci,  
 Quumque suis Faunos lucis, Dryadèsque puellas  
 Exigit, atque (ò dy) violato iure penatum,  
 Antiquos migrare lares, lariumque clientes  
 Quum iubet, euertique focos, aràsque reuelli,  
 Solus ut expositis pastor superincubet aruis,  
 Non aliquo tandem sentit sua pectora tangi  
 Commissi stimulo infandi? & septemplex horret  
 Vltrices Furias, pensuras stigmata pœnæ?  
 At neque si duros patria reuerentia sensus  
 Nec Superum, quæ lenta subit, vindicta remordet:  
 Cura tamen proprij poterit mouisse pericli:  
 Solus ubi in vastis videt incommutatior aruis  
 Nil præter pecudes, & sola armenta relinqui.  
 Ecce ruit, secumque lares, inimicæque ruris  
 Numina (nam proprijs expulsa è sedibus) altum  
 Barbarus excidium minitans, in prælia ducit.  
 Quid faciat? quos imploret? quo milite sisus  
 Audeat hic pecorum tantus dux tendere contrâ?  
 Armet oves (credo) multum latrante lycisca?*

O spes insanas hominum, securâq, seri  
 Pectora: non unquam dabitur cauisse futurum,  
 Ni deplorato auxilio praesentius instet?  
 Quippe (reor) grauib, fax hac non ante querelis  
 Materiam prauisa dedit, consulta fatigans  
 Publica: quando nouis toties obnoxia scitis  
 Incassum vafro excepit tot fulmina tergo,  
 Eludens tabulâsq, sacras, hominêsq, Deôsque?  
 Scilicet (ast alio post istud carmine dicam  
 Vberius: ) nihil est immensa volumina legum  
 Condere: ni Prator legis latus, ipse satelles  
 Armatus gladio cingat, virgîsq, seueris.  
 Quod ne sic etiam si proficit: (ilicet omni  
 Omnia non morbo semper medicamina profunt)  
 Vela vltro vertenda sibi, mutandâq, nôrit  
 Consilia, atque alia portum ratione sequendum.  
 Quare ego, si quid id est, valde opportuna locuto  
 Quod sapiens quandoque olitori accedere, dempta  
 Fronte solet, modulo mediocris pro cerebelli  
 Nunc patrie reserare pio conamine tactus  
 Institui: faueant mollitis auribus (oro)  
 Quos penes arbitrium est populum rexisse Britannum.  
 Displicet (ut video) neglectis plurima campis  
 Vasticies, profugo iamdudum inducta colono.  
 Displicet innumero grege tam bona pradia pastor  
 Inuertens, adeo pecudes nocet esse frequentes,  
 Et misere donis proprijs (quis credat?) auari  
 Perdimur, & tanquam proprio prosternimur ense.  
 Innumeris damna hac taxantur legibus: oro,  
 Quid cause est, toties disruptis callida vinculis  
 Ingenia elabi quod cernas, iure silente?  
 Quid? nisi diuersis contraria frontibus, in se  
 Quod tendas subiecto vnâ committere eodem?  
 Ius esto proprio (lex antiquissima dicit)

*Vt proprio fungi : fungar, quòque ordine fundus  
 Iste meus poterit plus adere, sedulus illi  
 Incumbam, minimo vel differat (ecce) triente.  
 Nemo etenim maius cernens, minus eliget ultrò :  
 Nec poterit cultis quicquam lucrosius agris  
 Constitui, agrorum fructu pro iure fruente.  
 Ast alia surgit lex parte recentior, omne  
 Decernens patrios frumentum cedere in usus,  
 Nilque extrà proprias quoquam diuendier oras.  
 Parte alia precium nonnunquàm imponitur ipsi  
 Inuito domino segeti, & submittitur hastæ.  
 Tum super ingeminans lex altera, cogit aratro  
 Vt postliminio dudum desueta reuerti  
 Prædia: & hoc satagit Cererem sarcire repaglo.  
 Interea Nummus mercis transactor, iniquo  
 Eludit precio, longè diuersus ab illo  
 Quod tulerant, quando lex primum (fortè) rogata est,  
 Maiores, proauique. Quid hoc? nunc hæreo pendens:  
 Si nequeo inuisæ legi concurrere apertè,  
 At dabitur luisse dolo, atque euertere technis.  
 Multa negans, quæ facta iuuant, tenebrantibus umbris  
 Obducam, atque alia persona tectior, alter  
 Ille ego vel toties pulsus tamen usque recurram.  
 Certum est constantè Diuo, meque & mea Pluto  
 Exposuisse, Ioui quantumuis tela trisulca  
 Ætnæi fratres furuo meditentur in antro.  
 Nempe, foret quiddam certè tolerabile, paruo  
 Durior afficeret si lex mea commoda damno:  
 Nunc verò: at præstat vanas compefcere voces,  
 Efficiam, qui sim, res usu dictitet ipsa.  
 Sic tandem tacitas sæcundo pectore fraudes  
 Conuocat: est aliquid socios habuisse pericli,  
 Quum simul innumeros vno pessundaret ictu  
 Pæna reos, Censor si summo iure agat acer:*

At quoniam lex ipsa alienis mentibus instat,  
 Quum peccent multi, & primores diuite census,  
 Tum (quod precipuum est) delator tempore nostro  
 Omnibus infamis, velut olim, & vilis habetur:  
 Nam nemo (Veneta quod factum cernimus urbe)  
 Officij pro iure salaria publica sumens  
 Accusator adest, qui causam pauperis armet:  
 Deinde adeò pauci communem sic agitent rem,  
 Ut propriam, nemo & gratis fortunam alienam  
 Impetat, ille prior si nullo vulnere lasis:  
 At lesi reuera, & quos iniuria tangit,  
 Censu inopes, miseri, abiectique, obnoxia claudunt  
 Ora metu, dominòque cauent inferre potenti  
 Imbellem, & mutam, si non sphinx aurea dicam  
 Causidicis fuluo commendet tergore surdis.  
 Hinc reor, has toties, tam bruto fulmine leges  
 Marmoribus figi: tanquàm dixisse minanter  
 Sat fuerit, vario contratendentibus ausu.  
 Quanto rectius hoc? animos duxisse volentes?  
 Quando alios nemo cupiat sua pradia in usus  
 Vertere, quàm statuit lex ipsa, & comprobat omnes  
 Utilitas mater nostros quæ dirigit actus?  
 Effice, plus mica lucri depromat arator  
 Fruge beans, quàm nixa pedo qui pascua præsert  
 Tityrus, & toto conuersos spondeo rure  
 Argicolas: adeò, ut mutato munere, pastor  
 Ipse suas pecudes proscisso nutriat aruo,  
 Veruacunque ferat pasci surgentibus herbis.  
 At neque sic etiam numerosi velleris amplas  
 Spes, Cereris nimio castas lugebimus usu:  
 Immo equidem paruis dabitur sub ouilibus (omnis  
 Si gregis exigui curam pro parte tuctur  
 Cultor agri) ut numero totidem gens tota bidentes  
 Usque habeat, damnum ad paucos pertingat auaros,

Qui nimis indoctè hoc ipso funguntur auaro,  
 Postquàm alio possent fundos molimine eosdem  
 Maiori exposuisse lucro, & plaudentibus ultro  
 Vocibus à patria, & cupidis amplectier vlnis.  
 Quapropter, proprio iur: esto cuilibet uti,  
 Vt proprio: nam iura tu tibi libera sunt,  
 Quantum possibile est, non laeso iure aliorum,  
 Nec nimis atroci confixis vulnere cunctis.  
 Tunc etenim fas sit furioso noxia tela  
 Inuito, manibus sanum extorquere nefastis.  
 Nam tibi concedens proprium Respublica mater,  
 Non dat abutentem torquere id in ilia matris:  
 Vt tibi tute Deus vacua regnator in aula,  
 Hoc teneas solus, quo nec benè fungier unquàm  
 Ipse queas, multisque illud committere dextris  
 Si velles, si non mens laua erraret auaro,  
 Tute triplex lucrum ferres: communiter omnes  
 In partem admissi fruerentur, & intima mater  
 Promeret omnipari tellus benè culta laboris  
 Dona, suis triplici demùm propagine adauctis,  
 Qualia nunc agrè vix quarta ex parte refundit,  
 Indignans paucis tam segnitè acta lacertis.  
 Namque iterum hoc, iterumque inuict rescire supremo  
 Quem solio, sceptrisque datis Astraea monarcham  
 Instituit, populòque tulit præscribere cuncto:  
 Non quia tot latis regio sua stet parasangis,  
 Finibus illa licèt Scythica sit laxior ore,  
 Idcirco magnum dici, dominumque potentem:  
 Sed numerosa virum soboles quum robore denso  
 Vndique circumstans superest in munera quantis,  
 Seu versare enses iubeat, seu vomere niti,  
 Sive foras operam patriæ nauare, vel ipsa  
 In patria: nunquàm conducto ut milite fretus,  
 Insidam ignotis dubius spem ponat in armis.



Quod si ita sit: niueas quanto molimine pastor  
 Curat oves caulis numerosos adere factus,  
 Tum demum solide exultans, ubi qualibet unum,  
 Spem gregis, aut geminos teneris balatibus agnos  
 Admouet vberibus, nota quoque voce ruentes  
 Respiciens, docet actutum cognoscere matrem:  
 Illi auidè oblati curuato poplite mammis  
 Succedunt, saturique insultant mollibus herbis:  
 Tanto etiam populi pastor subnixius, omni  
 Contendat studio, felix ut copula prolem  
 Progignat patria rediuiua stirpe frequentem.  
 Ne tantum Veneris furtis satiata iuuentus,  
 Desinat ulterius concessis uti Hymenæis,  
 Multa maritalis reputans incommoda vitæ.  
 Precipue si nulla domus, si nullus alende  
 Fundus adest soboli, facundo ventre quotannis  
 Quam coniux casto amplexu confota propagat.  
 Quocirca, hac animo voluens vir regius alto,  
 Sic statuet: proli augenda nihil aptius esse,  
 Quàm certos laribus paruis connectere fundos,  
 Vnde inopem, ac certum possit depromere victum,  
 Copula coniugio rurestris nexa valenti.  
 Sit modus: ultra, quàm satus est qui possidet, otio  
 Indulgere volet: qui citrà, (dummodo citrà hoc  
 Non nimis angusto peccet) spes arriget acres,  
 Quod desit, cultu, & valido supplere ligone.  
 Inde tuis liceat pubem promittere regnis  
 Et numero, & nervis præstantem & quodlibet asprum  
 Nempe assueta prius, quæ non inuita subibit.  
 Scilicet, à gnavis gnavos progignier æquum est:  
 Quum labor inuictò genitorum corpora durat  
 Robore, ut infantes enixa puerpera magnos,  
 Spem patriæ, excipiat duris rubicundula cunis  
 Lactè fouens proprio: & pura probitate Corinna

*Vrbana abſimilis: morboſos improba partus,  
 (Si nec abortiuo anticipat,) quæ matribus vltro  
 Inferit, expulſos, media pro parte, alienis.  
 Verum ego iungendi laribus ruſtreſtribus agri  
 Laudator, quantum ratio exigit vt mediocris  
 Quilibet accipiens demenſi iugera fundi,  
 Admiſſa valeat certatim incumbere parti,  
 Non ita conſtituo populari agraria iura  
 Propoſito, vt dominis cupiam eripuiſſe vetuſtiſ  
 Prædia. Proprietas per me ſecura, nec vllis  
 Poſſideat ſemper ſua finibus: illa beati  
 Iugera quantumuis milleſima vendicet agri.  
 Illud ago, vt certa ſub conditione colonos  
 Admittat dominus, quibus agri præbeat uſum,  
 Tam modici, vt ne quid nimium ferat vnus, & orbam  
 Turba ſuam gemitu teſtetur cætera ſortem.  
 N' eue aliud fundo pretium ſit (forte) locato,  
 Quàm fructus terræ proprius, non inſima parte ſit  
 Vrgentis ſtimuli pro campis ritè colendis.  
 Quum ſciat ille tui conducto exercitor agri  
 Hunc talem, talemque tibi qui debet in annos  
 Reddere, quod proprio de ſemine vilius illum  
 Colliget, emptum alio ſoluat quàm ſi ordine fructum:  
 Quem Domino ſeruans ſeponat villicus, arui  
 Mercedem exhibiti. Nec enim placet hocce nouatum  
 Iam pridem elapſis quod nos peruertit ab annis:  
 Olim aliter, cunctiſque alijs quod gentibus vltro eſt  
 Inuiſum ſtabili fundos exponere nummo,  
 Idque per annoſi longiſſima tempora pacti.  
 Nummus enim arbitrio regis, cui cura monetæ eſt,  
 Quum minus ac maius capiat, nec ſemper eodem  
 Pondere, nec precio conſtet, mirabitur vllus  
 Captata poſthac Dominum contendere cauſa,  
 Eripuiſſe iſtis ſua prædia pacta colonis,*

*Quæ primùm iusti pendebant nomine census  
 Argentum purum ac putum? post ordine verso,  
 Regibus vt placuit, aurisue exercita bellis  
 Vt varias neçtens causas Respublica sanxit,  
 Formam vnã, ac nomen seruans, bonitate sed impar  
 AEre putatium argentum suffundat olenti  
 Amissos niue. iam pridem frontis honores?  
 Vnde hodiè iustum est triplicato exurgere censu  
 Aruorum dominos, ludit quos nomine falso  
 Degenerans nummus: solitum si tempore auroꝝ  
 Pondus, & obrizum regale numisma valorem  
 Efferat: arua lubens argento addicta, locabo.  
 Nunc verò insolita postquàm ratione colonus  
 Tertia vix pacti persoluat pondera nummi,  
 Illudens gratis domino, dominique proteruè  
 Expiscans, rus offerat ære auferre redemptum,  
 De tribus vnum hodiè statuatur Respublica oportet:  
 Siue ñouos homines, versa vice, nomen herile,  
 Et rem, deposito ob nimias peruertere aratro  
 Diuitias, quæ nil rudibus moderabile suadent:  
 Siue bonos iterum, genuino & pondere nummos  
 Restitui, vt pretium rem penset passibus æquis:  
 Siue suo ex fundo (ambobus quod conuenit æquè)  
 Vt liceat domino fraudato tollere fructus  
 AEquales, veteris valuit quantum integra census  
 Et ratio, & quantum ius ipsum exposcit, & æquum.  
 Nullus enim nescit, quantumuis tertia vix sit,  
 Quam soluunt hodiè, census pars illa vetusti,  
 Agricolas tamen urbana vestigia plebis  
 Sectantes, precio sua vendere cuncta hodierno.  
 Hinc Dominis damnum emergens illustribus exit,  
 In decocta patrum patrimonia, more vetusto  
 Si plena insternant differtis atria mensis,  
 Qualitèr annona poterant moderatiùs emptæ:*

Parte alia, angustis decurgent prandia ferclis,  
 Et nullum hospitio ob sumptus dignentur amicum,  
 Nec fora, nec cætus celebrent famulante caterua,  
 Vt genti antiquus sociali condidit vsus  
 AEgrius inuisi vitabunt nomen auari.  
 Sic Scylla in scopulos, littusue infame Charybdis  
 Patricios, peruersa trahit censura moneta:  
 Mercator, crassique etiam pars maxima vulgi,  
 Calliduli & tandem agricola, de sorte cauebunt.  
 Quippe foro, & nummi precio vigilantius uti  
 Hic sapiunt: solos tangit iactura modestos,  
 Quos alit antiqui non auctus redditus agri.  
 Non minimos ergo res hæc nummaria fuco  
 Oblita progenuit nostra in regione tumultus.  
 Quòd si fructus agri censum persolueret ipse,  
 Maxima multorum, vix intellecta, malorum  
 Stirps rueret, primam maturè enecta per herbam,  
 Vnde catenatis languet Respublica caussis.  
 Quæ postquam nulla est, si non libramine iusto  
 Se ferat, æquatum trutina dans omnibus usum,  
 Quis ferat? in cunctis postquam contractibus, extet  
 Hinc res, hinc pretium, tanto discrimine, tantis  
 In rebus, precium mentito nomine viuos,  
 Cernentesque suo Dominos euertere censu?  
 Quod tibi sic certa tribuit ratione colonus  
 Frumentum, fænum, pecudes, & munera lactis,  
 Quaque, tum tereti quicquid progignitur ouo,  
 Quicquid & ille tuus, te concedente, refundit  
 Cultus ager? quidnam est, demas viuaria tantum,  
 (Hæc licet immodico nostratibus undique septo  
 Surgant Normanni damnosa inuenta tyranni)  
 Quod cupias extra propriæ pomaria villa,  
 Solus inexperti cura retinere colendum?  
 Vtere si lubeat: si non lubet, illa licebit

*Ferre foro: & pretium nummos auferre repensos.  
 Siue etiam, si quid superest, id trans mare vectum  
 Vicinis lucro ingenti proscribere possis,  
 Dimidioque magis census augere paternos.  
 Verum ego (nescio quos) iamdudum verbigerantes  
 Audio me placitis hic impugnare receptis.  
 Trans mare? quid tibi vis? quis te malus impulit error?  
 Siccine communem descriptor constituis rem?  
 Ut patrij messis peregrinos impleat arui,  
 Vix benè quæ proprijs detenta reponit alumnis  
 Quod comedant? pretium annonæ qui iam mediocres  
 Exclamant fines excedere: portus apertis  
 Si pateat valuis segeti trans aquora vectæ:  
 Quo fremitu? quibus aut diris, Acherontis ad undas  
 Denoueant caput AEdilis Cerealis in horas?  
 Quum videant raristoties fora consita saccis  
 Aut pretio immani, aut nullas proponere fruges?  
 Scilicet, ut zonæ benè sit, fraudabis (opinor)  
 Ilia, quæ surdis oblatrant auribus: esto:  
 Illi habeant: quid nos? Pbrygij num more tyranni  
 Nequicquàm accepto ventres implebimus auro,  
 Alta fames animos ut tardè damnet auaros?  
 Agnosco, & nolim, qua nunc agraria res stat  
 Conditione, istam arrecto præberier ansam  
 Mercurij mystæ proprios fraudare penates:  
 Quod nummi (haud dubie) si spes fluat vlla dolosi,  
 Efficiet, charum sectans ante omnia lucrum,  
 Carò alijs constet, quantumuis quod sibi lucro est.  
 Verum, alia nobis si res agraria forma  
 Prodiret, qualem nuper descripsimus, arui  
 Auctior ut decuplo proscinderet ilia cultro  
 Agricola, exigui septis compulsus agelli,  
 Exiguum pleno colere, & versare labore:  
 Cogeret assiduo & fotum latamine, duplum*

Reddere demensi, duplici quod tollere fundo  
 Vix poterit cessans hodierni cura coloni,  
 Nil video obstaculi, quin quantum vellere mitis  
 Præstat ouis, varias licito quod transit in oras,  
 Tanto etiam patriæ lucro, frumenta quotannis,  
 Et superesse suis poterunt, & vendi alienis.  
 Quippe, quid à paruo nonnunquam colligat horto  
 Vir custos, bene verso, & pingui stercore foto,  
 Qui nescit: nunquam Londini vidit amani  
 Consita tot varijs formosa suburbia plantis.  
 Quidue queat domini felix industria gnauæ  
 Efficere, exemplo vel solus sufficit ille,  
 Cana per antiqui celebratus scripta Catonis:  
 Vix tria qui stricti quum iugera ferret agelli  
 Pauper, & instaret natarum nubile tempus,  
 Huic vnum indulgens in dotem contulit: inde  
 Huic aliud, solo contentus de tribus vno.  
 Nam duoplus ternus duplici subiecta labori  
 Ferre dedit: post hac, reliquo triplicantiùs instans  
 Extorsit, quantum solido priùs extulit aruo.  
 Tanta per assiduos crescit seges acta ligones.  
 Agricolas ergò numerosos esse minutim  
 Intererit: Consul cui publica commoda curæ,  
 Non spectat, Titio, aut Seio num sit benè, cunctos  
 Cogitat: ideis & mente absentibus instat.  
 Sic reputans: toto si tantum ex parte refundit,  
 Quid ferat; hac præstans exactè exercita tellus?  
 Præcipuè si cura suo locet ordine queque?  
 Si sua stent proprijs, & villa, & prædia septis,  
 Consita? si viuæ nunquam satis orbita sepi  
 Commendata, bono circumplicet arua colono,  
 Arua quidem stultè patulis nunc peruia campis?  
 Nam quid, si tester Cereremque, & cætera ruris  
 Numina, vel melius, visu vel amanius ipso?

*Vel poterit variam vim contra tutius esse,  
Quam custoditos muris viridantibus agros  
Reddere depositas spe semper perpete fruges?  
Scilicet, ut laxius vel centum iugera fundus  
Contineat decies, diuersis sorte colonis  
Subditus, in septo qui admittat limite quemuis?  
Sic statuo, & dicam audacter quod proferet usus,  
Iugera plus varijs quingenta coercita claustris  
Productura suis distincto iure colonis.  
Quippe vel ingenio coniuncti dispare viuunt  
Tot simul, ut raro proprium communiter ullus  
Tam foueat, quam si proprium sibi solus haberet  
Intactum, & nulli accessum: quo tempora mensis  
Ipse suo ingenio obseruans, tempusque serendi,  
Multa superstrueret, que nunc infecta relinquit,  
Communi tandem placito inferuire coactus:  
Aut varijs idem campus producere venis  
Semper idem cunctis iussus, discrimine nullo,  
Claudicat, & multum genuino à fomite differt:  
Seminis exitio non in sua viscera iacti.  
Nullus enim nescit nonnunquam iugere in uno  
Quot variet terra ipsa modus: hic macra rubenti  
Raros tota super vultus quæ spargit arena:  
Pinguior hic pullo exultat iuueniliter aruo:  
Densior hic pandi conatibus obstat aratri,  
Hic leuis, à primis admittit semina labris.  
Quod toties variet paruo quum limite campus,  
Quot capita, & sensus ludens natura creauit,  
Durum est simpliciter vastum tractarier aruum,  
Tempore, conditione, loco, diuersa requirens.  
Demus enim, paribus consistere cetera causis:  
Hoc nunquam euinces, fructus quos sepibus ipsis  
Gnaua manus domini priuato excerpit agello,  
Innumeris figens campestria mœnia plantis,*



Non propè tantundem lucri producere posse  
 Agricola, atque ipsis messis primaria sulcis.  
 Si dubitas: (ne quid memorem, quas Itala tellus  
 Fructiferis decerpit opes pulcherrima septis:  
 Præstantesque aliæ vena tam diuite tractus,  
 Quos illis vidisse datum est, virtutis amore  
 Qui varios adire homines, variosque penates)  
 Tu quicumque reses, vestigia semper eodem  
 Fixa loco ponens, miro contemnere vultu  
 Ignorata soles, stolidæ & suspendere sanna,  
 Quicquid inexperti fines præterfluit arctos  
 Ingenij: (quamvis diuersi tractibus orbis  
 Ignotis, nequeas nouisse domestica plene,  
 Vt tibi quid superest, quid desit, sedulus illo  
 Fonte petas, petijt quo Pallade fretus Vlysses)  
 Si nimis est patrijs aliquò prorepere septis,  
 Saltè exempla domi ne collaudanda recuses.  
 Dispicito occiduos nostra regione colonos,  
 Quos alijs (quantum video) solertia cultus  
 Prætulit, innumeris vt paruula prædia densent  
 Sepibus, innumeros quæ vir distantior hortos  
 Esse putet: malis adèò, baccisquæ vicissim  
 Turgida fælices circumfouet orbita fundos.  
 Non illic alio desoluitur are coloni  
 Redditus, à ruris quàm quod decerpere limbo  
 Fructifero poterit, segetes & cætera seruans  
 Integra, quæ proprios frugibus diuendat in usus.  
 Non illic vastas nodoso robore syluas  
 (Ha licèt ipsæ adsint) multum desideret, aptam  
 Materiam qui tigna casis Ionis arbore cæsa,  
 Ligna focus etiam, propria petat utraq; sepe.  
 Vt reliquas (eadem neu desit cura) per oras,  
 Solum septa queant populis præbere Britannis  
 Heu malè tam prone satagentibus vbera terræ

*Subsidia apposito concinnè equare labore.  
 Que neglecta (inopes tanquam quos copia reddit)  
 Si temnunt ne (quaso) vnà tempssisse salutem  
 Atque immortalis par sit tutamina valli,  
 Hostibus obiectu duplici, si fortè cruentum  
 Buccina pertonuit, quod cura, & sponte resistet:  
 Extima dum falsis Tethys circumfluat undis,  
 Indulto (Natura) tuo: dein plurima sepes  
 Crebrius opponens operosi brachia nexus  
 Interiora etiam vix peruia reddat ab arte.  
 Ergo etiam hoc, vt non nihil est: sic omine fausto  
 Si domini aruorum, versa ratione frequentes  
 Distribuant multis, non multo iugere fundos,  
 Ac stabili incertos nummos conuertere fructu,  
 Natiue incipiant in dona perennia matris,  
 Multum aberit, vasto vt quisquam desertior agro  
 Solus opes querat, centum felicibus illas  
 Qui manibus reperire queat: quin accipe (sodes)  
 Accipe complectens dicat, simul ingerat vltro:  
 Tam certè propria utilitas dabit esse benignos.  
 Quos alia inuitos si quisquam (vt diximus) arte  
 Cogat in aduersum, tantundem proficit, ac si  
 Ingentem æthereas lapidem vi mittat in auras:  
 Ille subit, quantum motus violentia perstat,  
 At semel vt laxis vis paulum cessat habenis,  
 Rursus ad antiquum proprio ruit ordine centrum.  
 Iam verò artifices cultas habitare per vrbes  
 Qui doceo, rurique simul sua pignora culto  
 Crebra, sed exigui statuo sub limite fundi,  
 Mente bona certas foveo spes, auspiciis dijs,  
 Si labor ingenuus spaciosas suppleat horas,  
 Ordòq, digestos discretæ in munera cines  
 Instruat, admissa tantum consistere parte,  
 Nec mutasse locum: (qualis qui signa proteruè*

Deserit ordinibus miles castrensia spectis  
 Rariùs Anglorum fixuros limite sedes  
 Tot simul infausto prognatos sydere cætus  
 Erronum, Irorum furum, seu conscia noctis  
 Lumina qui violant saui obnoxia siccis:  
 Sed neque lenones, nec pulso scorta pudore,  
 Nec pecus ignauum balatrones, Ardeliones,  
 Amplius illicito victuros pignore probri.  
 Quos certè assiduus ut nunc excindere pænis  
 Lex satagit, legum & custos plexisse seuerè  
 Inuentos pergit, per cippos, lora, luemque  
 Carceris, immò etiam per multa cadauera coruis,  
 Et canibus, crudo exemplo concessa quotannis,  
 Sic tamen assidua rursus successere messe  
 Mirarer: si non fontes ab origine prima  
 Vestigans, liquide errorem deducere cunis  
 A pueri possem, neglecto atque ordine rerum.  
 Tànquàm aliquid magnum fuerit plexisse nocentes  
 Quos male conuiuens per tantos siueris annos  
 Hactenus indulto in robur creuisse tuomet,  
 Tute nocens, vitij qui non à fomite primum  
 Incipiens, posthac veniam tot millibus ultro  
 Præstrueres, quos ipse autor nunc durius albo  
 Expungis patria, & patriam tot ciuibus orbis.  
 Artem terra feret quæuis: age, quilibet arte  
 Fac aliqua sua gesta probet, nec inertia fucus  
 Ora tuis nullo merito præsepibus indat.  
 Ipse aliquid, quo quisque queat producere vitam  
 Seiunctam à vitij molire ignobilis otii.  
 Quòd si aliquos urbi, & ruri superesse videbis,  
 (Ampla satis vita licet instrumenta tuenda  
 Hac duo suppeditent, plenè exercita votis)  
 Tertia fac soboles sinuosi littora circum  
 Oceani, bibulis lembos deducat arenis:

Immitatq, vagis spe prada audacior undis,  
 Retiâq, & casses, & tectos vermibus hamos,  
 Neptunique pecus squamosum, per vada cæca  
 Excipere insidijs tentet, statuâtque macello.  
 Quid super hoc questus surgat? vel millia demum  
 Quot poterunt istam victum quesisse per artem?  
 Vix verbis dixisse queam: dolet, & pudet, istud  
 Quod damno, tum dedecore experientia nostro  
 Arguit: & claro increpitans valde exprobat ore:  
 Qui sinimus nostro diuersi à patribus orbis  
 Retia iacta salo, tantum non portubus ipsis  
 I piscari: ut nostri piscis maris accola captus,  
 Et sale conditus, peregrinis rursus ab oris  
 Sistatur patrijs mensis, patrio ære redemptus,  
 Prandia dans populo non contemnenda supino.  
 Quippè, quod ad vita spectat momenta tuenda,  
 Terra licet, tam blanda parens, pro parte nouerca  
 Effet, ut eluso non responderet aratro:  
 Quin effæta sinu cessaret ferre beato  
 Omniparæ fruges, & pleno copia cornu  
 Quod prestare solet: tu magne Tridenter, ille es  
 Vnus, qui nobis piscando constituas rem.  
 Nil fuerit centum vberibus quod aperta recludit  
 Illa suis: media victum extorquebimus vnda:  
 Dum tua pacilibus das æquora tota carinis  
 Alternò bis quâq, die resfluentia motu:  
 Lambendôque vagas crispantia littoris oras,  
 Tu Pater vde tuis satis es, complexibus ultro  
 Oblatis, cupidus contrà sitendimus vlnas:  
 Ut memores ipso saltè queat insula sensus  
 Admonuisse situ, quid postulat Amphitrite.  
 Namque leues versare alis crepitantibus auras  
 Si volucres natura facit, si vincere cursu  
 Imbelles lepores, gelidisque in montibus acri

*Instruit indomitos ibices si tendere saltu,  
 Si pinnas agitare glaber scit piscis ab ovo,  
 Sique sacer cygnus Meandri ad flexa fluentia  
 Remigio patula trudit sua corpora planta:  
 Quid faciat, patriæ circumflua brachia pontum  
 Ferre videns? pontum, Hesperÿs qui sistat Eois  
 Antipodumque ipsos nostro det littore vultus  
 Nosse? nec aduersis semper subsistere plantis?  
 Pontum, alios tantos nobis qui seruit in usus  
 Merce beans, suauèsque humectans imbribus auras,  
 Sed nullo potior, vario quàm pignore fætus  
 Æquorei, tam multiplicis, quem sedibus imis  
 Fundit, & expositum curuo sub littore sistit.  
 Mitte tuas (famosæ gulæ languentis Apici  
 Conditor) squillas, rhombos, Siculique profundæ  
 Delicias. Lucrina Cati, nec ad ostrea surgas.  
 Vos etiam, Ionÿ par est miracula fluctus  
 Linquentes, hûc hûc concedere dipnosophistas.  
 Hic patina Æsopi, lectoque triclinia sumptu  
 Qui meditata olim famoso in Apolline struxit,  
 Cænâque Pontificum veterum, lancèsque Vistelli  
 Inuenient, quo æquata gulæ vesana voluptas  
 Damnet ut exiles ieiuno littore Baias:  
 Et vada nitrosi quondam laudata Canopi.  
 Nempè ego si centum formas, si nomina centum  
 Enumerare velim: nec centum includere formis  
 Omne pecus (Neptune) tuum, nec dicere centum  
 Nominibus possim, nostro quod sæpè Profundo  
 Exiliens salsa nautas aspergine rorat.  
 Ne memorem toties cymbas sub mole gementes:  
 Nec vano disrupta querar tot retia iactu  
 Iam capta rursus caruisse ob pondera præda:  
 Vsque ad eò pubi damno stat copia anare.  
 Illa dolis frustrata, recuruo in littore rursus*

*Fila dolens reficit: spectans de rupe cachinnum  
 Tollit, & inuadit lufas spes scommate Triton.  
 Aft ubi nec fatis hic unquam facundia pleno  
 Remigio, aut velistangat maioribus vtens,  
 Commoda, que fceant nobis à gurgite vafte  
 Cærulei genitoris, & hæc cantata minori  
 Quàm par fit; calamo, Deus indignabitur ipfe,  
 Carceribus primis fiftam. Vos ò quibus æquor  
 Non minus ac terras tutandi cura perennis.  
 Incumbit, moneo (patriæ fî mænia veftra,  
 Et veftros farto tecto feruâffe penates  
 Perpetuò vultis medijs quos figitis vndis)  
 Neptunum ante omnes taurorum viscere centum  
 Placate: & liquidi memores altaria Diui  
 Pingui oleo, mixtoque fuper fuffundite Baccho.  
 Nec careant donis Tethysq;, & numina gnata  
 Quæque fuis. Fortune, tibi, tibi Glauce biformis,  
 Et tibi, caute fenex, varia fub imagine ludens,  
 Informes Proteu pascis qui gurgite phocas,  
 Atque alijs, quorum pubem pars vltima piftri  
 Excipit, atrantes iubecomactarier agnos:  
 Extaq;, in æquoreum mitti folennitèr æffum.  
 Dona Deos capiunt: fed plus induftria donis  
 Ipfa capit, votisque labor fubiunctus anhelis.  
 Sic genitor dabit, à cymbis, & retibus auctos  
 Vndicolas, duris exercita corpora ventis,  
 Millia quot vafra nunquam Carthagine prompfit  
 Pænus in armata fuccedere munera proræ,  
 Et fupereffe etiam, frontemque opponere fronti.  
 Bella fremant rauo quantumuis excita cantu,  
 Sitq;, opus æratis aufus propellere roftris,  
 (Gens inimica) tuos quæcumque ex parte mineris,  
 Hic dabit antennis fua carbafa, fcaulus alter  
 Incumbet tranftris, verfo per carula remo:*

Ille graues unco ferro indulsisse rudentes  
 Instituet: cæli vultus, & signa notabit  
 Alter, in arcana ventos qui pyxide spectat.  
 Tum super extructas satagent pars cætera turres  
 Propugnare foros tabulatis mænibus, Euri  
 Et fratrum lenibus toties loca peruia plantis.  
 Stridula feruentes acuat si fistula, acuto  
 Responsare tono nautas, atque ipsa videbis  
 Æquora, & attonitum ferient tot classica cælum.  
 Neptuno tacitos mulcebunt gaudia sensus:  
 Letitiæque Deus iam delibutus opima  
 Annuet, optatis gentem successibus, aras  
 Ignotis posuisse locis: capere alta tributa  
 Barbarica depensa manu: vicinia tota  
 Legatos mitem tendentes mittet oliuam  
 Muneribus, donisque datis: naualia nostra  
 Horrescet positis Maumethes perfidus ausis:  
 Multa super vasta rogitans, quæ plurima nobis  
 Instar montis aquas luctantes machina scandit,  
 Machina sulphureos quæ spirans naribus ignes,  
 Horribilissæ, super sonitu totum æthera bombi  
 Sollicitans, foribus iaculatur fulmina apertis:  
 Quot non ipse fores anceps Labyrinthus habebat,  
 Sed neque deiphobes antrum furiale Sibylla,  
 Structa Paratonys nec Thebe pensilis aruis.  
 Hic studium populi, cernens & vota Britanni  
 Carpathius vates, medijs è fluctibus ora  
 Pube tenus, propria sistet constantia forma:  
 Cæruleæque duces trabea de puppibus altis  
 Agnoscens monitis accendet talibus ultrò.  
 Sic ô sic impunè vdis date carbasa ventis,  
 Fidite & edomitæ manus insuperabilis undis,  
 Fidite: vester erit tumidi dehinc Oceani rex,  
 Vester erit: vobis solido Pater æquoris alti



Annuet arbitrio fungi: vestrisque coactos  
 Auspicijs alios demissa ex arbore vela,  
 Vela quidem faciet pronè summittere, toto  
 Cedentes maris imperio: si numina ritè  
 Vda maris colitis, tum sacra Tridentipotentì  
 Annua, tergeminos atque instauratis honores.  
 Ipse dabit gratis, grata quod mente referre  
 Vndiculis possit tumidarum rector aquarum.  
 Primum, vbertatem pecoris per salsa fluenta  
 Eximiam, & pronos demissa ad retia pisces.  
 Tum faciles, ventis vel contrà stantibus, undas:  
 (Vsq̃ue adèò ars vsu, notì & fiducia cæpti  
 Naturam superare potest) penetrabilia vobis  
 Exin salua domi: & quæ pignora sanguinis, ipsos  
 Quadrupedes elato animo in certamina trudent.  
 Nam vitrei si templa Dei, non marmore secto  
 Cingitis, at querno muris ex robore iunctis  
 Iam custoditus, vos & custodiet unà.  
 Praterèa, totum reduci rate congeret orbem,  
 Ignotàsque effuso exponet littore merces,  
 Inde, tuas, & Mosche, tuas, rasumque reducta  
 Gossipio caput in gyros qui colligis albos.  
 Denique si curam pelagi fœlicibus ausis  
 Suscipitis: non Ausony sic amula regni  
 Carthago, non Palladiæ celebrantur Athenæ,  
 Vt vestros atas memorabit postera, victis  
 Hostibus, insignes nauali Marte triumphos.  
 Hæc Senior: simul immersos ut gurgite vultus  
 Tinxerat, unda albis obduxit spumea bullis  
 Vltima, quæ Proteus verba imperfecta reliquit.  
 Exceperè duces fidis oracula tanta  
 Pectoribus: primusque ante omnes maximus armis  
 Henricus, tulit & numerosa vincere classe  
 Non minus esse suum: portusque & littora circum

Afferuit

*Afferuit trabibus Neptunia regna abiegnis.  
 Ingentem & gemitu tanta sub mole cœgit  
 Oceanum, solidas mirari fluctibus arces  
 Velifero grandire gradum per carula passu.  
 Hunc puer Eduardus patrij spes altera regni.  
 (Infelix puer, heu breuibz collisus Auerni  
 Syrtibus ante diem) & gemina pro parte sorores,  
 Præcipue, quæ pulchra oculos, ingentibus ausis,  
 Elisabeta suos medijs in millibus ardens  
 Sola stat ante omnes naualis laude corona,  
 Proposuerè patrem cæptis præstantibus altum  
 Exemplar. Magni hunc deinceps longo ordine reges  
 Quò propius, tæcti studio potiore sequentur,  
 Aequora sternendi ratibus, propriumque dicandi,  
 Hoc illis longa æua magis sua sceptrà, tiaras  
 Verticibusque sacris possum spondere perennes.*

LIBRI QVARTI FINIS.



# DE REP. ANGLORVM INSTAVRANDA,

Liber Quintus.



*Attenuis vnanimis, diuerso tramite, ciues,  
 Vrbe alios, & rure alios, inflexaque circum  
 Littora postremos, tria struximus agmina,  
 metam  
 Ingenua cunctos opera properare ad eandem.  
 Præsidiumque super, quantum Neptunia claustra*

*Per maris anfractus, seu quantum sepibus ipsis  
Valla queant spiras imitantia ferre draconum,  
Addidimus: sic alma salus, à fontibus ipsis  
Naturæ suæ servandæ rudimenta recludet  
Ingenio polienda magis. Nunc horrida bella  
Quo studio, quibus auspicijs, quòque ordine rerum  
Suscipiant, meditata prius (fortè inscia pugna  
Pectora ne viso formident hoste) docebo.  
Tu modò belligeris adsis Tritonia cæptis,  
Gorgoneaque meos obualles egide versus:  
Liuor ut in silices eat improbus, & mala lingua  
Spicula viperea surgenti caute retusa  
Sentiat ignavo qui obgannit Zoilus ore.  
Principio, vi vim depellere, teçta, larèsque  
Propugnare docet lex omni antiquior ævo.  
Iusta feret, collata feret qui ciuibus arma,  
Et patria, & summo connexis iure propinquis.  
Ut charos, chara consortis pignora, auitis  
Filiolos laribus vita quid charius ipsa  
Qui statuet, cineres maiorùm atque ossa sacellis  
Religiosa colens, libaminàque annua sacris  
Instaurans, tanquàm presentibus omnia soluet,  
Exin purpureis perget genialia spondis  
Membra locans, epulis natalem exoluere festis:  
Iuxta anima coniux pars dimidiata recumbet:  
Illa sinu confota viri, sed paruulus ipsam  
Exceptus gremio circumdabit vsque puellus  
Colla petens, mammàmque vocans, & balbutitùm  
Vix pappam expromet blaso infantiliter ore:  
Intendensque manus semesa frustra placenta  
Rapta volet bucca genitoris, & altera spernet:  
Ille dabit ridens blandùm, simul oscula iunget,  
Que tenero mater quamprimùm exugere gnato  
Molle tuens, dulcèmq; animam, dulcèmq; saliuam  
Contendet:*

Contendet: vir at illa suos (sua nempe) reposcet:  
 Et non inuitè, componens labra labellis,  
 Nectare Acidalio tinctas simul hauriet auras.  
 Hinc atque hinc alij ludent ad fulcra puelli:  
 Ille patrem vultu referens, hic ore parentem  
 Maiorem, aut proauum: senior si fortè superstes  
 Vllus adhuc ista remanet de gente colendus,  
 Siue pater, tremula iam fractus membra senecta,  
 Sine auus, aut patruus, primus discumbere mensis,  
 Et feret emeritis palmis libamina primus  
 Degustasse Deis: (ea sit reuerentia cano.)  
 Latior ille pio cultu, memoranda parentum  
 Gesta, suos etiam Martes sermone loquaci  
 Texet: pendebunt iuuenes narrantis ab ore.  
 Iamque animo tacitos, virtutem extendere factis  
 Concipient stimulos, votisque optata laceissent  
 Arma, frement studijs: Mars inter pocula curret  
 Liberior, fluet & multo perfusus Iaccho.  
 Tum, si fortè iocos inter, festosque cachinnos  
 Seruulus attonito festinans, surgite, vultu,  
 Surgite proclamet, speculis nam fumat ab altis  
 Verticis aërii mons qui despectat in aquor  
 Proximus: ipse sonos trepidantium hys auribus hausit,  
 Clangorèmq; super quem soluit buccina terno  
 AEnea discrepitu: tota stant nauibus vnde  
 Ignotis: vernam vix creber anhelitus oris  
 Hec narrasse sinet, pallens quum pignora mater  
 Arcta sinu stringens, medium & complexa maritum,  
 Surgentem planctu impedit muliebriter: altos  
 Ipse animos vultu, spes & promittet opimas:  
 Intus at ancipites dubio sub corde volutans  
 Infani euentus per tela cruenta Gradiui,  
 Horrescet, tacitusque imis tremet ossibus albor.  
 At simul ut gnati dulces, dulcisque recurrit

Coniugis effigies animo miserata, larèsque,  
 Atque foci, & patriæ maiestas omnia chara  
 Exuperans, subitus corda indignantia vertet  
 Feruor in ardentis vindiçta præpetis iras:  
 Consiliisq; animum ultorem sic (ecce) superbis  
 Exacuet: Libycis qualis qui in saltibus ingens  
 Se leo in aduersos instigat verberare caude.  
 Scilicet, an patrijs extrudi ignauiter aruis  
 Hos humeros, hæc membra sinam? dum flore iuuenta  
 Multus adhuc cursat circum præcordia sanguis?  
 Barbarus hæc tam culta leget? dabit ille sacellis  
 Thura meis? sponsæ illudet victor amatæ  
 Ille meæ? Quid vos dicam mea viscera, gnati  
 Gnati, solliciti iustissima cura parentis?  
 Vos quibus hinc statuent oris? quæ terra tenellos  
 (Ah) respectantes, nequicquam & voce cientes  
 Matris opem, matrêmque vna, infaustissima flauas  
 Dum trahit ipsa comas, impuri militis hasta  
 Subijciet, domina ducturam pensa proterua?  
 Seruiet ingenuus puer? ipse ego vilior alga  
 Hac oculis coràm aspiciam? vitalibus auris  
 Vsq; adeòne frui insistam? & superesse precando?  
 Nec potius perijisse semel constantius optem,  
 Quàm toties perijisse? atque ultimus esse meorum,  
 Rebus adhuc primus potero qui stantibus, omnes  
 Protexisse meos, vel honeste occumbere morti?  
 Proripit annexo frendens sua corpora saltu,  
 Multa mouens: cades, & prælia concipit, arma  
 Porticibus sacris demit suspensa, sodales  
 Iisdem acuit studijs, & totus fertur in hostem.  
 Haud secus in patriæ fines custode tuendos  
 Armato, Djs tela probantibus, & Ioue summo,  
 Conspirare decet ciues communiter omnes.  
 Nullus ab hoc studio immunis, flos integer aui

Cui superest, nostra ciuis statuatur in urbe.  
Hoc etenim quiddam cunctis commune ferendum est:  
Cuique etiam à pueris, paruo discrimine cuncti  
Insudent: proprijs patriam tueantur ut armis,  
Et iunctam iunctim sat agant munire salutem.  
Quum neque conductis tutum sit fidere contis,  
Nec sua vicinum seruent intacta querelis,  
Iamdudum exesos sacris qui postibus enses  
Dedocili expediunt post oia longa tumultu.  
Quippe, semel noto si stat fiducia facto?  
Si qui scit, constantè agit, seu corpora saltu  
Mittat in extremas ripa vltioris arenas,  
Seu premat indomiti luctantia tergora pulli,  
Impiger aut rapidis undis det membra natator,  
Siue sacri cupiat pentathlus fronde oleastri,  
Pulueris Danaum spacijs, per Olympia cingi:  
Quanto opus hic studio, & nervus maioribus, omnes  
Non insucta humeris aptasse virilibus arma?  
Vnius arbitrio postquam ignorantia culpa,  
Seque, suosque simul prodens molimine stulto,  
Longa inferre potest captiuo vincula collo?  
Vsq; adeò hic minimus precio stat sanguinis error,  
Et fortunarum, & patriæ, irremcata per ausa:  
In reliquis victo liceat certamina rursus  
Instaurare, nonis iterumque insurgere captis.  
Ergò, iure suos quisquis praeunte gubernat,  
Legitimisque pater patriæ se fascibus vltro  
Constipat, moderata iubens, moderatior ipse,  
Armatæ tutò committat ciuibus enses,  
Ciuibus, ingenua pro libertate paratis.  
Decertasse neci, & tali pro principe, duris  
Rem, vitam, & quid non? deuotè offerre periculis.  
Nec metunt, quem nulla facit pallere tyrannis,  
Exhibito ne turba furens sua viscera ferro

Impetat, aut posthâc dicto parere recuset.  
 Iusta ferat, commune colat, rex esse laboret,  
 Et vitet domini crudelia iussa superbi:  
 Iam nihil est, cur quos non laesit, malit inermes,  
 Mancipiisque velit potius quàm ciuibus uti.  
 Immò agat, atque suos immanibus efferet actis,  
 Conclamare potest inuisa potentia: nusquàm  
 Tuta salus capiti diris communibus acto.  
 Nempe metus frano non omnes euirat ausus:  
 Quosque minùs metuit, forsan magis esse nocentes  
 Inueniet. Sed fac numeros cauisse per omnes:  
 Cedo aliquem Critia ingenio, & feritate polita,  
 Artificem sceleris docta ratione nocendi:  
 Quadruplatorum legio, fora, compita, circos  
 Obsideat: deportatis non Pontica Pathmo  
 Addita, nec parua Gyarnus coniuncta Seripho  
 Sufficiant: certet crucibus, certetque metallis,  
 Et sua vel Siculos superent tormenta magistros,  
 Non faciles posthâc aditus, nec praebeat ullos—  
 Congressus, latera & male tuta satellite cingat  
 Barbarico, & vigili obseruet constantiùs Argo.  
 Fata viam inuenient: aliqua certissima pœna  
 Irrumpet Nemesis, sibi turris ahenea quamuis  
 Strueta stet ad nubes, & rudere Tartara tangat.  
 At verò ingrato qua tandem palma labori est?  
 Aut qua tanta manent spernentem prœmia culpa?  
 Nulla quidem, iniusta praterquàm pallida mentis  
 Ambitio, ut per vim iubeat pro iure voluntas.  
 Crimine ab hoc tragicis discas cantanda cothurnis,  
 Et lena inuisam qua proroget arte salutem,  
 Quisquis is est, seruire meri qui ferre tyranni  
 Nomen, ab imperio meruit violentiùs acto.  
 Nempe suis fractos animos, imbellibus ausis  
 Informans, nullas sensusque ignobilis iras



*Suspectos domibus nudatis detrahet enses:  
 Non cætus, non verba feret commixta querentium,  
 Non tadas Hymenei, non aut conuiuia festa  
 Conscius admittet: sic & quot ciuibus, hostes  
 Tot statuens: odisque nouis antiqua recedens,  
 Ut redimat dubios nummo sponse latrones,  
 Deglubet miseros immani vulnere ciues,  
 Nil mediocre volens, & iam iam proxima surgent  
 Nominibus protensa nouis pomaria fisco:  
 Nec protensa queant (quamuis vicesimus intrâ  
 Septa lapis veniat) stipi satis esse profunda,  
 Quam conductâ manus, non unquam expleta reposcit.  
 Nam si proposito precium stat sanguinis auro,  
 Causa nec ulterius bellantibus vlla pericli est:  
 Quid satis esse potest? aut quanta prodigus aris  
 Iactura, hos unquam saturos, speresue fideles,  
 Quos non ara Deum, lar nullus, pignora nulla  
 Accendunt stimulis, quin si plus porrigat hostis,  
 Cras inimica, fide posita, vexilla sequentur?  
 Interea ciues Mauortia pectora inertî  
 Dediscant obducta situ, seruilia fessi  
 Munia dum pendunt: videat sibi singula soli  
 Congestans, si fortè nouis fors leua periclis  
 Incumbat, quonam in numero locet ipse alienis  
 Mentibus hos toties lasos? tibi plurima Pallas  
 Armipotens meritò debetur gratia: nostris  
 Regibus, armandi, proprios in prælia ciues  
 Hactenus auspicio studium qua imminiseris æquo.  
 Et meritò: nam fida virum si corpora quisquam  
 Deligat, ingentisque animos, ubi spiritus acer  
 Crebrius ardenti pertentans pectora pulsu,  
 Viacesque oculi, atque agili pede fulta decoros  
 Membra toros, speciem exhibeant, usumque virilis  
 Militis: haud temerè vel Iulius ille hodiernos*

*Delectus alia cupiat propagine castris  
 Succesſiſſe ſuis: tantum ſe ad ſingula tyro  
 Armatus, dura legionum exerceat arte.  
 Qua ſine, vi numero præſtans, & robore ſummo,  
 Terga dabit parus nonnunquàm victa cohorti.  
 Namque (fatebor enim) Natura vis bona quamuis  
 Sapius artus opus mancum renuente Minerva  
 Præcellat, ſi cura parum, plus impetus affert,  
 Longè aliud caſtris veterana ſcientia præſtat:  
 Ars ubi naturam tantùm ſuperaffe magiſtra  
 Contendit, quantum latratibus excita ſyluis  
 Cerva leuiſ curſu auritos præuertit onagros.  
 Quisquis enim veterum miranda exempla virorum  
 Colligit hiſtoria diſcuſſo exponere priſca,  
 Regnatorem Aſia profuſo milite Xerxem,  
 Montibus & fluuijs, ipſi licèt atque tremendus  
 Ille fuit pelago, ſtolidis malè viribus uſus  
 Non aded, ſi vera opus eſt virtute, requireret.  
 Nec ſtatuet flauos immania corpora Celtas.  
 Magnum aliquid: quibus ac primus deferbuit ardor,  
 Mox ſua torpenti languiebant brachia motu:  
 Nec Scythicos, prædonis opus, mirabitur unquàm  
 Excurſus: molleſue Arabas, incondita cetris  
 Agmina, quæ tacita contrà dum vi geritur res,  
 Plus ululant, quàm tela mouent, ferròue coruſcant.  
 Geſta ſed exemplo proponet clara Luculli,  
 Qualis in Armenijs numeroſo occurrerit aruiſ  
 Tigrani, quem parua manus ventofa coëgit  
 Nomina, falcatos curruſ, & tot cataphræctos  
 I onere: fuſo etiam paucis qui Pontica regna  
 Cade, ſuòſque ſuper, terrore & nominis urbem  
 Romuleam, & renouiſ Mithridates perculit auſiſ.  
 Qualis & ille tuiſ non ingens Pella ſariſſiſ  
 Eretuſ, ab emenſiſ vix dum digreſſuſ ephēbiſ*

Doriphoros Darij, tota cum Perside victos  
 Præda habuit: dehinc innumeras, tot nomina, gentes  
 Fulguris in morem, extremos perstrinxit & Indos.  
 Vnde etiam Pænopoſt hæc fiducia vaſtro  
 Par ſtetit, impubes annos ſub pellibus aſpris  
 Quum benè durâſſet, patria formatus ab arte,  
 Sedibus Auſonia, atque vrbis ſub manibus ipsis,  
 Marte ſatas acies, Martemq, laceſſere bello.  
 Haud ſecus ac patrios qui Pyrrhus Chaonas armis  
 Aſiduè exercens, ter quinis millibus orbem  
 Sollicitare duci paruum tulit eſſe perito.  
 Quòd ſi turba ruens animis incondita vanis,  
 Aſtrueret momenta petito haud vana trophæo:  
 Quid noua Pharſaliciſ cunctantem perpulit aruiſ  
 Agmina, præſtanti ſpecie, & ſpe diuite partis  
 Patricia, occulto Pompeium aſpernere ſenſu?  
 Dux certè antiquos Orientis ſapè triumphoſ  
 Qui tulerat, reges, ſatrapas, ipſumq, Senatum,  
 Totque equites, iuuenum præſtanti corpora caſtris  
 Continuit. Veteres horreſcens quippe cohortes  
 Caſaris, & longè canas obiecta per Alpes  
 Pectora militiæ, brumis durata nouenis,  
 Inuitus ſubiit leua diſcrimina pugna,  
 Tandem auidis tumida pubis tot vocibus impar.  
 Omnibus hæc igitur menti ſententia apud noſ  
 Fixa ſtet: & longum ſuccreſcat ſenſibus imis:  
 Siue foris ſocios iniuſto Marte lenaſſint,  
 Siue domi ſatagent, rem, charoſ tectâ tueri,  
 Nullus inaſſuetis tam certa pericula dextris  
 Suſcipiat. Stolidi ſerò quem pœnitet auſi,  
 Tarda per Anticyram purgande pocula culpæ  
 Queret: in expertum plectet Bellona cruentans,  
 Prima ſub arma ſuis deſcendus vt ilia ducat.  
 Hinc igitur ne cæca ducum veſtigia cæcos

Decipiant, vnâq. inuoluant fortè ruina :  
 Audite ô Proceres lato gens præuia clauo,  
 Audite, & memores hæc sorti haurite futura.  
 Vos quibus imperij patrio pro more secundi  
 A primo, & trabæ committitur alta potestas,  
 Bella per instructas acies, vbi ciuis in arma  
 Cogitur assuetis regere atque immittere habenis,  
 Vos, inquam, à primis Graiorum & clara Quiritum  
 Que monumenta ducum, fidis annalibus olim  
 Excepere pares dicendo Heliconia turba,  
 Par sit in exemplar memores ediscere cunis.  
 Quippè scholis primum, & docti per claustra Lycei  
 Ingenuas quondam didicisse fidelitèr artes  
 Cura fuit summo prognatis sanguine : vt isto  
 Deinde pedem ferrent omnes à limine, ad armis  
 Rem patriam, & lingua moderandum sæpè diserta.  
 Qua sine cantatos certè memorabile quicquam  
 Illa ætate duces, qui exantlauere, stupet nunc  
 Posteritas, totus per mille volumina queras,  
 Vixq. dæbia binos (Marium ne respice solum)  
 Hactenùs illustris sua nominis ætæ, canora  
 Historia cultis plantasse aternitèr hortis.  
 Quos ego quum numero fines, nec littora cernam,  
 Si memorare velim, domitos vt solis ad ortus  
 Magnus Aristotelis culta processit ab umbra,  
 Magnus & ille alter, Latij decus, vt sua rostris  
 Ora probans populo attento, tulit altera rostra  
 Ferre comis, qualisue excelsò Iulius ardens  
 Ingenio, studijs quamuis castrensibus æctus.  
 Tam propè facundi præuertit fulgura Tulli :  
 Exin Scipiadas, Fabios, clarosque Metellos,  
 Et Crassos, Scaurosque, vnà, rigidòsque Catones,  
 Marcellòsque, Titòsque, & te crudèssime Sylla,  
 Doctè tamen, doctòsque alios quos Roma refudit,

Roma vetus canis etiam nunc dia triumphis:  
Præterea, Danaos omnes, tot nomina fonte  
Tincta prius Musarum, & post transmissa Gradiuo,  
Quorum hodie volitat reuirescens fama, sepulchris  
Maior, & ardentis subit alta palatia cæli,  
Anxius hic brenibus coner si includere septs:  
Forsan & incuruas opera bis vanus eadem  
Messe sub instanti, campis perrexero apricis,  
Ad numerum in digitos exacte ducere aristas.  
Pauci etenim (crasus ut inertia tempora velis  
Nunc obducta sacros condunt caligine vultus  
Phæbe tuos Geticis nondum expurgate ruinis)  
Culta sciunt quantis phalerata machina lingue  
Viribus, impulsas hæc, illac arietet aures,  
Vndantis circum Prætoria celsa corona.  
Hæc fera mitescunt incensipectora vulgi:  
Seditiosa graues ubi turba ignobilis iras  
Concipit: hæc animos pridem deiecta resumunt  
Agmina: state viri, & nihil hoc dubitetis in hoste.  
Iamque alacer versis clamor sub tollitur hastis:  
Duc age: quid votis obsistunt verba morando?  
Hæc etiam duris iterum patientiarebus  
Obfirmat fessos nutantis militis ausus:  
Obsidione premat si Barbarus, ilia stricto  
Alta fames miseris iam dudum compedere ringat,  
Pestis acerba ipso crudelior incubet hoste:  
O socij, durate, & vos seruate secunds:  
Grata superueniet vestrum manus: illa superbos  
Excubijs perdet medijs illapsa, cruento  
Vulnere, qui nostris adeo nunc manibus instant.  
Vos quoque par cunctis fuerit prorumpere portis,  
Et spolia, & pœnas inimica a gente referre.  
Fama feret factum niueis super astra quadrigis.  
Tollunt se erecti, & spe certa obstantia temnunt,

*Propositi immemores tam dura sorte pericli.  
 Vsq̃ue adeò medios regnat suadela per enses :  
 Nec tantum cætus mouet imperiosa togatos.  
 Nunc verò, hys studijs pollentem creditis vllum  
 AEmula nobilium castris afferre hodiernis  
 Verba ducum ? dux an quisquam te, maxima Pallas,  
 Ritè colit ? sterilis num blasa piacula lingue  
 Procurat nouiès Pegaseis lota sub undis  
 Exuere, à cunis iam mox operosior ipsis ?  
 Quique laborata insuescat puer ora loquela,  
 Ora catenatis vinclis seu Gallicus aures  
 Alcides, ductura locum ad quemcunque sequaces?  
 Proxima dehinc tenera an quisquam rudimenta inuenta  
 Subiectat duris castrorum pellibus ? illic  
 Tunc primùm adnatæ positurus segmina barba ?  
 Omnia legitimi stipendia militis vsque  
 Vt subiens, gradibusq̃, gradus prouectior addens,  
 Tandem tarda ferat supremi insignia fasces  
 Consulis, imperio tum demum ritè secundis  
 Additus auspicijs, gnaro quum bellica censu  
 Munia perdidicit, longo ordine ad vltima vectus ?  
 Hei mihi : si vlla ducis nostri statuatur imago  
 Ante oculos, nitidi, & compti : dein Dite canora  
 Threiciꝝ vatis cithara cum coniuge mulsis,  
 Horrida ductoris veteris ferrugine multa,  
 Adsit ab Elysjs quæuis nunc sedibus umbra,  
 Scire quid, & toruum vibranti lumine spirans,  
 Hirta comas, largòque genas à sole perusta,  
 Crura, manusque super rigidis durata pruinis,  
 Et validos instrata pilis pulposior artus,  
 Pectore cui aduerso ruget non vna cicatrix  
 Indomitam pellem à pluuijs, à frigore, ab aestu,  
 Tota super iustis testudine tectior armis,  
 Nusquam e.cuta humeros suetos thoraca trilicem*



Dum Bellona vigens suspectos arguat hostes,  
Posse renascenti quicquam tentare duello:  
Quoque sus ad viuum, & plenè magis exprimat omnem  
Idolo effigiem, ceu quondam pralia ferri  
Romanus patrio miles pro more solebat,  
Quid galea cauda conus si nutet equina,  
Ex humero clypeus lauo propendat imos  
Æneus vsque pedes? medio micet aureus umbo?  
Terna manus crispet præacuta cuspide pila?  
Inde breuis lateri, sed non sine pondere iusto  
Cingatur gladius, lethalia vulnera punctim  
Doctus in hostiles mucrone impingere vultus?  
Tum plenè speciem memor ipso extendere passu  
Militis, & motu quiddam præstare virile,  
Horrendam incomperto totam se præferat ore?  
Quod si animos illi antiquos, & corpora rursum  
Restituat viuo Diuum pater, æthere summo,  
Qui iuga nymbofo tonitru Acrocerania carpit,  
Collapsisque iterum iubeat succedere castris,  
Aut Decium, aut Fabium intonsum, verumue Camillum,  
Talis in aspectum exanguis quum prodyt umbra,  
Quantus erit, qualèsq; indignans colliget iras,  
Quum videat clypeos nullos? non robora palo  
Præformata acie longum præludere ficta,  
Ante grauis iustam quàm proferat aleapugnam?  
Multaque præterea congesta piacula, castris  
Expurganda prius tectis, committere quicquam  
Audeat informis quàm primo militis auso?  
O quoties Superos testatus, & atria celsi  
Summa poli, passus manibus, vultuque supino  
Infrendens, semur explosum cingente corona  
Percutiet, trepida per magna silentia turba?  
Tum super adijciens verborum fulmina, & altæ  
Spem dubijs solita frontis promittere rebus,



Et populare genus victus, somnūq; tapetis  
 Mollibus exceptum nunquā, sed corpora duro  
 Fessa solo sternens, lapidosa & tedia cantis  
 Ingrediens pedibus nullo discrimine, qualis  
 Traianus toties occasum emensus, & ortum,  
 Quamuis Caesar erat peditum pedes agmine mixtus,  
 Et nihil indulgens Cereris sibi lautius albæ,  
 Quā quod turba vorat, nec dulcis pocula Bacchi  
 Vlla bibens, mixto sed proxima flumina aceto,  
 Usque suo similis castrensi ex plebe Quiriti,  
 Illum etiam exemplo formauerit induperantis  
 Cuncta pati, & nullas dehinc suspirare relictas  
 Delicias: fides recta dux integer arte,  
 Lenior in reliquis: sed inexorabilis, vllō  
 Si peccet cuiquam castrensis regula pacto:  
 Hic fustes; virgæque super, sauasque secures  
 Inferet: hic decimum quemuis fors extrahet orco.  
 Res dura: at patriæ maiestas talia coget  
 Moliri, & palmam inuictō meruisse labore.  
 Noster, ab auratis cunis, plumāq; paterna  
 Prorepens, nulloque prius sub pulvere membra  
 Edurata ferens, nec saltem instructa natatu,  
 Per tua (flauē Tiber) campi à sudore fluenta,  
 (Quippe genus clarum) dux fiet & induperator,  
 Antē rudis tyro quā vix de nomine norit  
 Castra quid, aut miles, vallumue, aut quid sibi structas  
 Signa velint acies, noto præeuntia gressu?  
 Nulla pedes, socio permensus cuncta labore,  
 Castra loco figet prudens ante omnia tuto:  
 Excubijs tantū sisus non agmina fossa,  
 Insup̄ aut plexo curabit cingere palo:  
 Quæ fuit antiquis industria summa tuendi  
 Noctis ab insidijs ingulos: Laertius ex quo  
 Incustoditi subyt tentoria Rheſi.

*Omnia legatis mittet curanda: perito à  
Milite si quis adest, pugna documenta sub ipsa  
Mentis inops capiet: tum primum casside vertex  
Inclusus gemet insueti sub pondere ferri.  
At neque consilijs hostis, nec viribus altè  
Perspectis, aliena loci nec si urget iniqui  
Conditio, insano proferri signa tumultu,  
Insternig, acies vno de more iubebit:  
Iam votas acies (mirum) ni vesper Olympo  
Antè diem liquido Oceani quàm gurgite tingat,  
Mittat ad infestas umbras inamabilis Orci.  
Nam ducis ars tantis impar si claudicat ausis,  
Quis non tyronem obiectum misere scat iniquis  
Casibus, erroris culpa moriturum alieni?  
Quum ruit ignarus manifesta in vulnera, nondum  
Sanguinei Martis casus expertus amarus,  
Sapius ex minimis, versa vice, praelia causis  
Nunc effusa fuga, dudum victricia, dantis?  
Quippe (reor) tritum est ducibus turbata hodiernis  
Agmina concinno sensim duplicasse receptu,  
Hastatosque noue rursus committere sorti:  
Tum quoque, laua fluat sibi Bellona, resectis  
Ordinibus, nondum se despondisse, ruentem  
Excipiat surgens si forte triarius hostem:  
Tritum etiàm ancipitem sub sera crepuscula pugnam  
Distraxisse, nouo reduces iterumque phalangas  
Manè animo, porta decumana educere castris:  
Nil minus: immò aliquid titubaueris impete primo,  
Velitis intereat manus, aut nutantia fila  
Pulsa loco princeps referat, paulò urgeat hostis  
Liberior, clamore suam simul exacuat spem,  
Extemplo conuersa retrò vexilla videbis  
Pracipiti properare fuga: manus vltima fœde  
Terga dabit primum, & socios intacta relinquet.*

Tum verò, an sparsos repedare ad castra maniplos  
 Velle putas? noto ut tuti condantur asylo?  
 Castra? quis hoc hodiè vel somniat? immò age, toto  
 Littore palantes pavor exagitat, ut æstro.  
 Actum est: longa dies iterum hos, qui fortè supersunt,  
 Vix dabit acceptis animis Mauortia tela  
 Contrectare manu, aut spem solam ponere in armis:  
 Tanta per insuctas it consternatio mentes.  
 At si fortè duces dudum auersatus ineptos  
 Possè putes fieri, ut ducibus socordia compar  
 Militis ignaui latum non quadret ad unguem,  
 Quem dabis (hoc si tu istorum dignabere quenquam  
 Nomine: ) qui exiles saltè delineet umbras  
 Prisci operis, nota propriæ statione cohortis?  
 Quum nemo ad numerum, clypeo qui inscribitur ipso,  
 Iam sciat ordinibus \* aciem seruasse receptis?  
 Longum opus, & solido peragenda volumine culpa est:  
 Quot, quibusue modis, castrensis turba latronum  
 Collunies, hodiè conuellat intra vetusti  
 Martis, & indigno maculet decus omne pudore,  
 Incustodite tot sæcula disciplina.  
 Siue meos memorem, seu quauis sede profectos,  
 Gallus, an Hesperius, stagnantis an accola Rheni,  
 Prodeat, an fuscus succincta molis Iberus,  
 Omnibus hoc vitij est: communi & nomine cunctos  
 Insimulo: solis statuas ne fortè Britannis  
 Erratum hoc veteres iam dudum abolè se triumphos.  
 Immò equidem (ut nunc sunt homines, & tempora) lapsæ  
 Militiæ quosquam dignatos laude, vetustis  
 Equiparare aliqua si vellem ex parte manipulis,  
 Ah pudet, at propius conferrem barbara Turcas  
 Agmina, legitimis quamuis non barbara castris  
 Ordineque, & victu, & veterani militis arte,  
 Atque animo ducis imperijs parere parato,

\* Cæsura.

*In quaecunque vocet non detrectata pericla.*  
*Quos quoniam duro armauit tolerantia, ne quis*  
*Miretur toties, nostri per vulnera probri,*  
*Afflixisse nouis Europam, Asiâque trophais,*  
*Tôtque vrbes strauisse solo, nunc rudera, clavis*  
*Quondam opibus fretas, iusti dum cura Gradini*  
*Affuit, & letis nutrix concordia rebus.*  
*Nunc pridem contempta lues, se proripit vltro*  
*Insultans, audetque nouis incessere caëptis*  
*Diuisos animos populorum, nomina Christo*  
*Qui benè quum dederint uni, discordia vinclo*  
*Tela tamen rupto, versi in sua viscera torquent.*  
*Scilicet, hoc poscit pietas? sic itur ad astra?*  
*Atque isto Superùm placamus numina pacto?*  
*Non decrit, veteres qui sanguine libet ad aras,*  
*Nec qui cade virùm desuetas tingat arenas,*  
*Donec laxa noui regis surgentibus annis*  
*Ambitio, laevis palponum vocibus acta,*  
*Quis turbare placet (furandi plurima turbis*  
*Nam seges exoritur) iam se iactantior ipsa*  
*Proruat, atque aliquem præcepis sibi deligat hostem.*  
*Quo studio, quibus aut titulis, si fortè requiris:*  
*Dispudet, & non est tanti gestasse tiaras,*  
*Huic, si fortè alias olim meditatur Olympo.*  
*Attamen has etiam, aut Anius, vel Delphica quisquam*  
*Interpres, cui ius referare oracula licentèr*  
*Promitter, stimulisque accensum hortabitur vltro.*  
*Ille Deos simulans, perget: verùm abdita cæci*  
*Causa mali, tacitis penetralibus errat Erynnis*  
*Multa mouens, largoque inuoluit cuncta tumultu.*  
*Interea leges, & fas, & iura Deorum*  
*Inter tela silent. Qui regna aliena proteruis*  
*Conquassat, Nemesis insontes crudeliter vltam*  
*Inueniet proprijs iecisse penatibus ignes.*

*Curre domum, & largis extingue incendia lymphis,  
 Sipotes, ah demens. En quò discordia mentes  
 Perduxit miser as: frigescit vulnere virtus  
 Iam toties violata nouo, pietasque, pudorque  
 Exulat, & tantum magni nunc nominis umbra est.  
 Atque hos (ò cines patria cælestis) iniqui  
 Inter nos odij, decerpimus arbore fructus.  
 Ipse Pater, summo qui hæc æthere singula cernit,  
 Aversans aliò vultus desleclit, & altas  
 Indignato animo iamdudum concipit iras.  
 At super insurgens animis violentior ille  
 Nomina sub signis statuet conductæ, quot olim  
 Non tulit Antiochus, multum iridente monoclo,  
 Qui profugus canas Lybia memor extulit iras,  
 Vsq̃ue tenax odij, impubes quod vouerat aris.  
 Hic cataphractus erit, totumque panoplia condet:  
 Hic leuibus gyris agiles præuerterit Euros:  
 Hic arcu potior, funda alter: at ille bipenni:  
 Hic extenso equitem melior propellere conto:  
 Tum caua lethalem eructat cui fistula glandem,  
 Creber fulmineo referet Salmoena bombo.  
 Feruet opus: pleno princeps iam letior ore,  
 In digitos coget numerumque, & signa, suilli  
 Omnia sed generis: nec quicquam, ubi ad arma credit res,  
 Agmina quam leuium variè condita Syrorum  
 Sueta quidem sauis stipendia postcere verbis,  
 Terna, quaterna simul, nullo repetita pudore:  
 Quis exhausta hodiè non ulla araria certent:  
 Deliciasque super, quales si prisca Quiritum  
 Turba poposcisset furuo satur ilia farre,  
 Nunc Carthago foret, Byrsaque arx alta maneret:  
 Nec lauros solidum virtus Romana per orbem  
 Votiuas rediens, Tarpeia sede locasset.  
 Vnde (quod indignum est) si quis nunc quærat inerti:*

Penelopes tanquàm telam, sua bella tumultu  
 Quum toties texant reges, iterùmque retexant,  
 Damno equidem afflictæ plebis discedere utrosque  
 Cur videas, lauris suetum Paana canentes:  
 In promptu causa est, tanquàm si Bacchius alter:  
 Concertare Bitho Vulcani pergat in armis.  
 Pugnatur, totosque fluunt sudata per artus  
 Prælia, seu potius præludia: denique nullum  
 AEs ubi conatus, patriæque querela diremit  
 Iam sua suprema testantis funera voce,  
 Conciliant animos; simulata pace furentes,  
 Tantisper, dum parua trahant spiracula ciues,  
 Rursus in adscitos ut soluant ara latrones.  
 Atque ita, si paucos hodiè victoria mulcet  
 Finibus, aut toto pergens diademate nudat;  
 Nil mirum: volat hinc, atque illinc Palladis ales  
 Noctus, consultis succurrens dextra sinistris.  
 Quod si iterùm antiqua dux quisquam prodeat arte  
 Instructus, solito veterani & militis ausu;  
 Huic ego nec metas ullas, nec claustra ruenti  
 Constituo: oppositis fidant quantumlibet hostes  
 Præsidjs: Quid enim? fretus campestribus armis,  
 Castrorumque potens, operosis mænia fossis,  
 Illa quidem decimum quamuis claudantur in annum,  
 Arbitrio tandem coget submissa patere:  
 Quum ferrum, & cautes, & Nummantina ferocis  
 Pectora propositi maior patientia frangat.  
 Interea hæc oculis quisquam nunc agmina siccis  
 Bellantum aspiciat? nostro quæ more cruentis  
 Rariùs inter se pugnis concurrere sueta,  
 Innocuos plectunt nec opina clade colonos?  
 Et miseros ciues? quos hoste nocentiùs ipso.  
 Sæpè quidem spoliant, morum quoque stigmata fæda  
 Linquentes, tetra corrumpunt omnia labe?



Haud secus ac torrens, vidos qui turgidus imbres  
 \* Synæclis. Quum male suscepit, laxoque emittitur \* alueo,  
 Cuncta rapit, pecudes voluens, pecudumque magistros,  
 Et stabula, & pagos, & templa eversa Deorum,  
 Nil tactus pecti formoso tegmine prati,  
 Nec parcens culto versis radicibus horto,  
 Non sata, non mites linguens spes fertilis arui,  
 Longo iterum antiquæ reddendas vomere glebæ:  
 Usque aded informi limo, atque vligine campos  
 Obducet, sterilisque super cumulabit arenas.  
 Antè leues ergò non scandent athera flammæ,  
 Aut graue rupe cadens deuexo tramite saxum  
 In medio cursu librabitur aëre pendens,  
 Quàm genus hoc hominum infidum sua vulnera stipi  
 Prostituens, patria succurrerit unquam alienæ:  
 Quæ si fortè sonos humana voce referret,  
 Hys consulta super, quam sententia menti:  
 Ipsa suos proprio, sic fata inflecteret ore.  
 Dy tantum prohibite nefas: nec Pallas Athena  
 Hoc irata velit: quisnam vos abstulit error?  
 Ergò ego, quæ genui ciues, exotica cernam  
 Agmina, spem vestra potiore afferre saluti?  
 Corripe tela manu sanguis meus: utere & armis  
 Tute tuis: equiti dorsum semel, oraque freno  
 Si insuscunt: iam te campis depellet auitis,  
 Qui tibi mentitum tantisper præbuit usum.  
 Nèue mihi imbelles ista regione, vel illa  
 Commemora genitos: tanquam si climata fortes  
 Efficerent, non mos patrius consuetior aspris.  
 Immo age, momentum cultus regione sub vna,  
 Atque vno in populo, si nil discriminis affert,  
 Dic mihi, quid fortes olim, verso ordine Persas  
 Molli? atque iterum prisco redimiuit honore?  
 Quid molles Arabas? recutitos & Mahumetis

Discipulos,



Discipulos, toti tantum non intulit orbi?  
Victa iacet certè Danaùm manus, & fera Thracum  
Corda, metu obscuri nil pristinum acinacis audent.  
Paruane cetratos laus bellica vexit Iberos?  
Parua Gothos, celso dictantes iura Toletò?  
Num timuere tamen, gens abiectissima, Mauri  
Hys inferre manus, patrisque expellere regnis,  
Dum fortuna stetit, virtute afflata secunda?  
Verùm ego quid memorem conamina versa virorum?  
Postquàm & Amazonijs Asia immoritura sub armis  
Nec muliebri genus bellantum exclusit ausis?  
Crede mihi, fortes, animoso & pectore ciues  
Non natura facit, totum hoc sibi vendicat vsus,  
Arte regens certa, laudùmque immissa cupido:  
Qua sine, si claro non vlla est gratia factò,  
Si virtutis amor nullo extimulatur honore,  
Atque equa ignauus sustentat præmia forti:  
Iam non egregios vltra deuota per ausa  
Custodes, patrijs cernam profunderè in armis,  
Quam tribui, vitam: memor vt gens tota nepotum  
Quum benè iactat auos, pietatis imagine gaudens  
Ædat & ipsa aliquid proprium, velut emula facti.  
Hæc Patria, accendens animos. Dulcissima Siren  
Gloria, sensim etiam studium suffundet honesti.  
Haud sum equidem ignarus sacri quid pagina scripti  
Dictitet, atque lubens amplector quodque modestum..  
Hic tamen hys stimulis demptis ciuilia quisquis  
Officia inculcans, cætus conformat apertis  
Iudicijs, secreta Deo discrimina linquens,  
Præmia si tollat laudis, nec dedecus æquum est  
Adiciat fædis, si quis deliquerit ausis.  
Vna etenim, atque eadem ratio contraria spectat.  
Quòd si animos viles deterret opinio turpi,  
Illa etiam generosa impellet pectora honesto.

*Quum facinus pulchrum laus, & sua fama sequantur,  
 Pœna reo si stet, stent & sua præmia digno,  
 Nec metus hinc instet maior, quàm debita contrà  
 Spes oculis coràm statuat præconia facti  
 Egregij. Vivat canos celebratus in annos  
 Veste triumphali tectus, digitòque notatus  
 Indice, qui quiduis patriæ memorabile gessit.  
 Atque equidem hoc vnum (quum lex acerrima apud nos  
 Tam variè insurgat vitijs, plectâtque nocentes)  
 Valdè etiam prudens nostris desyderet oris.  
 Quod non pœna metu, quod non tormenta, nec ulla  
 Vis queat ingenuis unquàm extorquere minando,  
 Paruula blanditijs euincet machina lingue  
 Laudantis. Tanti est spectato principis ore  
 Proditæ vox testis: medio ceu puluere circi  
 Nobilibus hortator equis auriga Metiscus  
 Instet, & extremam populi plaudente corona  
 Ad metam decoris non inscia pectoratrudat:  
 Illi acres glomerant cursus, flant naribus ignes,  
 Attolluntque ardore iubas, micat ungula campo  
 Ferrea, nec requies cupido datur ulla labori,  
 Cærula dum prasinum rota prælegat Automedontem.  
 Aurea tum clamor studijs circensibus astra  
 Dissonus, ipsiusque ferit caua tecta Tonantis.  
 Quod si laudis amor tanta dulcedine brutis  
 Insidat: quid nos æquum est sperare, futuri  
 Iam memores? sero tanquàm res certa nepoti  
 Hoc demùm transmissa modo, & post fata superstes  
 Viua per ora virum fama auctior euolitarct.  
 Præmia quocircà ne desint debita forti.  
 Præmia si tollas: perièrunt Palladis artes:  
 Et castrense decus, ratioque inuenta corona.  
 Hac etenim posita in medio superaddita palma  
 Spe simul innumeros implent: quæ quilibet optat*

*Vnus, & alter habet. Quidtum? certatur ab omni  
 Erecto, & totam exercent conamina turbam.  
 Non minùs atque ista mēsis succreuerit arte,  
 Quæ placet, & Galle iam dudum tritior aula est.  
 Egregios etenim iuuenes, Mauortia corda,  
 Ingeniòque bonos quorum facundia lingue est,  
 Qui patrìs princeps optat duo lumina rebus,  
 Discat honorato gaudentes munere primos  
 Et lateri comites, ludisq; adhibere sodales.  
 Persica plebeis maiestas fortè seuerò  
 Ritè supercilio seruabitur (vllus in vllò  
 Principe si fastus quoquam benè tempore constet:)  
 At verò erectos animos, & libera lauo  
 Ingenia istorum quisquis molimine frangit:  
 Bis peccat, patriam ornamentis, se quoque demens  
 Pectoribus spolians fidis. Quid proderit exin  
 Verba audisse metu dudum demissa suorum  
 Ore tenuis blando? manet alta mente repòsta  
 Spernentis facies, tantique iniuria fastus.  
 Scilicèt obstruētos i post, atque elice sensus:  
 Dic Crito: dic tu Hegio: nos verò vt lumina flectit  
 Noster Alexander, vultu pendemus ab illo.  
 At iubeo: at miseri casus Callisthenis obstat.  
 Vera feras vnquam, si non & libera persers  
 Dicta, nec ingenuo succenses pectoris albo:  
 Compellere licèt fælìx, faustumque saluent,  
 Et pulchrum, & solum fortem, solumque profundì  
 Consilij, & toties regem, dominumque, Deumque:  
 Iam miser es, titulus tantum quia defuit istis  
 Regibus inuisum suspecto nomine verum.  
 Ista sed arguta ne dicar scrinia Stoa  
 Inuasisse, lubens illis tractanda relinquam,  
 Qui propriè ethologus mulcent sermonibus aures.  
 Nunc redeo, vnde abij: laudèmq; & dona merenti:*

Instituisse super condignum regibus aio  
 Hys fore, qui patrijs generosum crescere in oris  
 Sana mente velint. Queris cur Palladis artes,  
 Quæ bene tecta sua quum misceat ægide pugnas,  
 Non minùs, orta Iouis cerebro, pratendat oliuam,  
 Longo alijs iubeam cunctis præcellere honore?  
 Dicam: pacis opus, finem cuiuslibet urbis,  
 Curia consilijs procurat cana togatis.  
 Quòd quum opere in toto nil sine insignius ipso est,  
 Huius item artifices alijs ante ire decorum est.  
 Parte alia ingentes animos, & prodiga vita  
 Pectora, quò patriam reddant ante omnia saluam,  
 Heroas velut esse puta, viuosque colendos,  
 Et post fata suo repetendos carmine Bardis.  
 Non omnes tam inuicta obuertunt corpora Marti:  
 Rarus & ille fuit semper manifesta pericla  
 Nominis, & fame studio, qui sponte peregit.  
 Attamen hos cultus melior dabit, & pia regum  
 Cura semper, meritis si stent sua præmia iustis.  
 Dignum erit hoc etiam nostro perstringere versu,  
 (Quando obiter locus huic se offert) qui bellica princeps  
 Corda suis optat, primus Mauortia tela  
 Ipse manu crispet: primus fulgentibus armis  
 Conspicuis latum fidentiùs ante eat agmen  
 Aspiciet turmas latè properare sequaces,  
 Voluere spes animo ingentes, contendere factis  
 Ipsa arte ora ducis testatam ferre coronam.  
 Aut si (Iane) tuas bisfrons compingere valuas  
 Ille paret, versos & sedet pectoris astus,  
 Arma ferenda sacris dans postibus: haud mora, curui  
 Iam resides enses in formam vomeris ibunt.  
 Ille colat Musas: certatim turba caballi  
 Bellerophontei sacras properabit ad vndas.  
 Prodeat ille foràs peregrina veste notatus,

Barbara vulgus item magno mercabitur ostra.  
Ductitet ille choros, saltabitur: exigat altos  
Bacchus iners soles regali effusus aula:  
Plebs eadem cyathis repetet certamina Græcis.  
Denique, spectato exemplo proponitur omni  
Dux operis populo: non reddit imaginis umbras  
Oppositæ speculum quascunque exactius, acri  
Quàm studio regis mores plebs simia fingit,  
Talis in archetypum, qualem se protulit ille,  
Albus, an ater erit, cui ius præscribere cunctis.  
Ergo illi Mars armipotens spectacula circo  
Sapius effusum populum per equestria reddat  
Intentum, scietasque acies concurrere in armis,  
Et simulare fugam, nunc vise vertere victos,  
Rursus & ordinibus pugnam instaurare relictis  
Instituatur, turmas equitum, tum cornua scite  
Explicuisse inuēt: mutet quadrata rotundis.  
Nunc cuneos agitet, nunc aut testudine densa  
Excipiat tectus ferratæ grandinis imbrem.  
Insidiisque super varijs certetur: iniqui  
Sustinuisse loci pugnam patientia discat,  
Atque laborantes suppleſſe recentibus: hæc si  
Omnia vis maior, superetq; potentior hostis,  
Non nihil est tanto ciues seruasse receptu:  
Nec palante fugam extemplo profundere cursu.  
Stent castra: excipiat socios custodia castris  
Fida manens: animos spaciū fugientibus addat  
Nocte interposita: vt rursus crudelia manē  
Indignante pudor fremitu certamina poscat.  
Mille modi. Hæc oculis coram proponere sciet  
Crebrius, & varijs regni pro partibus, omnis  
Vt populus coiens veræ discrimina pugnae  
Ante sciat falsis non formidasse sub armis,  
Vna salus fuerit. Festi pars altera solis

*Manè, Deo templis postquàm plebs vota peregit  
Iudice me, studijs concinnè adhibebitur istis.  
Quinetiàm exacto torpentis frigore brumæ,  
Vere nouo, teneris quum formosissima vestit  
Iam facies anni rediuuam floribus herbam,  
Tota manus iuuenum, quo nomine quemque citauit  
Scriba, suis adsit ductoribus ordine certo,*

*Hic eques, ille pedes: distinguat munia census.  
Patritia vt pubes famulum stipante caterua  
Terga premat patulis spirantum naribus ignes,  
Frænag, nobilium spumantia flectat equorum:  
Hoc illis studium, & pro stemmate debita laus sit.  
Plebs aciem varia subeat pro classe pedestrem:*

\* Synæ.

*Sublimis folio Censor non vnus eburneo \*  
Confideat, spectet, pœnâsq, & præmia penset.  
Patritium, strigosa trahat si equus ilia, mulctet,  
Sine parum scitis distorqueat ora lupatis.  
Turpe viro, titulos violare & nomen, equestri.  
Dignus erit parma spectari inglorius alba,  
Dignus item digitos cui gemmans annulus auro  
Nullus agat circum: nec prima sedilia curui  
Effuso in ludos populo meruisse theatri.  
At plebeius homo, si non penetralibus ipsis  
Et galeam, & clypeum, & proprium thoraca refingat,  
Nec mentua gerens, nec quæ sibi mutua sumpsit,  
Sine parum tersis squallentior exeat armis,  
Plectatur, totoque nouissimus ordine perstet,  
Matribus, & pueris ridendus: nulla corollam  
Huic formosa manu Phyllis protendat, olentes  
Sed vetula vrticaster circum tempora necet,  
Raucâq, per plateas redeuntem cymbala ducant.  
At verò eximia specie, & fulgentibus armis  
Qui micat, & palmæ propior longè omnibus ante it,  
Prima ferat primæ gratissima ferta puella:*

*Basiâque*

*Basilæque, in media quæ figat candida fronte.  
Inuideat iuuenum circumstans turba coeuium,  
Et maneat spretis imo sub pectore fixum  
Vulnus, ut illatam voueant sarcire repulsam,  
Proxima quamprimum indicat certamina Censor.  
Qualis in umbrosis taurus si vallibus albam  
Riuale inferior suspirans fortè iuuenecam,  
Sola per ascensos meditetur praelia colles,  
Et capitis postquam conando cornua torui  
Sapius in ventos iactauerit, astra laceffens,  
Rursus in antiquum repedans immittitur hostem:  
Fit sonitus, duris respondent ictibus aër,  
Atque lacus, caua saxa super, sylueq. comantes  
Ingeminant, seuisq. ardescunt statibus aure.  
At quoniam insignis dubio sub iudice lis est,  
Structa acie patulo quisquis decernere campo  
Sustinet, an longis obtendere fila sarisis,  
An clypeata breues malit restricta per enses:  
Scire decet, (postquam exemplis pars utraque magnis  
Nititur, hys segetem hastatam, roburque phalangis  
A veteri Pella, gestisque Macedonis orsis,  
Hys contrà inuicti memorantibus arma Quiritis,  
Et legionis opus, toto victricia passim  
Nedum etiam Amathia quod iura subintulit orbi)  
Semper, ab euentu quum regula tutior extet,  
Hic tibi qui vicit, potior statuatur: iniquo  
Nunc omnes studio, clypei gestamina damnant:  
Quàm benè, si rursus cuneos clypeata virum vis  
Inferat, oblongi dicet spes irrita conti.  
Quantumuis aliqua telum hoc pro parte probari  
Nemo eat inficias: quis enim non fronte locarit  
Agminis hastatos aliquot, si fulmen equestre  
Ingruit, ut primas protelent eminùs iras?  
Ast habilis, pugnaeque parabilis, ordine denso*



Qui momenta putat, quantúmque intersit ubique  
 Posse locis agiles enses euoluere iniquis,  
 Vix benè quod longa permittet sylua sarissa:  
 Præterea, clypeo quantum utilitatis in ipso est  
 Missile ferrato seu telum umbone repellat,  
 Sive aliter patula gestantem protegat umbra,  
 Nunquàm equidem oblongis fides protensior hastis  
 Propulsare bonis quantumlibet ordine certè  
 Luxato, insuetis turbata reponere fila,  
 Seu mutasse vices, frontemue obuertere tergo.  
 Quod facile est breuibz certant qui comminùs armis.  
 Præterea ut punctim detur lethalior ictus,  
 Attamen & casim transuersi inuerit ensis  
 Plaga grauis, vario miles si vulnere dexter  
 Impetat aduersos, nec simplice Marte fatiget:  
 Quin suus atque aries, sunt & sua fortia scutis  
 Non minùs, obtentis quàm propugnacula contis.  
 Scuta (viro si vir iuncto benè corpore constat,  
 Proximus & primo confertim accesserit ordo)  
 Plexa simul stabunt, ceu murus aeneus, vno:  
 Et simul vrgebunt hostem tot millia nisu.

LIBRI QVINTI FINIS.



# DE REP. ANGLORVM INSTAVRANDA,

## Liber Sextus.

**H**Æc igitur pugna ratio seruanda pedestris  
 Esto, ubi dumosa laterum compage, rigentes  
 Arua rubi, sentesq; obeunt: implexaq; in orbẽ  
 Sepes viua suis pro muro accedere fundis  
 Assolet, haud simplex aut incomitata, sed oēs,

Altera ab alterius dependens obice tractus  
 Quæ latè incingat, serie insuperabilis ipsa.  
 Prasertim annoso si pangat brachia ductu,  
 Atque attonsa nouis tanquàm Hydra repullulet vsque  
 Inauuijs: olim ferro irritata putantis,  
 Quæque renascendo, capitis post fata, vire scat,  
 Hoc operosa magis. Tantum ars, & cura valebunt,  
 Quin natura super: si fortè ingentia passim  
 Sponte sua intactis concrecant robora campis.  
 Quæ summis demissa iugis decliue locorum,  
 (Ollis si natura loci, geniúsque placebit)  
 Haud rarò inuasisse volent: nedum horrida syluia  
 Dorsa putes tantum montana obducier: in æ  
 Plarunq; & valles umbra frondente nigrescunt,  
 Stantque suis etiam campestris saltibus: ut nos  
 Planicie in media nemus ingens sepe fatigat,  
 Sæpè humiles densa obsistunt compagine colles,  
 Quò minùs immisissis præceps equitatus habenis  
 Irruat, aut pleno contendat concitus æstro.

*Nempè, è re natum auxilium Dea calua ministrat,  
 Qui variante situs natura cautiùs uti  
 Nouerit : ut populis plerunque stat Europæis .  
 Terra crepidinibus, atque interstincta salebris,  
 Flumine, monte, via angusta, pressisue myricis,  
 Sapiùs alipedum frustrantibus agmen equorum..  
 At si planicies spaciosis omnia arenis  
 Excipiat, Parthis ut crebrò cernere campis ,  
 Romani potuere duces, vix altius vlla  
 Qui vulnus cepere loco, quàm laxa fugaci  
 Bella ubi cautus eques gyro miscere solebat,  
 Missile in elusum contorquens eminùs hostem,  
 Securus leuitate fuga, docilique recursu  
 Bellatoris equi : tali pro Marte, locòque,  
 Quantumuis patrijs legio se venditet armis,  
 Tu genus hoc dispar pugnae cauisse memento :  
 Nec te pæniteat luctantia quadrupedantum  
 Pectora pectoribus, frontemq, opponere fronti;  
 Quò parili posset plecti manus hostica sorte.  
 Nos verò patrijs non semper pralia terris  
 Miscemus, nec (vis maior ni prefferit) unquam  
 Admiscere. velim : longinquis tutiùs oris  
 Illa vaser Pænus quæ suscipienda ferebat.  
 Nec quocunque loco (motis variabile castris  
 Nam se offerre solet) facile est se iugiter ipsdem,  
 Improvisus eques si prosilit, indere septis.  
 Ergò etiam hac patrius nobis instructior ut Mars  
 Parte queat prodire, nec vlla claudicet impar,  
 Rectum erit (audite. ò ciues, & verba profundo  
 Concipite hæc animo, quæ non sine pondere dicto)  
 Rectum erit indulgisse gregis propagini equini,  
 Cura alia, quàm quæ nullo discrimine formæ,  
 Aut generis, passim nobis promiscua surgit.  
 Nullus enim, aut rarus nunc admissarius vllis*

*E stabulis prodire solet, iuueniliter altus,  
 Integer atque cui qui spem promittat opimam:  
 Sed plarunq̃ comes lateri communibus herbis  
 Vir loculos matri generosa signauus, & excors,  
 Semine prauertens vili, vilissima gignit  
 Pignora, quæ nullis Mars unquam admittere castris  
 Sustineat, nullis aut circi cura quadrigis.  
 Tu verò, hoc vitij propria sarcire medela  
 Si cupis, amotis maribus lectissima equarum  
 Agmina dumosis depascere saltibus herbam  
 Institues tacito gaudentia sæpè recessu,  
 Fons ubi vicinus scatebrosus bulliat undis,  
 Plurimàq̃ optatas stirps quercea porrigat umbras,  
 Solis ab æstiu radijs, stimuloq̃, proterui,  
 Qui nocet armentis longè infestissimus, æstri.  
 Hinc illis sub vere nouo manifesta libido,  
 Et dulcis furor inguinibus proludet hiulcis,  
 Vt saturæ iactentque iubas, largoque ruentis  
 Hinnitu cieant gratissima vota mariti:  
 Qui tandem eductus stabulo, & securus amorum  
 Regnator vacuo in campo, genitalia matri  
 Admissus decima generoso semine solus  
 Impleat: ulterius Venerem cohibeto salacis,  
 Ne vigor ob nimium genitalis langueat usum.  
 Sic tibi præstantes genitrix vernacula pullos  
 Ore viri, specie atque ipsa, maculisque decoris  
 Threicij, aut quauis oriundi ex stirpe reponet.  
 Vt neque tu pullos posthac quos Thessala Tempe,  
 Nec quos ad vitrei latissima prata Choaspis  
 Medus habet, tanta studeas conquirere cura.  
 Pascua nam certè terris quum pinguia nostris  
 Immortale virent, quum tot leporaria amanis  
 Vndique nobilium villis contermina prostant,  
 Septa suo vallo, palisque è robore fisso:*

*An non corda virum quiuis tam blitea recte  
 Arguerit? magno ignotis mercantur ab oris  
 Qui genitos, proprijs praestantia corpora equorum  
 Quum possent paruo, & facili, progignere terris?  
 Nam neque saxosi vitium pratendere fundi,  
 Per iuga summa queant, nec stare vligine prata,  
 Nec salientis aquae venas non ire perennes  
 Vallibus, aut campis soles, aut saltibus umbras  
 Quaesierint, vteris nec grata cubilia fessis:  
 Nec culpasse queant aestus, aut frigora, iusto  
 Quae maiora novos ledunt vredine factus:  
 Nec quiduis, nisi desidiam. Postquam optimus ille  
 Henricus patriae laus, & tutela Britannae  
 Octavius, studio ardenti generosa remotis  
 Commereans terris lectarum corpora matrum  
 Et marium, quos Hebrus alit, quos Phrysia tellus,  
 Quos Bataui, quos Parthenope, quos Batia mittunt  
 Pascua, cursu ipsos suetorum vincere ventos,  
 Propaganda suis, fausto conamine, regnis  
 Intulerat: quorum soboles non degener ipsos  
 Praeuertebat auos, magni dum sceptrum manebant  
 Regis inexhausta pensantis singula cura.  
 Nunc collapsa retrò tam pulchra armenta per umbras  
 Cum domino periire suo: nec denique damni,  
 Haecenus, aut probri meminit gens postera tanti.  
 Quam ni continuis stimulis lex arcta fatiget,  
 Exemplumue sui praecuntis singula regis,  
 Aut tandem utilitas praesens, manifestaue nonum-  
 Quae non praecipitum spes usque extendat in annum,  
 Vix dabitur solo socordia pectora pulchro  
 Erigere: usque adeò torpentes copia reddit  
 Fertilitate nocens, tam pinguis & ubere glebae,  
 Quae fortunatos nimium, facit esse supinos.  
 Lex itaque herbofo dominum cui pascua surgunt*

*Lata solo, si non aliquot procuret equarum  
Corpora fatiferum, laudata ex stirpe, marito  
Iungere, qui pulcher pulcherrima pignora gignat,  
Mulctet, ut ingratum patria: simul irroget ultra  
Quiddam ignominie: pudor ipse impellet honesta  
Mente viros, largo probrum amolirier are.  
At qui armenta fouens, pullorum pulchra quotannis  
Agmina, spem belli curat nutrisse futuri,  
Indulgens generi eximio, ut propagine lecta  
Succedat soboles pralata parentibus ipsis:  
Huic contra eximios lex ipsa indicat honores,  
Munerâque, insignem collo circumdare torquem:  
Præterea, quicquid populo spectante profectum  
Quamlibet exiguum patriæ dat nomine censor  
Gratius oblati sine causa, aut teste, triumphis.  
Aureus hinc demum paulatim se ingerat, & mos,  
Patricium non tam signis, pictisue tapetis,  
Aut abaci auratis cyathis, structisue superbo  
Marmore porticibus, mirantis singula vultu  
Hospitis attonito captare encomia ficta,  
Quam potius solidis verum decus ornamentis  
Quæsisse: insigni imprimis si bibliotheca  
Pars interna domus niteat: si Martius inde  
Polleat æquè etiam insigni locus alter honore,  
Armorum omnigeno generi latera utraque custos  
Pensilium præstans, quæ (si vis ingruat) altis  
Nictu oculi pubes dempsisse domestica possit  
Fostibus, & notis thoracibus induere artus.  
Tum quoque (ut hæc adsint) ni fortunatior iste  
Contiguus possit numerosa ab equilibus, alti  
Et benè curati producere terga caballi,  
Qui postquam accessit propius nudator equiso,  
Ostendet pulchros clunes, pulpòsque torosi  
Pectoris, & teretes aures, & colla iubante*

Cæsarie, & parui capitis spiracula nares  
 Præpatula, & quicquid reliquum laudabit equina  
 Spectator formæ, mirum ni emunctior alter  
 Barbaricas stolidi naso suspendat adunco  
 Diuitias, quem non digito saltem annulus ille  
 Admoneat, tituli ratio quid poscat equestris,  
 Et genus, & clypei species prælata vetustum  
 Armorum ob studium, & crudi decora alta Gradiui.  
 Qualis enim gnaui domus horrida iure coloni  
 Laudatur grauib; rastris, multoque ligone:  
 Qualis & undosi maris accola retia paruis  
 Præforibus siccans, manu; rorantia circum  
 Tendere parietibus, quàm vela rigentia bysso:  
 Qualis item exesor satagens pro fænore diro  
 Alphius emuncti signata cruore nepotis  
 Nomina ferre domum, pluris facit ipse tabernam  
 Ad Ianum positam, quàm quæ pulcherrima surgant  
 Exquilijs, semota suo palatia lucro:  
 Exin, non tabulas idem tam poscit Apellis,  
 Signa nec insignis Phydæ decora addita tectis  
 Aspexisse suis, quàm si conclaue recessu  
 AEdibus exurgat medijs, ubi plurima circum  
 Ferrea capsæ queat Plutum seruasse repostum:  
 Talis nobilium debet domus alta virorum  
 Ipsa suis etiam liquido innotescere signis:  
 Ne qui stemma refert, proauoque exultat equestri  
 Mollibus indignè postponat equilia thermis.  
 Atque utinam si quis (nam sunt natalibus orti  
 Obscuris, quibus inuideat gens Claudia fastus)  
 Si quis in hoc (inquam) sese iactare theatro  
 Incipit, & stolidæ iam iam nouus histrio scena  
 Infernare volens, tum personatior aquo,  
 Ut semel as tetigit longo sudore coactum,  
 Grande tuens, tantum non reges emulus ipso



Exinde externis superare paratibus ambit,  
 Hoc saltem tantæ studeat superaddere pompæ,  
 Vilis equus, comptæue gradarius aptior usu  
 Delicijs domina, titulo ne illudat equestri.  
 Nèue suo liceat quemuis pro iure caballum  
 Scandere, Patricio qui stemmate vendicat ortum:  
 At validos sternacis equi solertior artus  
 Arte regat certa, & duris premat ora lupatis.  
 Nam bona quum nemo prudens sua ferre recuset,  
 Qui decus & speciem præfert non rusticus oris,  
 An spectatrici poterit placuisse puellæ  
 Vllò habitu magis appposito, quàm Gnosius ille,  
 (Scylla) tuum crimen, patri per furta capilli?  
 Quippè vel imbellis præfert & femina robur  
 Audacis iuuenis, cultu formæque virili,  
 Quin sciat artificis doctus moderator habena  
 Quadrupedem rexisse ferum, & calcaribus actis  
 Irritasse leui bis terque per aëra saltu.  
 Credo equidem (Cytherea) tuum post prælia Martem  
 Sic placuisse tibi: vos (ô iuuenilia amantes  
 Corpora) virginibus procedere comptius ipsis  
 Non pudet? aut formam speculo monitore probasse?  
 Dura cutis Marti fuerat ferrugine multa,  
 Nec minùs obtinuit Veneris tamen oscula nude.  
 Vos (ni fortè rudem tete, Venus aurea, dicam)  
 Armigeros optent mollissima turba puella:  
 Quæ tamen inuietum latus, & setosa virorum  
 Membra probant, castris fortè haud minùs apta secundis,  
 Illic, non totis dubia sub luce fenestris,  
 Dulce ubi, nec tanto miscet clangore duellum  
 Dux puer: at castris iuuenes maioribus aptans,  
 Mitto ego nunc faciles quæ malint bella puellæ:  
 Exemploque velim pulchro spectatior vnus,  
 Atque alius, tantæ iaciant fundamenta moli.

*Exempli si fortè cupis cognoscere vires,  
 Peruolat, & reliquam trahit in conamina turbam.  
 Si placet, atque aliàs commendat opinio primos  
 Autores: totis nil prater ephippia cernes  
 Artifici transita manu prostrare tabernis.*

\* Synæresis. *Crebrior ut sonipes bullis spectabilis\* aureis  
 Spectatum iuuenem dorso vehat, ille plateas  
 Siue terat, camposue adeat, siue atria regis  
 Celsa petat: nec rex desit conantibus ipse,  
 Si cupit inceptos longum durasse labores,  
 Spectet, collaudet, proprio nonnunquam ab equili  
 Donet equo iuuenem, simul addat verba donis.  
 Artes nutrit honos, excelsaque indolis esca est  
 Gloria: principibus qui se probat, ille fauentes  
 Municipum voces, & plebis sentiet auram.  
 Atque ita non magni sumptus, magniue negotii  
 Res fuerit regi cordato, regna caballis  
 Orba prius lectis, numero supplisse recenti.  
 Poscat opus? delectus equorum corpora totis  
 Finibus expediet numero certantia priscis  
 Persarum armentis: ut cunctos ungula campos  
 Atterat, argutisque onerent hinnitibus auras,  
 Millia quot nunquam Baëtris eduxerat unus,  
 Natali risisse statim qui dicitur hora.  
 Omne tamen punctum qui iunxerit utile, tollet,  
 Utile, in humanis cui tanta potentia rebus:  
 Maxima pars hominum non tantum assurgit honesto:  
 (Quippe genus rarum semper fuit, atque bonorum  
 Semper erit, placeat per se quibus inclita virtus)  
 Sed simul utilitas si affulserit, omnibus omnes  
 Tunc tendent nervis coniunctum tollere utrunque.  
 Proderit ergo cato, regni in tutamina, regi,  
 Digestas equitum turmas, lectissima toto  
 Corpora præstantum iuuenum secernere regno,*

Qui ducibus certis suescant parere, perennem  
 Atque ferant, quantum satis est pro munere, stipem.  
 Ne dubitet princeps mandasse, satellite cinctus  
 Tam fido, inde foris metuet conterminus hostis  
 Procinctum, inde domi maior reuerentia crescet.  
 Nèue reformidet sumptus: non una parandi  
 Stat via thesauri, sacclis incognita priscis:  
 Quæ tamen hijs, omnes ubi nunc araria reges  
 Temporibus tanto satagunt auxisse labore,  
 Et nostris ineunda manet, libramine iusto:  
 Hinc ne destituant nerui, si bella potentem  
 Inferior nummis frustra meditetur in hostem:  
 Illinc, larga nimis ne indulta potentia fisco,  
 Deglubat miseros regum ad ludibria ciues.  
 At verò hijs studijs iam confirmata inuentus  
 Quum videat studijs non rem, non de fore honores,  
 Sempèr equo prætecta feretur, equo dabit acri  
 Acrior ipsa notas, quo sanguine creta paternum  
 Ritè decus foveat, nec dedignabitur ipsa  
 Agnoscanti adstare, manique offerre petitas  
 Frustula blanditias, docili per mille figuras  
 Procursare foras, & colla inflectere gyris.  
 Quinetiam pompas ficta sub imagine pugnae  
 Turma frequens (quæ prona annis, & prona virenti  
 Robore, iamdudum hanc votis quæsiuerit ansam)  
 Instituet: ruet hic leuior, Martemque lacesset,  
 Infranes Numidas cursu similatus anhelos:  
 Ille graui exhibit cataphractus tegmine ferri  
 Tardior. At culta matres, cultæque puellæ,  
 Ipse etiam spectanda cohors, spectacula visum  
 Conuenient. Populus clauso nunc Martia campo  
 Aspiciet, patulis Veneris nunc ora fenestris.  
 Felix ille dies festus: felicibus uti  
 Qui longum cupit, arripides præsepibus altis

*Pascat equos. Qui nunc toti Centaurea proles  
 Nil prater phaleras iactant, & robur equinum,  
 Si nobis etiam tale accessisse videbunt,  
 Haud reor inclusos undis & sepibus, ullo  
 Tempore velle aliqua posthac incessere classe.  
 Restat adhuc patrys Anglos armasse sagittis,  
 Tela pharetrata nec praterisse Diana:  
 Illa dedit genti, volucres per denia ceruos  
 Figere: Mars castris homicida subintulit, altum  
 Miratus tereti, paruoque foramine vulnus.  
 Scire iuvat tensis lunatus viribus arcus,  
 Fulmine quo dextram neruus si accessit ad aurem,  
 Lethalem excutiat, penna stridente, sagittam.  
 Mos Scythicus, late Scythia expatiata propago,  
 Innumeras vario fixerunt climate sedes.  
 Omnibus una tamen picta stat cura pharetra,  
 Siue per Eöos tractus, & Caspia regna  
 Parthus eques refugis suspectior aëra telis  
 Obtenebret, gelidi Dacus seu toruus ad Istrum  
 Flumina curuata iaculetur spicula taxo.  
 Nos genus antiquum à populis Aquilone profectis,  
 Nunquam pœniteat proavos memorasse, ninalem  
 Qui reflui quondam linquentes gurgitis Albim  
 Hys sedes fixere locis, atque Anglica sceptrâ  
 Firmarunt, pulsus, pristino qui more solebant  
 Effeda ferre rotis, & corpora tingere glasto.  
 Tum vario, ingentes ostendens Roma ruinas,  
 Terga dedit populo, & medys penetralibus Hunnos,  
 Atque Gothos, Herulosque super, Quadosque ruentes,  
 Vandalicâsque etiam suscepit victa secures.  
 Impiger arua Gothus possedit Iberica: Francus  
 Galla sue victor framaea vineta subegit.  
 Pingue solum tenuit nemorosa Albionis Anglus.  
 Et memor emissa quid præstet arundine ferrum,*

*Quos campos, quæ prata dedit victoria taxis  
 Debita: nunc ductis eadem mouet arma lacertis,  
 Et metuenda procul prauertunt spicula pugnas.  
 Dixerit hic crudis quisquam Cyclopibus ortus  
 (Hos etenim fama est olim monstrante magistro  
 Vulcano, primos furuæ didicisse sub Aetna  
 Carceribus formare nefas, terebrata sub auras  
 Fistula sulphureo quæ mittit ab impete glandem:  
 Ignotum ast per sacra malum dubitabile fufis  
 Ignibus, an tanto strepitu, an metuentius ictu  
 Insculptum Stygio latuisse diutiùs ære,  
 Dum pater ignita torquet quæ fulmina dextra  
 Sic voluit, casumque animo miseratus acerbum est)  
 Nunc tandem Eumenides postquam mortalibus agris  
 Tam dirum inuito facinus nudare Tonante,  
 Nec per mille modos dubitârint tradere in artem,  
 Dixerit hic aliquis\* (inquam) de gente Cyclopum,  
 Quando missilibus telum hoc mox omnibus vnum  
 Plus teritur, vano nostros molimine curuis  
 Arcubus hamatas posthâc efferre sagittas:  
 Nec quia maiorum studijs asper rima belli  
 Spem validis posuit non vanam industria taxis,  
 Idcirco patrî recte vestigia facti  
 (Si meliora dies monstrat) retinere nepotes.  
 Ambiguo (fateor) multorum pectora nutant  
 Hys super impulsu, & sequitur contraria vulgus.  
 Attamen ut teretem maneat laus prima sagittam,  
 (Hoc etenim nostris certo stet pectore fixum)  
 Nec minùs in partes veniant tormenta secundas,  
 Sphærica puluereo quæ mittunt tela canali,  
 Explicuisse iuuat. Non est temnenda magistri  
 Temporis inuento quoquam solertia prægnans.  
 Nec tamen hac captus nouitate, antiqua remittas,  
 Sirecto, & sano veterum stat gloria capto.*

\* Cæsura.

*Inuentum hoc tragicis ampullis scindere non est  
 Propositi, aut diris autorem tradere fontem  
 Eumenidum stimulus, qui captachymistica rimans,  
 Exitiale malum laua pro sorte rexit.  
 Vnde hodiè ignauo, vel post carecta latenti,  
 Magnanimum liceat tutò prosternere Achillem.  
 Hoc dico: dolus an virtus discrimine nullo  
 Quum tibi pracincto semper metuatur ab hoste:  
 Te quoque ceu parili dignum est insistere telo,  
 Inuentumque suo melius proferre nocendi.  
 Ergò etiam amborum dotes, diuersaque refert  
 Munera, pro varij specie nouisse Gradiui.  
 Si tibi turritis vigiles statuuntur in vrbis  
 Mœnibus, aut longo si propugnacula bello  
 Condita transfennis hostem lusura parantur:  
 Hic tibi scintillans stupa, & Vulcania tectis  
 Tela foraminibus subeuntes fulgure crebro  
 Terrificent. Duplo efficitur lethalior ictus,  
 Si manus expectet longo libramine certa  
 Quem feriat, tum quâ feriat: patientia telo huic  
 Cunctabunda, alijs præ cunctis vnica prodest,  
 Et statio & latebra, & iaculantum rarior ordo:  
 Ne proprios feriant turba densante sodales.  
 Hinc, reor, ad pugna campestris munia telum hoc  
 Non adeò appositas ladendi adducere vires,  
 Plurisque sono, & terrore graui, quàm vulnere crebro  
 Officere, & multas incassum emittere flammæ.  
 Vsq; adeò, vt recto quum vix centesima nisu  
 Dextera collimet. constans sibi, certaque capti,  
 Dum medio pugnae feruent ardore phalanges,  
 Deme metum: paucos hæc tradit machina letho.  
 Quippè aliquà oblongi variet si fistula ductus  
 A iusto oppositi contrà libramine recti:  
 Nil agit, in vacuas scandens emittitur auras*

Glandula, conuexo nequicquàm decidet orbe.  
 Veh misero, cuius rectam sors obuia plagam  
 Excipit: haud villo lethum praesentius ictu est.  
 Si numero, quantum praearet ab impete: pestis  
 Nulla foret Ditis funestae acceptior aula.  
 Nunc tardo eiectas reparans molimine vires,  
 Pigror ad plagae insurgit momenta secunde.  
 Parte alia campis si pugna instabit apertis:  
 Promae arcus, & prone leues in fata sagittas:  
 Haud alio plures telo morientur inulti,  
 Nec magis, antè manus quàm conscriuisse duello  
 Communiùs indultum est, animum desponderit hostis.  
 Vsq; adeò vt vecors volitantibus eminùs armis  
 Miretur solem obductum: dehinc grandinis instar  
 Demissam segetem ferratam, murmure rauco  
 Horrendi strepitus: qualem crateribus altis  
 Aetna refert, tellus seu quando immugyt ima,  
 Teستا mouens, totasque vrbes reuoluta ruinis.  
 Corda paupor feriet, \* oculos attollere contrà,  
 Nimbus in aduersos telorum atrocior actus  
 Haud sinet, insolitas sonus exagitabit & aures  
 Ereptae offundens mirè deliria menti:  
 Haud secus, ac torpor si quenquam panicus urget  
 Immemorem, pigro lymphatum pectora pu'su.  
 Vt verò & rutilo manantia membra cruore,  
 Vulneraq; aspicient, celeri lethalis arundo  
 Quae facit antè ictu, penetrata per ilia serpens,  
 Quàm prauisum oculi poterant discernere telum,  
 Tunc dolor, & maestus gemitus, funestaque tota  
 Vox acie, intactis etiam, formidine cogent  
 Stare comas: iam iamque instantem horrescere mortem.  
 Quid faciant, clypeos postquam damnauerit vsus  
 Vnica spes isti obstitens testudine pesti?  
 Attamen & clypeos frustra obtendisse Quirites,

\* Cæf.



Parthus eques docuit, verso metuendus ab arcu:  
 Irruere, & laxis equitatu immittere habenis  
 Fortè inuuet: si non sudibus solertia nostrum  
 Ante pedes fixis, equitum cohibere ceteruas  
 Nosceret, atque alijs accessum eludere technis.  
 Vnde simul geminis quum ferreus imber ab alis  
 Ingruit, & repetens, sæcundis tela pharetris  
 Ter decies crudo euentu iaculatur in hostes,  
 Nil moror erat a lorica tegmina: nudas  
 Sufficit esse manus, siue os, aut crura, per omnes  
 Omnibus haud partes it fida panoplia: ferrum  
 Hamatum si se carnem demisit in imam,  
 Haeret, & effracto remanet pars vltima ligno.  
 Sæpè quidem terebrans galeasque, & scuta trilicis  
 Materia, & squammas vincens thoracis aheni,  
 Si chalybe ex puro lectissima spicula fiant.  
 Ne memorem, toto passim quotus ilia campo  
 Indignans ducet sonipes, penetrabile telum  
 Quum latus, aut nudos sentit sanire per armos.  
 Tollitur, & frustra retinentem fræna magistrum.  
 Excutit, ordinibusq; acri teu turbine ruptis,  
 Ausugit. Haud alia nostri victoria parte  
 Sæpius, à pauidum quam turba inceptit equorum.  
 Nunc igitur qui vim maiorem ponit in armis  
 Igniuomis, pellente retrusam puluere glandem,  
 Spectet opus numeri: decimum proferre pharetra  
 Impiger arcitenens, totiesq; emittere telum,  
 Quum soleat (mirum ni aliquo lethaliore ictu)  
 Antè nouo scloppo Vulcani machina tarda  
 Quam reboët, longo exanimis post tempore flammæ,  
 Nec quæ ni cunctata dnu pulmonibus efflet.  
 Adde quod emissis vel millia plura sagittis  
 Incubuisse queant vnà: quando vltimus omni  
 De numero, læuæ sublatæ spicula ab arte,

*Si paulo conuexa magis protrudat in auras,  
 Illa quidem innocuo proprios superâsse volatu,  
 Et discent medios scite descendere in hostes.  
 Nec minùs emissò in conuexum vis sua telo est:  
 Nam grauitate ruens, vires acquirit eundo,  
 Et maiora trahit demissum fulmina ab alto.  
 Attamen ipsa suas Cyclopea fistula dotes  
 Pradicet, & nemo feralis vulnera teli  
 Non metuat: iunctis uti qui viribus hysce  
 Nouerit ambobus, propria statione, locòque,  
 Omne feret punctum. Vos ò mea cura Britanni,  
 Ut quidnam tacito vosmet subducitis ausu,  
 Paulatim à patrijs, (quanam dementia?) taxis?  
 Scilicet, an sordent veteris monumenta trophæi?  
 An tantam tormenta trahunt Cyclopea laudem,  
 Iudicio subuecta leui? versatile vulgus  
 Dum præfert potiùs quicquid nescitur? & illa  
 Quæ toties verbo tenus ultra sydera tollit,  
 Non vllum vlteriùs factò traducit in vsum?  
 Sic noua nec surgunt, nec stant antiqua: sed imis  
 Comptior hæc pubes postquàm resoluta medullis  
 Desuevit stadio committere corpora aprico,  
 Spectatrix placitas gaudet laudâsse per umbras  
 Quæ non ipsa facit: num detrectantibus instat  
 Maiorum censura potens? num gymnica saltem  
 Padotriba hodiè quisquam certamina pangit?  
 Informans teneros olim maioribus artus?  
 Curritur? an luctatur? an hasta nititur? eheu  
 Quis patrie vindex humeros accommodat Atlas  
 Hys super? aut veterem reddit vel matribus ipsis  
 Morem adeò celebrem? paruis puerilia taxis  
 Brachia gnatorum, paruisque instructa sagittis  
 Armandi in positum ficta sub imagine palum,  
 Qui veteris noménque, odiûmque resuscitet hostis?*

*Ne prius annixo genitrix ientacula gnato  
 Porrigat, in medio telum quàm fixerit orbe :  
 Illicet, à parvis starent sic maxima cæptis :  
 Nempe simul crescunt tacito cum tempore vires,  
 Atque vsu inuictum neruis succedere robur  
 Antè puer, iam mox iuuenis, mirabitur exin  
 Vir quoque florenti iam formosissimus ævo :  
 Tota suburbanis patriæ spes ardua campis  
 Dum coit, & curuus multa vi cogere taxos  
 Assolet, adductis collimans sæpè lacertis.  
 O utinam solidopasim conamine gentis  
 Sola forent nostris hæc ut campestria ludis  
 Arma per intonsi soles concessa serenos,  
 Cuius amor primus Daphne peneia, Diui.  
 Ille quidem auratis comites spectaret ab alto  
 Assurgens radijs : multaque rubedine sacrum  
 Os condens, lucere crepuscula sera iuberet  
 Inuitum à placitis abiturum testantia ludis.  
 Nunc (licet antiquos nondum mos aureus arcus,  
 Nec penitus Triniæ templis fixisse pharetras  
 Sustinet) horresco quonam socordia sensim  
 Tanta iuuentutis queat inclinasse labantis :  
 Mollicies ex quo studijs subrepere versis  
 Cæperit, & vetitis inuenterit otia ludis,  
 Ocia, non madide pridem concessa popina,  
 Non \* sphæristerijs, caucisue, ubi nobile gallos  
 Turba solet nugax inter spectare duellum :  
 Nec molles ubi laxa choros triclinia pubem  
 Eneruo inuitant Cytheream ducere saltu :  
 Siue leues vocibus talos prouoluere in orbem :  
 Et quæ prætere à verbis reticenda modestis  
 Ipse pudor damno dubitat dixisse pudoris.  
 Vnde hodiè imbelles quisquis mirabitur artus,  
 Pulposis proavis non respondere nepotum:*

\* Sytole.

*Audiat,*

Audiat, infelix ferali carmine bubo  
 Quæ cecinit nuper turrito culmine fidens.  
 Scorta, chori, citharæ, calamistra, vnguenta, fritilli,  
 Et redimita rosa in mediam conuiuia noctem,  
 Balneâg, & pictæ vestes, & Medica strata,  
 Et somni pingues per vultus solis adulti  
 Perdiderant olim Graios, post inde Quirites  
 Mutârunt versos variarum in monstra ferarum:  
 Nunc alios eadem Circeia pocula, porcis  
 Supplementa parant comitum subiungere \* Ulysei      \* Synæ.  
 Lapsa retrò postquam conamina praua iuuenta,  
 A cultu videas ità degenerâsse priori.  
 Appagè, & hæc (ales) Stygijs cantâsse memento  
 Manibus, infaustum hoc omen diuertite nostris  
 Dylaribus, liceat mores tinxisse modesto  
 Surgentes, primam & frugi duxisse iuuentam:  
 Quo sine, nec castris successerit utilis unquam,  
 Nec rostris, luxu ciuis qui diffluit alto.  
 Sed nihil insinuo: & rectæ virtutis amore  
 Dignum erat has pestes clara proscindere voce,  
 Quæ malè surgentis spem produunt mæsus in herba,  
 Eneruântq, animos. Quid enim spondere iuuentus  
 Egregium de se poterit? quid denique magnum  
 Poscenti patriæ officiû pro iure rependat,  
 Disciplina patrum si non retinetur ad vnguem,  
 Noxia quo totis pellatur blanda voluptas  
 A foribus, nullam peccandi ut præbeat ansam,  
 Hys quibus in vitium flecti surgentibus annis  
 Tam facile est, posito quàm cera liquefeit ab igni:  
 Quàm vicina suos Laïs tabescere amantes  
 Fecit: quàmque nouos à fratre argentea Phæbe,  
 Quum propior facta est, congressu suscipit ignes.  
 Ergò iterum, atque iterum imberbem monuisse iuuentam  
 Quid caueat, postquam tota hoc se cardine versat

*Spes patrie, nihil est nostram, quæ publica spectat  
 Commoda, cur pudeat repetito carmine musam.  
 Nam neque nunc vanis phalerata poemata bullis  
 Tam studeo, quàm res oculis proponere coram,  
 Nec moror ampullas, aut sesquipedalia verba:  
 Sed prodesse volens, ad fontes sapius ipsos  
 Vnde operis manat reliqui vis tota, recurro.  
 Dixi quidem, quæ iura domi, quæ fœdera ciues  
 Concilient, propria fretos statione, locòq.  
 Et docui cultis uti non segniter agris:  
 Nec minus equoreis victum quæsisse per artes:  
 Nèue queat patrijs ciues expellere regnis  
 Incultos quæcunque manus congressa duello:  
 Tela manu cunctis statui, propriisque refixa  
 Parietibus non insuetè molirier arma,  
 Omnibus instantis suscipi pro parte pericli.  
 Armatis intacta diu pax stabit: incrimis  
 Finitimi bello vexabunt usque procaci.  
 At modus, & scitis Bellonæ hic terminus esto:  
 Quippè manum tabula exacta subducere dignum est,  
 Ex quo rauca suos dudum mutasse laborat  
 Musa modos, tanti strepitus pertesa canorum,  
 Ære cauo assidue dum reddit buccina, cantum.  
 Illa fides rursus cupiat sumpsisse modestas,  
 Et plectro leniore canens percurrere carmen  
 Non adeò vibrans: quin ipse exterritus, aquor  
 Iam tanta undarum aspiciens consurgerem ole  
 Inflatum, cui se non Dijs, non viribus æquis  
 Vimine texta ratis lento commiserat unquam,  
 Optem aliò versis tandem diuertere velis.  
 Tela etenim atque enses, & castra, & structa virum vis  
 Nil placidum, nec lene sonant, commotior altos  
 Mars cupit ipse modos: Marti gratatus ab imo  
 Impulit incumbens Aquilo stridentior æstus.*

*Pacati maris, & validis freta viribus egit.  
Parce sed ipse dato (Borea violente) profundo,  
Parce (precor) iam tensa fatiscunt carbasia crudo  
Impulsu, & paulum sese subducere tentant,  
Lenius ut reliqui peragatur semita cursus.  
Nunc placidas opto tranquillæ marmoris undas:  
Nunc Zephyros (ô si veniant ad vota rogati)  
Quàm cupiam extremo metam imposuisse labori.  
Fallor? an optantis valuerunt vota precando?  
Non fallor: teneris nempè ipse Faunius auris  
Ecce venit, fratrèmq; iubet secedere toto  
Æquore, & argenti perflare cacumina montis,  
Stant ubi Bystonio delubra patentia Marti.  
Est locus abrupto quâ vertice tollitur Hæmus  
Aëra despectans medium, nubèsq; superbo  
Stare supercilio paulò infrâ spectat inertes.  
Templa procul videas radijs obuersa coruscis  
(Si quando amotis clarum se nubibus infert  
Sol genitor, terris quamvis rarissimus illis)  
Æneâ tota foris rufo penetralia surgunt  
Sandyce, sanguineos Diui testantia mores:  
Forma parem circo ingenti completitur orbem,  
Erectis chalybe ex duro, atque adamante columnis.  
Hic Deus, & consors Getico Bellona sub axe,  
Vnanimis, nigro conspersa altaria tabo  
Ante fores oculis lustrant crudelibus: intus  
Ex adyto specus ad Stygias demissior undas  
Sese aperit, multâmq; exhalat tetra mephitim.  
Quâ Dea Tartarijs, furiarum maxima, regnis,  
Tisiphone scandit superam illecebæ oram,  
Si quando durum immittens mortalibus ægris  
Insani studium per mutua vulnera ferri,  
Sanit, & eiectum iubet in præcordia virus  
Serpere, gliscentes tantilla ab origine causas*

Dum necit furor, & gladios hinc, inde ministrat.  
 Huc Aquilo notis postquam se rettulit oris,  
 Immani fessus sese iactabat in antro,  
 Procumbens, largasque trahens pulmonibus auras  
 Mugitu cava saxa imo resonare coëgit.  
 Ast egopacatus animosi Aquilonis ab atro  
 Turbine qui undarum video subsidere moles,  
 Gratulor, & Zephyris posthac, si littore sistar  
 Optato, albentem promitto ab ouilibus agnam.  
 Flant Zephyri, & vernos ipsa edunt littora odores  
 Proxima: nunc illos emensa per aquora montes,  
 Qui se adeo aspectu primo exhibuere videnti  
 Difficiles, nigra incincti capita ardua nube,  
 Paulatim angusta video se exporgere forma,  
 Frondentes, viridisque intextos undique sylue  
 Tegmine: iam surgunt propiora cubilia Diuum  
 Capripedum, intonsis vacui qui aut montibus errant,  
 Aut gratos ineunt per prata virentia lusus.  
 Pan medius buccas calami exercet, ouantes  
 Syluicole Satyri, & Nympha, plexo ordine in orbem  
 Indulgent choreis. Nudis exerta papillas  
 Nais odoratos capitis gestamina flores  
 Colligat in sertum (puto) quod promiserat ipsi,  
 Qui propter recubat, gremio confotus, Amynta:  
 Oscula nam iungit iuueni. Mihi frigidus imas  
 Zelotypo liuor serpens vexare medullas,  
 Tam bona, tam pulchra caperet quod basia pastor  
 Incomptus, nullo Tyrj spectandus ab ostri  
 Tegmine, sed latos humeros constrator vrsa  
 Pelle super: specie at prestans, formaque virili  
 Fortè deam ingenua tactam virtute merebat.  
 Dona mouent nostras, Danaës post furta, puellas,  
 Que fuluum gremio admisit non inscia pignus:  
 Cælestium non vlla inflectunt munera mentes,



*Sordidius pacto formam stipulentur ut auro :*  
*Nudus amor precium indignans ubi condat, aperto*  
*Non habet usque sinu, & nulla mercede mouetur.*  
*At mihi non æquo pastoris gaudia vultu*  
*Spectanti procul, æthereas vox missa per auras,*  
*Sic ait : (indignis tacture hæc littora plantis)*  
*Si liues, si fortè bonis macrescis opimis*  
*Alterius : Diuùm sedes regione sub ista,*  
*Atque hominum nullo aut paruo discrimine prostant.*  
*Aureus hic etenim sacrorum vertitur ordo*  
*Antiquam retinens formam, melioribus aui*  
*Temporibus, quando subiens argentea proles,*  
*Per caput alterius nondum iurare parabat.*  
*Audistin, quæ fortè pŷ cecinere pœtæ*  
*Solis ad occasus Atlantis in aquora porgi,*  
*Falices vernante solo, & pinguedine tractus,*  
*Mella ubi fronde liquent, & spirant cinnama venti,*  
*Sponte sua incultis segetes nascuntur & aruis ?*  
*Hæc tu sorte bona, & Diuùm indulgente fauore,*  
*Hesperidùm secreta vides viridantibus hortis*  
*Claustra, & conualles, fortunatosque recessus*  
*Tot pleëtis celebres. Pauci quos æquus amabit*  
*Falcifer, hæc poterunt vestigia ponere terra :*  
*Victor ab Hesperijs ex quo Tirynthius oris*  
*Hûc etiam impulsus fama, & nouitate locorum*  
*Appulit, & primo vix signans littore plantas*  
*Polluit hospitium casu custode, sorori*  
*Malâque tergemine quondam abstulit aurea raptor.*  
*Illæ præcipites summa de rupe dedere*  
*Corpora : Saturnus casum miseratus acerbum,*  
*Supposuit iam iam morituris nostra puellis*  
*Flamina, & illas propria regione locauit,*  
*Multa prius culpan, imprimis mentis auaræ*  
*Pignora peruigili frustra commissa draconi,*

Terra parens illos que non produxit in usus,  
 Semper ut auriferi gemerent sub pondere rami.  
 At postquam arbitrio Diui, seque, & sua trina  
 Conuersis animis exhinc tribuere sorores,  
 Ille soli, vernis que rosis, tactusque virenti  
 Tegmine, perpetuum latè retinentis amictum,  
 Progeniem antiquam Ausonia traduxit ab oris,  
 Plantauitque suos ista sub sede colonos.  
 Sanguine qui iam olim mites Aborigine creti,  
 Cressa prius, mox illa, hodiè que hæc regna fauente  
 Numine concordēs animis, & moribus ornant.  
 Olim etiam puris, per tot contagia rerum  
 Quum profugum profugi terris sequerentur, & alto:  
 Nunc postquam errandi modus est, finisque malorum  
 Concessus, stabiles Parcæ tributibus agros,  
 Parua manus iustum in populum propagine creuit:  
 Et Saturnicolas sese de nomine dicant,  
 Quem penes & scripti ius est, templique potestas,  
 Quod vidisse potes clarum lucente smaragdo  
 Planicie in media, ut surgens caput inferat astris.  
 Sed quid ego hæc, oculis que mox haurire videndo  
 Liberiora potes? tu proram obuertere ripæ  
 Felici appropera, atque haustis è flumine lymphis  
 Ora, manusque ambas ter conspersisse memento.  
 Finierat: tacitum mihi spes accendere pectus,  
 Lenis & à tergo Zephyrus propellere puppim  
 Cæperat: innumeri circum sua corpora cygni  
 Suauē quid arguto recinētes gutture Phæbo,  
 Obtulerant, glaucas vitrei per fluminis undas  
 More salutarium: species ea blanda placebat  
 Et comitum, & quo non aliud panda ostia flumen  
 Pulchrius illabens genitori cbuertērit vdo:  
 Siue sui celebrent Tarsenses marmora Cydni,  
 Siue Syri Chryseroam, seu vellere Colchis

*Aurato cantata velit præcellere Phasin.  
 Ast ego dum tanto successu allabor apertos  
 In portus, paulum Phæbeos inter olores  
 Conticuisse velim: quærunt alterna Camæna.*

LIBRI SEXTI. FINIS.



# DE REP. ANGLORVM INSTAVRANDA,

Liber Septimus.



*Q*uam simplex Natura boni molimine paruo  
 Contentis, solidas spes, & sincera refundat  
 Gaudia, iucundo longum durantia sensu:  
 Miror in expletos humani pectoris ausus  
 Tam vano absentes res suspirare labore.  
 Naturam nobis facilem, paruoque tuendam  
 Dat Deus, at hercos qui nobis indidit ignes,  
 Insit & amoto verum disquirere velo.  
 Contrà alia fallax incumbit opinio parte,  
 Et rapit auersos studia in contraria sensus,  
 Illudens umbris visis, operosaque falsa  
 Sub specie mentita refert: obuincta Platonis  
 Quale specu pubes luci contraria spectrum  
 Parietibus vidit non unum insistere versis.  
 Gaudebat nouitate ipsa frustrata inuentus,  
 Surgentisq; anidis oculis tendebat ad umbras.  
 Tum (cui fortè specu ruptis excedere vinclis  
 Contigerat, veroque ipsas res cernere vultu,

*Multum dissimiles spectris per inania visis)  
 Motus amicorum non digna sorte, recurrens  
 Dum clamat, dubia falsos sub luce cauerna,  
 Errare, & versos puri iubet atheris haustum  
 Excipere, à pandi foribus qui irruperat antri,  
 Ridetur solus sapiens, neque proficit hilum:  
 Quin potius pergens, sannis exceptus amaris,  
 Fellitur, & pugnos sentit crebrescere. Tanti est  
 Intempestiuo contra tot tendere vero.*

*Haud secus ingenua simplex se fronte beatum  
 Porrigit, & faciles offert venientibus vlnas.  
 Illi adèd faciles, ipsūque parabile spernunt,  
 Nullo alio nisi quod prostat. sordescit inemptum  
 Quicquid adest, longēque optant insistere caro,  
 Difficili, vario, vetito, terra vltima Eois  
 Quod posuit claustris, vel Doris amara profundo  
 Condidit antè suo, nec montis parcitur vllis  
 Visceribus: flauas irritamenta malorum,  
 Diuitias, summo pergit dum cura periculo  
 Eruiere, & nullos audidissima condere in usus.  
 Hinc exosa malos, & tantis territa monstros,  
 Diua potens trutina terras Astraareliquit.  
 Succedere doli, & fallendi mille cateruæ,  
 Quin & vis per aperta furens, manifestaque raptō,  
 Fraus ubi tecta parūm processerat, abdita mustat  
 Nescio quid, vitys impar reuerentia recti.  
 Ipsaque simplicitas, qua sola sydera adibat  
 Primus homo, varia iamdu dūm operosior arte  
 Vix audet duplices ad cælum tollere vultus,  
 Conscia commissi sceleris, vitæque Deorum  
 (Nescio quo Geny (uasū) mortale relicta  
 Ob donum: damnosa gula dum crimina ponit  
 Ante oculos, vestemque vnà cum crimine, nostrā  
 Acceßisse cuti corrupta mente reuoluit.*

Horum ergò num cœlicolas consortia quisquam  
 Ferre putet? num pura Dei natura beatis  
 Sustinuit lucis, & amans sedibus horti  
 Impuros habitare admissa labe parentes?  
 Vnde genus mortale sumus, patriâque negata  
 Nunc profugi toto miserè dispergimur orbe:  
 Nec modus, aut requies: hinc urget callidus hostis  
 Causa mali, sociisque exultat linidus umbris:  
 Hinc (ò iura Deum, & socialis tessera vita)  
 Ecce viro vir damna struit. Genus omne ferarum  
 Non adeò nostri sitiens se sanguinis infert,  
 Excita quàm stimulo rabies humana suopte.  
 Nec satis hoc: hostem ne quis sibi de fore dicet,  
 Ipse repugnando proprijs contraria miscet  
 Spicula visceribus. Nusquam pax: agmine denso  
 Affectus varij circum præcordia certant,  
 Et miserum per mille cruces renuentibus vsque  
 Dissidjs perdunt. Sic leuas mordicùs artes  
 Dum sequimur, partèsque operosa scientia ad omnes  
 Neglectis Djs auspicijs sine lege cietur:  
 Corruit infirmo spes hæc innixa bacillo,  
 Et reuoluta luto incassum sese erigit alto.  
 Irrident Superi audacis molimina cæpti,  
 Atque indignantes (quoniam, quæ semita nobis  
 Natura duce monstrata est, contempsimus artis  
 Arbitrio) hanc pœnam infligunt, erroribus actis  
 Vsque per anfractus cacos, & lubrica labi.  
 Atque ita qui niueis olim candore ligustris,  
 Præstitimusque ipsis natiua albedine cygnis,  
 Dum Deus, & melior rexit natura sequaces,  
 Nunc varij atratos coruos nigredine furua  
 Induimus, Superosque (vt amabile pectoris album  
 Desierit) dudum auersos contagia tanta,  
 Cernimus hinc pleno sese subducere passu:

Sine per athereos tractus, & lucida regna  
 Semotum & placidum degentes molliter ævum,  
 Sine sub antiquo, Hesperidum per culta vireta,  
 Saturno procul à rostris, aulæque, foroque  
 Nostratum nimio cultis, potiora ferentes  
 Simplicium arcano recti consortia sensu.  
 AEquum erit hic igitur nostro describere versu,  
 Florentes sine labe locos, & amena bonorum  
 Prata, & fructiferos non villo semine campos.  
 Fas mihi sit lustrata loqui, quæque integer hausit  
 Hisce oculis, efferre foras: ita iusserat ipse  
 Qui Deus illa tenet profugus latissima regna,  
 Solamen curarum ingens: nam fata sororum  
 Expulso Iouis imperijs, hijs attamen oris  
 Orbe procul reliquo innocuos celebrare recessus  
 Indulsere seni: quamvis ea cruda senectus  
 AEternumque Deo pubens revirescat in ævum.  
 Nunc etiam parvis ea cura adiungere sceptris  
 Astraam imperij comitem, & communibus aris,  
 Par maneat, quæ antiqua fuit, promptissima nullo  
 Vomere quum fruges tellus profcissa ferebat.  
 Illa epulis, victuque una, temploque recepta,  
 Lata super tali puras describit honore  
 Saturni leges populo: quibus addere quicquam, aut  
 Demere, structuram fuerit pervertere totam.  
 Vis ea quippè brevis pollet sub carmine sensus  
 Ingenui, ut cana pro maiestate, novator  
 Non ausit planis nebulas suffundere dictis:  
 Aut aliò torquere aliò tendentia verba,  
 Dum brevitatis succincta placet, nec fallere promptum est,  
 Cuilibet ex vulgo nota est quum forma loquendi  
 Simpliciter. Geminò si quid repetatur ab ovo,  
 Tunc ò tunc dubitasse potes: latet anguis in herba,  
 Quando per ambages excurrit rabula: quando



Pellibus Attalicis centum, foliisque papyri  
 Bis totidem, nequeat se exolvere tot labyrinthis  
 In sese incurrens: rudis, indigestaque moles  
 A cælo ad manes demittitur: & tamen imo  
 Vel primum caput edicti concludere versu  
 Difficile est nostri iuris prudentibus, artem  
 Battologam longo per verba retexta paratu  
 Dum magis obscuram nigra lolligine reddunt.  
 Longè aliud rudibus succincta, atque horrida præstat  
 Disciplina viris. Nihil hic Astra laborat  
 Qualiter inter nos, deslexo tramite recti,  
 Tot scelerum formis nequicquam ferre medellam  
 Nititur (ipsi adeò rediuiuis surgimus hydris)  
 At faciles in verba viros, paucissima dictans  
 Allicit: illi imis excepta reponere pergunt  
 Carmina pectoribus. Vidi quum templa subirem  
 Structa Deo, & cippo legerem que insculpta fidei  
 Ante fores stabant, terno concludere versu  
 Omne opus hoc Diuam, vitæ melioris alumnis.  
 Mente Deum reputa memorem fandi atque nefandi.  
 Quod satis est queras Nature è fontibus ipsis.  
 Te metire tuo: cinis fac ciuibus adsis.  
 Pauca quidem, at largo pollent hæc carmina sensu.  
 Difficile est, atque Herculeo par pugna labori,  
 Insuetis, modulo hoc sese componere: si non  
 Cura altrix, mos & patrius meliora reponant.  
 Qualiter Hesperidum videas per amena vireta  
 Semideos homines \* aurai simplicis haustu  
 Vsque hodiè afflatos, reliquis excedere, quantum  
 Pallenti rutilans plumbo sese exerit aurum.  
 Quippè, quod à Superis maius ne vota requirant  
 Vlla hominum, quàm quod mens sana in corpore sano  
 Adsit, freta bonis qua prostent, & mediocri  
 Insistens, nil ultra animo profusius optet,

\* Dixeris.



Hic, tibi non veterum depingent scripta sophorum,  
 Vera sed effigies expressa in moribus ipsis  
 Viventum, atque habitu totius corporis, annos  
 Qui vegetos semper suprema ad tempora seruent.  
 Sed libet hijs etiam paulo diffusius apta  
 Indulisse mora, & seriem pertexere cunctam.  
 Primum equidem simulac prora se litus amicum  
 Exhibuit, saltuque levi florentibus herbis  
 Ingentis librata dedi vestigia prati,  
 Accurrere viri mistim, facileque puella,  
 Vultu hilari: neque Naiades, Faunig, bicornes,  
 Semideique alij vit arunt hospitis ullos  
 Congressus: postquam non hac sine numine Divum  
 Regna peregrino cuiquam contacta sciebant.  
 Quin age fare, hospes, quis te Deus ista per undas  
 Littora adire iubet? quae causa via, atque laboris?  
 Quis ego sic placide contra responsa parabam.  
 Ne verò (ò Superis nimium dilecta propago)  
 Querite, quae tacito contingunt ordine Divum:  
 Imperijs correptus agor, maiorque fatigat  
 Me Deus, obijciens tumido non sponte profundo.  
 Nam feror, atque humili solus freta concita lentre  
 Haecenus euolui: tandem vox missa per auras  
 Hoc requiem portu, & fulvis promisit arenis.  
 Sed neque remorum impulsu, neque linte pandens,  
 Arte ratem huc vlla flexi: blandissimus ultro  
 A tergo Zephyrus miti crebrescere flatu  
 Institit, ac vestris inuit succedere ripis.  
 Vos (ni vana fides fallit sub imagine pulchra)  
 Divinum genus esse reor: date sedibus istis  
 Hospitij pro iure focus communibus uti:  
 Si licet, & mea fata sinunt: non oppida visum  
 Huc aliena Sinon venit: metus iste facessat,  
 Si quis ab ignoti aduentu sese hospitis infert.

Talibus oranti dextras in fœdera iungunt,  
Et largam immittunt verbis spem lenibus ultro.  
At cui canitie multa veneranda senectus  
Maturus capitis, barbaque asperserat annos,  
Optimus (illud erat grandævo nomen) Tarchas  
Dux populi, & morum custos, idemque sacerdos,  
Qui solus subiens adyti penetralia, vulgo  
Pra foribus stanti responsa efferre solebat:  
Has senior miti fudit de pectore voces.  
Quisquis es, accipimus venientem, & sedibus istis  
Hospitio fuisse breui dignabimur: ultra  
Carniuoro nulli castis fas sidere terris.  
Nunc tua te pietas, & quod tibi numen amicum  
Adfuit, hac vnà nobiscum inuisere templa,  
Qua vicina vides, faciet: licet alta prophanis  
Relligio obsistat, sacratum insistere limen.  
Primus erit Numen labor hic tibi ritè precandi:  
Qua Dÿs consultis fiunt, sacrisque litatis,  
Fauistiùs extremam pertingent ordine metam.  
Dixerat, & medio sese agmine iunctior infert,  
Me comitem à laua statuens: circumflua turba  
Vnà ingressa viam, studio nos cinxit in orbem.  
Iamque propinquabant templo, iuuenilia puro  
Graminis intacti quod vicerat ora virore.  
Molem simplicitas non affectata decebat,  
Affabram, & laterum vasta compage stupendam:  
Sed quam nulla manus Polycleti sculpserat, aut qui  
Palladia proprios incluserat agide vultus.  
Vt verò aduentum est, bipatentes cardine verso  
Sponte sua valua patuère, atque atria largis  
Emicuerè intus spacijs, rutilantia fuluo  
Vndique, ceu Phœbi radijs, instrata metallo.  
Ante fores venerata Deum, ter poplite flexo,  
Prona preces fudit concepto carmine turba.

*Ipse pio ante omnes studio grandævus Tarchus  
 Qua foribus vicina rudi stetit edita saxo  
 Ara, æuo spectanda, & relligione parentum,  
 Dona focis cumulans libamina thurea castis,  
 Et salsas fruges, & farrea liba liquenti  
 Lacte super spargens, cædisq, & sanguinis expers,  
 Innocuo Diui placabit Numina cultu.*

*Tum demum manifesta oculis (mirabile dictu)  
 Corpora cælestium, formæque ex æthere puro  
 Conflatæ, faciles sese obicere piorum:  
 Numine qui afflati tanquàm propiore, silebant  
 Mussantes, tensisque urgebant sydera palmis.  
 Quum, ne solus ego ritus tempissem viderer  
 Aduena solennes istos, curuabar & ipse,  
 Plena Deo gestans iam pectora. Nempè videbam  
 Ut solio Pater antiquus se salcifer aureo \**

\* Synæ.

*Componens, læuam Astra at tutante, sedebat,  
 Maiestate Deo digna plenissimus oris  
 Syderei, atque habitu supra mortale corusco.  
 Nec mora, sacratas soluit quum pectore voces,  
 Hæcque, ita dicta dedit. Peregrinum adducite coram,  
 Et solum in medio digressi linguite Fano:  
 Pausa prius, nulla pallentia pectora culpa  
 Quæ rescire nefas, isti sine teste locutus  
 Pòst reddam vestris conuiuium accumbere mensis:  
 Dignus enim cui vos studium præstetis, & hæc est  
 Hospitiū pro iure mei sententia iussu.  
 Tres maneat soles, vestrorum à quolibet omni  
 Officio cultus: quarto quid denique agendum  
 Constitui ulterius, res ipso tempore prodet.  
 Tum postquàm cessere omnes: Saturnus amico  
 Me pater en repetitò affatur blandior ore.  
 Chære puer, si fata darent, te sedibus istis  
 Perpetuum aptarem comitem, propriūque referrem:*

Nunc.

Nunc, quoniam obsistunt labes & originis, & mos  
 Impurus, teneris qui te prauertit ab annis,  
 Non potes integrum nobiscum hic ducere tempus.  
 Attamen hæc poteris duris solatia rebus  
 Efferre, & rediens popularibus ordine gesta  
 Narrauisse tuis, hæc te vidisse beata  
 Littora, dignum habitum, cui se cælestia visum  
 Corpora, congressum, isthic committere aperto  
 Non inuita, epulis & sustinere sacratis.  
 Nec tu, chære puer, casu hæc tibi tanta fluenti  
 Obuenisse putes: ipse huius muneris autor  
 Exiteram, prius ac ventosa per aquora vectum  
 Te Zephyrus dicto incumbens hijs intulit oris.  
 Nempe tuos nobis iamdudum Astræa labores  
 Inculcans, non inuitis euicit, ut istam  
 Haurires oculis nostratum & pectore formam  
 Viuendi: unde alijs referens oracula Diuum  
 Antiquo possis populos inflectere cultu,  
 Præcipueq; tuos diuisos orbe Britannos.  
 Quos quoniam Oceanus tumidis circumfluit undis  
 (Vt mea regna vides circundata marmore eodem)  
 Et sit toto alia est terrarum vlla insula tractu  
 Huic nostræ similis, vix inferiora reponens,  
 Non absurde aliquis studio peregrina pererrans,  
 Hesperidum statuât vestram à regione secundam:  
 Seu nemorum iuuenile decus, seu perpetuum ver  
 Veste super totos viridi consternere campos,  
 Seu florum patulos per tot discrimina vultus,  
 Et liquidos fontes salienti gurgite cernat  
 Certantes pictis immittere floribus humorem\*  
 Argento similem, ne quid clementia cæli  
 Quanta viget, memorem: aut suaues blandi aëris haustus.  
 Hinc mihi communi procul à contage malorum  
 Semina si luxus frugali excludere vita

\* Hyperme-  
ter.

156 DE REP. ANGL. INSTAVRANDA  
Nequitiam, & penitus surgentem excindere in herba  
Brittannis animo fixum, immotumque sederet,  
Spes est, velle Deos iterum succedere vestris  
Sedibus: ut nemorum tacti frondentibus umbris,  
Plus verò puris animis, & pectore puro  
Vestrorum (qua phyltra Deos ante omnia captant)  
Per iuga, per latas valles, discrimine paruo,  
Humanos celebrent, quales hoc littore, cœtus.  
Ne verò, ne quere, Deos quo crimine lafos  
Excessisse olim terris euenerit omnes.  
Non locus hic veterum causas repetisse malorum,  
Nec qua, me eiectò, mortalia pectora culpa  
Suscepere Iouem: stetit hac adamantina Parcis  
Mutati, ob scelerum facies, sententia mundi.  
Si qua tamen, si qua est veteris praestantia vita  
Semideis propior, si quid differre putatis  
Gaudia perpetuo longum pendentia filo,  
Hijs, quibus abruptæ per tot ludibria sortis  
Non ipsi reges suprema ad tempora pollent:  
Ferte retrò gressum, & conuerso insurgite clauo.  
Nunc procul à primo mortalia pectora fonte  
Currentis fluij deuexis vorticibus se  
Commisere, leui studio peregrina videndi.  
Quoque magis pergunt (qualis qui ex Alpibus vdis,  
Suscipit innumeros in se Padus impiger amnes)  
Dilatare vident fluium sua septa: ruentes  
Hinc atque hinc alij miscent dum turbida riui  
Brachia, congesto fœdè insufficientia limo,  
Puros primitio latices qui à fonte fluebant.  
At fluius sumptis animis turgentior aquo,  
Transiliensq; humiles contempto margine ripas  
Irruit, & cultos latè superobruit agros,  
Multa monens, audetq; mari concurrere aperto.  
Hinc patulis vastum sese dum faucibus effert

*In pelagus, perculsa undis, Austrisque carina  
 Fluctuat, & tantis demùm congressibus impar  
 (Heu mortale genus) quàm vellet marmora seui  
 Nunquàm isthæc læuo tetigisset sydere ponti?  
 Quippè omnem superans artem vis crudaprocella  
 Ingruit, atque minax crebrò stat fulgure cælum,  
 Horrendum ingeminans displosa è nube fragorem.  
 Quid faciant? repetant fauces? & fluminis \* alueo  
 Aduerso cupiant fontes petijisse relictos?  
 Scilicet, ut cupiant, tanta caligine mersis,  
 Vnde redire viam dabitur, si non Palinurus  
 Fortè Deus quisquam temoni adsistat, & altas  
 Attollenti undas Neptuno instructior obstat?  
 Sic auibus tandem quæsita scientia læuis,  
 Præclarum quiddam ingressu promittere primo  
 Dum satagit, vanòque inflat mortalia fastu  
 Pectora (ceratis qualis qui sydera pennis  
 Icarus, immodico nimium vicina volatu  
 Senferat) in medio mortales aquore ponti  
 Spem mentita sinit frustrà oblectarier undis,  
 Obturet decimus dum verba nouissima fluctus.  
 Quantò rectius hoc? si res sibi simplicis usus  
 Natura monstrante homines, quantumque necesse est  
 Quærentes, animis inuenta superflua vastis  
 Nulla terant? quid enim tranquillum immensa cupido  
 Mentibus absentes res suspirantibus indit?  
 Quod poterit maius placidos peruertere somnos  
 Tormentum, irrequieta animi quàm cura reuulsi  
 Inuidia, ambitione, gula, Venerisque proteruis  
 Illecebris? quidnam canos præsentius infert,  
 Quàm victu, & studio morbus contractus iniquo,  
 Qui medio obstitens, extrema affectet ubique?  
 Vnde hodiè vestrùm quotus est, longaeva senectæ  
 Tempora qui videat? vobis, qui lustra, peregit,*

\* Synæ.

Quot sibi Zodiaco statuit sol annuus astra,  
 Iam capularis erit, tremulòq, innixa bacillo  
 Membra ferens, agrè languentia stamina vita  
 Despondisse volet, iam iamque abrumperè filum.  
 Hys verò (tantum mos, & natura tulere)  
 Vix puer est similes aquans regionibus annos.  
 Mille datur nostris Phœbi spectâsse labores  
 Exactum toties repetentis iugiter annum,  
 Febre procul, morboque omni, curâque medendi.  
 Terminus hic olim vitæ stetit omnibus idem,  
 Quot vicibus frondere licet post frigora quercum.  
 Ergò si quibus hic, illic rationibus esset  
 Imbuta, ingenuè totam traducere vitam,  
 Stirps hominum, nimio fata impendentia luxu  
 Quæ accelerat, propriâq, manus violentius infert  
 Naturæ innumeris per tot contraria fucis,  
 Paulatim amissos iterum sibi crescere longa  
 Natales serie, & maiores corporis artus,  
 Sana, valensque ipsum miretur adusque sepulchrum.  
 Hoc etiam extremis summum subiungere dictis  
 Humani generis suadet iactura, dolori  
 Quæ mihi semper erit (quamvis contemptus ab illis,  
 Stare meas videam sine thure indignius aras)  
 Ut mala mens fædo plerunque in corpore sordes  
 Ipsa suus prodit, mores censentibus oris  
 Ex habitu, sic alta lues à sanguine sensim  
 Corrupto, sociam infecit rubigine mentem.  
 Perdita mollicies, ventrisque operosa vorago,  
 Laeserunt animæ prius organa: deinde tument  
 Bile iecur, largâque implere cupidine venas  
 Cæpere, & sensus ad se transferre ministros.  
 Sic anima obiectis vis tota exercita falsis,  
 Quantumvis ratio, quiddam luctata, reclamet,  
 Corporis it pedibus miserandè in verba magistri.



Vnde hodiè scelerum densata examina per dunt  
Tot mortale genus, & pergunt pellere Olympo.  
Quòd si pura foret viuendi forma prophanis  
Reddita, vestitu, & victu contenta modesto,  
Que non ultra ipsos naturæ adsciscere quicquam  
Primitios vellet motus, quando omnis abesset  
Luxus, & ad primos conferret singula fontes:  
Nulla foret totum regnandi seuæ per orbem  
Ambitio; non vis, crudus scelerata rapinis,  
Non odium, non liuor edax mortalia cæco  
Pectora præstrucrent, & ciuica iura tumultu.  
Denique, contentis paruo, non Serica vestis,  
Non tabule, non signa manu fabricata Myronis,  
Non ebur, aut pictis cœnacula strata tapetis,  
Non orbes citrj, cunctisque nocentius aurum,  
Humanas adeò raperent in deuia mentes,  
Præstigijs, umbrisque suis, qua disita pulchram  
Ostentant speciem, verùm propiora caducos  
In fumos resoluta abeunt caligine oborta,  
Nec solidum, aut quicquam possunt promittere certi,  
Hjs, qui falsa leues pro veris gaudia captant.  
Cætera tute oculis hic collustrare, meòsque  
Quàm præstent alijs, liquido discrimine possis  
Coniungere: inde tuis tria te post lumina Phæbi  
Euectum Zephyri auxilio per inane, reponam.  
Ille meos olim reuerentior ordine iussus  
Ferre solet, sedesque istis habet incolæ regnis.  
Dixerat: ingentique oculis splendore coorto  
Non faciem vltèrius Diui, non templa videbam.  
Vsq; adeò radijs adyti interiora coruscis  
Fulgebant, suauis fundente ipso aëre odores,  
Quales, non Arabum saltus, Panchaïca rura  
Villa ferant, sed nec Phæbi terra vltima tractu  
Eòo que diues equos emittit anhelos.

*At pius ille Dei mystes, venerandus Iarchas*  
*Accedens, prensansque manum, mihi lumina frustra*  
*Tendenti huc, illuc, porrectaque brachia ventis,*  
*Affuit, ac templi foribus transmisit apertis.*  
*Inde ubi paulatim pulsa caligine, dense*  
*Discessere oculis nubes, visusque facultas*  
*Reddita, consuetas potuit discernere formas,*  
*Affusos vidi indigites, ciuesque beati*  
*Littoris: ipse choros Nymphis comitatus agebat*  
*Sylvanus: tum pone sequens stetit ordine longo*  
*Spectanda, alternis pueroque & virgine pompa.*  
*Pan calamos inflare leues occeperat, hirtum*  
*Fronde caput pini cinctus, modulamina cantu*  
*Tota manus Satyrum excipiens postrema sonoro,*  
*Si qua via fuerant fallebat tædia: lucum*  
*Donec lata cohors, comes & grandævus Iarchas*  
*Deuenero sacrum: quem, quo formosior ipse*  
*Visus erat, tanto formosi pignora maior*  
*Religio est nostra non explicuisse Camæna.*  
*Quippè immensa stetit longos concreta per annos*  
*Sylua, virescentes prabens venientibus umbras,*  
*Natura dubium, an texta concinnior arte:*  
*Ars dedit implexos ramos per mille figuras:*  
*Fæcundi Natura soli prælator arti,*  
*Aërys steterat cedris, multaque cupresso.*  
*Sed neque glandiferas quercus, quæ verticis alta*  
*Umbratum longo signabant limite terram,*  
*Nec densas deceat ramosa cacumina fagos,*  
*Aut platanos siluisse, umbris frondosa recessu*  
*Brachia porgentes, nec qui nitidissimus undas*  
*Profiliens è rupe caua, fons murmure ranco*  
*Extulit, & medium secuit nemus, ipse retortos.*  
*Meandri de more in gyros sæpè recurrens:*  
*Haud secus ac laribus si quum decessit amatis*

*Singula causatus rursum redit, inque cupit a  
 Coniugis amplexus, & mutua pignora coniux  
 Retrò agitur, nec itaque moras non instans omnes.  
 Parte alia cicures arguta voce volucres,  
 Ut nemus, & caua saxa super resonare docebant,  
 Quinetiam mites posita feritate leones,  
 Atque lupos, pictoque immistos tergoe lyncas,  
 Securis eadem passim per pastua ceruis  
 Dignum erit hic aliquo saltè perstringere versu.  
 Quippè homines, nec adhuc maculato pectoris albo  
 Hesperidum innocui quales in saltibus errant,  
 Tale stat innocuo fretum genus omne animantium  
 Humani studij exemplo. Nos fœdere rupto  
 Semina ladendi reliquis immisimus olim  
 Prima feris, nostraque truces nunc cornua culpa  
 Expediunt tauri indomiti: consurgit in ungues  
 Tigris, & incuruo sus perforat ilia dente:  
 Et meritò. Quid enim? nostris violentia castris  
 Militet, his nullum vi vim propellere fas sit?  
 Chara Deo restant sua pignora, quæque creauit,  
 Et seruata cupit. Qui primus fœdera soluit,  
 Ipse luat, totidemque hostes, quot & antè ministros  
 Sentiât: hæc labis lex antiquissima restat  
 Contracta, imperio postquam priuamur auito,  
 Nec seruale genus ius ultra in cetera habemus.  
 Hic igitur spondis postquam per gramina primi  
 Discubuerunt Dei, maiorumque ordine longo  
 Canicies, tum deinde virum robustior atas,  
 Illa tamen iam tum defuncta virentibus annis,  
 Matura & propior post sæcla exacta senecta,  
 Astitit allatis epulis succincta iuuentus  
 Prona ministerio. Mensas frugaliter ipsas  
 Sola Ceres clausit, præter quæ hortensia culto  
 Quisque suo in medium bellaria protulit orto.*

Parte alia matres, eadem per gramina, eodem  
 Ordine, seiunctis tacita conuiuia spondis,  
 Tantum virginibus peragebant curia ministris.  
 Delicias mora nulla nouas quæsisse proteruè  
 Hys poterat, paruo sublati tempore quadris.  
 Nec gula condita damnosa venena culina  
 Contentis modico & frugi superaddere quibat.  
 Nulla sitim vitis Lenæo tincta furore  
 Explebat, nec fortè Deum te (Bacche) putabant  
 Fonticola cyathis contenti simplicis vnde.  
 Postquam exempta fames, iam non cratera coronis  
 Graculus incinctum statuens, certamine fædo  
 Vrgebat socios certa sub lege bibendi.  
 Surrexere omnes: Saturni ante omnia laudes,  
 Quum breuis, at pleno cantu concluderat hymnus.  
 Inde catervatim patula sub tegmine quercus,  
 Quæ medio cunctis stabat procerior horto,  
 Membra reclinabant. Muscosa sedilia tellus  
 Attalicis potiora dabat (me iudice) lectis.  
 Inde manu postquam alta silentia iussit Iarèhas,  
 Surrexit senior quidam, cui sorte diei  
 Illius incubuit munus residente popello.  
 Quippè senum stat cura istis pro more vetusto,  
 Siue Deum laudasse bonum, cunctique parentem,  
 Quod mare, quod terram, quod cælica regna creârit,  
 Siue aliquam pleno de tot virtutibus ore  
 Descriptam publi commendauisse minori.  
 Vnde hodiè hic iustum, cras alter fortè modestum  
 Prædicat, & quis sit sedati pectoris usus.  
 Hic crapula, & luxus damnosa pericula taxat,  
 Ille malam insequitur per tot discrimina pluri  
 Querendi rabiem, & sacros Polymestoris æstus.  
 At facunda senex suspensis auribus ora  
 Qui sua tum soluens verborum diuite vena

*Impulsam hūc, illūc turbam, ceu veſte, monebat*  
*Totus in hoc, priſci laudabat maſcula ſæcli*  
*Corpora, que non tam quicquam ſuperaddere iuſto*  
*Curabant, nimio potiùs quam demere, ſi qua*  
*Re poterat ſimplex, nullo caruiſſe periclo*  
*Humana ratio, & Natura per integra vitæ.*  
*Quippè hominem à reliquis quum ſola animantibus oris*  
*Ereſti ſpecies diſtinguat, lucida ſpectans*  
*Aſtra Poli, internòque viget qui ſpiritus igne,*  
*(Seu mens, ſeu ratio, viſ hac interna vocetur)*  
*An non turpe homini, purgandum atque omnibus eſſet*  
*Helleboris, vera quærenti inſignia ſtirpis,*  
*Oſtentare cutis ſplendentia tegmina, veſtes,*  
*Ipfum animum (Cereris ceu ſacra abſcondita) nuſquàm*  
*Proferre? immò etiam vinctum immerſumque tenebris*  
*Condere mentito vana ſub tegmine byſſi?*  
*Tanquàm aliquid byſſus virtuti conferat, aut non*  
*Simia inſè foret, quantumvis ſe induat oſtro*  
*Simia, vel barba faceret nota Stoicidaſtrum:*  
*Aut demùm externo indigeat mens nuda paratu,*  
*Quæ ſi pulchra viget, per ſe formoſior ipſa eſt:*  
*Vt magis arridet detracta veſte puella,*  
*Quàm vetula omnigenis ſine prodeat illita fucis.*  
*Ergò etiam veſtis narrabat ſimplicis uſus*  
*Quis foret, & quantum tremulis indulta lapillis,*  
*Curæque Achæmenio quæſitis equore baccis*  
*Officeret: ceu iam manifeſta inſania pridem*  
*Deliris animis pleno ſubreperet aſtu.*  
*Nec tacito intereà, quicquam placatior, ore*  
*Transiit Tyrj ſanie conchyle profundi*  
*Nobile: nec ſuccos alios, quos miſcet ahenum*  
*Velleribus quæ præbet ouis candentibus ultrò,*  
*Si candor varios natiuus fortè iuaret,*  
*Lanæ Eriſthææ donum venerabile Diæ,*

Quis pretio immmani non ipsa holoserica per se,  
 Nec satis infamis depexa ex arbore pensi  
 Lanugo faciunt, phrygiano frustra labore  
 Ni conscissa super, quin ipsa & simbria, vestis  
 Materiam ex aequo opere, & dementibus ausis  
 Sartorum: unde alijs tanta est patefacta refusus  
 Lerna malis, causam ex causa nectente catena.  
 Ingemuere omnes, fratrumque infanda suorum  
 Crimina (nempe homines etiam quibus vltima Thule  
 Vbera præbet inops argentia, semine cunctos  
 Cognato agnoscunt genitos, fratresque fatentur)  
 Plorauere, aliquam optarunt & denique mentem  
 Hys quoque, mutato in melius respiscere fastu.  
 At mihi, dum tales senior dabat ore querelas,  
 Sæpè pudor stimulans suffusa per ora cucurrit.  
 Conscia vestitus deliramenta superbi  
 Ipse mei nammente colens, tum corpora villis  
 Istorum contecta, aut crassis fota lacernis,  
 Damnabam ingenuo commenta superflua voto  
 Nostri orbis, puròque istorum tegmina more  
 Discupiens, in me cunctorum versa stetisse  
 Ora, peregrina culpandum veste putabam:  
 Obstupuique, nouo qualis sub marmore gnatis  
 Orba suis Niobe: attonito quum lumina vultu  
 Sic mea stare videns deiecta, hac insit Iarchas.  
 Erubuisse tuum hoc (fili) mihi sollicitat spem  
 Esse aliquem melioris adhuc mortalibus agris  
 Propositi sensum reliquum, nec pectora callo  
 Omnibus ex aquo vitiorum obducta rigere.  
 Tu modo visa memor rediens narrasse memento.  
 Nec dubito: at grata est requies alterna laborum.  
 Aureus Oceani iam gurgite præcipitat sol,  
 Vesper & atratas quamprimùm nuntius umbras  
 Noctis, & incuruæ præcesserit ora Diana:

*Surgamus:*



*Surgamus: vos ô focij quò cuique cubile est,  
 Pergite, at hic nostris per opaca silentia tectis  
 Dum repedans Aurora rubet, successerit hospes.  
 Ista sed exacto me plenè exponere versu  
 Cynthia admonitor non vult: nam vellicat aurem,  
 Excerptisq; iubet paucis, ut cetera cursim  
 Expediam, iusta memor ultima claudere meta.  
 Parendum est, & multa sciens indicta relinquam.  
 Nam neque vix credenda alijs describere ad unguem  
 Proderit, aut illud non hic imitabile frugi  
 Illorum, iusto explicuisse volumine refert.  
 Auribus, atque animis alienis: mollius ex quo  
 Vivere nunc istic placuit. Tria lumina Phæbi,  
 Et totidem noctes illic transégimus, omni  
 A populo Hesperidum ingenuo candore medullis.  
 Ex ipsis, imòque libentè pectore foti.  
 Nec tria, ter centum vicibus si lumina Phæbi  
 Talia fulsissent oculis gratissima nostris,  
 Crediderim paruo vel temporis intervallo,  
 Mi curam potuisse lares repedare videndi.  
 Talis erat numeris species obiecta beati  
 Plena suis, quantum mortalibus atheris alti  
 Nondum etiam indigenis, concedant inuida fata,  
 Inuida, ni nostro liuentia crimine. Gentem  
 At qualem hanc hominum? quàm plenis succida vidi  
 Membra toris? roseos viuaci & lumine vultus?  
 Forma parùm certè Supèris concesserat ipsis:  
 Sive Dea liuore haud una in virgine tangi,  
 Ideo poterant memores sub iudice litis.  
 Seu puer instantes iam tunc gratissimus annos  
 Signaret dubio, niue colluctante, rubore,  
 Seu crispam imberbis per eburnea colla fluentem  
 Casariam traheret, non unius ignis ephebus  
 Obliquo nympha sed dissimulantis amorem*



Lumine: flauentis seu formosissima barba  
 Sylua viro iustis stare maturior annus,  
 Siue senectutis gestans insignia quisquam  
 Albentes traheret venerabilis ipse capillos,  
 Quilibet eximia visendus imagine forma  
 Pulcher erat: qualem plenè laudâsse per omnes  
 Aetatis possit numeros spectator Apelles.  
 At si animi dotes, formoso à corpore quisquam  
 Aestimmet, has oculis tanquàm sua corpora prodant  
 Candida cunctorum, quis possit peçtora viuus  
 Depinxisse modis, seu paruis rectius umbris?  
 In tanto populo mores, actûsque reuoluens,  
 Nil non eximium, nil non laudabile vidi.  
 Imprimis commune bonum socialiter omnes  
 Curabant, opibus generoso peçtore temptis.  
 Nullus amor nummi, non vlla superbia mentes  
 Torquebat titulis insudauisse modestas.  
 Nil erat aequales inter, quo roderet unguem  
 Liuor, ab alterius suctus macrescere opimo.  
 Vna fuit victus ratio, vestitus & vnus  
 Omnibus: ingenuo Natura singula sine  
 Dum pensant, modicòque nihil superaddere ducunt  
 Esse bono summo propius, quàm plurima vanè  
 Quarentes medijs frustrari, ut Tantalon, undis.  
 Præterea, ne quid, non aequo pondere partem  
 Obrueret, partem subtracto fasce leuaret,  
 Mutuus hic cunctos labor, & data dextera in orbem  
 Vrgebat: studium postquàm popolare fluebat  
 Communem communi opera tutarier & rem,  
 Et prolem, & canos exacta atate parentes.  
 Hinc ope, tum tenero certabat amore vicissim,  
 Alter in alterius propensus commoda: sacri  
 Quippè Deum generis quicumque extare parentem  
 Mente vigens reputat, mortalibus aethere summo

Dimissos

Dimissos animæ claustris gestantibus ignes,  
 Nunquàm animo immani gratis ingratus haberi  
 Eligat erga hominum autorem, generisque propinquos  
 Quos sciat imbutos eiusdem particula aure,  
 AEquatùmque animi nactos cælestis honorem.  
 Dedecus hoc nostræ proprium propaginis esto,  
 Nostro immitis amor se tantum ut diligit orbe,  
 Se colat, omne volet tacitis sibi cedere votis,  
 Deuoret atque oculis, quod terra, quod vnda, quod aër  
 Continet, & nunquàm cesset sceleratus habendi:  
 Ista ferens, pòst illa petens, mox tertia subdens,  
 Quæ populo (nigras anima indignata sub umbras  
 Ut fugit) integro videas potuisse viritum  
 Annonæ supplere famem. Tantum horrea celant  
 Improbæ, tabentique penu cellaria putres  
 Vermiculos rimis passim fundentia, clausa  
 Per foris annosos diducto robore postes.  
 Intereà ventri demensum indicere auaro  
 Quis queat? hæc proprij fuerit quum semper habendi  
 Natura, ut magno potiùs depromere aceruo  
 Quisque volutatus cupiat, quàm dicere ineptè  
 Esse meum, nec & esse meum, quo cætera turba  
 Natura pro iure queat communiter uti.  
 Et miramur adhuc, rupto quòd fœdere apud nos  
 Paulatim commune bonum priuata tulerunt  
 Commoda, paucorum & placitis Respublica cessit.  
 Nempe animi à vitio imbuti medicamine diro  
 Querendi ulterius Pandoræ pìxis aperta,  
 Fudit in humanas scelerum tot millia mentes,  
 Quot neque vel culices tellus AEgyptia profert,  
 Pontica nec sæuis fœcunda est terra venenis.  
 At verò Saturnicolis ut copia cornu  
 Paupera corda beët pleno, & quàm diuise vena  
 Contentis bona quæque suo non tempore desint.

Nil opus ut longis hic dicam ambagibus. Illic  
 Fidus amor, tum cana fides, pietasque, pudorque  
 Ingenuus, candorque animis, & grata virum mens,  
 Illic in tenui larga & procincta voluntas,  
 Promptaque seculitas, vel non orata, iuuandi.  
 Nam quid? nostra preces morosa superbia poscit:  
 Illic (o niveos cætus, & lactea corda)  
 Creditis an lentè, tanquam Iunonia sacra,  
 Auxilia incedant, rogitando ingrata petenti?  
 Aut tantum officiis gens hæc coluisse propinquos  
 Magnum habeat? (quiddam hic magnum est) immò om-  
 Quamlibet ignotis opera se comiter offert, (nibus una  
 Deducit, miscet consortia, sedibus iisdem  
 Constituit, mensa impertit, simul omnia prabet,  
 Quæ sibi contra optet tribui, si postulet usus.  
 At mirum qua mente viri, qua mente puelli  
 Maiorum capita, ut totidem sibi Numina proni,  
 Atque verecundi suprema ad tempora seruent.  
 Par quoque virginibus pudor, & reuerentia matrum:  
 Et licet auersis animis, & moribus, omnem  
 Cultum, habitumque odio, ni sit frugalior, omnes  
 Alto habeant, damnentque omne id, quo iure carere  
 Frugalis Natura potest, & mascula virtus:  
 Spurcitiam tamen, & sordes inimicis uno  
 Proposito vitant, memores cælestia puris  
 Numina corporibus, \* ut pura mente colenda.  
 Queritur hinc illis fontano lymphæ lauacro:  
 Et toties mersant artus fluuiatibus undis:  
 Hinc florum lectas species beneolentibus auris,  
 Quæ teneras feriant nares, cerebrumque focillent,  
 Ille tæntque oculos, circumgestare, suisque  
 Aspersisse casis, quin & thymiamite crebro  
 Se lustrare solent, atque indumenta, thorisque,  
 Et quicquid patuli claustris committitur antri,

\* Cæsu.

Ne vitium ignauus torpendo colligat aër.  
 Denique tersa placent tersis, nec dicere promptum est,  
 Quàm purè, & qua mundicie seque, & sua seruent.  
 Atque ita simplicitas istos natia, Deorum  
 Munere perpetuo stans inconcussa, perenni  
 Maiorum & studio, (nil admisisse nouatum  
 Moribus, aut prisca viuendi ab origine formæ  
 Quirebus longæua putant dare tempora vitæ)  
 Florentes pietate sua, & super omnia Diuûm  
 Conuictu, tantum non ipsis inuehit astris.  
 Me miserum, illius tristissima noctis imago  
 Vt subiens mærore animum perfundit inerti?  
 Quum teneris, ô chare vale, vale, inquit Iarchas  
 Me pater amplectens vlnis: iam tertia fulsit  
 Lux exacta, Deo dictante nouissima, apud nos  
 Qua licet esse tibi. Tu iam nunc inuius ibis  
 Ignota regione via, per inania vectus  
 A Zephyro, & tandem patrio sifteris in orbe.  
 Quare age, da dextram primum, simul vltima chari  
 Hospitis hospes habe studia, & te immitte cubili.  
 Cetera linque Deo: digressuque anxius ipse  
 Destituit largo madefactum lumina fletu,  
 Suspensumque animi: donec subrepere sensim  
 Obstructis cerebri cellis sopor institit altus,  
 Perfuditq; imas Lethæo rore medullas,  
 Obijciens simulachra modis variantia miris.  
 Nempè adstare latus propter dispensior alis  
 Visus erat pulcher iuuenis, formosa virenti  
 Syndone membra tegens, redimitus tempora serto  
 Puniceo, vernisque rosis ab Adonidis horto.  
 Oraque ridenti vultu fragrantia pandens  
 Mille vnâ species florum exufflabat, & inter  
 Verba rosa mistim ex labris, violeque cadebant,  
 Alba ligustra super, \* & lilia iuncta ligustis,

*Luteus & Chymenes flos, & iuuenilis acanthus,*  
*Tuque etiam Narcisse tua nimis improbe formæ*  
*Mirator liquidas sedati fontis ad undas,*  
*Tuque Hyacinthe rubens minio, puer inclyte quondam*  
*Lamentate tuo, disci post vulnera, Phæbo.*  
*Adsum (ait) imperio monitus, iussûq, potenti*  
*Illius, has miti sceptro qui falcifer oras*  
*Possidet: haud ulli hanc operam mage sponte locârim.*  
*Ipse Psychen quondam puero gratatus Amori,*  
*Nunc te, ne timeas: dictûq, amplexus in altum*  
*Sustulit: hinc nubes subitûs mirabar, & arcto*  
*Lumine vix vllas poteram discernere terras:*  
*Oceani tantûm tremulo fulgore micabat*  
*Parua superficies, tot dudum de parasangis*  
*Vix benè qui exigue spacium exequauerat undæ:*  
*Surgere sol contrâ maior, Titaniâq, astra:*  
*Et iam præcipiti sese dedit ecce volatu*  
*Aliger in vasti subuexa cacumina montis,*  
*Terque quaterque leui fretus moderamine gyri*  
*Substitit, illa sum acclinans radicibus orni,*  
*Depositumque vnâ somnus, vectôrque reliquit.*

LIBRI SEPTIMI FINIS.

DE

# DE REP. ANGLORVM INSTAVRANDA,

## Liber Octauus.

**M**irabar, speque incerta dilucula nondum  
Clara satis luxisse videns, quibus ales in oris  
Solum abiens, pradamne seris per inhospita  
lustra,

An potius propter vestigia culta virorum  
Liquisset, tacito mecum sub corde putabam.  
Interea syluas vario Philomela paratu  
Complebat, tremulâsque impulso ex aëre frondes  
Sollicitans, crudos Terei plangebatur amores.  
Parte alia illudens, eadem vocalior Echo  
Responsante sono querula lamenta ferebat:  
Illa adeò auscultans paulum, ludibria voce  
Iam magis arguta indignans superare parabat.  
Nec modus, alternis dum vero certat imago:  
Ipse diu pendens animi discrimine paruo  
Vix poteram ingenuam à ficta dignoscere vocem:  
Tanta per incertos errat fallacia sensus.  
Ecce autem procul, & summis velut auribus haustus,  
Cristati vigilis vicina per oppida cantus,  
Latratûsque canum (quoniam Tithonia coniux  
Iam turbare Polo furuas occiperat umbras)  
Fidentem prærupta dedit per saxa recliuis,  
Angusta que via, sonitus quâ proximus aures  
Perculit, indicio non longè ab stare virorum

Tecta per instructas plateis, & manibus vrbes,  
 Siue per extensos, rurestria culmina, pagos.  
 Quum subito ad laeuam Thamesis pulcherrimus vrna.  
 Carulea effundens sinuosi flumina tractus,  
 Ipse Pater glaucos redimitus arundine crines,  
 Extulit è medijs rorantia corpora lymphis,  
 Atque ita rauca sonans, infit: fili ò mihi fili  
 Exoptate diu salue, redeuntia tandem  
 Hic ò, fuge morans vestigia: non tibi semper  
 Proderit insano sic indulgere labori.  
 Sit modus, & vidiſſe tenus iuuat: omnia nec tu,  
 Nec quisquam, non ipse olim polyhistor Athena  
 Cura ſue Laertiades, fumantia Troia  
 Qui poſt fata vagus, ſolis bis quinque labores  
 Neptuno indignante tulit: tot adſſe pericla  
 Tot populos, tot regna, & cinctas manibus vrbes,  
 Quin etiam dextras toties tetigiffe potentes  
 Sceptringerum, ramis prae textum mitis oliua.  
 Eſt quiddam titulis meritò adieciſſe paternis  
 Quod poſſis: nomēq; tuum Gentilibus exhibere  
 Fortè tuis decori exiſtet, poſt liuida fata  
 Quum nihil inuidia ulterius virtutibus ullis.  
 Detraxiſſe queat, ſed facti gloria perſtet  
 Maior ab exacto mortalis ſtamine veli.  
 Interea, ne tu nimio peregrina videndi  
 Illeſtus ſtudio, patrijs iam grandior oris  
 Uſque abſens perdis ſuauiſſima tempora vitæ:  
 Si ſapis (iſtat enim mox canens barba) cauebis.  
 Ergo age cum charis ſac congerronibus, vna  
 Qui te voce cient, iſtaures lata Lyai  
 Pocula: incundum eſt ſeriem repetiſſe laborum  
 Poſt epulas, tunc cum crepitantior igne caminus.  
 Exultat, miſſiſq; libet garrire ſophiſtis.  
 At ne turpe puta, paulò infra quam potes, eſſe,



Nèue minor, quàm sis, vulgo censente, videri.  
Non summissa quatit Boreas virgulta fragore,  
Nec dedignatis contenderit ille salictis:  
Quum tamen excelsas euertat stirpitùs altis  
Montibus & cedros, & opaca cacumina quercus.  
Inserere tu quandoque pyros, quandoque per herbam  
Proiectus, teneras calamo meditare Camanas.  
Grandia mitte alijs: extrema impingere meta  
Sapè senescentes, olim laus prima, quadrigæ  
Suerunt: emeritos ni dones iam rude cursus.  
Quòd si fortè iuuet nonnunquàm audire negoti  
Quid geritur: toto referet tibi semper ab orbe  
Londinum, num Turca fremens immittat habenas  
Classibus, Illyricos an tractus urgeat armis.  
Quid Caesar, quid Gallus agat, quæ proxima fuscus  
Hispanus noua regna petat, quid cana ruinis  
De tot Roma suis primum instaurasse laboret.  
Multaque præterea turbis oppleta, Menippi  
Qua tanquàm è folio spectans mirabere nunquàm,  
Si sapias, immò eadem hæc olim discrimine paruo  
Acta putes, tragico nunc personata coturno,  
Nunc socco subnixæ leui, ludosque dedisse  
Secura tum mente sophis olim atque datura,  
Si verum est nihil esse nouum, sed facta futuro  
Curriculo, punctum rursus reditura ad eundem:  
Quum tibi nunc gemitus quadam, sed plurima risus  
Materiam tam stulta ferent: molimine magno  
Amentum procerum, & populorum fluctuantium  
Irrita dum toties reddit Rhamnusia vindex  
Vota, minas, odia, insidias, male conciliata  
Fœdera, bella, leues & luso Numine paces.  
Tu memor incerto quàm stent pede singula, firmum  
Nil adeò hic ducas, quod non contraria possit  
Sors ima inuoluisse rota: fer cuncta, fabisque

Abstineas, cuiquàmque caue te addicere parti  
 Concertantùm hodiè de lana sæpè caprina:  
 Si vitare potes vix intellecta probâsse,  
 Dum Deus, & melior litem concordia soluat.  
 Intereà (vt semper dubia est sors quæque futuri)  
 Nullius os lassisse voles, aliena benignus  
 Præsentùm, absentùm procudere commoda cures.  
 Sic tu charus eris, sic te vidiſſe libentèr  
 Nota, ignota velit, peregrina, & cinica turba.  
 Verùm tuta licèt tibi nunc ignobilis ocì  
 Consilia inculcans, nolim immiscerier ullis  
 Partibus, emeritas posthàc (tua gaudia) Musas:  
 Attamen hæc turbis tam facta etate labantes  
 (Heu pudor, & pietas frustra prætentata Deorum)  
 In diuersa ruunt ubi læuo Numine ciues,  
 Si videas (vidiſſe potes) tendentia contra  
 Pectora pectoribus, plusquàm inciuilitèr altis  
 Digladiari odys per fœda opprobria lingue,  
 Quum te ciuis amor par hinc, par debeat illinc  
 Communisq; simul patriæ iactura mouere,  
 Iniectis satagas tam seuas incendia lymphis,  
 (Si potes) & longa quam primùm extinguere Lethe.  
 Hoc melior curabit idem censura bonorum,  
 Quèis inuisa nocens discordia tanta dolori est.  
 Non Iouis ira minax, non cælo fulmina, ruptis  
 Non maria aggeribus, non terra flamma cauernis  
 Exiliens, non vis adèd quæcunq; remotis  
 Immissa à populis, nostras populabitur arces,  
 Vt furor intestino odio ciuilia carpens  
 Pectora, si in partes scindit se turba refusus.  
 Sed potiùs tacuisse velim, quod abominor: undas  
 Nile tuas atque Inde tuas, stagnare cruentum  
 Barbarico accipiam tabo prius, & fera Turcas  
 Agmina conuersis in se mucronibus uti:

Quàm mea collatis deplorem flumina signis  
Mutâsse in Tyrios prius ora argentea vultus.  
Verba gemens Amnis singultu infecta supremo,  
Finierat, medius sacrum & caput abdidit undis.  
At velut oblongo nondùm qui exuta sopore  
Membra parùm attollens dubitat quæ prima videntur,  
Num planè videat vigil, an per somnia imago  
Illudens cerebrum obiecto titillet inani:  
Sic mihi iam ostentis toties, formisque Deorum  
Correpto, attonitus mentem turbauerat horror,  
Quò me iussa Deùm, quò fata incognita vellent  
Tendere: visa memor num mens mea ritè referret,  
An delira nouis hæc fingeret excita monstris:  
Quum Genius contrà mihi pectus talibus vrsit.  
Ergò insane audes deliria dicere Diuùm  
Ostenta? an dubitasse potes? non omnia Diuis  
Hæc quadrare vides? & Diuis digna loquutos?  
Num quid turpe iubent? num quid, quod prona per omnes  
Non optet numeros rectæ Politeia formæ  
Succesuisse sibi? paulum te collige, & acris  
Quelibet expendas animo: (proiectus in umbra  
Vt satur epastas sterum bos ruminat herbas)  
Si longum est totam hanc repetitò texere telam,  
Vltima tantisper modulo metire sagaci,  
Quæ Deus innocuis tam conuenientia sceptris  
Falciger, & populo statuit seruanda beato.  
Illius ut castas subeant & Numina syluas,  
Antrâq; natio gratè surgentia musco,  
Si repetis: repetisse etiam inuuet, vlla per istas  
Videris an quoquam momento Numina terras?  
Num cætus celebrâsse virum? non horrida (forſan)  
Quos sua paupertas excluserit hospite Diuo,  
At procerum? (ſi quid Superos dignabile tangit  
Fortè supercilium, & lati reuerentia clauis,

*Siue quid aurato rutilans toga dibapha limbo*  
*Numnam etiam tectis (quamuis laquearia fuluo*  
*Incrustata micent, morum portenta, metallo)*  
*Succesisse Deos nostro cognoueris orbe?*  
*Siue per impuras isthic conuiuia mensas*  
*Exegisse, nouis ubi tot commenta coquorum*  
*Delicijs, domino fastidia cruda palati*  
*Vix sarcire queant, ut languida surgat Orexis?*  
*Sin nihil istorum caelestia pectora tangit,*  
*Quin potius vitasse solent: operosa necesse est.*  
*Ista hominum commenta, bono contraria, vite*  
*Corrumpant puros fontes, animumque labantem*  
*Inficiant, misso ut verae virtutis amore,*  
*Antè Dea qui impensus erat, patriæ, atque propinquis*  
*Omnigenis, quæ terra patet (ne tu tibi paucos*  
*Proponas) proprii inuertant hæc omnia cura.*  
*Vnde animo egregiè neglecto, corporis usque*  
*Cultus, amorque sui superest: nec dicere promptum est.*  
*Quàm valide affectus circum præcordia falsi*  
*Intendant stimulos victa ratione furentes.*  
*Nempè cupis: dein si teneas optata, superbis,*  
*Contemnisque alios præ te, nec linor inertè*  
*Intercè bilis cessat tibi rodere pectus,*  
*Si vicinus ager plusquàm tuus ambiat, aut te*  
*Incedat saturo quisquam solennior ostro.*  
*Seu gemat illius potius sub pondere discus*  
*Adriaco rhombi qui luserat ante profundo.*  
*Hinc dolor, hinc odium, hinc lites, hinc iurgia paruis.*  
*Principijs sensim iratos in prælia trudent.*  
*Parte alia, benè vestitos, comptosque labori*  
*Velle putas, aut posse putas incumbere honesto?*  
*Delicias num sol, num sudor gymnicus istis*  
*Excutiat signis, quæis ne toga diffluat, aut quid*  
*In præcomposita luxatum veste laboret,*

Nec sese cubitis trudentis credere turba,  
 Nec lucta certare volent, nec tendere cursu,  
 Nec sternacis equi colla indignantia franis  
 Flectere, nec sumptis duram saltare sub armis  
 Pyrricham: persona vetat. Sic bellica virtus  
 Iugi exercitio constans, perfectaque agendo,  
 Torpet hebes: tanti (ociues) & amacula propter,  
 Nil sumus, & patria libertas proditur, empto  
 Milite degeneres dextras luitura suorum.  
 Quippè viros si bella manent, si ferrea robur  
 Arma volunt, nervosque habiles (gestamina fortis  
 Ne frustra Nireus imbellior aptet Achillis)  
 Censent famineis isthac tractanda lacertis?  
 Aut bene inexperto quicquam te credere Marti  
 Istorum, qui dum vesti parasse laborant,  
 Parcius edurant valido sua corpora nisu?  
 Praterca (ut nunquam socio sine perdita tendit  
 Mollicies) bene vestitum, bona fercula par est  
 Expetisse gula, callentem scita, profundus  
 Quae gurgis scripto liquit super arte coquinae.  
 Vnde Venus prurit petulans, Musasque Priapus  
 Precipites furcilla exturbat fonte, iugisque  
 Parnassi, atque graues incocta saginula sensus  
 Nil altum spirare finit: sed crimine ab uno  
 Crimina concordi manant & cætera cursu.  
 Crimina quot nostris hinc enascentia campis  
 Nec memorasse velim, nec si memorasse laborem,  
 Iuuerit: usque adeò morum si claustra reuellas,  
 Frugales epulas, & vestis simplicis usum,  
 Post immitte tuis Neptuni flumina campis,  
 Quà data porta, ruentis & hæc cochlearibus olim  
 Vna opera pergas iterum exhaurire minutis.  
 Hæc Genius: neque tinnitus dextre absuit auris,  
 Quondam Socratici cantatum Demonis omen:

*Sed quamuis iam dicta iterum haud dixisse laborem,  
Istaque non vanè Genius tam noxia strinxit:*

*Attamen exactum peragenda videntur ad vnguem  
Altiùs, & primo labes à fonte petenda.*

*Nam duo cum valeant retinenda vincula plebis,  
Iussus, & exemplum, quantum efficere iubendo  
Tot reges, toties taxantes perditæ apud nos  
Instrumenta gula, & luxus, vestisq; prophana,  
Iamdudum scimus: toties quum pulsa recurrant,  
Transcendantque nouis noua claustra potentiùs ausis.  
Non placet, & potiùs nunquàm vetuisse probàrim,  
Disimulasse super, læsa discrimine tanto  
Quàm maiestatis, quicquam mandarier, vsu  
Et tacito populi consensu mox abolendum.*

*Ergò, aliquid certè vitio est, & non nihil ipsi  
Semper abest nodo: quare si iussa minantèr  
Hactenus in ventos abièrunt rapta procellis,  
Nonne opus exemplo reges anteire suopte est,  
Et primos tentare vadum? Dubio procùl omnes  
Inde cateruatim conuersa mente sequentur.  
Et non inuitè tam fida exempla capeissent,  
Quum metus omnis abest, & prurit opinio pulchri  
Illabens animis non vlla lege coactis.*

*Quippè quid hic scitis, aut scripto iure minutim  
Res cunctas tractare iuvat? lex scribitur, & mox  
Archiuus mandata, sitique obducta silescit:  
Immemor inuitus paruo quum tempore fiat.  
Tu si aliquem recto, sine vi, conamine blando  
Illectans iunxisse queas, violenta reponas  
Condita, dum nullas aliter ferat ille medelas.  
Non magis ut lictor tractum formidine cogat,  
Quàm si oblata boni species, spe diuite ducat.  
Ergò tuos non tam iubeas quæ tu facis, illi  
Ne faciant, quàm se potiùs componere ad illud,*



Ipse quod effigias exemplar pulchri, & honesti:  
 Externo saltem quantum comprehendere sensu  
 Simia turba potest, oculis plus credere sueta,  
 Quàm tabula innumeris affixa per ara lituris.  
 Scimus enim quantum laudatos quilibet omni  
 AEmulus ex populo factis effingere certet:  
 Postquàm laudis amor \* etiam ignauissima tentat  
 Pectora, plebeijsque animos, quanquam ordine lauo.  
 Nam genus, aut clarum ingenium, aut Mauortia facta,  
 Illustræque animi dotes, quibus alta refulgent  
 Pectora nobilium, si fex ignaua popelli  
 Haud similem queat, nec si queat, improba vellet,  
 Saltem aliqua similes istis ut parte notentur,  
 Effingunt nauos, vestesque, & fercula magno  
 Conciliant, quantum res, & lex lusa malignè,  
 Concedant animis stulta ratione superbis.  
 Quippè leuis si pluma caput, toga byssina tergum  
 Exornent, adsintque cõempta cupedia, quantum  
 Nobilibus, iam se hoc claros, iam sanguine prisco  
 Prognatos, primæque putant fore classis alumnos:  
 Hys demptis, quo se iactant, quid denique restat?  
 Nobilibus frugaliter eat cibus, & toga puro  
 Vellere quadrupedis patrij: iam quisquis inempto  
 Nobilibus certare volet, similisq; videri,  
 Effingat mores, vera & virtute satiet  
 Se, quanquam ruri, & libertino patre natum,  
 Omnia commeruisse tamen. Nec rodere liuor  
 Audeat ingenuo conatu ad summa parantem.  
 Maiestas, speciesque igitur si diu monarchie  
 Haud ex veste suis tam conspicienda putetur,  
 Bacca licet, tremuloque absint fulgore lapilli,  
 Quos Oriens habet, atque habeat, neque barbara poscat  
 Ipsi ad eò intextu radient ut pallia picto,  
 Quàm si alio (modus haud deerit) venerabilis adsis

\* Cæsu.



*Inuento, ut non tam peregrini exotica sumptus  
 Forma probet regem populo, quam paruula paruo  
 Que nota constaret pretio, qua cognitus omnem  
 Procumbente genu videat sibi cedere turbam:  
 Jam nihil est, ipsius cur que rex improbat, ullus  
 Audeat hinc stolido sibi desumpsisse paratu.  
 Si vesti non ullus honos: num pignora quisquam  
 Instituat carò empta, haud ullos prodere in vsum?  
 Par ratio & mensas poterit taxasse nepotum.  
 Quare ego nunc adytis quod Delius edidit ipse  
 Ortygia, circum tripodes, laurique perennes  
 Concussa tremuere, solúmque immugyt imum,  
 (Pace bona liceat) vobis proferre, monarchæ  
 Angligenæ, instituo: vos (si pia cura) fauete  
 Auribus, atque animis, quantum ratio exigit, equis.  
 Imprimis, quoniam vix ullius indiga nostra est  
 Insula diues opum, sed vel ditissima lecto  
 Vellere, quod toto tantum laudatur ab orbe,  
 Aut si non quantum meruit, culpemur inerti  
 Nos studio, qui vermiculi plus intestinis  
 Deferimus, patriúmque decus contemnimus ultro,  
 Lex aterna sacris sciscatur danda columnis,  
 Approbet hanc regis, populique, patrúmque potestas,  
 Ne liceat bysso posthac vestirier. Ipse  
 Rex alijs summa signum prætendat ab arce,  
 Laneus, & frugi trahat in conamina turbam.  
 Quisquis adhuc vestes (olli sunt pectora duro  
 Marmore dura magis, quem rex non mouerit ipse)  
 Progreditur vetitas humeris aptasse superbis,  
 Huic adeò bifores, regalis ianua, value  
 Obfirmant aditus, neu sacra palatia turpis  
 Contemptor pedibus possit calcare nefastis.  
 Quinetiam ne templa Deum celeberrima pompis  
 Introeat, fora iuris inops praterlegat, inde*

Comitia, & cætus vitet solennitèr actos.  
 Prater eà incedens digito pro iure notetur,  
 Matribus & pueris ridendus. Non ego posthac  
 Pœnam aliam ob fastus huic obieciſſe laborem.  
 Parte alia, luxus truncandi haud infima pars ſit,  
 Vnanimi vnanimèſ veſtitu incedere ciues,  
 Quantum poſſibile eſt, habita ratione virilis,  
 Fæminei & ſexus, templique, & ruris, & vrbiſ,  
 Atque magiſtratus. Facile eſt inſignia cunètis  
 Hiſ ſua ſeruari, & paruo tamen illa fateri:  
 Ne quid ſumptus iners digni arroget, aut potiores  
 Ille trahat partes, tegitur qui carius. Hoc ſi  
 Concedas: nunquàm ſolida radice beatus  
 Ille tibi ſurget cætus, qui fluctuet æſtu  
 Præſtandi, non tam vera virtute, petitis  
 Corporis in cultum quàm Barbaricè ornamentis.  
 Vnde hodiè centena puto vix nomina poſſe  
 Delicias plenè muliebris dicere mundi.  
 Ecce viros varia veſtis diſcrimina torquent:  
 Seu malè præcinètis toga diſſuat, aut cinètutis:  
 Ilia conſtringat Spartano more, Cethegis,  
 Seu virgata micet, ſeu pulla, aut candida, nullo  
 Interſtincta placet, porrecta, plicatilis, ampla,  
 Stricta, oblonga, brevis, ſinuoſa, aut denique plana;  
 Veſtis habet formas, quot non trahit illa colores  
 Iris in aduerſum, madido Ioue, conſita Phœbum:  
 Quot non Theſſalicis pallens Lucina venenis:  
 Quot nec ſeuatruces effudit Scandia gentes,  
 Fatales Roma (ſic Dî voluere) labanti.  
 Quinetiàm, vt ſtultis ſultorum exempla petuntur,  
 Gallus amat Thuſco rediens incedere amiètu:  
 Thuſcus habet tunicas lumbotenus impræcinètas,  
 Neſcio num veteris Porſenna exempla ſequutus:  
 Gaudet Dalmaticas Germanus ferre lacernas:

Germanas Bataui lenāsque, & pocula poscunt:  
 Palmam hodiè at cunctis chlamydati dempsit Iberus,  
 Ipse agilis, sed tardigrado sub pondere lentum  
 Incedens, siue illi undosam simbria vestem  
 Sape triplex claudat, siue illi stupea moles  
 Enormes caligas diductis passibus inflet.  
 Omnibus ast omnes numeris superare paratus,  
 Qua videt in cunctis etiam stultissima, solus  
 Indigesta super, transfert imitando Britannus.  
 Usque adeò, ut nostris dicat peregrinior oris  
 Allabens, quidnam hoc? Italos, Gallosque, Getasque,  
 Atque Arabas, Batauosque, & flauicomos Alemannos,  
 Atque leues vna video regione Pyrenes  
 Transmissæ populos, & Achiuos insuper vinctos?  
 I nunc, fortè tui miraberis in scia monstri  
 O patria, ô Diuum domus alma Britannia, quid sit  
 Quod tibi diuersos diuersis moribus istic  
 Fata dedere viros: credin' tam dissona vestis  
 Quòd queat ingenia instinctu formare sequaci?  
 O ciues (sed nec ciues vocitasse laborem  
 Tam varios) ô quicquid auis nunc estis ab vnis,  
 Multi, multimodique, & multicoloribus alis,  
 Qua tandem facie, aut quonam procedere amictu  
 Perplacet? immotis ut stet sententia velis,  
 Nec fluat, atque leues temerè mutetur in horas?  
 Nempe aliquid si lingua trahit vernacula magni  
 Momenti ad mores fluxos, rigidæque popelli  
 Vtantis, gravitate graues, leuitate volucres:  
 Efficiens, habitum nihil hic interfore censes?  
 Id si fortè neges: dicat tibi Roscius, aut qui  
 Cunctantem indignans famulum spectante theatro  
 Occidit sceptro (tantas Agamemnona quondam  
 Non verum exercere iras docuere cothurni.)  
 Nimirum qua quis persona prodit, oportet

Tale quid efformet dictis, gestuque theatri  
 Si plausus meruisse volet: quin optimus ille est  
 Histrio, qui nouit sinxisse simillima veris.  
 Hac adeo ut fiant, animum componat oportet  
 Rebus, ut is se illum verè putet esse Lachetem,  
 Siue Getam, aut quemuis, quem sumpta veste reponit.  
 Ergo etiam & ciues habitu prodire modesto,  
 Atque verecundo decet, & super omnia forma  
 Vnimoda, quò equalis amor aequalibus insit  
 Mentibus: hinc alius ne veste superbiat, illinc  
 Ne dolor extruciet linentia corda aliorum:  
 Paulatimque decus non à virtute petatur,  
 Sed tunicis: quo iure etiam vel bellua cocco  
 Tota instrata super, poterit gestire, suàsque  
 Mirari auriculas, atque exultare rudendo.  
 Quòd si exempla petas, nec quid non vsque probatum  
 Testibus, in duros statuas demittere sensus,  
 Ecce omnes, terra omni, atque omni atate, sub iisdem  
 Legibus assuetos ciues, rituque sacrorum  
 Viuere, ut iisdem habitu semper cognoscier vno  
 Inter se voluere vni. Non pallia sumpsit  
 Laudato pro more toga gens sueta Quiritum,  
 Nec toga Cecropys conscendit pulpita Athenis:  
 Non magis ac patria iuuit stola Persica quondam  
 Vestis amatores: quamuis violentior ille  
 Iam se Ammone tuens, ultra & mortale superbis  
 Laxa renitentes voluit redimicula ferre  
 Emathios. Gallusne sago non notior olim?  
 Non Scythæ pellitis tunicis? non tegmina villo  
 Horrida Germanos quondam ostendere viriles?  
 Quid memoro antiquos? stetur presentibus: oro,  
 Non hodiè demissa gerunt & amicula Turcæ,  
 Atque alij, quos lapsa fides in verba coëgit  
 Illius, errores Nabathæis primus ab oris

Qui Pharias tulit in sedes, Asiámque veneno  
 Infecit latè mollem, Libyèsque retoste  
 Littora, Atlantiaci superavit & intima saltus  
 Regna, mináxque ipsi iam nunc supereminet Istro?  
 Nil moror illorum vestis num forma probetur:  
 Hoc dico, unimodos (tanti est concordia) victos  
 Iamdudum varios aruis pepulisse paternis,  
 Atque focus, arisque simul. Iam quantula pars est,  
 Quam colimus loti baptisinate totius orbis?  
 Olim aliter: factum clames indignè: & me  
 Re vera miseret. Sed quid miramur, eundem,  
 Constantémque sibi, si dissitus expauet hostem?  
 Quippè repugnando qui secum dissidet ipse,  
 Non idem est, sed inaequali pro pectore torpens,  
 Omnia tuta timet. Quocirca & moribus impar  
 Redditur, imparili populus qui veste laborat.  
 Improbus ille super, cuius quum nausea rerum  
 Ferre nequit formam constanti lege manentem,  
 Fluctuat, atque odit possessa, inhiatque futuris.  
 Vnde vel à minimis progressu sapè proterno  
 Et maiora volet nouitati inuoluere. Fælix  
 O fælix una ante alios vrbs inclyta, vallo  
 Que maris Adriaci, penitusque paludibus altis  
 Tuta manens, sed tuta magis moderamine legum  
 Diuino, grauiusque viris, lectoque Senatu,  
 Frugales epulas, patriæque insignia vestis  
 Vsq̃ue eadem præfers, solis post mille labores,  
 Exactum toties repetentis iugiter annum.  
 Non tibi tantilla primæua ab origine causa,  
 Temnuntur, patrij laxa compagine moris  
 Soluendi: vsque adèd est, aliquid mutasse, beatiss  
 Suspectum. Admisso insistent mox altera primo:  
 Exemploque prement, post indignata repulsam.  
 Scilicet, hoc liceat? causæ est cur non licet illud

Iam scimus : permitte lubens : ni denique maui  
 Ingratis. En quò tenuis neglectaque rima  
 Immani tandem sese diducet hiatu.  
 Sed redeo ad nostros : vobis si forè Britanni  
 Quis Deus hoc animo fixum duit omine dextro,  
 Velle togis patrijs, atque vno more foueri,  
 Velle famem breuibus latrantem exolnere cænis,  
 Ne producta graues cogant conuiuia somnos,  
 Quin duo fercla omnes ad summum carnea mensas  
 Concludant: (olera excipio, pulmentaque, & horti  
 Dona laborati grauidis pendentia ramis,  
 Delicijsque super, quasunque benignior imo  
 Effundit pelago Nereus, letatâque raptu  
 Squammosi pecoris trahit ipsa in retia Doris.)  
 At neque natales, videar ne durior, istis  
 Legibus includo, aut solennia festa, profusam  
 In ludos solito recreant que tempore plebem,  
 Nec geniale epulum, prisco quod sædere Bacchus  
 Atque Ceres pepigere Hymeni, Venus alma licentèr  
 Pangenda indulsit soboli, nucibusque proceruis.  
 Iam meliora iterum, quin aurea sæcula prorsus  
 Spondeo, sedatos animos, sanissima cunctis  
 Corpora, victricisque manus, & pristina gentis  
 Belligera, impigrè reuocato Marte, trophæa.  
 Quinetiam, quanta haud alias pradiuite cornu  
 Copia per nostras sparsit se fertilis vrbes.  
 Nam paruo saturanda fames, obsonia parcè  
 Atque parabiliter promens, sic cetera condit,  
 Et paruo tibi tecta cutis, nil prodigit ultra  
 Quàm satis est, simplexque toga sibi postulat usus,  
 Maxima seruando quis non videt affore parvis  
 Commoda? diuitias tantum non montibus auri  
 Equandas? ubi terra parens tam diuite gleba  
 Ter totidem frumenta viris (ne desit aratrum)



Et nouies totidem laudato vellere vestes  
 Largitura (suo luxus modò limite constet)  
 Congesto queat hinc secura expromere aceruo,  
 Atque libens alijs lucro que multa supersunt  
 Ingenti vanum proponere. Curret ab Indis,  
 Curret Hyperboreis Mercator gnauus ab oris,  
 Ista volens, quin illa volens: vicinia fruges  
 Expetet, ex aliqua rarò non indiga parte.  
 Dia suas populis regina Britannia dotes  
 Veste triumphali scapulas induta decoras,  
 Atque comis auro obryzo connexa virentes,  
 Distribuet, toto spolia atque reducet ab orbe  
 Aurea, Daricos captos, refugòsq, Philippos.  
 Ante triumphati qui trans fuga terga dedere,  
 Ditârúntq, alias resupino hoc tempore gentes.  
 Tum verò si diues habet quo lautius vti  
 Lege nec offensa poterit, quum pessima ventris  
 Ingluuius, tergique operosa, & perditæ moles  
 Cancellis cohibentur, & hæc non denique laxa est,  
 Labendi via, saltem aliqua ut prorumpere possit,  
 Et fama inseruire, & vulgo dicier, hic est,  
 Sine peregrino palatia maxima sumptu  
 Extruat, aulais aut tectis ridentibus auro  
 Instruat, aut abacos calata mole gementes  
 Insternat cælo, (tot vasa & pocula surgent)  
 Seu tabula, & Pario statuatur marmore signa.  
 Porticibus longis, equus arduus, arma, libelli  
 Omnimodi exornent adis loca lecta polita:  
 Seu placet ad citharam, siue assa musica voce,  
 Musica diuinum donum, & præstantibus aptum,  
 Ingenuisq, viris, quam qui contempserit, orbos  
 Arguit indocti stupido sub pectore sensus.  
 Seu quocunque modo, salua se lege, refusum  
 Diuitijs queat hic locuples ostendere honestis:



Nil moror, ut nequeam planè omni ex parte Britannum  
Fingere ad optantis votum: saltè eroget istas  
Diues opes in res, quæ publica commoda damno  
Afficiant minimo, quæque exuperabile quiddam  
Vel post fata ferant. Domus alto marmore structa  
Durat, & ornatum patria communiter affert.  
Signa manent alios: ars hic non barbara luxum  
Excusare potest, abaco nil deperit, ipsa  
Stragula, quæ potius taxes, & lauta suppellex  
Transit ad heredes: nihil hic non rursus in usum  
Conferturque aliorum, & quid durabile præstat.  
Fæda redundantis ventris quò (dicite) transit  
Ingluuiæ? tantùmne in stercore pendere fas est?  
Siue impensa nouis in vestes perditæ formis  
Excreseat, celeri fortasse obnoxia Iano?  
Quàm citò pœniteat, quàm non sincera voluptas  
Hæc fluat, alatis hinc abripienda quadrigis,  
Quid memorasse velim? tu pectèris, & teritur res  
Et vestis: nihil hic reliqui speraueris, ultra  
Inuidiam, aut sannas, si mendicaris, amaras.  
Talia possesso Phæbus dum pectore dictans  
Afflatum proferre iubet, subigitq. premendo,  
Non accepta loqui, sed conuenientia vitæ,  
Ecce repentino sese diducere Olympus  
Discessu mihi visus erat: vidi atria magni  
Magna Iouis, mediūq. Iouem, cingente corona  
Cælicolūm, æthereis fulgentia corpora sellis  
Vt suffulta, Iouis solium sublime, theatri  
In speciem, assensu clausere hinc inde reducto.  
Clara auro, atque suis lux interstincta pyropis,  
Vertice de summo radios spargebat in orbem  
Innumeros, quantum obtutu comprehendere visus  
Perstricto quibat: cœu quando obuersa corusco  
Caligans acies soli, resoluta liquentes

*Tota eat in guttas. Sed enim durabile spectrum hoc  
 Non fuit: at clausis iterum se regia cœli  
 Abscondit foribus, paulatim ductus in arcum  
 Ut minus atque minus spacium complebat hiatus  
 Ille rubens, donec reliquo nihil aëre distans  
 Cæruleo rursus sese vestiret amictu.  
 Interea è summo demissum cardine Olympi  
 Accelerare Deum video, per inania vastis  
 Tendentem spacijs, quæ prior impetus illum  
 Precipitem dedit in terras: haud segnius ac si  
 Præde inhians niueum media inter nubila olorem  
 Quum videt ad liquidas fulvus Iovis armiger undas  
 Securum, atque vda sistentem corpora ripa,  
 Deolet, incautoque celer superincubet hosti,  
 Ocyor excussa nervo stridente sagitta,  
 Ocyor atque Notis, & fulminis ocyor alis.  
 Ut verò adstiterat propter, positoque nitore  
 Conspectu oculis dederat sese arduus istis:  
 Primum equidem fletu steterant sua lumina oborto,  
 Et gemitu indignans crebrò suspiria fouit.  
 Dein verso in risus idem latissimus ore,  
 Tot super ingeminans concusso splene cachinnos  
 Edidit, ut centum Heraclitis tendere contra  
 Democritos totidem versa ratione putasset.  
 At verò & specie Deus hic mirabilis ipsa  
 Totus erat: nam dextra stylum gestabat acutum,  
 Laeva tulit pugillares. Dictabat in aurem  
 Nescio quid raucum nigranti corpore coruus,  
 Insidens humero: similis Deus auscultanti  
 Fouit aenem, iam iamque stylo dictata parabat  
 Excipere, & fidis committere cuncta tabellis,  
 Hispidus vsque situ, tum scabro liuidus ore.  
 Ruga cutem obduxit vel plurima, dentibus atris  
 Rictus hians linguam vibrabat ab ore trifurcam,*

Quæ quanquàm absentes, longo certissima tractu  
 Tangeret, arbitrio carpentis singula Diui.  
 Nunc oculos, cancri de more, emittere totis  
 Visus erat spacijs, nunc patos condere eosdem  
 Extremis cerebri cellis: ceu visa negaret,  
 Visa tamen, latumque vigil seruator ad vnguem,  
 Conniuens, aciem sibi dissimularet acutam.  
 Hic igitur, iamdudum illi ceu notior essem,  
 Compellat dictis prior, & sic corripit ultro.  
 Non locus hic rectè ob culpata, repressaque (amice)  
 Pœnituisse tibi. Qua libertate tuorum  
 Hactenus impura damnaſti crimina vita,  
 Et damnaſſe decet calcem constantèr ad imam.  
 Conſcia tam pulchri incepti te mascula virtus  
 Erexiſſe poteſt, & veri amor, & pius alma  
 Impenſus patriæ labor, & reuerentia Diuis  
 Præſtita: quos lapsis iterum ſuccurrere rebus  
 Humanis, tam certo opus eſt, ut ni Deus iſtis  
 Adſerat auxilium tota compage ſolutis,  
 Nulla manus inſtam ferat hic humana ſalutem.  
 Quarè age, confidens iterum te collige, Diuo  
 Nec ſautore cares. Quin ſummi rector Olympi  
 (Non iniuſſa loquor) \* eadem hæc efferre, ſupremis  
 Delapſum cæli ſpacijs me iuſſerat: ut te  
 Mœrentem erigerem, & monitis ſolaver amicis.  
 Hæc Deus, at poſita poſtquàm formidine quicquam  
 Mortalis Diuo poteram retuliſſe loquenti,  
 Sic contrà ingredior, quaſitiſque anxius inſto.  
 Quis Deus es, quo te compellem nomine, votis  
 Hinc onerande meis? tua namque altaria libo,  
 Fumantique ſuper cumulauero thure quotannis.  
 Subriſit. Neque ſacra mihi, neque templa, nec aras,  
 Quaſierim: ſana ſerues licet iſta Dianæ,  
 Morosiſque alijs, ſeſe qui ſanguine fuſo,

\* Czſu.

Placarique volunt humanis insuper extis.  
 Momus ego, an Momo quisquam tulit hæc tæni aras  
 Erigere? hoc igitur tam vano absiste labore.  
 Sint licet ingrato mortales pectore, & ipse  
 Auribus haud semper verum Saturnius æquis  
 Excipiat: tamen unus ego imperterritus insto.  
 Fata regunt sceptræ ipsa Iouis, Diuósque, hominésq;:  
 Et me fata Deum statuerunt crimina ab æuo  
 Carpere, tum Diuis frænum imposuisse vel ipsis.  
 Dû (quoniam Superis maior reuerentia veri est)  
 Censorem admittunt Momum fasti, atque nefasti,  
 Et summa inuictum pro libertate modestè  
 Suscipiunt. Homines, tantilla animalcula, frontem  
 Contraxisse solent, si quis mōdaciôr vlcus  
 Tangat, & impuō dentes in crimine figat.  
 Iuppiter (en populi nauos, fastûmq; caduci)  
 Ferre potest Momum, cælo & dignatur eodem.  
 Vilis homo, Tyrio vestitus prodeat ostro,  
 Imperitætque alijs, monitorem credimus vllum  
 Perferat? aut dignos veraci indicat honores?  
 Quæ peruersa virûm mens hac? quæ nausea tanta est,  
 Exulet ut rigidi libertas vnica veri?  
 Solæ angustæ terant fallaces atria linguæ,  
 Verbâq; ab alterius semper pendentia nutu?  
 Mirum igitur, reuoluta suo si fæda luto sus  
 Incubet? & cæno semper iactetur eodem?  
 Tu verò ne cede: manet post funera vero  
 Laus olim. Quid si virtus laudetur, & alget?  
 Est tamen, & virtute nihil perfectius ipsa est.  
 En ego, nec mi aras posco, nec vota vocantûm:  
 Quid tum? paruus ego videor, qui iura vel ipsis  
 Præscribo æthereis stellantis ciuibus aula.  
 Quam mea libertas vel formidata Tonanti  
 Sapius, ac vellet, posito ipsum necesse cogat

Officiū meminisse sui, Superisque vocatis  
Concilio totos quandoque indicere soles.  
*Quæ fuit illa (putas) dudum lux tanta reclusis*  
*Sparsa poli portis? habita est en curia cætu*  
*Vix aliās, quantum memini, magis æta frequenti.*  
*Digna quidem risu res inter pocula cæpit*  
*Gliscere: creuerunt partes, sententia dicta est*  
*Legitimo tractata modo, solitūmq; theatrum*  
*Complerunt Superi, medio via lactea cælo*  
*Quā patet, & celsas summi pertingit ad ades*  
*Ætherei regis: vario causa æta tumultu est*  
*Dissona, discessu tandem sententia vicit*  
*Nostra, reclamantū studio indignante Dearum.*  
*Quæ posito sexus velo, positoque pudore,*  
*Amplius imperium nolebant ferre virorum*  
*Hic muliebre genus. Quin si cordata marito*  
*Iuncta foret stulto (totis pulmonibus istud*  
*Vrgebant, nihil ingenio, nec acumine sexum*  
*Cedere sæmineum, par sit cultura, virili)*  
*Protinus acciperet translata iuris habenas:*  
*Ille colum, illa domus tractaret iura regunde,*  
*Aut demum aquato regerent communiter isthæc*  
*Imperio, captus si non foret illa minoris.*  
*Nam quid? quando hominem secernat sola subactis*  
*A brutis ratio, rationis sæmina compos,*  
*Cur non & pariles sociata capeSSat honores?*  
*Qua facie, aut quo iure queat sibi subdere seruam hanc*  
*Vir suus? an dense tanta est fiducia barba?*  
*Præterea, an causæ est (postquàm cælestia Diuæ*  
*Consilia, atque Iouis soleant implere Senatum)*  
*Cur non & vestris eadem permissa potestas*  
*Coniugibus, totidem suffragia ferre tabellis*  
*Has quoque disponat, partito iure fabarum?*  
*Hæc Iuno, reliquæq; Deæ clamore secundo*

*Exceptæ iuuenum tunc asseruere Deorum,  
 Sola tamen Pallas nec sese immiscuit illis,  
 Nec valde est letata, fabamque abiicit inertem.  
 Quando ego miratus studium, importunaque vota  
 Calicolum, imbelli fragilis committere sexus  
 Arbitrio humanas rerum (proh tempora) habenas  
 Qui vellent, legique parum abforet (ecce) rogata,  
 Exurgo, dictisque Tonantem inuectus amaris  
 Incuso, reliquosque Deos, quod nectare dudum  
 Ambrosiaque sua saturi, non cantius horis  
 Ista darent matutinis. Dein conscia summi  
 Pectora compello Iouis, an Iunone vel ipsa,  
 Quum soror & coniux toties demissior audit,  
 Latetur? Quod si Ioue nil sapientius ipso est,  
 Hunc sua Iuno tamen quandoque procacius urget,  
 Quid causæ est, parili semel hæc si polleat (inquam)  
 Imperio? Oedipodionidum cur praelia fratrum  
 Non renouet? sceptrumque Iouis partita licenter  
 Arroget, & gemino mardus sub rege laboret?  
 Motus erat dicto Saturnius, & miser acres  
 Coniugis irate voluebat pectore lites.  
 Quando ego iam caluisse Iouem in contraria cernens,  
 Subdo iterum hæc: Pater alme Deum, partire benignus  
 Cum consorte tua fasces, facito ipse periculum  
 Primus, & alternè statuas Iunonia regna:  
 Vlla tui posthæc censen? reuerentia sensus  
 Flexerit indomitos, & non tractabile pectus?  
 Nam meminisse potes, nec adhuc (reor) excidit illud  
 Tyresie, zelusque thori, & de pellice rixæ.  
 Fac semel illa pari tecum pro iure agat: actum est.  
 Fulmina si desint, crepidas metuisse tumentis,  
 Irataque queas. Que tunc o maxime Diuum,  
 Que tua conditio fuerit? Nunc iacta sub isto  
 Fundamenta locat scito: concedito subitus*

*Imperitasse*



Imperitâsse viro possit sua fœmina: deinceps  
 Et super imperio muliebri hæc astra petentur.  
 Tûque etiam vultu quantumvis tetricus illo  
 Quem Phydias, quémque, vt libuit, tibi finxit Homerus,  
 Coneris retinere Iouem, petulantior illa  
 Thyrsûm agitans, toto cælo bacchata feretur.  
 His dictis conuersi animi. Sed regia coniux  
 Triste quid iratis oculis intuta, minarum  
 Effudit modios, pauidum ceu iurgia Momum  
 Terriculent, causæque queant mouisse recepta.  
 Nunc, quoniam egregiè vobis victoria parta est,  
 Me duce, mortales: idem rex Iuppiter isthæc  
 Me voluit vulgare viris. Ego commodiorem  
 Tete hominem nec quæsierim, qui gesta referre  
 Possit, Olympiaci causamque edicere cætus:  
 Vt minùs hinc dominas comptas sciolasque pauescens  
 Turba maritalis, loris sciat aptius vtì  
 Penè quidem amissi imperij, & sua iura tueri.  
 Postquàm etenim labescuntos non unica morum  
 Inuasit, quando ipse alios adcò acriter urges,  
 Parcere fœminea quid ineptius (obsecro) clasi  
 Instituas? nihil hic carpendum denique restat?  
 Si nihil ipse potes dignum hic reperire notatu,  
 Hos pugillares legito, (simul obtulit vltro)  
 Inuenies muliebre genus quo peccet abunde.  
 Atque etiam hunc corum (quondam gratissimus albis  
 Ille fuit pennus Phæbo: sed vera loquentem  
 Delius iniustis non dignè exercuit iris:  
 Ipse clientela ciectum, tectoque recepi)  
 Præstitero. Ille tibi non falsa Coronidis adet  
 Furta, & fœmineos labenti hoc tempore neuos.  
 Dixerat, & liquidas abiens concessit in auras.  
 Ast ego distente conscriptos marginem ad imum  
 Dum pugillares euoluo, iterumque reuoluo,



*Dúmque meo ausculto cornu, rauca ora loquaci  
 Gutturē qui soluens, dicenda, tacenda monebat:  
 Prateriſſe ſuis noſtra hac conuexa quadrigis  
 Auricōnum ſenſi ſolem, Veneriſque decora  
 Veſpertina noua ſuccedere lumina nocti.  
 Pulchrior hac ſolito ſcintillas iecit ab alto,  
 Et tanquā haud ignara foret quæ Momus acerbo  
 Inuectus ſtudio pridem dixiſſet, amicos  
 Nunc ignes prompſit plenè, nunc nubibus atris  
 Nictu oculi, & tenebris os illud amabile textit.  
 Quid facerem, hærebam: cauſam abiectiſſe verebar  
 Commiſſam, & rigidi corda indignantia Momi  
 Non tutum irritaſſe putans, ſtimulante procaci  
 Alite, verſiculos pronus vertebar in acres.  
 Parte alia placidis, teneris, blandiſque puellis,  
 Non bella intentanda, virū pro lege recepta,  
 Dum reputo, & nihil hic magni patrarier, acer  
 Si fodiente ſtylo ſexum proſcinderem inermem,  
 Parcendum, & medio moderatè tramite ſenſi  
 Sic iter ingrediendum: vt Momo iuſta querenti  
 Nec deeſſem, Veneris nec plus ſatis aduerſatæ  
 In me odium, atque altæ conflare in cautiùs iras.*

LIBRI OCTAVI FINIS.

DE

# DE REP. ANGLORVM INSTAVRANDA,

## Liber Nonus.



ORVE loquax, odio antiquo damnate  
puellis,  
Dicito, si quid habes: quid enim auscul-  
tasse nocebit?  
Ista tuo potius malim effutita periclo,  
Iamdudum audacis pœnam ob conuicia lingue  
Qui passus, nihil hic iterum dixisse pauescas,  
Momo tute tuo. Satis est tua dicta fidei  
Si calamo excipiens, alijs pensanda relinquo.  
Dicam equidem audacter: nec pœnam deprecor ullam  
Bile tumens, studioue minus si vera maligno  
(Ales ait) promam. Sed nec (reor) ipse ego falsi  
Convincar, nostra hæc æquas si dentur in aures:  
Nec cupio infontes (sunt hæc quoque) crimine eodem,  
Quòd peccent nimio plures, inuoluere cunctas.  
Quid si ego iam decimam quamque excepiße benignus  
Sustineam? Quid si plures tu fortè lapillis  
Digneris niueis, numerumque auxisse bonarum  
Contendas? Nihil hoc causæ prodesse malarum  
Aut queat, aut voces carpentum liberiores  
Obstruere, vlla sua si infamis, & obruta labe,  
Suggerat insistsens rumori alimenta sinistro.  
Iamdudum satis ipse viros mordaciter omnes  
Ob luxum, mollesque habitus, productaque fercla  
Carpere, nigrantisque salis conspergere totis

*Tentasti cumulis, Momum exuperate magistrum.  
 Hic differre putas quicquam? potiore feratur  
 Iure (puto) ob sexum, aut formam, consinia vitæ  
 Si qua verecunde transmittens sæmina peccat,  
 Quam suus illa eadem si admittat fortè maritus?  
 Dicas, ista viris ut sint plenissima probri,  
 Culta placet multis sua sæmina. Scilicet æquum  
 Poscitur, hinc oculos vel ut ipsus pascat adulter.  
 Anceps nempe malum, nec simplex illa bipennis  
 Qua mactat miserum mulier damnosa maritum.  
 Sine habet, & tota tunc se vult urbe videri,  
 Quam facile integros circumfert baiula fundos?  
 Sine suis fictos fletus curruca labellis  
 Absorbet, quæ noctu oculis torrentibus illa  
 Profudisse sua novit statione manentes,  
 Si qua peregrino prodit spectatior ostro  
 Ad ludos, tolerasse potes durissime? fusta est,  
 Indotata super Tuccæ Cornelia: papæ  
 Nulla erat hesternis sacris operosior auri.  
 Nos inhonorata, & deiecto lumina vultu,  
 Scilicet annicula stetimus post ostia chлена.  
 Andin' tu? sartore opus est, iam iamque vocato.  
 Confice sex pereant libræ: ni denique manūs  
 Illa suas pangat clàm noctes callida mæcho,  
 Idque aliquo, ne quid precio sine speret Adonis.  
 Quippe opus est multis, multorum quæ placitura est  
 Iudicijs, formamque viro componere soli  
 Quid rurestre sapit. Prognatam Consule magno  
 AEmiliam, sciōle quum libros attigit, atque est  
 Psalteria, tum plusquam Sempronia mobile saltat:  
 AEquum erit & media cultam spectarier urbe,  
 Atque suas populo, & scena producere dotes.  
 Tu (bone vir) quid contrà audes mutire? decorum  
 Exigit, uxorem metuas ut dote superbam:*

Ne tibi sandalij cerebrum noua Tyndaris ictu  
 Diminuist. Specta, atque sile, seu laudibus istis  
 Sponte faue: ni vis coram illa ut turbida rixis  
 Rem peragat, siâsque euictus fabula vulgi.  
 Quippè potes comptos domina turbâsse capillos?  
 Durior aut Veneris pulsâsse indigniter ora?  
 Castigare graues grauiori aut verbere voces?  
 Dij melius: tunc tu metuas Aëtaonis illa  
 (Nostin' que?) media (vetus est) tubercula fronte.  
 Turpe viro certè, tam dura lege coacta  
 Imperitare sue. Noctes qui litigat, ille est  
 Infami digito dignus, nurrumque susurris  
 Tam tacitis, ut post plebs tota resciscat in aurem:  
 Indignusque, suis quem pulchrior vlla lacertis  
 Implicet, aut vera post reddat prole parentem.  
 Quidnam igitur? nec ferre queam? nec iure mariti  
 Importuna mea cohibesim vota puella?  
 Hac cupit, illa cupit, dedimus: nunc altera poscit.  
 Quis modus? impense totis Paetolus arenis  
 Non benè sufficiat. Nec nostris ista parantur  
 Complacitura oculis: malim vidisse modestæ,  
 Matroneque habitu: nunc quid dubitetur, habemus:  
 Quid contrâ opposuisse, nihil: quum pessimus iste  
 Mos adeo infranis laxâsse repagula sexus  
 Sustinuit, domibusque datas nunc in fora trusit  
 Et cætus, mox ut sperent suggesta disertas.  
 O bone, si commune malum est, mirabile soli  
 Ne facito: inueniet prudentior hys quoque finem  
 Quò statuat: si quâ labes irrepperat, illâc  
 Et repedare gradum iubeat, pulsamque reuerti.  
 Mollis enim quum res sit fœmina, cuilibet apta  
 Principio formæ, quam qui genuere parentes,  
 Quine nouam à patrijs, & adhuc sine labe tenellam  
 Abducit laribus, ritè adiecisse laborant.

*Tu, si morigeram cupis, atque bonam, atque pudicam,  
Disciplina domi videas quàm casta parentum  
Illius obseruetur, & olim an liberiori.*

*Voce laborarit vulgi Seruilia mater.*

*Tertia tunc etenim si deducatur, iniquum est  
Et fragilem, & nixam exemplo culpâsse puellam.  
Nam quid? nonne suis exclusa simillima coruis  
Oua ferunt pullos? Mater meretricia, lena  
Munere turpis anus, & auara, bibâxque, supremos  
Ad canos defuncta, nihil moderabile gnata  
Consuluisse volet: monitis sed quorsum opus? illa  
Que vidit, quaque audiuit, precociter imos  
Condidit in sensus. Nec matrem docta magistram  
Quæret, ut admissos bis sex impleuerit annos,  
Prona, petulca vltro, per amica silentia luna,  
Ferratis iuuenum admittet lamenta fenestris,  
Et cantus, gaudensque sono testudinis, & se  
Nunc Helenam, nunc aut Venerem vocitarier ipsam,  
Laudata posthâc, volucris lunonia, caude  
Extollet pennas. Quin tu nimis inuida amanti  
(Quippè quid hic cunctor, si non bis ferrea?) votis,  
Cancellata, reuincta, atque importuna fenestra,  
Appagè: iurauit cunctos meus iste profundi,  
Atque Erebi, calique Deos, nihil oscula præter  
Sumpturum. Ergo uncto præstabit cardine laxas  
Huic aperire fores, neque & hoc mea resciet unquam,  
Aut si rescierit, sunt oh (clàm lusit & illa)  
Iurgia, que genitrix fundet male conscia, tanti?  
Nunc age. Duc tali prognatam matre iuuentam:  
Credin' Pasiphaë non tauripotente futuram  
Tauripetam? taurósque olim qua damnet inertes?  
Inde, maritales intra simulatque penates  
Intulit illa pedem: credin' quòd postibus unctis  
Iam mala post illinc auerruncata facessent?*

Illa mala est: tu crede tamen meliora, labantem  
 Blanditiisque animum finito exorariet. Vno,  
 Vno nempe die sceptrum tibi (Iuppiter) illa  
 Auferat, hinc repetas? nugæ: promiserat? actum est.  
 Claua prius forti tolletur ab Hercule, gestum  
 Quam semel imperium mulier bacchata marito  
 Restituisse volet. Iam nunc uxorius adsta:  
 Obserua: poscit pallam, redimicula, inaures:  
 Curre: quid hic cessas? vulgo vult illa videri?  
 Tu pete, læticias, humeris gestata Syrorum,  
 An sibi quadrijugis malit carpenta caballis.  
 Frateræa, est matrem pia iam quod sæpius ægram  
 Visitet: hem? matrem? spectacula: quo comitante?  
 Euryalo. Nostin' vicina consobrinum  
 Euryalum? Nihil hic timeas: vicina quoque illis  
 It comes, ipsa quidem mulier primaria, læta  
 Atque pudicitia: quantum flos integer aui  
 Exactus castam faciat, quam nemo rogabit.  
 Iam redeunt: iam fronte opus est. Quo denique freta  
 Pessima tu foribus plantas efferre mariti  
 Absentis? Mi vir (sed quid sibi mollia querat  
 Verba animi fidens?) libuit: nec carcere clausos  
 AEolus hic ventos sola sperâris in aula:  
 Nec meus ille pudor fama super æthera notus  
 Hoc meruit. Syra curre domum, atque accerse parentes,  
 Tu genitrix, tu causa mali, tu prima petitam  
 Mille procis, uni huic voluisti nubere monstro.  
 Nunc habet, & spernit. Quantum mutatus ab illo,  
 Proiectos toties carpsit qui limine somnos?  
 Postibus atque rosas posuit, simul oscula iunxit?  
 Sed quid ego hæc? Nemon' \* isto me abducere? nemo \* Casu  
 Confidens animi, casus miseratus acerbos?  
 Non superant in fata manus? non denique præstat  
 Aut ferro, aut laqueo miseram hanc abrumperè vitam?

O quali coniuncta viro : tonat usque loquaci  
 Dodonæa sono cui tintinnabula cedant.  
 Ipsa cauis repetens, nullique libentiùs Echo  
 Responsura sono, totidem dum verbulâ certat  
 Reddere, victa pudet: tot questibus illa retinnit  
 Argutum quiddam, & stridens, sed non sine fletu:  
 Nempe suos imbres etiam ista tonitrua fundunt.  
 Tu miser hic tribus agrè expressis victæ labascis  
 Lachrymulis? ne quæso istos corrumpito ocellos  
 Stultula: dixi equidem tentans: iam pœnitet, oro  
 Ne saui: ah quò nunc te proripis? illa ubi victum  
 Senserit, occluso ad noctem stat sola cubili.  
 Imale, quere aliam tibi quæ respondeat: oro  
 Tu mea: nequicquàm: obtestor: non audio: pallam  
 Adjiciam, eximia specie, bis murice tinctam?  
 Et quam bis peragat phrygiano fimbria limbo?  
 Nolo equidem: (quamvis nec pallam stulta recusem)  
 Zelotypa sed dona manu collata pudicam  
 Dedignari opus est. Satin' hoc dixisse proteruo  
 Iam semel est? iura posthâc: mea lux, mea dulcis  
 Inuro ut vis, quod vis: age, nunc ignoscitur, intra:  
 Vi tamen ista facis, minima est nec gratia palle.  
 Proh Venus, & castis Veneris puer ignibus olim  
 Præfice, tuque Hymenæe vago vix ulla cubili:  
 Tantane tam fragiles teneat fiducia formæ,  
 Ut permissa gregi indomito non aqua potestas,  
 Et pecus indignè perdat, pecorisque magistros?  
 Mitte tuos questus, alieno hoc tempore, amice,  
 (Corvus ait) quin & mirari desine, quid sit  
 Præcipuam huic tanta labi quod porrigit ansam?  
 Cereæ rex etenim varias quum fœmina formas  
 Suscipit, & iam iam præcepit in denia fertur,  
 Dux suus anersos aliquò si flexerit orbes,  
 Si cupitis vestra vitia hac surgentia culpa,

Præstruere:



*Præstruere : ipsi etiam exemplis absistite fœdis,  
 Proritàsse malas, fragilibusque incendia sexus  
 Pascere, tanquàm auidis subiecto fomite flammis.  
 Nempe nec istarum vitium immedicabile finxit  
 Naturæ vis alma, nec est cur non bona possit  
 Messis ab hoc iterum cultu sperarier aruo :  
 Quin ego quas lascipiens lenire puellas,  
 Sic statuo, hos nauos vitio euenisse virorum,  
 Qui primum impuri specimen sub tectâ tulerunt,  
 Inspicienda suis, & probra ignota puellis,  
 Dùm pudor ille viros vinclo cohiberet eodem,  
 Quem tanto inculcare suis conamine certant  
 Non pudet ? unguentum redolet tua barba, capillos  
 Et crispare soles, & tergo serica poscis,  
 Annulus in digitis tremulo fulgore lapillos  
 Iactat ab Auroræ surgentis sede petitos :  
 Quid tandem expectas faciat tua Caia, Cai ?  
 Quid puer ? aut tenera iam saltans bimula planta  
 Ad Gaditanos numeros, gnata inscîa, quid sit  
 Olim etiam tremula prouectam clune moueri.  
 Qualis es, ipse etiam tales tibi tolle : nec ultra  
 Tute malus doleas similem tolerasse maritam.  
 Dixerit hic si quis, toto connubia in orbe  
 Hys subiecta malis plus semper fundere amari :  
 Nec bene sub socio vix unquàm vinere tecto  
 Vnanimes quos necit Hymen, vincloq; iugali  
 Dexterâ iuncta facit proli incubuisse futurae :  
 Non equidem vsque aded generis primordia vestri,  
 Nec sacras Veneris leges, ritusque reuello,  
 Cælibis vt potius protollam commoda vita.  
 Diua potens tadis, Diuumque hominûmque voluptas,  
 Blanda Venus, te nec generis culpasse parentem  
 Par fuerit, nec morosis lepidissima vinculis  
 Tu cohibenda mares, quam lusus atque lepores,*

Et Charites discinctam in dulcia praelia trudent :  
 Vnde animis iam delibutis fœmina castè  
 Fœcundos uteros proli, resoluta medullis  
 Exhibet, & vacuus curis vir blandulus ultro  
 Colla petit, duris nunquàm violanda lacertis,  
 Si volet ut socio redamet se fœmina vinclo  
 Illud agens, sciti genitorem intenta puelli  
 Ut faciat, nec dulce opus acri aliena dolore  
 Disperdat : (tanti est hic pronus spiritus, & mens.)  
 Attamen ut lepidis maneant sua iura puellis,  
 Primus honos mensis, & nulla pellice pallens  
 Lasus amor, blandum alloquium, partèsque secunda  
 Imperij, quantum œconoma non infima cura  
 Communes commissa potest fouisse penates :  
 Nec minus hæc cunëtis discant meruisse maritos  
 Obsequijs, (postquam lex & Natura tenellas  
 Infirmasque iubent vultu pendere virili)  
 Hoc opus, atque isto versat se cardine moles.  
 Prima parens urbis domus est, domuique regunde  
 Quum præsent socio lare vir pater, & sua coniux,  
 Quisquis in œconomi primæna labitur arte,  
 Ignarus qua lege pater, qua lege maritus,  
 Quaque herus esse suis idem queat, & diuersus  
 Vix benè ciuiles posthæc componere cœtus  
 Nouerit, aut rectè populo præscribere cunëto.  
 Quippe homines prius, at nec quosuis querat oportet,  
 Florentem statuatur qui forma, & legibus urbem.  
 Nam viles, nam proiectos, nam corpore fædo,  
 Imbelles, mancos, stupidos, non denique vultu  
 Seruili admittat, quisquis melioribus uti  
 Iam queat, aut posthæc vitium benè corrigat arte.  
 Nempe cupis publi præstantia corpora? (rarò  
 Pulchra animo facies pulchro spem lusa fefellit)  
 Si cupis, & modus haud defit : (modus unicus iste est)  
Arripe :

*Arripe: scin' quisnam? matrum pulcherrima cures  
Corpora prestantes patria procudere fœtus.  
Matrum opus hoc. Brutis quæ cura impenditur, omnes  
Nouimus, ut lætis maribus lætissima toto  
Agmine formosos artus sua fœmina subdat.  
Hic differre nihil veris, qua matre parentem  
Te Venus alma facit? magnum & memorabile Numen  
Tu ne sperne Deos inter coluisse priores,  
Quorum erat antiquo genitor de sanguine Cælum,  
Vraniæque parens. Cælesti ab origine cretam  
Insignem cesto Venerem, tunicisque pudicis,  
Demissosque oculos pepulis, vultusque tegentem,  
Tuta potest tenero matrona incingere serto:  
Tuta potest virgo, nondum congressa virilem  
At sperare thorum quæ iam nunc nubilis instat.  
Tritam aliam, fœdæq; maris de spermate cretam  
Lasciuam, nudam, pato quæ lumine amantes  
Allicit, & facili risu se denique prodit,  
Mitte lupis, spurco quæ fœdant corpora questu:  
Mitte peregrinis, vappis, nebulonibus, inguen  
Indomitum, ut nequam sub Numine, nequiter isti  
Ranciduli, latrine in olentis forte lacunas  
Exonerare queant melius, quàm crimine tecto  
Sollicitare nurus castas, aurisque pudicas:  
Si tamen hinc vestra spurca locus ullus in urbe est  
Cypriaca: colat illa Paphon, vel fortè remotis  
Sola stet in lustris: extrema suburbia multum est  
Fornicibus cinctis si percolat: ut lanienas  
Illo etiam, sordēsque omnes, protrudere præstat,  
Excrementa velut quæ puri corporis haustu  
Inficiant narēsque, oculosque, porosque patentes:  
Et tamen in magna penitus quæ tollere plebe  
Vix queat ars, nascendo vetustis quum noua certent.  
At tibi connubio Veneri libasse pudica*

*Si placet, & genialem Hymeni condicere cœnam,  
 Tu, cui lustra viro iam quinque exacta peregit  
 Prima iuuentutis tenera lanugine forma,  
 Illa quidem ignaris potius prælata puellis,  
 Ast infida nouos qua vix benè seruet amores,  
 (Credite vos, magna iustissima cura Diones,  
 Lapsa fides iuuenum quas vel iurata fefellit)  
 Primum animo tibi proponas, quo sanguine creta,  
 Qua forma, qua ætate, quibûsque ante omnia virgo  
 Moribus, in iunctos veniat noua nupta penates.  
 Nempe sui similem post se liquisse, magistra  
 Si natura omnes cupiunt: vnde altus ab æuo  
 Instat amor brutis proprios defendere fœtus,  
 Ignotûsque arcere, suisque expellere lustris,  
 Magna maritali debetur gratia vite:  
 Vnde nouæ soboli desudat cura parentum  
 Mutua, perpetuum gignendo dum facit ortum  
 Humani generis, formandoque efficit ipso  
 Bis genitos: tanti est, pietas sinutiat altrix  
 Spem patriæ, & recto simul educet ordine alumnos.  
 Sed neque tam similes cupiat sibi gignere fœtus  
 Agesilaus,\* claudo vt malit pede, quàm pede recto,  
 Nec blasum sibi balbus amet titubante loquela,  
 Litterulam vt nequeat scitè proferre caninam  
 Filius, iniectos nî ruminet ore lapillos:  
 Nec quocunque pater vitio sua corpora damnat,  
 Illud item in gnati pergratè corpore spectet:  
 Est aliquid formosa quod vno pignora cuncti  
 Exoptant voto, & specie insignita decora.  
 Ergo immaturus sapiens (immitia poma  
 Nondum etiam tangens) statuet parfisse puellis,  
 Si cupit vt loculis vterus spaciosior amplis  
 Conceptum plena foueat propagine semen.  
 Illyricos gens prisca boues si fortè requiris,*

\* Synæ.

Dimidio Aufonijs maiores corpore bubus,  
 Cur tanta ob speciem prouexit laude *Quritum*?  
 In promptu causa est: quadrima etate minorem  
 Nullus amor tauri admissus conscendere vaccam,  
 Ingentes illic matrum perfundere cellas  
 Semine quod pleno, caua per spaciofa, solebat.  
 Taurus item toruo frontem fetosior ore  
 Maximus è toto lectus grege mugisonantum,  
 Pendula cui laxo stabant palearia mento,  
 Cornuæque ad pugnam ventos quæ sæpè vocabant,  
 Regnator vacuos sibi solus habebat amores  
 Liber, & intonsis depascens montibus herbam.  
 Nos hodiè (ah facinus) peruerso more vocamus,  
 Si qua virum iam fortè petit, bis sextus ut annus  
 Accedit, plenas exinde, virique potentes.  
 Nil minus. Expectent liceat sex altera bruma  
 Tempora, quàm tactu se immisceat vlla virili.  
 Sic *Lucina* fauens, nullig, libentiùs unquam  
 Implorata aderit: robusto sæmina nisu  
 Ingentem emittet puerum vitalibus auris.  
 Altera præpropere disperdet corpore fructus  
 Exiguos, nanos, aut gibbo tergore curuos.  
 Ipsa agro posthac suprema ad tempora ventre,  
 Laxatis uteri claustris, spem vanida fallit,  
 Difficiles partus longo cunctamine pensans:  
 Si neque perpetuos deinceps sterilefcet in annos.  
 At si non vanis cupias tibi tollere signis  
 Formosos pueros: matrem elige clunipotentem,  
 Succidulam, rectam, atque alta ceruice decoram,  
 Quæ flauis latos humeros promissa capillis  
 Ornet, & vberibus turgescat pectora anhelis.  
 Stricta quidem medio, sed post amplissima ventre:  
 Cui iuuenile femur, succincta sub nate, robur  
 Arguat, & tactu solido non cedat. Iniquum est

*Si qua latent, efferre foras, meliora putato:  
 Et teretis sura, brevis & pedis, inde petuntor  
 Indicia, & quicquid tunicis velatur honestis:  
 Hanc tua si speciem tibi lecta puella reponit,  
 Tu modo, quum vultum tranquillo in littore cernis,  
 Ne tibi displiceas, nec Mopso Nisa proteruis  
 Indignè coniuncta anibus, lepidissima turpem  
 Respuat) haud dubiè formosa parentibus ipsis  
 Pignora filioli certabunt: qualia cultis  
 Sub lauris virgulta enodi germine ad auras  
 Cælestes tendunt viridi gratissima fronde.  
 Hic verò, æqualis quum sit concordia vita  
 Coniugium, pauper tu ne quesisse potentem  
 Instituas: genus, & fasces, victosque Syphaces  
 Linque alijs, quorum bifores vasta atria value  
 Manè salutantum gregibus complèsse laborant.  
 Nube pari, nuptamque pio redamandus amore  
 Prosequitor. Parua quid causa est, quominus aula  
 Illa tibi Iuno, tu fulmine Iupiter illi  
 Deposito, unanimi possitis viuere regno?  
 Fælices quantum inuideant persæpè monarche?  
 At tua ne Iuno (namque hæc quandoque proterua est)  
 Insurgat, nimiosque animos spe colligat acri,  
 Exarmata tua videat si insignia dextra,  
 Longius illa caue, breue nec repetenda reponas:  
 Vt neque vibrantem metuat, neque temnat inermem.  
 Par labor est: dubiumque, metus magis, aut amor, isti  
 Conueniat: securus amor fluit, at metus odit.  
 Sed redamet potiùs moderato iure seuerum,  
 Et qui blanditijs, aliqua sed fronte, modestis  
 Demeruisse volet non stulta mente puellam,  
 Que sciat à fatuo & bardo, distinguere pectus  
 Quale quidem cupiat cordata virile mariti.  
 At neque non animis multum hoc quoque conciliandis  
 Attulerit,*

*Attulerit, quo quisque loco est, arte, atque parente,  
 Tali etiam uxore quasisset loco arte, parente.  
 Imprimis ne urbana viro noua nupta colono  
 Tradatur, grauibus rastris, curuòque ligoni,  
 Dedignata manus unquam admonuisse tenellas.  
 Neue Palis traducta sinu rubicunda virago  
 Rustica, Mercurio multum iridente, mariti  
 Ausit inexperta sese iactare taberna  
 Urbani, tenuésue plicas, quibus ante coëgit  
 Lintea texta domi digitis ex cannabe crasso,  
 Indoctæ, stomachante viro disperdere byssi:  
 Aut abacos vitro instructos, ea pocula fagi  
 Esse putans ritu horridulo tractanda paterni,  
 Durius immiti contingere pollice: clarum  
 Quum videat sonitum tot crustas adere fractas,  
 Quam sibi displiceat? quam vellet sydere lauo  
 Nunquam adeò insuetis hos ad ceromata membris  
 Acceßisse, sui iactura, & bile mariti?  
 Quid referam? notos cupiat, pertasa taberna,  
 Ad postes nigra inductos fuligine, quiduis  
 Exegisse opera potius benè firma valentis.  
 Siue molat trusas segetes, nec fursure curet  
 Exacte tenuem frugi purgare farinam:  
 Sine colis fusos filo demittere crasso  
 Instituat, staménue alterno pro pede cogat  
 Surgere, & immisso radij subtegmine texi  
 Induuias molita viro, natisque, per Austros  
 Cum grauis agricolas etiam ipsos detinet imber:  
 Aut cælo exiliens tectis incompta sereno,  
 Vtiliter paruis messorum conferat hortis  
 Prandia, serpillumque potens, porrosque virentes,  
 Alliæque in simas sensim ascendentia nares:  
 Sine canens pastas vocet ad mulctralia vaccas,  
 Illæ ultro accurrant domine, studeantque leuari*



*Vbera consuetis se demittentia palmis:  
 Sive aliud quiduis faciat rurestris oppella:  
 Quàm nihil, unde pigram meritò vicinia damnet,  
 Tota Pali, aut Cereri, aut Pani dumeta per aspra  
 Exponens duros multo sudore lacertos.  
 Quancquàm equidem urbanas alicui incubuisse labori  
 Tantum aberit, lentaue ut nolim occurrere vita  
 Illius, extincto quæ flevit passere, quantum  
 Non olim patrio concesserat orba sepulchro,  
 Ut potiùs segnes superare Cupidinis arcus,  
 Illicitasq; faces, occlusis auribus, uni  
 Intentas iubeam, vitata per otia, casto  
 Quem fugit ille malus, glaciem ceu flamma, labori.  
 Nempe nec assiduo vestras custode, aliorum  
 Servari de more, velim non sponte pudicas,  
 Usque adeò illa via est iam stultè ingressa maritis  
 Zelotypis, nimia pariter se affligere cura,  
 Et sumptu: ornatas, pietas, nil denique agentes  
 Dum dominas altis servant penetralibus, aut si  
 Has prodire sinunt, tanta hoc sit denique pompa,  
 Ut non non Memphiti productus ab æde Serapis  
 Ibat linigeris quondam per compita mystis  
 Struètiior, ostentans sacrata cornua fronte.  
 Stultum erat hoc (dices) sed quid discriminis (oro) est?  
 Ille bouem: anne tuam tu custodire iuencam  
 Iam venerabundus, tanquam pro numine, pergas?  
 Quanto rectiùs hoc, veris vxoribus uti  
 Ut veris, nec imaginibus? tu rostra, forúmq;  
 Procures, villamque & prædia? degener illa  
 Tanquam aliena, domus intra nil curet agendum  
 Septa maritalis? nec saltem prouida seruet,  
 Quæ tua sedulitas longinquis vexit ab oris?  
 Nempe tuum est rem augere foris: rem gnauitè auctam  
 Illius est parili pensare, & condere cura.*

Ergò aliquid semper quod agatur, fœmina frugi  
 Inueniet, media quantumuis degat in vrbe,  
 Pensa trahens, pictis discrimina siue tapetis  
 Tot varians, quot formæ insunt animantibus ipsis,  
 Sine colant terras, seu pennis aëra sulcent.  
 Atque erit hic intra proprios aula penates  
 Fœmina quod princeps comitum confecta labore  
 Ipsa comes, præseseque operis, venientibus ultro  
 Hospitibus monstrare queat, non segniter horas  
 Contestata suis, sed nec sibi deperisse.  
 Parte alia, ni lini fices, & ruris, & urbis  
 Matrone, Angliacis auferre hoc dedecus oris  
 Instituant, alia merx hac exotica parte  
 Linea dehinc vestris ne det mantilia mensis,  
 Nec quæ vela suis vestra de more puella  
 Et capiti, atque humeris niue candidioribus aptant,  
 Seu tandem tenui quacunque indusia lino  
 Texta cuti propius, seu vir, seu fœmina gestant,  
 Nil video, cur non posthâc infamia pœne  
 Iuncta nurus segnes taxet: certetur & ipsis  
 Inter, ut insignem capiat dignissima palmam,  
 Ore virum laudata, alias dolor urat inertes.  
 Nempe tuas tela, matrona, & gnaua, per ades  
 Cannabis, aut lini contuso cortice, tunc  
 Quicquam habeas, quod non tibi dextra domestica texit?  
 Quis pudor? imperio tantum cessisse maritos?  
 Mancipia ut probrum hoc vxoria facta, silenter  
 Dissimulent? adeon' senuerunt omnia luxu?  
 Quod si etiam hoc summo princeps pro iure vetaret,  
 Nescio num tabulis melior sententia fixis  
 Proponi, aut populo possit magis apta supino.  
 Nam quæ præsens socordia temporis extat,  
 A Ere nec exiguo tela hac aliunde parata  
 Vestratum depexit opes. Nec dicere promptum est,

Ingenio, argutis quin festiuissima dictis  
 Sapè iocans hilari certet : sin fortè redibit  
 Maſtior, hic caueat turbato opponere quicquam,  
 Quod magis irritet, non ficto aſt anxia vultu  
 Mareat, & captet molliſſima tempora fandì,  
 Ipſa quidem ſimplex, nec libro operoſa magiſtro:  
 At perdocta patris quæ ſecum ex adibus acris  
 Afferat æconomæ ſtudium, partèſque probatas.  
 Nempè, hæc tuta magis. Sed ut eſt ſua cuique voluptas,  
 Qui volet inſignes committere fortè pœtas  
 Quæ queat, atque ſophos fari quod torqueat ipſos:  
 Illum ego perpetua cenſura, ut iuris adempti  
 Subjicio. Sciola nihil eſt audacius: aut ſe  
 Preferet, aut quare? ad cramben, bis tẽrque reponet.  
 Lata tibi currant conuiuia liberiori  
 Sermonis ſerie? nutu, aut pede torua iocoſum  
 Impediet. Largire aliquid? largita negabit  
 Penè ſupercilio. Soli quum ſola per umbras  
 Conuenit? hic nihil eſt intempeſtiua loquente  
 Intolerabilius: tu iam reſolutior ultro  
 Delicias, & verba voles ſine felle, venuſti  
 Plena ioci, lecto geniali, & luſibus apta?  
 Illa memor dictum hoc, factum hoc, reſticabit ab ouo,  
 Si qua per elapſum commiſſa erratula ſolem  
 Ignaro exciderant, nec culpa obnoxia, nigrum  
 Ni quod ſuſtineant (ſe iudice nempè) lapillum.  
 Quid facias? curis tu lenimenta parabas?  
 Illa mouet bilem. Ludo tibi fortè futuram  
 Sperabas? ludos hæc te facit, & propè tangi  
 Se vetat: aut ſi dat, minima eſt non gratia, tunc ſi  
 Docta ſolæciſmos non imputat: utpote caſta  
 Naſonis dudum prouectior arte magiſtri.  
 Si non hic etiam Zenones, ſue Cleanthas,  
 Carneadæſue crepat: ſed fac ſe coniuge dignum

Te putet: en quotus est tam doctam ferre puellam  
 Qui mereat? pleno aut poterit qui pectore habenas  
 Immodicæ rexisse suæ, quæ iura marito  
 Iam dare doctæ sapit? libros euoluere magnum  
 Esse putat, nec prima domus elementa regunde,  
 Nec didicit paruo pulcem coxisse puello?  
 Stulta iuuant stultos. Populi pars maxima stulta est.  
 Nec tibi morosa sapiens uxorcula fronte  
 Parte placere potest meliori temporis: æquum est  
 Quod rides, non illa procax irrideat. Id, si  
 Illa magis sapiat quàm tu, dubio procùl, & mox  
 Expectes: fragilis tanta est ea nausea sexus.  
 Nempe nec inuitæ cupiat cordatior ullus  
 Imperitasse suæ. Qui vult dare iura volenti,  
 Fac minus illa sciat, miretur verba loquentis,  
 Suspiciat, memor obseruet, nec spernere tentet.  
 Tota sed à vultu dependeat usque mariti,  
 Viribus & sexu potioris, læta libentèr  
 Si iuga ferre volet mulier, quæ ferre necesse est.  
 Attamen exulto vir præstans pectore, cultam  
 Si tollit (quæ cura fouet plerasque parentum,  
 Et iubet à teneris operosa volumina cunis  
 Discere, Apollineo solamen dulce marito)  
 Fortè pares studijs sors quos coniunxerit aquis  
 Fælices ter, & ampliùs ipsa ad funera reddet.  
 Rara sed hac paucis contingit copula: nunc ut  
 Degeneres animos aurum arguit, & sacer æstus  
 Querendi generum, qui conficit omnia, Plutum.  
 Barbarus ob titulos (quid non speremus amantes?)  
 Sine senex grauida cui turget census in arca,  
 Bis puer effæto quamuis balbutiat ore,  
 Prima leget rara tam culta roseta puella.  
 Illa quid? in questus nisi quoddam resoluta gementes,  
 O pater, ò duro exclamet sors improba fato:

Huic ego *delicias, crescentiâque oscula demens*  
*Servauit, & primos (heu) virginitatis honores?*  
*Ah quia nam patrio tantum dant biblia iuri:*  
*Sed si corpus habet vir iam meus, attamen omnis*  
*(Vt reor) ipsa mihi remanet mens libera vinculi.*  
*Hanc ego vel medijs elabi amplexibus optem,*  
*Elabetur enim, fugietque auersa petulcum,*  
*Ille meo nec tet si quando brachia collo*  
*Rusticus, & sima melior dare basia Copæ.*  
*At vos ô duri miseram lugete parentes,*  
*Si ferro, aut laqueo, leuâ hac me exoluere sorte*  
*Sustineo: inuitas nec claustra tyrannica seruant*  
*Magnanimas, adeoque mori stat cuique suum ius.*  
*Sic male consartos neque pronuba lustrat amores*  
*Magna Iouis coniux, neque suauis sparsa liquore*  
*Oscula Acidalio Charites de fonte ministrant,*  
*Atque neque dulce tuens tædas Erycina coruscat*  
*Balsamina saturas gutta, terue urget in orbem:*  
*Torua sed obscuras picea nigredine Alecto*  
*Ipsa faces præfert nubentibus, & malus Hymen*  
*Triste ululat, Stygiôque etiam linit unguine postes.*  
*Ergo nec hoc nihil est: mulier si pulchra supernè*  
*Desinat in piscem: quorsum conamine tanto*  
*Attinuit luisse operam? non luditur (oro)*  
*Quum datur insulso mulier Phœbea marito?*  
*Digna, nouos in quam Paridas miser ille pauescat,*  
*Ipsa aquilas, taurosque legens, suspiret ab imo,*  
*Fœlicèsque vocet quas autor crimine purgat?*  
*Quanto erit hoc satius, succi quum protinus expers*  
*Testa recens, talem seruat constanter odorem,*  
*Ille rudis qualem primò instillasse laborat,*  
*Informans propriam figulus non inscius ollam*  
*In quodcunque volet, seu malit rura, vel urbem,*  
*Sine lyre aptatos digitos, unctoue ligoni?*

Illa nihil sapiens melius, quam vir suus optet,  
 Tota viri studijs, iussisque obtemperet ultro?  
 Nempe ita ni duro vir gestet pectora ferro  
 Dura magis, toruis etiam Cyclopibus ut sit  
 Toruior, & nulla dehinc conciliabilis arte,  
 Omnia longanimitate tolerantia cauta puella  
 Conficiet. Plerasque bonas, tractatio prauas  
 Esse facit: sine corde viri si ignobile nomen  
 Seuit, Cumani larvatum tegmine aselli.  
 Quando hodie plures cogit Xantippa maritos  
 Effera, Socraticas tandem transcendere metas?  
 Est modus. Est facilis nonnunquam obliuio multi,  
 Ne qua viro semper memori succenseat ira:  
 Ille cicatrices veteres morosior usque  
 Ne fricet, ut rabiem iam desperatio cogat.  
 Denique succinctis complectar ut ultima verbis,  
 Si noua nupta volet, quamprimum cerea sese  
 Fingere ad exemplar morum, vultusque mariti,  
 Ille etiam summo sinolit iure, nisi expes  
 Alterius cura, extremas adhibere medelas:  
 Concordes securus Hymen feliciter ambos  
 Duxerit ad sera vix tempora sensa senectæ.  
 At tu (sancta Venus) iubaris pulcherrima clari  
 Sydere, surgentes seu Phæbi anteire quadrigas,  
 Labentisque polo tibi stat deducere currus,  
 Quod superest, placanda manes. Instaret uterque  
 Thure dato coniux redimitas Numinis aras  
 Tediiferi, ut castos amborum suggerat ignes  
 Mentibus, & nullo violandum tempore vinculi  
 Ius initi, quod non olim cariota vetustas,  
 Nec canis comitata queat dissolvere ruga,  
 Nec facies obiecta nouo formosior ore,  
 Nec genus, aut lecti spes insidiosa potentis:  
 Ast qui primus amor iuuenili in pectore sedit,



Ille etiam unanimes foveat, constetque sepulcro.  
 Tanti opus hoc, tantisque viget Venus alma per aenum  
 Viribus, omnigeni tellure, atque aquore factus  
 Semina inexhausta dum passim lege propagas.  
 Quæ si fausta suo lustrârit sydere matres  
 Angliacas (adhibete preces, linguisque fauete)  
 Ille inconcussim, genialis fœdere lecti  
 Servato, egregiam prolem patriæque, virisque,  
 Atque suæ parient solamen dulce senectæ.  
 Parte alia, admissæ Veneris rata sacra pudico  
 Coniugio pubes, ubi iam maturuit annis  
 Percolet, atque status vitabit cœlibis, atras  
 Lege monente notas, nec præmiat ter patris ausis  
 Temnere, moratis proprium quod cœnibus esto:  
 Hinc, dispersa vagè per corpora multa libido,  
 Haud ullam solido iunctam ne fœdere tollat:  
 Inde Iovis summi monitis submissa propago,  
 Ut faciat lapsi generis reparabile damnum.  
 Hæc ubi dicta dedit rauco de gutture coruus:  
 Suspexit, fixamque aciem ad conuexa sereni  
 Aetheris intendens, cœu iam reuocatus amica  
 Voce foret, vocem ipse etiam sentire videbar:  
 Explicuit geminas pennis nigrantibus alas,  
 Iurantiq; manu raptis curuo vngue tabellis  
 Has (ait) ut Momo referam (namque innuit) æquum est.  
 Nunc abeo: tu chære vale, monitisque fideles  
 Excipe, & ordita iam mox subtexe Camanæ.

LIBRI NONI FINIS.

DE



# DE REP. ANGLORVM INSTAVRANDA,

## Liber Decimus.

**P** Aulatim extrema videor succedere metae,  
Ægrè fessa trahens nisu vestigia crebro,  
Ardus non paucis scatuit via tota salebris,  
Quà metimur iter. Pelago iactatus, & istis

Saltibus en iterū exceptus, prærupta supremi  
Horrebam (fateor) simulachra obiecta laboris.  
Quod ni cura Deūm dextra auxiliante leuasset  
Labentem, in primo desistens limine gressus  
Perplexos retrò, spe succumbente tulissem.  
Sed vicit bona sedulitas: iamq; improba ad imam  
Ducta manus tabulam, quamvis lassata, decenti  
Gestit opus totum (si fas) circumdare limbo.  
Nempè nec innumeris confertus floribus hortus  
Proderit, incinctus si nullo ex ordine proftet:  
Nec si limbus abest, tela qui fila coercet,  
Et certo laterum adstrictu vaga stamina cogit,  
Iam dubium est, quin tela patens mox diffluat ultro.  
Qualis enim pleno fluminis si turgeat alueo,\*  
Et nihil ipsæ Hyades tumido moderabile suadent,  
Protinus obstantes certet transmittere ripas,  
Multa mouens, caput imbriferumq; in margine ponat  
Penè quidem victor, latè stagnantibus undis:  
At si exultantem, summis licèt incubet oris,  
Ripa suo insistat melior compescere vallo,  
Postquam omni conniso opera vis irrita fluxit,

\* Synxrr.

*Impetus ille ferox, sensim & fera corda residant:*  
*Haud secus informem, nulla & ratione ruentem*  
*Alma salutarì limbo reuerentia legum*  
*Constringit populum, propriâque in sede reponens,*  
*Communem seruare docet rem partibus æquis.*  
*Hoc caput, hoc calx est. Non cætus ciuicus ullus*  
*Olim, hodiè, aut posthâc iactis sine legibus usquàm*  
*Exstitit, aut extare potest. Lex spiritus ipse est*  
*Ciuilis vita: tolle hanc, simul eripe moli*  
*Corporis infusus anima immortalis honores,*  
*Qua viget omne animal, sentit, sapit, atque mouetur.*  
*Nimirum non grex nomen trahit, aut armentum*  
*Ciuilis cætus (quamuis animalia quedam*  
*Bruta representent socialis fœdera vita)*  
*Quod natura dedit brutis, perfectiùs artis*  
*Auxilio mens culta viris, ratioque peregit,*  
*Viuendi instituens ritus, quæ iura vocamus.*  
*Iura Deum agnoscunt cæli, terræque potentem,*  
*Iura dedere suos populis regesque, ducésque,*  
*Atque alios quorum imperio respublica sponte*  
*Contulit excelsos, moderandi insignia, fasces.*  
*Iura nefas pœnis, fas distinxere merentum*  
*Muneribus: decus hinc, illinc comes additur ingens*  
*Dedecus, ad seros transmissum utrunque nepotes.*  
*Denique seuiros humiles, placidosque, potentes*  
*Iura sua statione, locoque, atque ordine sistunt.*  
*Quæ, quoniam hæc, & plura viris operata modestis,*  
*Utilitate suâ iustum, rectumque probârunt,*  
*Dignum erit extollant homines venerabile donum*  
*Iustitiæ, quæ palantes in culta vocauit*  
*Oppida, & à victu reuocauit prima ferino.*  
*At neque lex omnis confusè est omnibus apta,*  
*Nec decet ad normam cunctos componere eandem,*  
*Qui diuersa sui cætus fundamina ponunt.*

*Hoc solo aequales cunctos statuisse licebit,  
Omnibus ex aequo lex si proponitur, unam  
Conciues urbem proprio qui fœdere condunt.  
Iuris enim par sit fretos munimine eodem,  
Sedis ut eiusdem socios, agnoscere lancem  
Æquatam inter se, nihil hic fidentiùs ullo  
Ob genus, aut vires, aut structos aris acervos,  
Tentante in minimum quemuis de plebe, quod uno  
Non omnes, iure uni, animo punire laborent:  
Quantumuis positas leges differre videmus  
Diuersis, aliaque alios distinguere forma.  
Formæ etenim tali melius ceu conuenit, æquum est  
Non aliena unquam lex adita quadret ad vnguem,  
Ne seruare volens, ut talis, talibus obsit,  
Inducatque nouam formam, migrante vetusta.  
Quippè viris sensu abstruso lex una supinis  
Non semel eripuit fascès popularior: illis  
Regia dynastas peperit, popularibus antè.  
Quocirca & legum caueat præscriptor eisdem  
Aut varia, aut illis non conuenientia ferre.  
Ista sed ut speciem clarescant turbida prima,  
Altiùs à puro deducam singula fonte.  
Principio, cætus hominum Natura creauit,  
Addidit utilitas iunctis socialia iura:  
Quumque modo triplici foueat Respublica rectum,  
Seu rex, seu populus præsit, lectusque Senatus,  
Est eadem cunctis diuerso iure voluntas,  
Et similem absimiles prætendunt denique finem:  
Nempe suos, & se saluos communiter omnes  
Exoptant, cunctis coeundi hic terminus extat.  
Et quanquam varijs quandoque hæc terna figuris  
Plus minus alternant plexos per mutua nexus,  
Nomen at hinc proprie quæuis Respublica sumet,  
Vnde alijs longè præstans in corpore pars est,*

*Si placet, & genialem Hymeni condicere cœnam,  
 Tu, cui lustra viro iam quinque exacta peregit  
 Prima iuventutis tenera lanugine forma,  
 Illa quidem ignaris potius prælata puellis,  
 Ast infida novos quæ vix benè seruet amores,  
 (Credite vos, magna iustissima cura Diones,  
 Lapsa fides iuuenum quas vel iurata fefellit)  
 Primum animo tibi proponas, quo sanguine creta,  
 Qua forma, qua ætate, quibûsque ante omnia virgo  
 Moribus, in iunctos veniat noua nupta penates.  
 Nempe sui similem post se liquisse, magistra  
 Si natura omnes cupiunt: vnde altus ab ævo  
 Instat amor brutis proprios defendere sætus,  
 Ignotisque arcere, suisque expellere lustris,  
 Magna maritali debetur gratia vitæ:  
 Vnde nonæ soboli desudat cura parentum  
 Mutua, perpetuum gignendo dum facit ortum  
 Humani generis, formandoque efficit ipso  
 Bis genitos: tanti est, pietas sinutiat altrix  
 Spem patriæ, & recto simul educet ordine alumnos.  
 Sed neque tam similes cupiat sibi gignere sætus  
 Ageilaus, \* claudo ut malit pede, quàm pede recto,  
 Nec blasum sibi balbus amet titubante loquela,  
 Litterulam ut nequeat scite proferre caninam  
 Filius, iniectos nî ruminet ore lapillos:  
 Nec quocunque pater vitio sua corpora damnat,  
 Illud item in gnati pergrate corpore spectet:  
 Est aliquid formosa quod vno pignora cuncti  
 Exoptant voto, & specie insignita decora.  
 Ergo immaturis sapiens (immitia poma  
 Nondum etiam tangens) statuet paruisse puellis,  
 Si cupit ut oculis vterus spaciosior amplis  
 Conceptum plena foueat propagine semen.  
 Illyricos gens prisca boues si fortè requiris,*

\* Synæ.

Dimidio Aufonijs maiores corpore bubus,  
 Cur tanta ob speciem prouexit laude Quritum?  
 In promptu causa est: quadrima etate minorem  
 Nullus amor tauri admissus conscendere vaccam,  
 Ingentes illic matrum perfundere cellas  
 Semine quod pleno, caua per spaciola, solebat.  
 Taurus item toruo frontem setosior ore  
 Maximus è toto lectus grege mugisonantum,  
 Pendula cui laxo stabant palearia mento,  
 Cornuâque ad pugnam ventos quæ sæpè vocabant,  
 Regnator vacuos sibi solus habebat amores  
 Liber, & intonsis depascens montibus herbam.  
 Nos hodiè (ah facinus) peruerso more vocamus,  
 Si qua virum iam fortè petit, bis sextus ut annus  
 Accedit, plenas exinde, virique potentes.  
 Nil minus. Expectent liceat sex altera bruma  
 Tempora, quam tactu se immisceat vlla virili.  
 Sic Lucina fauens, nullig, libentiùs unquam.  
 Implorata aderit: robusto sæmina nisu  
 Ingentem emittet puerum vitalibus auris.  
 Altera præpropèro disperdet corpore fructus  
 Exiguos, nanos, aut gibbo tergore curuos.  
 Ipsa agro posthâc suprema ad tempora ventre,  
 Laxatis uteri claustris, spem vanida fallat,  
 Difficiles partus longo cunctamine pensans:  
 Si neque perpetuos deinceps sterile scat in annos.  
 At si non vanis cupias tibi tollere signis  
 Formosos pueros: matrem elige clunipotentem,  
 Succidulam, rectam, atque alta cernice decoram,  
 Quæ flauis latos humeros promissa capillis  
 Ornet, & uberibus turgescat pectora anhelis.  
 Stricta quidem medio, sed post amplissima ventre:  
 Cui iuvenile femur, succincta sub nate, robur  
 Arguat, & tactu solido non cedat. Iniquum est

*Si qua latent, efferre foras, meliora putato:  
 Et teretis sura, brevis & pedis, inde petuntor  
 Indicia, & quicquid tunicis velatur honestis:  
 Hanc tua si speciem tibi lecta puella reponit,  
 Tu modo, quum vultum tranquillo in littore cernis,  
 Ne tibi displiceas, nec Mopsò Nisa proteruis  
 Indignè coniuncta auibus, lepidissima turpem  
 Respuat) haud dubiè formosa parentibus ipsis  
 Pignora filioli certabunt: qualia cultis  
 Sub lauris virgulta enodi germine ad auras  
 Cælestes tendunt viridi gratissima fronde.  
 Hic verò, equalis quum sit concordia vitæ  
 Coniugium, pauper tu ne quesisse potentem  
 Instituas: genus, & fastes, victòsque Syphaces  
 Linque alijs, quorum bifores vasta atria valvæ  
 Manè salutantum gregibus complèsse laborant.  
 Nube pari, nuptamque pio redamandus amore  
 Prosequitor. Parua quid causa est, quominus aula  
 Illa tibi Iuno, tu fulmine Iupiter illi  
 Deposito, unanimi possitis vinere regno?  
 Fælices quantum inuideant persæpè monarchæ?  
 At tua ne Iuno (namque hæc quandoque proterva est)  
 Insurgat, nimiosque animos spe colligat acri,  
 Exarmata tue videat si insignia dextra,  
 Longius illa caue, breue nec repetenda reponas:  
 Ut neque vibrantem metuat, neque temnat inermem.  
 Par labor est: dubiumque, metus magis, aut amor, isti  
 Conueniat: securus amor fluit, at metus odit.  
 Sed redamet potiùs moderato iure seuerum,  
 Et qui blanditijs, aliqua sed fronte, modestis  
 Demeruisse volet non stulta mente puellam,  
 Que sciat à fatuo & bardo, distinguere pectus  
 Quale quidem cupiat cordata virile mariti.  
 At neque non animis multum hoc quoque conciliandis  
 Attulerit,*



Attulerit, quo quisque loco est, arte, atque parente,  
 Tali etiam uxore quasisset loco arte, parente.  
 Imprimis ne urbana viro noua nupta colono  
 Tradatur, grauibus rastris, curuòque ligoni,  
 Dedignata manus unquam admonuisse tenellas.  
 Neue Palis traducta sinu rubicunda virago  
 Rustica, Mercurio multum irridente, mariti  
 Ausit inexperta sese iactare taberna  
 Urbani, tenuisue plicas, quibus ante coegit  
 Lintea texta domi digitis ex cannabe crasso,  
 Indoctè, stomachante viro disperdere byssi:  
 Aut abacos vitro instructos, ea pocula sagi  
 Esse putans ritu horridulo tractanda paterni,  
 Durius immiti contingere pollice: clarum  
 Quum videat sonitum tot crustas adere fractas,  
 Quàm sibi displiceat? quàm vellet sydere lauo  
 Nunquam adeò insuetis bos ad ceromata membris  
 Accessisse, sui iactura, & bile mariti?  
 Quid referam? notos cupiat, pertasa taberna,  
 Ad postes nigra inductos fuligine, quiduis  
 Exegisse opera potiùs bene firma valentis.  
 Siue molat trusas segetes, nec fursure curet  
 Exacte tenuem frugi purgare farinam:  
 Siue colis fusos filo demittere crasso  
 Instituat, staménue alterno pro pede cogat  
 Surgere, & immisso radij subtegmine texti  
 Induuias molita viro, natisque, per Austros  
 Cum grauis agricolas etiam ipsos detinet imber:  
 Aut cælo exiliens tectis incompa sereno,  
 Vtiliter paruis messorum conserat hortis  
 Prandia, serpillumque potens, porrosque virentes,  
 Alliàque in simas sensim ascendentia nares:  
 Sine canens pastas vocet ad mulètralia vaccas,  
 Ille ultrò accurrant domine, studeantque leuari



*Vbera consuetis se demittentia palmis:  
 Sine aliud quiduis faciat rurestris oppella:  
 Quàm nihil, unde pigram meritò vicinia damnet,  
 Tota Pali, aut Cereri, aut Pani dumeta per aspra  
 Exponens duros multo sudore lacertos.  
 Quancquàm equidem urbanas alicui incubuisse labori  
 Tantum aberit, lentæue ut nolim occurrere vitæ  
 Illius, extincto quæ fleuit passere, quantum  
 Non olim patrio concesserat orba sepulchro,  
 Ut potius segnes superare Cupidinis arcus,  
 Illicitâsq; faces, occlusis auribus, uni  
 Intentas iubeam, vitata per otia, casto  
 Quem fugit ille malus, glaciem ceu flamma, labori.  
 Nempe nec assiduo vestras custode, aliorum  
 Seruari de more, velim non sponte pudicas,  
 Usque adeò illa via est iam stultè ingressa maritis  
 Zelotypis, nimia pariter se affligere cura,  
 Et sumptu: ornatas, pictas, nil denique agentes  
 Dum dominas altis seruant penetralibus, aut si  
 Has prodire sinunt, tanta hoc fit denique pompa,  
 Ut non non Memphiti productus ab æde Serapis  
 Ibat linigeris quondam per compita mystis  
 Structior, ostentans sacrata cornua fronte.  
 Stultum erat hoc (dices) sed quid discriminis (oro) est?  
 Ille bouem: anne tuam tu custodire iuuentam  
 Iam venerabundus, tanquam pro numine, pergas?  
 Quanto rectius hoc, veris vxoribus uti  
 Ut veris, nec imaginibus? tu rostra, forumq;  
 Procures, villamque & prædia? degener illa  
 Tanquam aliena, domus intra nil curet agendum  
 Septa maritalis? nec saltem prouida seruet,  
 Quæ tua sedulitas longinquis vexit ab oris?  
 Nempe tuum est rem augere foris: rem gnauiè auctam  
 Illius est parili pensare, & condere cura.*

Ergò aliquid semper quod agatur, fœmina frugi  
 Inueniet, media quantumuis degat in vrbe,  
 Pensa trahens, pictis discrimina siue tapetis  
 Tot varians, quot formæ insunt animantibus ipsis,  
 Siue colant terras, seu pennis aëra sulcent.  
 Atque erit hic intra proprios aulaa penates  
 Fœmina quod princeps comitum confecta labore  
 Ipsa comes, præseseque operis, venientibus ultrò  
 Hospitibus monstrare queat, non segniter horas  
 Contestata suis, sed nec sibi deperisse.  
 Parte alia, ni lini fices, & ruris, & urbis  
 Matrona, Angliacis auferre hoc dedecus oris  
 Instituant, alia merx hac exotica parte  
 Linea dehinc vestris ne det mantilia mensis,  
 Nec quæ vela suis vestra de more puella  
 Et capiti, atque humeris niue candidioribus aptant,  
 Seu tandem tenui quacunque indusia lino  
 Texta cuti propius, seu vir, seu fœmina gestant,  
 Nil video, cur non posthâc infamia pœne  
 Iuncta nurus segnes taxet: certetur & ipsis  
 Inter, ut insignem capiat dignissima palmam,  
 Ore virum laudata, alias dolor vrat inertes.  
 Nempè tuas tela, matrona, & gnaua, per ades  
 Cannabis, aut lini contuso cortice, tunc  
 Quicquam habeas, quod non tibi dextra domestica texit?  
 Quis pudor? imperio tantum cecidisse maritos?  
 Mancipia ut probrum hoc uxoriam facta, silenter  
 Dissimulent? adeon' senuerunt omnia luxu?  
 Quod si etiam hoc summo princeps pro iure vetaret,  
 Nescio num tabulis melior sententia fixis  
 Proponi, aut populo possit magis apta supino.  
 Nam quæ præsens socordia temporis extat,  
 AERE nec exiguo tela hac aliunde parata  
 Vestratum depexit opes. Nec dicere promptum est,

Grandæue viduo matres lare turba superstes,  
 Re tenui, tenuisque nurus, tenuisque puella  
 Quot benè linifica poterunt ope ducere vitam  
 Textrina, Isiacis quæ primùm venit ab oris,  
 Si placet hanc manibus ritè exercere pudicis.  
 Ipsa Paratonias posthac non latior vrbes  
 Inachis aspiciet, querulo celeberrima sistro,  
 Tot studys gauisâ coli: partita labores  
 Fallet opus cantu, formæ assimilata corona  
 Cura puellaris, fusosque, rotasque, colosque  
 Expediet, tum linigero trahet undique penso  
 Fila, nec arguta pollex quæ spernat Arachnes,  
 Nec tua, cui posita fama est Tirynthia claua  
 Robora, ridentes inter neuisse ministras.  
 At neque Palladij dotes non dicere doni  
 Fas fuerit: quo te resonet (Diua innuba) versu,  
 Lanifici inuentricem operis, celeberrimus ora  
 Velliger Angliacæ tractus? tu maxima templis  
 Digna quidem istorum cui soli altaria fument:  
 Attamen in partes Phariam si accedere Diuam  
 Et pateris, iunctoque coli non thure pigebit,  
 Nil tibi deperiet: tantùm haud ingrata quotannis  
 Illa tibi bis sex candenti tegmine mittet  
 Interulas, totidèmq; aurato lintea limbo.  
 Nec (reor) adiectis non demulcere donis  
 Torua aliàs: tanti est non expers munere Pitho.  
 Si qua suas igitur coniuncto munere palmas  
 Hys matrona libens exerceat: illa proteruas  
 Casta preces iuuenum surda præterleget aure,  
 Et prima obscenas spes herba excinet amantùm.  
 Quippè quis hic calamis aditus, pharetrate Cupido  
 Esse tuis poterit? si nullo cultior auro,  
 Si neglecta comas, si trita veste puella,  
 Soli intenta operi per tecta domestica clausis

*Incumbat foribus? presenti nempè marito  
 Munditie placitura sua, verbisque pudicos  
 Sensibus ex imis quæ spirent semper amores?  
 Absenti gratata, domum testudine seruet  
 Fixior, & gnatos communia pignora, seruos,  
 Ancillâsque, penûmque, operâsque, & denique totam  
 Rem curet, lato & redeunti occurrere vultu  
 Festinet, colloque insurgens oscula libet,  
 Oscula (Dij magni) mediûmque amplexa lacertis,  
 Mollia quæ duras moueant suspiria cautes?  
 Hic focus intranti scintillis latior actiæ,  
 Gratus domino, flamma depascet edaci  
 Fissa prius cuneis, siccataque robora quercus.  
 Interea famuli, partes sortita iuuentus,  
 Hic ocreas, alter petasum, festinus ab vdo,  
 Desessusque via demet. Stabula ipsa caballis  
 Stamine, & arenti surgent præsепia fœno.  
 At famula expedient epulas, Cereremque canistris.  
 Ipsa vna ante omnes, non dedignata coquinam  
 Inspicere, hic propria ceu quæ versetur arena,  
 A se cocta suo proponet ferula marito.  
 Ille avidus teret ore dapes, laudisque merenti  
 Ingeret, & cupidus laudatæ labra labellis  
 Carpet, inoffensa iam iam latissimus aula:  
 Sæpe loui summo tacitas qui dicere grates  
 Coniugis ob tantæ genium, dotisque pudicas,  
 Nec Venerem interea cesset sibi numen amicum  
 Propitiare prece, & lectos promittere honores  
 Ipsi Hymeni, structam quadrati marmoris aram,  
 Turture quæ gemino fragrant inter odores  
 Fumet, purpureis sertis redimita quotannis.  
 Scilicet in votis quid maius poscat habendum  
 Morigera, & gnaua? cui forma vxoria culpa,  
 Atque vacent mores: miti, sed non ita tardo*

*Ingenio, argutis quin festiuissima dictis  
 Sapè iocans hilari certet: sin fortè redibit  
 Mæstior, hic caueat turbato opponere quicquam,  
 Quod magis irritet, non ficto ast anxia vultu  
 Mæreat, & captet molliſſima tempora fandi,  
 Ipsa quidem simplex, nec libro operosa magistro:  
 At perdocta patris quæ secum ex adibus acris  
 Afferat æconoma studium, part'esque probatas.  
 Nempe, hæc tuta magis. Sed ut est sua cuique voluptas,  
 Qui volet insignes committere fortè pœtas  
 Quæ queat, atque sophos fari quod torqueat ipsos:  
 Illum ego perpetuæ censura, ut iuris adempti  
 Subjicio. Sciola nihil est audacius: aut se  
 Præferet, aut quare? ad cramben, bis t'erque reponet.  
 Lata tibi currant conuiuia liberiori  
 Sermonis serie? nutu, aut pede torua iocosum a  
 Impediet. Largire aliquid? largita negabit  
 Penè supercilio. Soli quum sola per umbras  
 Conuenit? hic nihil est intempestiua loquente  
 Intolerabilius: tu iam resolutior ultrò  
 Delicias, & verba voles sine felle, venusti  
 Plena ioci, lecto geniali, & lusibus apta?  
 Illa memor dictum hoc, factum hoc, refricabit ab ouo,  
 Si qua per elapsum commissa erratula solem  
 Ignaro exciderant, nec culpæ obnoxia, nigrum  
 Ni quod sustineant (se iudice nempe) lapillum.  
 Quid facias? curis tui lenimenta parabas?  
 Illa mouet bilem. Ludo tibi fortè futuram  
 Sperabas? ludos hæc te facit, & propè tangi  
 Se vetat: aut si dat, minima est non gratia, tunc si  
 Docta solæcismos non imputat: ut potè casta  
 Nasonis dudum pronectior arte magistri.  
 Si non hic etiam Zenones, siue Cleanthas,  
 Carneadæ sue crepat: sed fac se coniuge dignum*

Te putet: en quotus est tam doctam ferre puellam  
 Qui mereat? pleno aut poterit qui pectore habenas  
 Immodicæ rexisse suæ, quæ iura marito  
 Iam dare doctæ sapit? libros euoluere magnum  
 Esse putat, nec prima domus elementa regunde,  
 Nec didicit paruo pultem coxisse puello?  
 Stulta inuuant stultos. Populi pars maxima stulta est.  
 Nec tibi morosa sapiens uxorcula fronte  
 Parte placere potest meliori temporis: æquum est  
 Quod rides, non illa procax irrideat. Id, si  
 Illa magis sapiat quam tu, dubio procùl, & mox  
 Expectes: fragilis tanta est ea nausea sexus.  
 Nempe nec inuitæ cupiat cordatior ullus  
 Imperitasse suæ. Qui vult dare iura volenti,  
 Fac minus illa sciat, miretur verba loquentis,  
 Suspiciat, memor obseruet, nec spernere tentet.  
 Tota sed à vultu dependeat usque mariti,  
 Viribus & sexupotioris, leta libenter  
 Si iuga ferre volet mulier, quæ ferre necesse est.  
 Attamen exculto vir præstans pectore, cultam  
 Si tollit (quæ cura sonet plarasque parentum,  
 Et iubet à teneris operosa volumina cunis  
 Discere, Apollineo solamen dulce marito)  
 Fortè pares studijs sors quos coniunxerit æquis  
 Fælices ter, & ampliùs ipsa ad funera reddet.  
 Rara sed hac paucis contingit copula: nunc ut  
 Degeneres animos aurum arguit, & sacer æstus  
 Querendi generum, qui conficit omnia, Plutum.  
 Barbarus ob titulos (quid non speremus amantes?)  
 Sine senex grauida cui turget census in arca,  
 Bis puer effæto quamuis balbutiat ore,  
 Prima leget rare tam culta roseta puella.  
 Illa quid? in questus nisi quòd resoluta gementes,  
 O pater, ò diuo exclamet sors improba fato:



Huic ego delicias, crescentiâque oscula demens  
 Seruavi, & primos (heu) virginitatis honores?  
 Ah quia nam patrio tantum dant biblia iuri:  
 Sed si corpus habet vir iam meus, attamen omnis  
 (Vt reor) ipsa mihi remanet mens libera vinculi.  
 Hanc ego vel medijs elabi amplexibus optem,  
 Elabetur enim, fugietque auersa petulcum,  
 Ille meo necet si quando brachia collo  
 Rusticus, & sima melior dare basia Copæ.  
 At vos ô duri miseram lugete parentes,  
 Si ferro, aut laqueo, laua hac me exoluere sorte  
 Sustineo: inuitas nec claustra tyrannica seruant  
 Magnanimas, adeoque mori stat cuique suum ius.  
 Sic male consartos neque pronuba lustrat amores  
 Magna Iouis coniux, neque suauis sparsa liquore  
 Oscula Acidalio Charites de fonte ministrant,  
 Atque neque dulce tuens tædas Erycina coruscat  
 Balsamina saturas gutta, terue vrget in orbem:  
 Torua sed obscuras picea nigredine Alecto  
 Ipsa faces præfert nubentibus, & malus Hymen  
 Triste ululat, Stygiôque etiam linit unguine postes.  
 Ergò nec hoc nihil est: mulier si pulchra supernè  
 Desinat in piscem: quorsum conamine tanto  
 Attinuit luisse operam? non luditur (oro)  
 Quum datur insulso mulier Phæbea marito?  
 Digna, nouos in quam Paridas miser ille pauescat,  
 Ipsa aquilas, taurôsq; legens, suspiret ab imo,  
 Fælicèsq; vocet quas autor crimine purgat?  
 Quanto erit hoc satius, succi quum protinus expers  
 Testa recens, talem seruat constanter odorem,  
 Ille rudis qualem primò instillasse laborat,  
 Informans propriam figulus non insecius ollam  
 In quodcunque volet, seu malit rura, vel urbem,  
 Sine lyra aptatos digitos, uncône ligoni?



Illa nihil sapiens melius, quam vir suus optet,  
 Tota viri studijs, iussisque obtemperet ultro?  
 Nempe ita ni duro vir gestet pectora ferro  
 Dura magis, toruis etiam Cyclopius ut sit  
 Toruior, & nulla dehinc conciliabilis arte,  
 Omnia longanimi tolerantia cauta puella  
 Conficiet. Plerasque bonas, tractatio prauas  
 Esse facit: sine corde viri si signobile nomen  
 Seuit, Cumani laruatum tegmine aselli.  
 Quando hodie plures cogit Xantippa maritos  
 Effera, Socraticas tandem transcendere metas?  
 Est modus. Est facilis nonnunquam obliuio multi,  
 Ne qua viro semper memori succenseat ira:  
 Ille cicatrices veteres morosior usque  
 Ne fricet, ut rabiem iam desperatio cogat.  
 Denique succinctis complectar ut ultima verbis,  
 Si noua nupta volet, quamprimum cerea sese  
 Fingere ad exemplar morum, vultusque mariti,  
 Ille etiam summo si nolit iure, nisi expes  
 Alterius cura, extremas adhibere medelas:  
 Concordes securus Hymen feliciter ambos  
 Duxerit ad sera vix tempora sensa senectæ.  
 At tu (sancta Venus) iubaris pulcherrima clari  
 Sydere, surgentes seu Phæbi anteire quadrigas,  
 Labentisque polo tibi stat deducere currus,  
 Quod superest, placanda manes. Instaret uterque  
 Thure dato coniux redimitas Numinis aras  
 Tædiferi, ut castos amborum suggerat ignes  
 Mentibus, & nullo violandum tempore vincli  
 Ius initi, quod non olim cariosa vetustas,  
 Nec canis comitata queat dissoluere ruga,  
 Nec facies obiecta nouo formosior ore,  
 Nec genus, aut lecti spes insidiosa potentis:  
 Ast qui primus amor iuuenili in pectore sedet,

Ille etiam unanimes foveat, constetque sepulcro.  
 Tanti opus hoc, tantisque viget Venus alma per auno  
 Viribus, omnigeni tellure, atque equore fetus  
 Semina inexhausta dum passim lege propagat.  
 Quae si fausta suo lustrarit sydere matres  
 Angliacas (adhibete preces, linguisque fauete)  
 Ille inconcussim, genialis fœdere lecti  
 Servato, egregiam prolem patriaeque, virisque,  
 Atque suae parient solamen dulce senectae.  
 Parte alia, admissae Veneris rata sacra pudico  
 Coniugio pubes, ubi iam maturuit annis  
 Percolet, atque status vitabit caelibis, atras  
 Lege monente notas, nec præmia ter patris ausit  
 Temnere, moratis proprium quod civibus esto:  
 Hinc, dispersa vage per corpora multa libido,  
 Haud ullam solido iunctam ne fœdere tollat:  
 Inde Iovis summi monitis submissa propago,  
 Ut faciat lapsi generis reparabile damnum.  
 Hac ubi dicta dedit rauco de gutture coruus:  
 Suspexit, fixamque aciem ad convexa sereni  
 Aetheris intendens, ceu iam reuocatus amica  
 Voce foret, vocem ipse etiam sentire videbar:  
 Explicuit geminas pennas nigrantibus alas,  
 Iurantique manu raptis curvo ungue tabellis  
 Has (ait) ut Momo referam (namque innuit) æquum est.  
 Nunc abeo: tu chare vale, monitusque fideles  
 Excipe, & ordita iam mox subtexe Camæna.

# DE REP. ANGLORVM INSTAVRANDA,

## Liber Decimus.

**R**aulatim extrema videor succedere metæ,  
Egrè fessa trahens niſu veſtigia crebro,  
Ardus non paucis ſcatuit via tota ſalebris,  
Quà metimur iter. Pelago iactatus, & iſtis  
Saltibus en iterũ exceptus, prærupta ſupremi

Horrebam (ſateor) ſimulachra obiecta laboris.  
Quod ni cura Deũ dextra auxiliante leuaſſet  
Labentem, in primo deſiſtens limine grefſus  
Perplexos retrò, ſpe ſuccumbente tuliſſem.  
Sed vicit bona ſedulitas: iamq, improba ad imam  
Duçta manus tabulam, quamvis laſſata, decenti  
Geſſit opus totum (ſi fas) circumdare limbo.  
Nempè nec innumeris conſertus floribus hortus  
Proderit, incinẽtus ſi nullo ex ordine proſtet:  
Nec ſi limbus abeſt, tela qui fila cõercet,  
Et certo laterum adſtrictu vaga ſtamina cogit,  
Iam dubium eſt, quin tela patens mox diſſuat ultrò.  
Qualis enim pleno ſtuitus ſi turgeat alueo,\*  
Et nihil ipſa Hyades tumido moderabile ſuadent,  
Protinùs obſtantes certet tranſmittere ripas,  
Multa mouens, caput imbriferũq, in margine ponat  
Penè quidem victor, latè ſtagnantibus undis:  
At ſi exultantem, ſummis licet incubet oris,  
Ripa ſuo inſiſtat melior compeſcere vallo,  
Poſtquàm omni conniſo opera vis irrita fluxit,

\* Synxer.

Impetus ille ferox, sensim & fera corda residant:  
 Haud secus informem, nulla & ratione ruentem  
 Alma salutarì limbo reverentia legum  
 Constringit populum, propriâque in sede reponens,  
 Communem servare docet rem partibus æquis.  
 Hoc caput, hoc calx est. Non cætus civicus ullus  
 Olim, hodiè, aut posthâc iactis sine legibus usquam  
 Exstitit, aut extare potest. Lex spiritus ipse est  
 Civilis vitæ: tolle hanc, simul eripe moli  
 Corporis infusos anima immortalis honores,  
 Qua viget omne animal, sentit, sapit, atque movetur.  
 Nimirum non grex nomen trahit, aut armentum  
 Civilis cætus (quamvis animalia quedam  
 Bruta representent socialis fœdera vitæ)  
 Quod natura dedit brutis, perfectiùs artis  
 Auxilio mens culta viris, ratioque peregit,  
 Vivendi instituens ritus, quæ iura vocamus.  
 Iura Deum agnoscunt cæli, terræque potentem,  
 Iura dedere suos populis regesque, ducésque,  
 Atque alios quorum imperio respublica sponte  
 Contulit excelsos, moderandi insignia, fasces.  
 Iura nefas prænis, fas distinxere merentium  
 Muneribus: decus hinc, illinc comes additur ingens  
 Dedecus, ad seros transmissum utrunque nepotes.  
 Denique setuiros humiles, placidósque, potentes  
 Iura sua statione, locoque, atque ordine sistunt.  
 Quæ, quoniam hæc, & plura viris operata modestis,  
 Utilitate suâ iustum, rectumque probârunt,  
 Dignum erit extollant homines venerabile donum  
 Iustitiæ, quæ palantes in culta vocavit  
 Oppida, & à victu reuocavit prima serino.  
 At neque lex omnis confusè est omnibus apta,  
 Nec decet ad normam cunctos componere eandem,  
 Qui diuersa sui cætus fundamina ponunt.

*Hoc solo aequales cunctos statuisse licebit,  
Omnibus ex aquo lex si proponitur, unam  
Conciues urbem proprio qui fœdere condunt.  
Iuris enim par sit fretos munimine eodem,  
Sedis ut eiusdem socios, agnoscere lancem  
Æquatam inter se, nihil hic fidentiùs ullo  
Ob genus, aut vires, aut structos aris acervos,  
Tentante in minimum quemuis de plebe, quod uno  
Non omnes, iure uni, animo punire laborent:  
Quantumuis positas leges differre videmus  
Diuersis, aliæque alios distinguere forma.  
Forma etenim tali melius ceu convenit, æquum est  
Non aliena unquam lex adita quadret ad unguem,  
Ne seruare volens, ut talis, talibus obsit,  
Inducatque nouam formam, migrante vetusta.  
Quippè viris sensu abstruso lex una supinis  
Non semel eripuit fascès popularior: illis  
Regia dynastas peperit, popularibus antè.  
Quocircà & legum caueat præscriptor eisdem  
Aut varia, aut illis non conuenientia ferre.  
Ista sed ut speciem clarescant turbida prima,  
Altiùs à puro deducam singula fonte.  
Principio, cætus hominum Natura creauit,  
Addidit utilitas iunctis socialia iura:  
Quumque modo triplici foueat Respublica rectum,  
Seu rex, seu populus præsit, lectusue Senatus,  
Est eadem cunctis diuerso iure voluntas,  
Et similem absimiles prætendunt denique finem:  
Nempè suos, & se saluos communiter omnes  
Exoptant, cunctis cœundi hic terminus extat.  
Et quanquam varijs quandoque hæc terna figuris  
Plus minus alternant plexos per mutua nexu,  
Nomen at hinc propriè queuis Respublica sumet,  
Vnde alijs longè præstans in corpore pars est,*

Cuius ab arbitrio rerum flectuntur habena.  
 Nunc, licet affectu vario diuersa sequentes,  
 Quilibet ipse suam certet præponere Spartam,  
 Nil opus hic critici partes tractare magistri,  
 Quin potius linguam positam sub iudice litem.  
 Quamuis longa dies, & rerum prodidit usus  
 (Vt nec apum memorare velim quæ forma regendi est,  
 Nec super ipsius proponam exempla Tonantis)  
 Vnum aliquem, annosa pro maiestate, monarcham  
 Qui proavos numerare queat, proauumque parentes  
 Insignes patrio semper diademate reges,  
 Plus oculos, animosque suis perstringere sceptris  
 Multorum quam sorte datos ad tempora fasces:  
 Quos propria sumptos spernet de face popellus.  
 Quum male priuatus dudum, priuatus & actio  
 Tempore sustineat solij decora alta vetusti,  
 Ciuibus ut propriè metuendum, & amabile dictet:  
 Immò equidem æquales inter, contentio discors  
 Exagitat stimulis rarò vnica corda superbis.  
 Tutius est igitur soli indulgisse perennè,  
 Ille licet quandoque ruat sine iure proteruus,  
 Quàm fera ab æquali passos ludibria dextra  
 Post multis seruire viris, quibus excidit vnus.  
 Vndique nam vitijs quum perfectissima nobis,  
 Et scateant multa nostra in compagine rimæ  
 Fælix, atque bono dicetur proxima gens hæc,  
 Quæ minimas toto sustentat corpore labes.  
 Nam nihil optantis fuerit, proprièq; Deorum est.  
 At bene si mixtis iungant se partibus, & rex  
 Et procures, quodamq; tenus suffragia plebis,  
 Vt, quod præcipuè pulchrum est, in quolibet horum  
 Concreta, & dubia tandem sub mole resurgat:  
 Hic ego natales cupiam, & duxisse senectam,  
 Optatosque lares sero posuisse nepoti.



Regnum igitur (quoniam regi submittimur Angli)  
 Dicitur populi res, & tutela Britanni:  
 Cuius ab imperio scripto de iure iubentis,  
 Legibus & patrijs nixi, vis maxima pendet.  
 Qui neque si possit, cupiat percurrere iustum,  
 Nec cupiens noua iura ferat, seu condita tollat  
 Non prius ordinibus regni de more vocatis,  
 Vt procerum, populique, rato stent ordine vota,  
 Omnibus & positum sciscat coniuncta voluntas:  
 Hic modus, hoc trutina libramine, gemmeus esto.  
 Rite regit, qui sponte suos in vota coëgit,  
 Libera permittens consultis ciuibus ora,  
 Siue fabæ (forsan) potiore vocibus usum,  
 Maluit atque patris præponere nomen herili.  
 Sic etenim longa regnum immortale catena  
 Legitimos statuet regali ex stemmate reges.  
 Præcipue si quos regni antiquissima vincla  
 Addiderant Comites (latet ipso nomine sensus)  
 Aduocet in partes operis, curæque profundæ,  
 Conspicuos censu, & genere, & virtutibus altis,  
 Rex caput ut reliquos per brachia protegat artus.  
 Si verum est, unum non uno tempore corpus,  
 Munus idem supplere locis bene posse remotis:  
 Nec Thamesim (hyberno si quid magis arroget imbre)  
 Stagnantem, recte pratis sitientibus addi:  
 Nam ruit, & nulla infrænis tunc lege mouetur)  
 At bene compositis sedatus quum fluit undis  
 Tum satagat, riuos primæuo à flumine ducens,  
 Irriguas fossor sulcis immittere lymphas:  
 Quæ nec depereunt, nec dando depexit ipse,  
 Qui fluit, à vena fons semper diuite manans.  
 Nil etenim fonti deductis brachia fossis  
 Abscindunt, quod non multo cum sænore partes  
 Retribuant: postquam fonti terra humida rursus



*Subjicit occultis alimenta perennia venis.  
 Hoc igitur plebique, & regibus vsuerit ipsis,  
 Esse aliquos, medium quiddam qui finibus aptè  
 Concilient, nodòque ligent extrema reducto:  
 Quum neque plebeio se misceat alta potestas,  
 Nec gratè aspiciat populus sublime recurvus,  
 Ni medio insistant ambos connectere vinclo,  
 Quos proceres, satrapasue, ab auita stirpe decorum  
 Intulit, & regum voluit latus indefesso  
 Consilio, regnique vices pro parte tueri.  
 Quos equidem, an casus primum, an solertia struxit,  
 Non adeò arguerim: utilitas venerabile donum  
 Agnoscit: prudens cauitque nepotibus ille,  
 Qui primus voluit quiddam decedere summo,  
 Et minor esse suis Theopompus viribus, ultrò  
 Inductis Ephoris: nimioque, vxoria temnens  
 Iurgia, praposuit modicum, & durabile fluxo.  
 Nam neque legitimos reges per Barbara tela  
 Cinxerit ignotus laudato iure satelles,  
 Quin sua nobilium deuoto pectore cura,  
 Atque amor, officio certans occumbere in ipso.  
 Nec genus inuisum, suspectaque dona tyranni,  
 Si tenera linquat, spem vanam atate, puellum,  
 In sua seruârint surgentia vulnera ciues,  
 Quum metus omnis abest, odio post fata manente.  
 Que dubio solers quisquis sub corde volutat,  
 Sit licèt infandis Domiti securior ausis,  
 Aut cui castrensis caligæ cognomen adhasit,  
 Ipsum etiam exuperans lecta feritate Neronem:  
 Vix unquam placidos carpet per membra sopores,  
 Excitus aut furia facibus, scelerumque latratu,  
 Ostentisue nouis, maternisue insuper umbris.  
 Quin vigil intensas tantillum fallere curas,  
 Nec poterit tortis iucundum admittere fibris.*

*Quicquid*

Quicquid id est, metuat metuentes ipse necesse est,  
 Et frustra à imploret, quos nullos fecit, amicos:  
 Seu caueat medijs grassantes ensibus enses,  
 Aut suspecta thori genialis culcitra primum  
 Sollicitè excutiat, quàm coniugis oscula libet,  
 Pocula seu proprio à gnato porrecta reuitet,  
 Siue etiam volucrum plangentibus intremat alis,  
 Aut demùm propria consurgat territus umbra,  
 Nil habet in tota securum cæde tyrannus.  
 Quoque magis pergit, structos magis induit in se  
 A coniuratis gladios, & spicula dextris.  
 Vsq̃ue aded, ut seras cupiat deponere sicas,  
 Vellet & infelix vltro plebcius esse:  
 Sed semel arreptis vrgens lupus auribus obstat,  
 Et iubet optatam iam desperare salutem.  
 Pæna suos igitur perdentem plurima vindex  
 Exagitat, viuas corrodens vsque medullas,  
 Sanguinis & fusi stimulis præcordia carpens,  
 Mille cruces scelerum capiti per iuge rependit.  
 Quæ quoniam sceptri nouitas tam dura ministrat,  
 Est magis à summo votis, & pectore, rege  
 Optandum, ut solij longum conseruet auiti  
 Progeniem, ignotis ciues nec fascibus addat.  
 Sanguinis hæc etenim tanti per mutua vis est,  
 Vsq̃ue ab auis, atauisque, genus quum pareat uni,  
 Vsq̃ue ab auis, atauisque, vnos qui vendicet idem,  
 Vt neque non cupiat saluos, foueâtque paternè  
 Non minùs ac proprii connatos corporis artus,  
 Qui primam statuet, seruato ciue, coronam  
 Rex pius, imperio miti popularitèr actò:  
 Nec domino parere velit plebs anxia, quem non  
 Aptatum longo à maioribus induit usu,  
 Ipsum aded obseruans, qualis quæ flore sequaci  
 Lutea se flectit Clymene ad vestigia Phæbi,

Ipsi adeò exoptans Tithonia secula, prolis  
 Vt tamen augustæ spem votis nutriat aquis.  
 At quoniam ordo triplex regnum moderamine certo  
 Sic struit Angligenis, ut prima, & summa potestas  
 Regia, non procerum suffragia, nec statuentis  
 Coniunctim populi assensus pro parte repellat:  
 Nunc, quo ritè suis nectantur summa supremis,  
 Et medium extremos hinc, inde refarciat artus,  
 Quæ leges, qua temperie concinnitèr istud  
 Corpus alant mixtum, foueant, seruentque, videndum est.  
 Imprimis, quæ lex partes non respicit omnes,  
 Ast alijs, unam protollens, derogat, ac si  
 Fraude mala statuatur, non tanta, at tota potestas  
 Hanc penes existat, reliquis sua iura coarctet,  
 Illa quidem nonum (moneo) expendatur in annum  
 Quid velit, insidijs ne incutos opprimat omnes.  
 Nempe tribus simul ordinibus ius esse sacratas  
 Condendi leges: patrio pro more vetustas  
 Longo vsu si docta tulit: modus iste rogandi  
 Haud secus ac basis hanc nostram sic constituit rem,  
 Vt si inconsultis reliquis pars vlla superbo  
 Imperio quicquam statuatur, seu tollat, ad omnes  
 Quod spectat, posthac quo nomine lesa vocetur  
 Publica res nobis, nihil ampliùs ipse laboro.  
 Sufficit, ut nomen taceas, rem nosciet ipsam.  
 Aurea paulatim mixtura antiqua nouatam  
 Quum recipit formam, libertasque unica rerum  
 Destituit sensim ciues leua arte nouantes  
 Sapè quod ignorant. Tanta dulcedine vanos  
 Immutare iuuat, cuius vel postera secula  
 Pœniteat, tunc quum nec se reuocasse priorem  
 Ad formam tutum est, habitu semel altero adepto,  
 Nec tamen illa recens placeat, quin se arguat vsu  
 Degenerem: unde nouo studio peregrina probandi,

Turba leuis rursum insuetis se legibus aptet,  
 Qualitèr immisso clauum propellere clauo  
 Assiduè certans per mille foramina putres  
 Exterebret tandem tabulas, & inutile lignum  
 Reddat, Mulciberi tantum fornacibus aptum.  
 Longè aliud quondam placuit Locrensibus, alto  
 Iudicio antiquas leges, formamque regendi,  
 Sic tandem intacta serie retinentibus, ut si  
 Aut veterem delere parans, aliamue rogare  
 Instituens, populo faceret quis verba vocato,  
 Colla prius laqueo nectens, ea pacta subiret,  
 Aut persuadendi quod iam desumpserat, aut mox  
 Tentatos temerè ob ciues capitale ferendi  
 Supplicium, duro exemplo documenta daturus,  
 Obstringente gulam laqueo quem nexuit ipse,  
 Tranquillos populi affectus, placidamque quietem,  
 Sollicitasse nouis num præslet denique cæptis.  
 Quippè grauis tardo quum stet Respublica motu,  
 Haud alitèr vasto quàm si pede machina mundi  
 Longum opus immenso motus vix compleat anno,  
 Circulus ut magnum tandem consarciat annum,  
 Hanc si tam lenta Numen ratione ministrat,  
 Par erit ipsa Dei ciues exempla sequamur,  
 Ordine seruato, ne precipitanter agamus,  
 Lege, modòque suo maturè quod statuendum est.  
 Nempè vel in quouis mutatio facta repente  
 Corpore, suppositi si plena est usque pericli:  
 Heu que intemperies, que turba denique molem  
 Ciuilem, si fortè quid est mutata, sequentur?  
 Hinc ergò & nauos potiùs tolerare monebat  
 Intactos (qui vix quicquam molitus ineptè est)  
 Dius Aristoteles, studio quàm restituendi  
 Festino, ingentem subito accelerasse ruinam.  
 Hæc si fortè bonos ciues exempla mouebunt,

Dispiciant, num si figant, iterumque resigant  
 Tantilla inducti tabulas ratione sacratas,  
 Idque repentino momenti ad tempora motu,  
 Longa quies possit rem constabilire fluentem  
 Assidue huc, illuc: pila ceu versatilis aquam  
 Quae per planiciem digito propulsa, rotundum  
 Sistere vix corpus longo post tempore nouit.  
 Sic patria leges, quarum veneranda vigeat  
 Simplicitas, dum cana fides melioribus annis  
 Maiores dedit indignos nunc labe nepotum,  
 Quid (quaso) meruere nouis centonibus usque  
 Iam superinduci toties? pulcherrima pridem  
 Quum fuerant nobis primaeva volumina legum  
 Nudalicet, posita ceu praestans veste puella?  
 At (reor) ut simplex victus, cultusque priorum  
 Transijt in varias, tanto discrimine, formas,  
 Nunc tandem varijs opus est compescere franis  
 Multifidam renouis gentem quae pullulat hydrys.  
 Hoc si forte placet: quidnam est tam multarecudi  
 Iura noua assidue cum cernimus, Iliada ipsam  
 Prolixo ambagum longè superantia textu,  
 Quid tam rara hodie morum sartura sequatur?  
 Brutane sunt legum nostratum fulmina? an ipsi  
 Custodes fædè labendi exempla ministrant  
 Prima suis? an forte sat est insisse? nec ullo  
 Iam custode opus est? ceu plebs obtemperet ultro?  
 Quicquid id est, hoc non nihil est: miserumque profecto est,  
 Turba virum tanquam medicorum destruat agrum,  
 Sic tanta in legum farragine, tot simul actis  
 Quotidie cuneis, patriae perrumpere iura,  
 Iura vel hesternis frustra praefixa columnis.  
 Nonne fuit satius, modico texisse paratu  
 Perpaucas, benè constantes, meliusque notatas  
 A populo, & prono seruatas pectore leges,

*Vnius exemplo tempta, quàm solucere cunctas?  
Quippè, quid hic causæ est, vnam qui tempserit, idem  
Non alias soluat, commissi hortamine fretus  
Impunis? sin fortè bonos vel sponte putâris  
Esse homines: erras. Lex sic custode tuenda est  
Peruigili, vt nullam veniæ spem porrigat ausis  
Illicitis. Qui nil condonat, limine primo  
Fortè per indocti dicetur compita vulgi  
Crudelis: verùm hunc, vno, qui iure perempto  
Innumeros scelerum intactos à crimine terret,  
Arbitror humano ingenio magis esse propinquum,  
Quàm stulta vnus noxa qui parcit, vt omnes  
Post eadem veniæ spes turpibus illiget actis.  
Frustrà igitur bonus ille Solon prædura Draconis  
Sanguine scita tulit scribi: dic optime, tunc  
Tam mitis plures iugulas, an acerbior ille?  
Nouimus, & quò se nimia indulgentia profert,  
Testis es ipse, tuæ patriæ popularia iura  
Qui statuens, viuis patria vidisse tyrannum  
Diceris, atque tuos iam tum sensisse subactos.  
Attamen, vt regi gladios hæc dura ministrent  
Tempora, tam crebris scelerum surgentia formis,  
Nil vetat (externè quicquid simulauerit) altam  
Quin foueat ciuis seruandi pectore curam  
Anxius: & nullum plectet, quem prona voluntas  
Non benè conuincat scelus incurrisse scienter.  
Dignus erit venia, quem vis, aut nescius error  
Impulerit: quandoque etiam ni immanius extet,  
Et nulla facinus delendum tale litura,  
Ipsa potest atas, sexus, causa, & genus, atque  
Conditio, & tempus, merita atque antiqua, rigorem  
Infractum summi iuris condire minori  
Supplicio: hic quamuis idem parcissimus esse  
Debeat, & iustas potius præferre secures,*



*Sapè memor quantis indulta licentia ciues  
 Lasciuit animis correpta protinus ansa  
 Inuitet. Fluidis nihil est procliuius, omnes  
 Quà data porta, ruent, laxisque expansa iuuentus  
 Carceribus, pleno se ctabitur inuia gressu.  
 Hac verò (expertis si quicquam credimus) huius  
 Signa mali iam tum procul incumbentis, habentor:  
 Quum videas ciues paulatim (ac si ordine tempto  
 Extra aciem miles non iussus prodit in hostem)  
 Fidere consilijs, neglecta lege, petitis  
 A propria (ut cerebro arridet cuiusque) Minerva.  
 Quum sciote insistant scrutari, & querere causas  
 Cur potius non hoc lex olim, ac iusserat illud?  
 Et studio carpant maiorum inuenta maligno:  
 Quum sese & satrapis ima de classe moneta  
 Si quid habent oculi, nullo conferre rubore  
 Contendant: quidenim primi meruere parentes  
 (Ille refert media natus de fece popelli)  
 Postera progenies, diuerso ut tramite vite,  
 Pars proiectet auos, pars prandia curta lupinis  
 Conficiat? mouet hic aures circumflua turba,  
 Et tacito audacis confirmat murmure voces.  
 Praterèa, assuetum quum detrectare laborem,  
 Lentiùs & patrias tendunt meditarier artes:  
 Quisque aliud vite genus (ut fastidit auitum)  
 Arripiens, nec stare loco contentus adepto,  
 At rursus mutare, & adhuc mutare paratus,  
 Nec patiens, si quid liceat (si cæpta secundet  
 Fors sua) non prima demùm consistere classe.  
 Parte alia, ut frugi semel osa est regula victus,  
 Ut gaudet nitida tunicis plebs infima byssi,  
 Cænat apros, Bacchumque sitit, plumæque recumbit,  
 Scortatur, ludit magno, talosque palastra  
 (Quippè opus hic neruis) deses præponit honesta,*



Iam dubitâsse potes, mutatis moribus, istos  
 Et mutare statum velle, & nouitate furentes  
 Expectare ducis tantummodò inssa Cethegi:  
 Si tamen intereâ incautos non opprimat hostis,  
 Dum certant studio inter se diuersa sequentes.  
 At si non vano cupitis cognoscere signo,  
 Tabentis populi expunctam spem quamque medela,  
 Fac tantundem omnes prætendant scire: valete,  
 Plaudite, tum lumbos exporgite spectatores:  
 Fabula iamdudum vel post aulea peracta est.  
 Nullus abhinc alium feret, at (se iudice) primus  
 Esse volet, cathedrâque nouus scandisse magister.  
 Incluta sic virtus, cuius laus omnis in actu  
 Consistit, solis post hæc aget omnia verbia,  
 Disquiret causas rerum plebs stultula: quid sit?  
 Quale sit? & quantum? magno molimine certans  
 Expendet: capita & quum tot nil conuenit inter,  
 Res ipsa in dubio, magis ac fuit antè, manebit.  
 Intereâ, certi dum quid communiter omnes  
 Constituant (Gracis hoc fiet fortè calendis)  
 Non sese accingent operi, quod quæstio pendens  
 Indefinitum liquit, linquetque per æuum.  
 Atque ita nugiloquis quantum ipsa scientia crescit,  
 Crescet item fastus, lis, & discordia, & ira:  
 Hinc odium, & vindicta memor, partèsque sequelis  
 Instruēt, saxa, atque sudes, ac denique ferrum.  
 Sanguine si verò semel incrudescitur, actum est.  
 Ipsa salus vix hos in pristina fœdera coet:  
 Victa, vel inferior pars vltro tendet ad hostes,  
 Et patrie fines vna populabitur: illa  
 Dum gladijs confossa suis, & præda profanis,  
 Concidat, atque solo fumet Neptunia Troia.  
 Tum verò (heurerum faciem) florentia quondam  
 Serta perornata passim qui viderat urbi

Cingere compositos festiua fronde capillos,  
 Hospes, & obstupuit, raros miratus honores  
 Frontis, in albentes inducta marmore crustas,  
 Tale decus lacera, & scissa neglecta per ora  
 Abfore quum cernat, tales hic pectore questus  
 Proferet. O fœdam non dignè passa ruinam  
 Pulchra strues, socijs olim iunctissima membris:  
 Qua te intemperies, qua cælo fulmina, & ira  
 Cælicolum, hoc tristi dissectam denique casu  
 Turbârunt? nomen certè, sedemque notauit  
 Iampridem: maneat nomen quantumlibet, & nunc  
 Ista loci facies eadem compareat, ipsa es  
 Longè alia, ac fueras, nec iam te agnoscimus inter  
 Ruderâque, & strages, & diruta mœnia, celsis  
 Tot quondam aërias referentia turribus Alpes.  
 Scilicet (ôciues) animo hæc hausisse profundo  
 Iuuerit: externo si quid miserabilis ore  
 Ingentes poterunt vrbis mouisse ruina  
 Externos: quanto complerint omnia luctu  
 Indigenæ: ipsi oculos mentis si denique rebus  
 Internis adhibere velint? grauiora videbunt  
 Excidia, & iactas primùm intra viscera flammæ,  
 Cognatôsque animos, coeundi fœdere rupto  
 Sese inter, quàm quid tulerit vis externa damni.  
 Ciuis enim longo rerum qui polleat usu,  
 Idem etiam tenero patriam qui pectore cunctis  
 Præferat, hic homines inter quæ chara putantur,  
 Quum videat primæ surgentia semina labis,  
 Progressu in totos fœdè dispergier artus,  
 Quid faciat? clamet? quid si quem nulla potestas  
 Insignit, strepitu bacchantium exclusus, inanes  
 Fuderit in ventos ad rauim verba, supinis  
 Auribus insueto longè ingratisima vero?  
 Proderit? in summos ni se prudentia reges

*Insinuet?*

Insinuet? longè ante pedes & cernere donet,  
 Quæ quandoque grauem parient neglecta ruinam?  
 Tantùm inter densas nemorum mæstissimæ umbras  
 Solus hic assidue secum hæc, affixus Olympo  
 Humentes oculos studio profundet inani.  
 Iuppiter, omnipotens (tibi si mortalia cura)  
 Cur pater, hæc prima lentus non corripis herba?  
 Auxilioque subis? Quid nunc timeatur, apertis  
 Vel tantillum oculis stertentùm plurima posset  
 Torpedo in foribus positum agnouisse, suoque  
 Dum licet, & superest, sese excussisse veterno.  
 Nam quò (proh) lapsa concessit gloria gentis?  
 Quò patriæ cura vnanimis? quò sacra Deorum?  
 Quo decus antiquum solùm regalis? & illa  
 Præbita nobilium classi reuerentia dudum?  
 (Eheu) quid prodest cladem nouisse futuram,  
 Ni superare datur? video surgentia monstra  
 Sphynxasque, Scyllaque canes, anguësque Medusæ,  
 Harpyiasque truces, exporrectamque Chymaram,  
 Centimanumque Gygen, serpentipedesque gigantes,  
 Omnibus ut portis emissæ potentiùs istas  
 Conquassent sedes, & proturbare tridentum  
 Ictibus insistant: iam propugnacula, turres,  
 Mœnia deficiunt, nutat res vltima, fatum  
 Accelerat, nec adhuc ciues timor occupat ullus?  
 Sella magistratus quid eburnea? quidue Senatus  
 Purpura dehinc veteri pro maiestate, furentùm  
 Fecerit ad surdos alienis auribus æstus?  
 Victa iacet legum non formidata potestas,  
 Vtteriùs culto nihil hic opus ore disertis,  
 Responsis nec (Paule) tuis metuentia ferri  
 Rostra silent, mussat Prætor, vis sola gerit rem,  
 Via mala, tecta, vias, loca publica, & ipsa Deorum  
 Tempa, adyta, & quid non? suppresso iure, querelis

Confundit canique senis, puerique, nurusque  
 Imbellis, ditisque inopum spolia vltima passi,  
 Et quemcunque potest potior spoliâsse minorem  
 Viribus: ut saevo nihil hic immanius hosti  
 Attribuisse queas. Quid quòd pugnatur, & ipsos  
 Inter latrones de praeda partibus? & quem  
 Dextra potens praefert, hic Phyllida solus habebit?  
 Talibus incassum ciuis bonus aspera fata  
 Si flect, ipse animo praesenti absentia cernens,  
 (Haud aliter, quàm si vitali semine, ab ovo  
 Mox fieri pullum, cui nota potentia rerum est,  
 Nil dubitet) tum si rutilo Saturnius ore  
 Iam clara se luce Deum professus ab alto,  
 Hec referat: fili, fatum, & sua cuique dies stat:  
 Nec tamen impediunt soli secreta Tonanti  
 Cognita (quicquid id est, quod praesciat ille futurum)  
 Quò minus ad normam certent componere cuncti  
 Quam dedimus, morésque suos, momentaque vite,  
 Spe pleni, hanc quò quis propius seruârit ad vnguem,  
 Hoc illi minus à diris, monstrisque timendum  
 Tartareis, vnde exuperat genus omne malorum.  
 Tu verò iam si quid habes, aliine, minuta  
 Plebe magis sapiens diuinos aetheris haustus,  
 Quorsum haec ingrati, aut timidi praesagia vestris  
 Subtrahitis? patriamne decet sic vsque tacendo  
 Prodere? non alios inter pars vestra pericli est  
 Communis? quocirca homines quos tangit, adite  
 Vos, mea progenies: solis effundere questus  
 Montibus, in tenues quae mox Notus exigit auras,  
 Quid iuuat? haec non tam sapientem tempora possunt  
 Ceu spectatorem, quàm qui se proferat actor,  
 Labentique humeros patriae subporrigat vltro.  
 Haec pater aeterno Diuum si fatus ab ore,  
 Corripiat timidi ciuis cunctantia corda,

*Quid dignum hic tanto monitore exinde reponat ?  
Deserta ? an loca culta viris ? nemora ? an fora fidis  
Vocibus increpitet ? mediisque in millibus ardens  
Testetur patriæ impendens miserabile funus ?  
Inuitisque etiam inculcet ter amabile virum ?  
O veri sacra effigies, ô sola bonorum  
Gloria, simpliciter conceptus promere puros :  
Quò diuersa fugis ? num dissimulantèr agentes  
Respuis ? atque ideò terras exosa, paternos  
Ipsa sinus repetis ? nos falsi detinet umbra ?  
Nimirum cauet vsq; loco, meminitq; perennè  
Harpocratis : sin quid loquitur, tacuisse colacem  
Præstiterat, nocuo dominum quàm prodere palpo.  
At redeo, vnde abij. Leges adamantina semper  
Claustra inconcussas seruent, venerabile iuris  
Nomen & in sacro vigeat diademate tutis :  
Ne qui custodes referunt, sibi parcere quiddam  
Regale esse putent, plebi præfractiùs insent.  
Plus nocet exemplo minimo rex ipse profanans  
Se primum, vnde alios trahit alta libido sequendi,  
Quàm si mille viros, ob crimina quæ facit, author  
Castigans, studeat rursus prodesse minando.  
Demus enim (hoc hodiè quoniam responsa tulerunt  
Iuridicùm, cabalam arcanam qui pectore seruant)  
Maior ut ipse suis sit legibus, atque superstet.  
Attamen ut populum sibi demereatur amicum,  
Qui patriæ pater, & populi vult pastor haberi,  
Sit minor, idque volens. Nihil hic minus illa tyaræ  
Maiestas feret, aut sceptrum, si iura libentèr  
Præponit, solio excelso, quem iure iubente  
Mos vetus, atque suum vota haud inuita locârunt.  
Meta sed hic nostri propè iam confecta laboris,  
Occulit aërium densa intra nubila conum,  
Cetera candenti maior quo proxima trunco.*

Quadratum latus ecce basi superedita magna  
Opponens, fessumque ultro desistere cogit.  
Nec vanum augurium, toto quod vertice metæ  
Celsus apex oculis sese subducere nostris  
Institit, atque ipsis succedere acutior astris,  
Quantum vix acies contracta cernere fronte  
Iam queat, auratas quamvis fastigia pinnas  
Ostendant tremula radiantis luce corona.  
Ergò quidem spacijs quando hic excludor iniquis,  
(Quippe breui non est regis describere versu  
Munus, inexhausta pensantis singula cura)  
Abstineo. Haud desunt maioribus hæc quoque velis  
Qui tractata olim commendauere sequitis  
Temporibus. Meminique alio me denique Regem  
Ter magnum laudasse libro, præstantibus heros  
Auspicijs nostras nuper qui rexerat vrbes,  
Pace bonus, bello insignis, seruantior equi  
Quo fuit, aut fido non alter pectore maior,  
Quisquis in hæc oculos deflectat tempora, sero  
Nescio quid, peiora die: quo proxima satis  
Omnia nunc tacita rubigine tacta senescunt.  
Quanquam etiam paucis pauca hæc subiungere verbis  
Quid prohibet? Memorem princeps sandi atque nefandi  
Qui putat esse Deum, summo qui rector Olympo  
Despicit, & pronus cuncta hæc mortalia cernit,  
Non ita transmissis perget violasse repaglis  
Iura, & fas, arasque Deum, patriæque penates,  
Vt putet esse suos seruilia corpora ciues,  
Atque sibi natos per claustra domestica vernas.  
Vultis inoffensis animis comprehendere verum,  
Vos, quibus hæc manibus surgunt ingentia sceptræ?  
Plebs primùm reges statuit: ius hoc quoque nostrum est  
Cunctorum, ut domino faueant popularia vota:  
(Si quid id est, quod plebs respondet ritè rogata.)



Nam neque ab inuitis potuit vis unica multis  
 Extorquere datos concordi munere fascēs.  
 Quin populus reges in publica commoda quondam  
 Egregios, certa sub conditione parauit,  
 Non reges populum: namque hīs antiquior ille est.  
 Ergò sollicitis plena ut mens regia curis  
 Insomnes peragat noctes, stertente popello,  
 Et decet, & par est: postquam custodia soli  
 Demandata, gregem pastore aut ter beat, aut ter  
 Maculat, inassueto, si quos custodit, ore  
 Denoret, & saeuo crude scat dente Lyaon.  
 Sed nec tanta potest crudelis gloria facti  
 Successisse rogis: nulla pallefcere culpa  
 Praestiterit, flentēsq; oculos non ficta per ora  
 Demisisse tuos: quum tu praestantibus actis  
 Iam functus, merito migrans deberis Olympo.  
 Effice te votis optet plebs anxia iugem,  
 Perpetuumque sibi. Timeat moderantiū: at te  
 Vel sine fine pium, faustum, mitēq; salutet,  
 Atque salutaris veneretur syderis instar:  
 Non agitet diris, saeuo seu crine Cometen.  
 Hinc tur rarò alijs a demandasse memento,  
 Quae fuerant cura potius peragenda iubentis.  
 Quò tibi lictores, fascēs, sellamque curulem?  
 Si vacuum laua iam possidet arte tribunal  
 Scianus, capreis turpi bacchante magistro?  
 Villicus es: non omne tibi conuiuia tempus  
 Regali contexta terant, nec balnea luxu.  
 Nec canis, aut longa comprehensa indagine sylua,  
 Tam placeat, crebris aut scandens ardea gyris,  
 Nec sonus aurata testudinis, aut parasitus  
 Mimica in offensum iaciens diçteria vulgus,  
 Nec Lamia quondam iactata potentia tantum  
 Arroget, aut scena, aut dubijs fors anxia talis,



*Vt regem laxis obliuiscare decori*  
*Cancellis, præcepsq. ferare in scommata vulgi.*  
*Parte alia exosa est nimia inclementia fisci*  
*Insidians oculis: crudelis epistola quid non*  
*Sanguine scripta potest proscriptis demere? quid non*  
*Tetrapudicitia illudens petulantia lasis*  
*Designat tantorum animis? inuisor hic tu*  
*Quid metuas posthac, norunt etiam hij, quibus altum*  
*Sæua odium impressit violentia: nempe libido*  
*Non semel inguinibus discinctis maxima dempsit*  
*Imperia: & quantum est insontum haurire cruorem?*  
*Cautius hic agito: quamuis centesimus alta*  
*Enumeres serie tritauros in stemmate reges.*  
*Corruet hæc etiam tam longa potentia, ruptis*  
*Legibus, inmanis si pro ratione voluntas*  
*Stat tibi. Non opus est exemplis: ipse trementem*  
*Ipse horror sceleris mentem sibi conscius omnes*  
*Admotus, crepitusq. aures attollere coget.*  
*I miser, hinc plumis languentia membra reclina:*  
*Dic sileant: miles pratorius atria cingat:*  
*Heus pueri, heus, quid vult? confestim accurritur: eccum*  
*Surgentem: quidnam est? nequeo dormire, loquentum*  
*Nescio quis somnos visus turbare susurrus,*  
*Atque pedum strepitus: nemo est: satim omnia clausa?*  
*Clausæ magis Danaës quàm turris athenæa: rursus*  
*Ægra thoro curis confectus corpora mandat,*  
*Vixque oculos dulci inuitat libare sopori,*  
*Idolum obtorto circumdare brachia collo*  
*Æthiopis sentit, saltē aut sentire videtur.*  
*Exclamat quiddam argutum per somnia: Auerni*  
*Quale solent tennes campis fœlicibus umbra:*  
*Et tandem vi multa ora eluctantia soluit*  
*In questus. Mala turba accurrite: nempe quis isti*  
*Institit, (en condit se post aulea) cubili?*

*Excutite:*

Excutite: haud ullus, ne musca hic denique restat.  
 Stulte, quid hic cauisse foris iuuat? intus oberrat  
 Ille malus, geniique occurrit larua sinistri.  
 Hic alius laxo resupinus cardine rerum,  
 Imperioq; impar, & gurgite nequior illo,  
 Cui totos Tiberi loculos exhaurijt annus,  
 Opsonat solidas, alter Galienus, inulto  
 Hoste, prius partas tanto sudore tyaras.  
 Ingemit omnis eques, lato & manus addito clauo,  
 Atque renascentis lustrum timet Heligabali.  
 Tantum aliqui, abiecta plebis fax infima, laudant,  
 Ludio nimirum Paris, Ambrosiusque choraules,  
 Dignus & hys mensis conuiua Tricongius ille,  
 Atque Tigillinus, liberti etiam umbra potentis,  
 Nescio quis vanum protollens Graculus astris,  
 Graculus haud ullis nunc non visendus in aulis.  
 Heu quam declinui serus se vesper Olympo  
 Precipitat: scin' qua tandem vehat? ecce fidelis  
 Prae foribus cupit admitti vir pallidus, ore  
 Barbato: Sophus est? excluditor: alter amicus  
 Addit se comitem, cano capite ipse, paternus:  
 Quam verò indignum? (pleno hic demurmurat ore  
 Assentatorum chorus) an tu semper ephebis  
 Esse minor patiere oblitus principis? & te  
 Liber in ista dabis retinacula? non licet omne  
 Quod libet imperium partito cum Ioue? demens  
 Concredit, plenoque hilaris superascitat auro.  
 Interea magnis irarum fluctibus altum  
 Ruminat indignans populus sub corde dolorem.  
 Improvisa dies, & ineuitabilis hora  
 Alta iacit tectis secreta incendia flamma.  
 Quere tibi posthac melliti verba colacis  
 Dulcia, procincta pigmenta & florida lingua:  
 Nullus adulator morti se deuonet, ut te

Protegat : at versis fortunam passibus ambit.  
 Opecus indignum faciles quod principis aures  
 Occupet: ô magnis pestis iam tritior aulis,  
 Quàm facile ut foribus sese bipatientibus unquam  
 Excludi sinat, aut citrias non cingere mensas  
 Polypus expansis pergat, de more, flagellis.  
 At verò ancipitis quæ tandem gratia facti est?  
 Tantane palponem teneat fiducia lingue  
 Flexibilis, calidum, atque rigens ore efflet ut uno?  
 Et tegat atra albis? & mutet candida nigro?  
 Scilicet: egregium quiddam, dignumque triumphis:  
 Psittacus aurata longum nutritus in aula,  
 Xatige suum ficto scite si gutture promit,  
 Idque etiam ferula ventris dictante magistri.  
 Nonne putes melius, fas indulgere Catoni,  
 Liber, & erectus, mordaci radere vero  
 Qui sciat, & naus nondum præscindere adultos?  
 Increpet hic, à te si quid delinquitur: hunc tu  
 Tam fidum reuerenter habe. Quem gratia flectit,  
 Aut odium, aut lucri spes improba, pelle seuero,  
 Pelle supercilio: semper incunda loquenti  
 Vix tu crede Deo, quamuis oracula palpo  
 Illita purpureas sese demittere in aures  
 Festinent, adytis cælum spondentibus ultro.  
 Scilicet, hijs Ammone satos debemus, & illos  
 Pelle leonina, mediam clauag, per urbem  
 Lymphantes, Phæbósque novos testudine sumpta.  
 Nempe Palatinis Superis qui denegat aras,  
 Sanus homo est? Babylon commentum prodidit, acri  
 Ilia corrodens, iterum mortalia, lymphe.  
 Tyndaris Herculeas compressit Martia fauces.  
 Vncus Apollineum cælo deducere diuum,  
 Et potuit fædis lacerum mandare latrinis.  
 Ergo homines? mihi crede, meri: sed comprime labrum,  
 Donec

Donec Olympiaco naulum soluisse Charonti,  
 Numina conspicias dudum presentia, & Orco  
 Iam grateri bono numerum crenisse relatis.  
 It funus, pallentem animam circumsidet atris  
 Conscia Tisiphone crines innexa colubris,  
 Omnia praterita subeuntque piacula vite,  
 Quot nouies non Styx timido capiti abluat undis,  
 Nec bene centena lustret Proserpina tæda.  
 Tunc tandem dispansa patent magna atria culpa.  
 Displicet: & totis mallet quæsisse tyaris  
 Veridicos; mallet sanctas placuisse per artes,  
 Non animas letho illustres misisse, proterui  
 Rescripti ad numeros, & sequipedalia verba:  
 Non fauisse malis, non inuidisse bonorum  
 Suspectis (eheu) virtutibus, aut vice versa  
 Præmia promeritis ita subduxisse, pudende  
 Illa voluptatis cumulatò ut ferre ministros  
 Miremur: cape tu fasces Proconsulis: & tu  
 Propratoris habe: bibit hic: corruperat alter  
 Sacra Bona iam nota Dea: quantum accipit ordo  
 Quadruplatorum? mallet super omnia leges  
 Seruasset patrias, vindex acerrimus Argi  
 Centum luminibus, quibus & Iouis ales, & acri  
 Cessissent acie serpens Epidaurius. Optet  
 Non aliò detorta, suis subscribere iura  
 Fecisset placitis scelus hoc hortantibus ipsis  
 Iuridicis: tantum Masuri (si Djs placet) auro  
 Pagina corrupti confert, si dicat, opinor.  
 Multaque prater ea cuperet melioribus olim  
 Auspicys patria collata, & ciuibus ipsis,  
 Non uni desumpta sibi: ceu machina rerum,  
 Principis ad nutus solum seruire ministra  
 Debeat (ah facinus) præclaro munere abusi,  
 Quo melius, dignè, & benè gesto, non habet orbis:

*Indignè, nihil est toto infælicius orbe.*  
*Iamque opus exegi: iam pectore magnus Apollo*  
*Excutitur: gratare tuo, gratare poetæ*  
*Terra parens, oculis una ô mihi charior ipsis.*  
*Neue mihi spectro posthâc tam fæda per umbras*  
*Humentes occurre, polo dum noctis opacæ*  
*Vela tegunt vultus, tunc quum placidissima somnos*  
*Fessa trahunt terris animalia cuncta silentes.*  
*O, erit ille dies quum tu conuersa, venusto*  
*Natiui decoris vigilem constantius ore*  
*Compellas? verâque Deam, Numenque Britannis*  
*Tutelare velis, non monstro tectâ, fateri?*  
*Quas ego tunc Veneres, stupefacto lumine, cernam?*  
*Qualia nec Zeuxis pinxit, nec cultior alter,*  
*Semiopus infecta cui sic liquisse tabella,*  
*Laudi erat artificum post religionem sequentium.*  
*Tunc ego purpureas maculosas ferre cicutis*  
*Et spondebo rosas, & nigris lilia ferre*  
*Helleboris: adèo iam tritum erit arbuta dulci*  
*Melle, simul fontes lactis turgescere riuis.*  
*Quippe pio populo, & gnauo, sensusq; modesti,*  
*Numina nec raucis studiis lassata vocantium*  
*Præstò aderunt, faciliq; manu maiora petitis*  
*Contribuent, mediòque aderunt præsentia cætu,*  
*Fortè sui posthâc & parcent limina Olympi*  
*Tam iugi calcare pede. En erit hic quoque syluis*  
*Lata quòd alticomis, campisq; virentibus errent,*  
*Quum vacat, & saturis placet alternata voluptas.*  
*Salve magna parens, operosa Britannia dotum*  
*Culta viris præstans gregibus, pinguis gleba*  
*Vtilis ad segetes, & graminis utilis herba,*  
*Rore madens, atque imbre madens, & sole tepefescens*  
*Molliculo, & verna suauissima flatibus auræ:*  
*Sic tibi perpetuis florescant tempora fertis,*

*Vt tuus hic vates medios nunc inter Iberos  
 Munere legati fungens, ignobilis oçi  
 Supplendis opus hoc raptim qui condidit horis,  
 Vellet inauratis rediens suspendere templi  
 \* Parietibus, pleetrumque, & pulsas peetinae chordas,  
 Atque lyram informi compage exile sonantem,  
 Quale decet satyræ socco resonare pedestri  
 Germanam, & similem, si non est ipsa, pœsim  
 Mordacem. Vena maiores diuite vates  
 Pangere purgatas quod plenius impleat aures,  
 Non equidem inuideo. Pugnax genus esse loquela  
 Huic argumento tam conuenit, vt sale multo  
 Si careat, putres altè calcaribus actis,  
 Vix poterit morbos aliquo expergiscere sensu.  
 Quamquam equidem, toto quod nunc delinquitur orbe,  
 Non vnus (ne quid placeat sibi cetera turba)  
 Obiecto Angligenis: intrà peccatur, & extrà.  
 Optimus ille, minùs reliquis qui tangitur: & te,  
 (Gens mea) mox alijs claras pratendere tadas  
 Ne pigeat, versis cunctosque reducere velis.*

\* Proceleu-  
maticus.

LIBRI DECIMI FINIS.

16

17

18

19

20

21

22

23

24

25

26

27

28

29

30

31

32

33

34

35



IN LAVDEM HENRICI  
OCTAVI, REGIS ANGLIÆ  
PRAESTANTISS. CARMEN  
Panegyricum.



LONDINI,  
Excudebat Thomas Vautrollerius  
Typographus.

1579.

## Beneuolo Lectori S.



V N C tibi licebit (candide Lector) hoc præfenti libello pro tua voluntate frui: quem lustris ferè quatuor iam præterlapsis doctissimus Chalonerus de ter maximi illius Henrici Octavi Anglorum Regis encomijs scriptum, Serenissimæ Elizabethæ eiusdem filix, ac Augustissimæ Principi nostræ pro strenua dedicauit. Hunc ego tam dignum libellum perpetuis tenebris obrui, indignum existimaui: & propter personas tam illustres, & authorem, & ob ipsam denique materiam. Quamobrem cum reliquis eiusdem authoris libris antea nunquam prælo commissis hunc quoque priuatum prius, hoc tempore publicum fieri, ac aliquantò emendationem nunc recudendum curauimus. Tu tali (quæso) Phœnici, aureæ ipsius Naturæ fabricæ optima semper (vt par est) libenter precare, libello fructe, nostrisque laboribus faue. Vale.

Τί θαῦμα, δηρὸν εἴπεις εἰρήνην πάτρα  
ἔσχικεν αὐτῇ; αὐτὸς Ἀργεῖαν Θεὸς  
Σύνταξεν ἄρχειν τῆς πάτρας Βρεττανικῆς,  
Ἡλισσαῖήταν, παρθένον Διοτρεφῆ  
Ὡς δηρὰ καὶ διδόνῃ Ἀγγλίας κρατεῖν  
Κῆνος, καὶ ἀνελθεῖν ὁπλὲ εἰς τὰς ὑγανύς.

G. M.

SERE-



# SERENISSIMAE, AV- GVSTISSIMÆQVE HEROINÆ

D. ELIZABETHÆ, DEI GRATIA AN-  
gliz, Franciz, Hibernizque Reginz. &c. ma-  
gniillius Henrici octavi Anglorum Re-  
gis filiz, Dominz suz clemen-  
tissimz, colendissimzq;.



*Ectora Priamiden laudari voce paterna  
Iuuat: laudati laus stetit ore viri.  
Si iuuat, & maior laudato laus stat in ore,  
Quæ laus, laudato est à genitore seri?  
Latus erat Priami gnatus, laudante parente:  
Latior à tali se genitore satum.  
Tu tanto (Regina) potes tibi laudis aceruo  
Adycere, Henrici nomina magna patris.  
Quo maior nostris nunquam Rex præfuit oris:  
Optima, iam tali es laude patris, melior.  
Sic tibi laudati, longum fæliciter anni  
Proueniant, titulis exuperentque nouis:  
Vt nihil augusto fuerit te sanguine creta  
Dignius, augustum quàm simulare patrem.  
Tam similis vultu quum sis, speciosa virago,  
Fac similis referas, maxima facta patris.  
Ille quidem lato excepit munuscula vultu  
Quæ parua, at grata lata fuere manu.  
Tu (precor) accipias, anni redeuntis in omen  
Hanc, licet exilem, quæ tibi strenua datur.*

*Ad librum.*

**A**nno principium constituit nouo  
Ianus, bicipiti limite, terminus  
Exacti orbiculi, & ianua temporis  
Instantis, rediuiuo hîc vbi semine,  
Fœcundi gremium Sol rediens soli  
Implebit genitor: quò facie noua  
Sylvarum virides extuberent comæ.

Nam cœli rigor, & frigoris impetus  
Paulatimque gelu, nix quoque candida,  
Discedent, hyemis tela potentia,  
Et cedent Zephyro, qui pater optimus  
Veris, prata nouis uestit odoribus  
Ornans omnigenis herbida flosculis.

Tam grato volucres munere concitæ,  
Vocali ferient omne nemus sono,  
Et valles, ferient saxa sed & sono,  
Argutum querulæ dum repetunt melos.

En campis teneri luxuriant greges,  
Non vltrà madidi iam memores Noti,  
En ludit medijs squammigerum pecus  
Vndis exiliens: vsque adeò iuuat  
Lasciuire animos, quos recreat calor.

Ergò hoc & memores pignore concitos,  
Spe plenos, docuit fidus amor viros,  
Strenas complacitis munera amiculis,  
Certo more Patrûm, mutua mittere,  
Optantes, referet sydere prospero  
Anni principium, lætus vt exitus.

Non damnant placitis Christicolæ nouis  
Quod pulchri specimen fluxit ab Ethnicis,  
Quin dant: & memores hoc potius dabunt,  
Quod Ianus melior, iam referat nouo

Exemplo, renouis Christicolis sacros  
Postes, ætherei regna simul Poli.  
Nam fastos benè si mente reuoluimus,  
Infans Pontificis scinditur hoc die  
Cultro, qui superis venit ab ædibus,  
Captiuos Barathro perpetuò datos,  
Exemptos proprio sanguine reddere.

Quare, nil dubitans, ipse ego iam paro  
Quod dem : si placido Iuppiter accipit  
Vultu, quod tenuis, pronus at obtulit.  
Anne est, quod timeam ? ne Iouis edita  
Regina à cerebro, despiciat meum  
Tantillum, ast alacri pectore proditum  
Munus ? non faciet. Quarè age, nudior  
Ostendas, animi quàm mihi diuitis  
Portas pauperies obstruat inuida :  
Hoc do, quod superest perge, liber tere  
Augustas semel, atque hoc satis est, manus.

Q iiiij



IN LAVDEM HENRICI  
OCTAVI REGIS ANGLIÆ  
P R A E S T A N T I S S . C A R M E N  
Panegyricum.



*Audabunt alij sæcunda pignora Romæ,  
Tot monumenta Ducum, vasto quos extulit  
orbi  
Fama volans: Quis non Pompeij, & Caesaris  
acta,*

*Scipiadumque, animo admirans, ter lecta recondit?  
Sunt alij, Graijs ducibus præconia palma  
Qui tribuant: doctis hic iam depromit Athenis  
Fortia facta virum: mavult hic dicere alumnos  
Sparta tuos: cuncti at meritis super æthera tollunt  
Pellaum iuuenem, Phæbea lampadis instar,  
Ipse suis maior vitijs, virtutibus altis,  
Cætera Graiorum qui obduxit gesta virorum.  
Omniæque hæc, Latio cultu, Graioque nitore,  
Fulchra quidem per se, reddent pulcherrima ab arte.*

*Me pietas, atque ipsa etiam indignatio partim  
Propulit, ut patria primum decus, hætenus ultrò  
Quem indictum muto ore silent tot pectora docta  
Angligenum, hic tenui conarer dicere versu,  
Multa prius genium, cunctanti mente, precatus  
Tanti hominis, ne tantillo indignetur ab ore  
Laudari, primis si paulò instructior annis,  
Dedocili insuetas repetam nunc carmine Musas.*

*Ergò age, quisquis eris, cui se liber offeret iste,*

*Henricum*

*Henricum octauum referens, qui sceptrum Britanna  
Imperio dudum longo florentia rexit;  
Mente, manuq; valens: quoniam diuersa sequentes  
Sunt aliqui, fortasse, minus qui candida promant,  
Ignari causarum, alieno & pectora ductu  
Imbuti, satagant Herò a laceffere dictis,  
Extincto seu quis barbam vulsisse leoni,  
Iam pauide attrectans, at paulo audacior instet:  
Ne quaso accedas, animo peiora sequuto,  
Quin potius naeuos, multa virtute rependens  
Dispicito, an iusta poteris texisse litura.*

*Primum equidem, si quisquã hac vltima tempora sacli  
Iamque senescentis, iamque in peiora ruentis,  
Discutiat: quem non communi labe petitem,  
Inueniet peccare per agros, atque per vrbes?  
Vsq; ad eò, vt merito dici queat optimus ille,  
Quem minimo inuoluit denigrans fama reatu.  
Quo minus id mirum est, si fortunatior, & Rex,  
Indulsiit genio, admittens quandoque proterua,  
At non immani veniam superantia facto:  
Quum Reges peccare bonos male suada voluptas,  
Et faciat laxis secura licentia habenis  
Nullius insolita ferulam subeunte magistri,  
Iam Regum palma: quorum est sibi nota potestas,  
Quid liceat, laudemque minus libuisse meretur,  
Si summis tantum digitis libamina carpant  
Parca voluptatum, quas fertilis aula ministrat.  
Quanto etiam pluris, si non abstemius est is,  
Qui minus accipiat, quo maior copia rerum,  
Quàm si quem prohibet metus, aut vis, duræ egestas.*

*Hic igitur, longo Regum de sanguine cretus,  
Penè puer, didicit sceptris succedere auitis  
Iam iuuenis, iam Rex, iam se præstantior ipso,  
Si spectes animi sublimis pignora, docto*



*Quem Musa fouere sinu, Charitésque lepore  
Dotârunt grata multa gravitate loquela.  
Vsq; adeo, vt populo facturus verba, vel vlli  
Legato, aut cuius de re quacunque adeunti,  
Sic potuit varijs cultissîma promere linguis,  
Non minus vt cunctos facundia tanta moueret,  
Quam gestus, vultusq; etiam sat amabile spirans.*

*Nam velut ex ipso quis iudicet vngue leonem,  
Sic etiam, positis insignibus, ille alieno  
Disimulans si fortè per urbem exiret amictu,  
Cognoscendi avidus mentem, morésque popelli,  
Non potuit cupiens, ignota fallere veste,  
Quin specie, atque ipso gressu sublimior esse,  
Quàm mentiretur, vulgo appareret, & alta  
Ingrediens, ceruice tenus turba superesset  
Attonita, humano ceu quiddam augustius ore  
Cerneret obtutu fixo. Nam membra decora  
Prætereo prudens, & quæ si singula carptim  
Persequar, immensum exigèrent, iustûmq; volumen.*

*Hoc equidem affirmem, neque me sententia fallit:  
Quum pulchra excellat forma gens Angla, decusq;  
Præferat ingenui, vix unquam rustica, vultus,  
Vicerat ille omnes tunc pulchros pulchrior vnus:  
Tanta fuit sacra maiestas regia forma.*

*Quam ne quis formam tantum putet, illita ceu quis  
Pulchri hominis, picta designet membra tabella,  
Non hic corpus erat sine mente, sed acer, & aptus,  
Præstitit, ingenuo quæ liber corpore præstat:  
Æquales veræ præuertens munere palma.  
Nam patrio certis metam de more sagittis  
Figere, nervoso lunantem robore taxum,  
Tam benè vix olim Herculei didicere lacerti:  
Si lucta certaret, erat cui viribus impar  
Inuideat Pollux, quercinæ frondis honorem.*

At bellacis equi in gyros si fortia colla  
 Flecteret, artificii pertrectans voce, manūque,  
 Castora iam dicas : idem si lucidus arma  
 Indueret, galeam nutanti vertice crista  
 Cui decus, & multo thorax superadderet auro,  
 Hoc erat Iliacum superare vel Hectora : sylvas  
 Venator multo si cum cane retia cernis  
 Intendens peteret, non si Theseia proles  
 Hippolytus, Trivia perdoctus voce magistra  
 Hoc ageret, maius posset decus inde referre.

Sed quid ego hac memorem? quæ plebi singula cordi  
 Sic fuerant, sic ore viri pendentia contrà  
 Ora attolenti, & lachrymis sua gaudia fassa,  
 Vt neque vel nisi quis commendatior alter  
 Concinno foret, aut quem vellet grata venustas,  
 Quidlibet egregium magis ostentare decore:  
 Vsq̃ue ad eò arrisit specioso è corpore virtus  
 Grator, & placita respondens actio forma.

At si animum spectes, quo longè excelluit Heros,  
 Quantus erat? quanta & regnandi praditus arte,  
 Consilij semper constantis prætulit ausa?  
 Fortiter incumbens, dum magnus magna capeſſit,  
 Nil humili versare manu dignatus, at alto  
 Contendens Reges, seque ipsum equare labore?  
 Namque uno eximios illa ætas tempore Reges  
 Quum ternos ferret, quos formidanda potestas  
 Sic alijs longo præuexerat interuallo,  
 Vt quarta, aut sexta demum subsistere classe,  
 Cætera iam Regum properaret turba minorum,  
 Quumque animos iusto maiores, conscia virtus  
 Hinc faceret Gallo, qui damnis sæpè repulsus  
 Fortior, indomita exemplo consurgeret Hydra,  
 Hinc etiam Hispano generosa superbia pectus  
 Extimulans, & tot regnorum larga facultas,

*Cæsareo cunctos instaret subdere sceptro.  
Tertius hic medium noster se ingessit: utrique  
Alterno, quandoque hostis, quandoque & amicus,  
Consilio, illorum & sese conatibus, ultro  
Opposuit, trutina aduersos dum pensitat aqua.*

*Sic etenim, imperij quoniam exitiosa libido  
Hos agitans, firma nunquam consistere pace  
Passa diu est, quin sæpè novas causata querelas,  
Instructos paribus, \* in pralia truderet armis,  
Vnde etiam tremere quassata Europa tumultu  
Horrisson, in partes sese iam tota refundens:  
Quanto rectius hic, studio meliora secutus?  
Quum prohibere minas amborum, innatâq, bella  
Haud potuit, tantis miscentium vulnera dextris,  
At potuit prohibere, alterum ne vinceret alter.  
Atque ita, si alteruter præstaret sorte fauente,  
Iamque instans, iugulum victricia tela pararet  
Figere in alterius, quò iunctis viribus auctus  
Tunc vacuo solus possit dominarier orbi:  
Haud tulit ulterius grassantem noster Achilles,  
Supremo bellum confectum ornare trophæo:  
Quin ipsis prædam extorquens de faucibus hosti,  
Auxilium victo insperato tempore ferret.  
Vi remora plenis velis sistente carinam,  
Dum medio cursu prohiberet longius uti.*

*Sic etenim, Papiæ fertur sub manibus altis,  
Anglica Cæsareas fouisse pecunia turmas:  
Qua sine (scimus enim) tunc non te (Galle) tulisset  
Iactabunda suis captiuum Hispania claustris.  
Qua sine, Telephio non rursus more redemptus,  
Ex una ferres medicinam, & vulnera dextra.  
Taliter ille olim, summo qui vertice ab Ida  
Troianos Danaïs lento certamine contra  
Constituens, nunc hos, nunc & Saturnius illos*

*Vincere*

\* Cæsu.

Vincere permisit dubius, quæ si quis ab Anglo  
 Dicta putet, studio res qui Anglas iactet inani,  
 Ille vel Henrici saltem incunabula Regis  
 Dispiciat: primis & quæ pulcherrima ab annis  
 AEdidit, aduerso Ludoici lilia Marte  
 Concutiens, Gallòsque vnus qui tempore eodem  
 Fleetere fræna metu, & calcaria subdere anhelis  
 Fecit equis: vnde ille dies calcaria Gallis  
 Ensisbus intactus potiora ostendet in axum:  
 Fædisfragòsque absens, instantes tergore Scotos,  
 Immanique ipsum prostrauit vulnere Regem:  
 Demens, qui fidei firmum connubia vinculum,  
 Sordidius pacto Galli postponeret auro.

At non insurgens, atque insperatior ille,  
 Absentis fines populatus Scotus amici,  
 Sic potuit validis iuuenem diuertere captis:  
 Quò minus insignes multa vi, fortitèr vrbes  
 Concutiens, binas tandem expugnaret, ademptas  
 Gallorum imperio: qui tanquam numine ferri  
 Immissum inuictò cernentes, fata verenti  
 Iudicio, geniumque viri exhorrescere tandem  
 Incipiunt: placidas artes, pactis Hymeneis  
 Versantes, si sic firmo consistere vinclo  
 Pax queat. At Gallis quisnam hoc vertisse pudori  
 Dictitet, à magno pacem deprecere Rege?  
 Cuius in adiunctis Caesar stipendia castris  
 Sic meruit præsens, vt iam vexilla nigranti  
 Sparsa Aquila, fului sequerentur signa Leonis?  
 Quod decus haud vnguam temerè quis vendicet alter:  
 Augusto comitante alieni prælia ductus.  
 Nesciat vt dubij, tandem sententia vulgi,  
 Vtrum legato maior laus Casare parta est,  
 Caesaris an titulis quod spretis, cesserat vltro,  
 Austriacum mallens defuncti ornare nepotem.

*Sic etenim, terris sublato Casare, postquam  
Iam nouus auspicijs Casar de more, creandus  
Esset, & ambigerent, quem primum voce referrent,  
Huic patuisse ferunt procerum septemuir a vota,  
Quos penes arbitrium est, quem Caesaris insula adornet,  
Insula in humanis qua praestantissima rebus,  
Insolitam hoc primum renuente, es passa repulsam.*

*Quo specimen cernas, iuncta pietate, modesti  
Principis, haud unquam temerè, longinqua petaci  
Ambitione furens qui stringeret, aut mare caelo  
Commiscens, altam vellet turbare quietem  
Tot miserè populorum, ob non sibi debita regna,  
Regna, alijs adeò per fasque nefasque petita.*

*Quorsum etenim cuperet, maiora capefcere sceptrā  
Conscijs hic? quantis flueret sibi terra beata  
Diuitijs? generi humano quas copia largo  
Promeret ex cornu? cui non ipsa Itala tellus  
Anteferens, gremio rectè se praeferat almo?  
Sive solum spectes, ubi certat fertile amæno,  
Sive situm, portus tutos maris insula nostri  
Quot praestet, longo se extendens maxima tractu?  
Vix unquam miseris aliquà non hospita nautis  
Insula, quæ undisono Oceani circumdata vallo,  
Tutior ipsa viris, rarè vim reppulit, vltro  
Ast inferre manum didicit: qua fretus, inerti  
Bellaces animos, tandem tabescere pace,  
Haud tulit: aut nimio, pacem desuescere bello,  
Optimus hic censor, quid tempore praestet utroque.  
Pacis amans potiùs, si pax sine Marte cruento  
Innocuos possit tutò exercere ligones.  
At si bella forent (nam crebrò bella peregit)  
Suscipienda, animo hoc sese commisit arena  
Ille, vel vlturus, si quæ sibi damna priores  
Vicini inferrent, vel si quis iustius aqua*

*Vicinum premeret, clypeo tecturus: iniquam  
 Cautior, haud unquam passus prorumpere sortem  
 In caput alterius: namque hoc libramine tutos  
 Europa populos, statuit sua iura tueri  
 Possè diu, multa cum libertate minores,  
 Si non unius, sceptrâ ambitiosa Monarchæ,  
 Insolita demum ferrent ceruice, iubentis  
 Quidlibet, exundantem ubi littora nulla coercerent.*

*Sic igitur causa communis, sydere dextro  
 Protector docuit, quantum prudentia possit:  
 Sæpe salutaris velut interiectio, rebus  
 Humanis statuens, quæ tandem meta, modisquæ:  
 Quod quia magnanimo, toties patefecerat auso,  
 Discite mortales, quàm veris gloria fulcris  
 Huic stetit: hic etenim dictus diuersa per ora,  
 Arbiter & belli, & pacis, cognomine pulchro,  
 Tale decus meruit, titulo speciosius omni,  
 Quale decus, nulli veterum tribuere triumphis.  
 Hoc erat, aquato Reges incedere gressu,  
 Quodque suis docuit se quemque includere septis.*

*At si de genere hoc, pergam numerosa duella  
 Distinctim longa serie pratexere, certè  
 Nunc liber exiguus nimium procrederet: ergò  
 Historia potius scriptoribus illa relinquam.  
 Nam neque vel toties deuictos ordine Scotos,  
 Aut ipsam gentis quæ flammis cesserat, urbem  
 Metropolim, vel tot castella euersa per agros,  
 Hic canere est animus: nec te sæcunda beatis  
 Quæ spatiosa aruis, numerosa classe, querelam  
 Gallia, non unam propter, tam sæpè petita es,  
 Gallia, vicinis non vno crimine læsis,  
 Crimine sed nullo, prorsus quæ inuisor extas,  
 Quam quo degeneri, iam Rex tuus vnus & alter  
 Consilio, immani iunxit socia agmina Turcæ:*



*Quem cuncti & meritò, vitant cane peius & angue:*  
*Tèque vel imprimis procul hinc arcere decebat*  
*Saltem pro tituli pugnantem laude prioris,*  
*Quod quoniam inter vos sic convenit, esto: supernus*  
*Viderit ista Deus, quorsum hæc audacia crescet?*  
*Sed præstat reuocare gradum, & quo tendimus, ire:*  
*Iamdudum properamus enim, Mauorte relicto,*  
*Flectere equos, diuæ Pacis per amœna vireta.*  
*Ergo vale, Mars quære alium, qui carmine digno*  
*Fortius hæc resonet, queque & tibi munera cura,*  
*Arma, enses, clypeos, arcus, tormenta, phalangas,*  
*Et classes, quarum Oceanus sub mole, fatetur*  
*Se toties pressum, vix ausum surgere contra,*  
*Vastatâsque vrbes, & te obsidione petitam,*  
*Tandem semirutis, deuicta Bononia, muris:*  
*Sis licet, ac vel sola, operis pulcherrima iusti*  
*Materies, liceat sicco pede, maxima quæque hæc*  
*Prætereuntem, in pacis opaca silentia ferri.*  
*Pacis enim quis non bona sauis præferat armis?*  
*Ergò ades, ô Henrice iterum tẽr maxime, laudes*  
*Ipse tuas, stellis admixtus, despice ab alto,*  
*Afflatu & supera, refocilla latior aura.*

*Sed tanquàm varijs, distinctum floribus hortum*  
*Ingrediens, nouitate ipsa stupet anxius, huic, an*  
*Huic flori admoueat digitos, ea copia pulchro*  
*Gyriagos oculos, aspectu distrahit, omnes*  
*In partes, neque habet quem tandem præferat altri:*  
*Sic mihi iam dubio, facies pulcherrima rerum,*  
*Ingeritur, neque turba sinit discernere, primum*  
*Quid dicam: sed prima gradu prudentia primum*  
*Ipsa locum meruisse potest: certissima Diuûm*  
*Progenies, cælo demissa, vt regibus astat,*  
*Et Regum ad virtutis opus, conamina flectat:*  
*Prospiciens, parteis oculos versansque per omneis*



*Ingiter incumbensque in publica commoda, noctes  
Inuigilans curis, dum plebs securior altum  
Stertendo satagit tandem edormiscere villum.*

*Haud aliter, medio quàm cum sua carbasâ ponto  
Vncta ratis, celeri pulsu infert nocte serena:  
Cuncta silent, nautas nox intempesta quieti,  
Ordine neglecto, passim per transtra supinans,  
Indulgere iubet, somniumque ciere reslando.  
Solutus at infomni temoni adfistere dextra  
Nauclerus didicit, patulo sua lumina cælo  
Intendens, ventosque cauens, si fortè procella  
Ingruat, & placidi faciem maris obruat undis:  
Surgite nunc socij, exclamat, nunc tempus inertis  
Amplius haud somno suadent triuisse pericla:  
Et sanus laetam, ventis crepitantibus, Austro  
Paulatim inuadens, video, quid turbine acuto,  
Oceano exurgens, nubes hæc fusca minetur.  
Ferte manus celeres, versis incumbite velis:  
Ipse ego, si dictis alacres parebitis ultro,  
Præueniam, & tuto nauim hanc in littore sistam,  
Hic, ubi vicino portus se prouehit ore.  
Hæc fatus, diuersa viros in munia transfert:  
Illi acuiunt se voce, manique haud segnitius instant.*

*Taliter Henrico prudens solertia pectus  
Instruxit, longè ante diem cauisse pericla,  
Et vitasse simul: nam vix nocuisse parato  
Siue hominum insidia, seu fata minantia possunt:  
Tam valido insistit clypeo sapientia tecta.  
Primum igitur Regis munus constare regendo,  
Dum reputat, frustra que minas proferre tonantes,  
Quem populi nimium corrupta licentia temnat:  
Rursus, ab insidijs nullo conamine tutum,  
Hunc licet assiduus claudat de more satellites,  
Quem gens tota odio communi deuouet Orco:*

Ille quidem studuit, Proceres, populúmque Britannum  
 Conciliare sibi, & medio connectere vinclo:  
 Ut neque vel nimio iam despondisse rigore,  
 Aut animos nimio iam possent tollere fastu.  
 Qualis equus, cui incautus eques malè laxat habenas,  
 Saltibus indomitis se in devia proripienti,  
 Aut ferus assiduus pertundit terga flagellis,  
 Degenerisque asini clitellas ferre coërcet.

Quod noster summa, extremum vitabat ab arte,  
 Hinc, atque inde malum: nam vectigalia iustum  
 Qui misero imponit populo excedentia pondus,  
 Quæue onerosa nimis inbet, aut nimis imperiosè  
 Contendit, sine lege ruens, pro lege teneri,  
 Hic equidem serva mandans servilia plebi,  
 Nunquàm alacri utetur post in certamina, parçè  
 Pectore tunc ictus aduersos suscipienti,  
 Si fortasse larèsque, focosque, & pignora chara,  
 Obýciant non se sibi, sed servare tyranno.  
 Qui tunc mentis inops, alieno milite frustra,  
 Ignotis patriàmque volet defendere dextris,  
 Ipse suis diffisus, & observans velut hostes.

Contrà, ubi iam lentè nimium resupina potestas  
 Fluctuat, & quidvis populo concedit, inani  
 Consilio plausus captans, quos tempore parvo  
 Congestos, post excipiet plebs bruta cachinno,  
 Spernere docta virum, sic indulgere paratum,  
 Ille etiam serò vellet cohibere vagantes,  
 Maiestate carens: nam dudum bellua plebs hac  
 Deditic it timuisse Deum, timuisse iubentis  
 Imperium, qui sic precibus iubet ense reposito.

Quare etiam Henrico stetit hac sententia, factò  
 Nolle suos, indigna suis committere turpi,  
 Siue indigna pati, quæque & gens libera nolle,  
 Imperium auersata iubentis, murmure longo.

*Sic lentè durus, venerabilis extitit: ultro  
 Quæ iussit, facili populo concedere sucto,  
 Esse quidem pro re communi, ea mentibus hæsit  
 Credulitas, nihil hunc frustra molirier, esse,  
 Esse aliquid, licet hoc celauerat ille repostum,  
 Cur subito agricolas bellis obuerneret? aut cur  
 Iam reuocans, rursus vellet committere aratro  
 Perdociles? sacris obfixos postibus enses  
 Ponere, & antiquo terram proscindere sulco?  
 Rem facile augentes securæ per otia, festis  
 Ludicra, festiua cum libertate, diebus  
 Tractantes, multoque obeuntes stulta cachinno,  
 Stultior hæc quoniam plebs vult sibi, seria molli  
 Aspernata animo: quæ cernens singula pastor  
 Hic populi, tacito gaudebat pectore, signa  
 Sic ea latitiæ hos dare publica: quæ simul ille  
 Et tulit, & præsens promouit, tristibus ausis,  
 Seria vix unquam faustè tractante popello.*

*Nam veluti frondes veris quæ tempore planta  
 Arborea emittit, patulis & postea ramis  
 Florificans, spondet numerosum denique fructum:  
 At si degeneri squallescat percita musco,  
 Liuentem cui rara comam gemma emicat inter,  
 Fronti nullus honos, spectante cacumine terram,  
 Extemplo agricolæ spes omnis trunca relabi  
 Incipit, haud vanis ex signis conijcienti,  
 Ægrotare sibi stirpem hanc radicibus imis:  
 Sic populus festo redimitus tempora flore,  
 Si ludit, cantusque ciet, si ter pede terram  
 Ingeminans pulsât, choreas per compita ducens,  
 Mille modis vario commiscens omnia plausu,  
 Si bibit, atque inter calices sua facta recenset  
 Fortia, si bardis operam dans, auribus adstat,  
 Dum magno ingentes nugas molimine, cantant*

*Ad citharam, ille arcu contendit, at ille palastra,  
 Projicit hic magno connixus robore saxum,  
 Hic agili praeceps iactat sua corpora saltu,  
 Victor ouat, laudemque, & pramia larga reportat,  
 Quae sero gaudet senior seruasse nepoti:  
 Haec mihi si claro peragat plebs omnia sole,  
 Nil dubitans veris se efferre coloribus, ut quae  
 Natiuam ingenue testetur simplicitatem,  
 Quis non haec animi tranquillae, candida dicat  
 Argumenta fore? & puro de pectore labi?  
 Qualia nequicquam simulandi nescia fingat,  
 Si mutare statum iusta indignatio vellet.*

*Qualiter e contra, si quis mihi pinxerit, alto  
 Torpentem mœrore animi, & consortia plebem  
 Quae fugiat, nisi quae secretas ferre per umbras  
 Tendit, ubi hos cætus nox intempesta cœgit,  
 Nil sanum querula tristis iam voce susurrat,  
 Dira sed in Regem iaciens, lectumque Senatum,  
 Paulatim induitur sic coniurata, rebelli  
 Pectore: iamque parat sceleri se accincta, nefandos  
 Si quis in arma viros, dux profligator, ultro  
 Educat, speciosa foris pratendere doctus,  
 Intus at immani versans crudelia capto.*

*Heu Superi: quis nam hos docuit malefana scientes  
 Consilia exercere? quis ultra quam decet, altum  
 Hos voluit sapere? & censuram denique rerum  
 Sumere? num scire, aut nimium scire, officit istis?  
 Quis regat hos unus? quorum vel quilibet instet  
 Consilio iniussus se inferre, exquirere & idem  
 Omnia non dubitet, rationibus usque minutis?  
 Et damnet, minimum quod non sibi quadret ad vnguem?*

*Talia sed mota peragit plebs efferata turba,  
 Cum furit, & longo iam dudum pondere pressa,  
 Tandem (animos faciat seu desperatio) surgit*

*In rabiem conuersa, feris truculentior ipsis.  
 Ni caueat, memori voluens prognostica mente,  
 Qui regere hos Princeps, exemplo primus honesti  
 Debit, haud aqua arguiturus voce popellum,  
 Qui magno exemplo, docuit peccare minores,  
 Aut nimis indulgens, peccare per otia plebem  
 Sustinuit, (namque otia sunt fomenta malorum)  
 Aut malefacta in prima imprudens negligit herba  
 Corripere, arboreo quæ temnunt corpore falcem,  
 Pòst ubi per plures morbi contagio creuit,  
 Aut miseros tandem, veluti ludibria, & umbras  
 Negligit, aut alijs ridens exponit inultos,  
 Quod genus ut fastus verum est insigne Tyranni:  
 Sic nullo grauius commotos pungit ab æstro,  
 Quàm si despiciat, quorum ultor debuit esse.*

*Namque hominem sociale animal natura creasse  
 Cum voluit, certo iungentem fœdere cætus,  
 Vtile communi quò tandem quilibet vsu  
 Perciperet, magno sese dum corpore miscet,  
 Membra quidem statuit pronè spectantia terram,  
 Imperio capitis subdens, ubi sacra superni  
 Lucet imago Dei, quo distribuyente, cuique  
 Iam membro accedit rata pars, & cuique suum ius.  
 Præcipue imbelles protectos vindice dextra,  
 Dum metuit temerare virum manus improba, corpus  
 Non vno ciuile modo quæ destruat, audax  
 In scelus, atque manu stringens aliena rapaci,  
 Ni caput occurrens, horum compefcere diros  
 Insultus satagat: qualem se feruida pullis  
 Cristati prabet coniux enixa mariti,  
 Perfidus in gyrum penna se præpete miluus  
 Si flectens, ventri inconcessam quæritet escam.  
 Quid faciant pulli? ni iam dudum anxii mater  
 Instantem pauide soboli perterritet hostem,*

*Lurconem dum voce minax, & submouet alis?*

*Taliter (vt paruis componere maxima fas sit)*

*Dia Deum proles, nobis Astraea, salubri*

*Iustitia humanos trutinans sic temperat actus,*

*Vt neque perfidia sedem violentia tetra*

*Inueniat, quam Diua procul ceruicibus arcet,*

*Iamdudum suetam miserorum sanguine pasti,*

*Nec vana surdas plebs aures voce fatiget,*

*Cui nihil armorum est prater lamenta, precēsque,*

*Lesa suis dum se gaudet refouere sub alis,*

*Iam placido innocuam producens tramite vitam.*

*Hac illa est igitur virtutum maxima, iusto*

*Qua tanquam regina alijs virtutibus anteit,*

*Immotos oculos obnincens fascibus, ense*

*Erecto cui dextra riget, cui laua bilancem*

*Sustinet: hac olim propriè seu symbola recti,*

*Maiores (Astraea) tuis superaddere signis*

*Gaudebant: animis ea dum versatur imago,*

*Sapè salutaris venerati numinis vsum:*

*Qua sine, non pietas, non aut clementia inani*

*Nomine, labenti patria succurrere pergant,*

*Dum malè condonant mansucto pectore culpas,*

*Ferro opus est, vbi nunc contendit ferrea proles,*

*Inscriptas tabulis sacris perrumpere leges.*

*Quas nisi iustitiae cingant adamantina claustra,*

*Durior hac etas hominum violauerit vltro.*

*Quod prudens longo Henricus cognouit ab usu,*

*Quo se proripiat populus mala bestia, legum*

*Ni multo custode tenor seruetur ad vnguem.*

*Iunior hic etenim dum forsan mite benigni*

*Principis ingenium precibus misratio flectit,*

*Non vni inaulsit, non vno crimine turpi.*

*At cum ignoscendo tandem perceperat, vnus*

*Quanta nocens toti dimissus damna maniplo*

*Inferat,*



*Inferat, audaci ingeminans sua crimina facto:  
 Noluit ulterius iam clemens dicier uni  
 Parcere, sed multis, duxit mansuetius esse,  
 Parcere quàm soli, qui nollet parcere multis.  
 Ergò metum duxit vinclum præstantius esse,  
 Quo populus temerè mores mutatus in horas  
 Stare loco possit, cruda formidine pœna,  
 Quàm si indulgentem vitij, vitiosior hora  
 Momento tantum plebs diligat, huic amor est nam  
 Recti odium, & nullo bacchanter currere fræno.*

*Quòd si aliquis damnet rigidi sic Principis arctum  
 Imperium, populo scriptas qui sanguine leges  
 Proponat: quodam tenùs hoc fortasse fatendum est.  
 Tempora, si & mores, si non & plurimus usus,  
 Arguerent, humana magis meminisse pericli  
 Pectora, quàm si quid latum, aut gratum accadat illis,  
 Ingrata obliti benefacta recondere mente,  
 At memori dociles animo proponere acerba,  
 Quæ passa, aut patienda reuoluunt nocte dièque.*

*At si Regis opus, gladio stat vindice, noxa  
 Stirpitùs à puro ut sic tollatur grege: quisnam  
 Iam pius, aut clemens magis est, qui monstrat aperte  
 Quid caueant, claris edicens singula scriptis,  
 An qui securos, legum leuitate fefellit?  
 Longa quibus vitij obduxit tolerantia callum?  
 Pòstque nouo exemplo, iusso, pro legibus usus,  
 Armatos populo immitit? (suprema potestas  
 Si benè supremum imperium sic exerit) una  
 Iam plures perimens, longè crudelior, hora?  
 Quàm qui vnum perimens, plures seruauerat vno?*

*Sed metus hic pœna, in paucos quæ exercita, paucis  
 Exemplis stetit, hand facile est dixisse, potentium  
 Quàm benè conatus compresserit, ilicet istis  
 Olim vicino coniunctus pauper agello,*



*Tam male vicini sensit mandata potentis,  
 Ut ni cuncta cliens, obnoxius usque patrono,  
 Perficeret, nutu qua iusserat ille superbo,  
 Actum erat istius de re, de bobus, & agro.  
 Quare novas sedes, aiebat diues, inultus  
 Haud patiar, quin tu quis ego sim, & tu quoque qui sis,  
 Ipse malo edoctus tandem fateare tuomet.  
 Quid faciat pauper? tremulo cui torpet in ore  
 Lingua affixa metu? numnam mastigia pergis  
 Mutire? haud equidem fas sit (patrone) benignus  
 Tolle tuas instar (quaso) mihi fulminis iras:  
 Tolle tuum quodcunque meum est, vel me quoque tolle,  
 Dummodo pace tua communi perfruar aura.*

*Hac olim Henricus damnans malefua potentium  
 Imperia, iniusto miseros torquentia fastu,  
 Ulterius vetuit Cumani obtendere aselli  
 Mentitam populo hos, magno sub nomine larvam.  
 Non solum in medio, regni seu corde, tribunal  
 Supremum cingens numero iudice, lites  
 Antiquo de more stans qui mensibus omni  
 Discuterent populo, pauper ne obscurus, an aurum,  
 Angenus, & proavos iactet, discrimine nullo,  
 Quinetiam binas diuersis addidit oris  
 Iustitie sedes, ubi prae side nixa potestas  
 Lecta virum, pulchro incepto praesentius illis  
 Ius possit dictare, loci distantia forte  
 Quos potuit retinere domi, ni teste propinquo  
 Legis opem possent sentire parabilis: unde  
 Idem erat extremis qui ignotior abforet oris,  
 Tam facile usurus legum munimine, quam qui  
 Verba palatino propior Regi explicat ore.*

*Hoc erat, hoc igitur, quo demum robore fulta  
 Plebs potuit tuto tandem coluisse potentes,  
 Quod satis esset, & ulterius nihil addere supplex,*

*Mitius imperium reputans, dum seruiat uni,  
 Ille licet pro iure suis regaliter instet,  
 Quàm multis dare multa, per & non debita iura.  
 Iure etenim custode fruens, intenta labori,  
 Mille modis victum plebs ingeniosa parabit,  
 Rem satagens arcti parcendo augere peculi.*

*Qualis stramineo quæ se formica sub antro  
 Exercet, nunc huc, nunc sedula fertur & illuc,  
 Torrida flauentes dum campos occupat æstas,  
 Abrosam condens miranda per horrea messem:  
 Quo genio indulgens, torpentis tempore bruma,  
 Promat opes; parcos bene quas seruauit in usus,  
 Nil metuens, ni vim metuat contemptior vrsi,  
 Qui ferus imbelles perrumpens ungue cauernas,  
 Sæpe solet plebis nigrantis corpore vesci,  
 Nequit quàm quæ parca dapes custodiat, ipsa  
 Cum custodis egens, laniata per ilia, dentem  
 Suscipit, at quanto satius custodia firma,  
 Iam toto misera frugum redimatur aceruo?*

*Taliter & populus non vna industrius arte,  
 Pauxillo paucum adiciens, ditescere pergit,  
 Bestiola exemplo tantilla edoctior, annis  
 Quid valeat seris aliquid tribuisse repostum.  
 Quod vos non vobis (Ciues) seruasse repostum  
 Quis ferat? ast alijs seruauerit ille repostum,  
 Quisquis opes cumulare parat, custode remoto,  
 Fortior imbelli quas aufert nomine prædæ.*

*Ergo pios iustis qui vos sub legibus alta  
 Pace fouent, promo venerati pectore Reges,  
 Discite, quando opus est, in publica munera, quisque  
 Quæ rata pars, illis vestri tribuisse peculi.  
 Si datis, exiguo totum quis non bene seruat?  
 Non datis, exiguo totam quis non male perdit?  
 Quæ vestro ingratè Regi soluisse tributa*

Respuitis, per vim vobis post auferet hostis  
 Ingeminans, diro nectens vos compede, charis  
 Coniugibus, vestrisque illudens sæpè puellis,  
 Quis ante ora patrum, non uno crimine turpes  
 Efficiet iuuenum manus improba, vos quoque mæstos,  
 Non lachryma vultus liceat stillante rigantes,  
 Hac prece iam tarda, tam tetra repellere damna,  
 Quin oculis etiam coram obuersetur imago.  
 Nam voces tunc & dominorum, & verbera, victa  
 Iam cervice pati, & laribus decedere auitis,  
 Sic malè congestum linquentes hostibus aurum,  
 Instructasque dapes, pretiosa & vellera lana,  
 Non illos pridem quæ tondébantur in usus,  
 Et quæcunque nouo exemplo committere victor  
 Audeat, haud animo victi renuente recusent.  
 Quidquid erit, vincenda proteruia sua ferendo est.

Proh Superi: horrendum hoc omen diuertite nostris  
 A laribus: Domino & Regi seruire Britanno  
 Ingenuo ingenui pergamus, tempora Phæbus  
 Annua dum repetit vasti certamine cursus,  
 Dum calet æther, & ærio flant corpore venti,  
 Dum refluis lunæque vices mare sentit in undis,  
 Et medio tellus dum fert sua pondera centro.

Quare age, tu qui Anglo gaudes vir nomine, gaude,  
 Si tibi pauxillo libertas are redempta,  
 Tam benè fortunas demùm seruauerit omnes.  
 Fortè putes stultus si quid tibi deperit, ultra  
 Quàm cupias propria custodiuisse sub arca,  
 Non bene communi quod sic committitur arcæ.  
 At si qui ditat, de te iam diuite tollens,  
 Sic tibi perpetuo fœlicia tempora cursu  
 Proroget, ipse tui cingens te milite nummi:  
 Non video cur non liceat, semperque licebit,  
 Tollere quod satis est, Princeps pius haud petet ultra,

Haudque

*Haudque alio quàm quo deceat vel iure, modòne.  
 Sic licèt Henricum, vicina potentia Regum  
 Iam nimio excrescens, superaddere plura cõgìt,  
 Maiorum pridem quàm vectigalia stultis  
 Fortè rapina fuit, prudentibus at mera virtus.  
 Tempore scire suo, non magna augere tributa,  
 Cui res vsque foret cum talibus, omnia dudum  
 In decuplum geminasse suis, quos non piguit, ne  
 Fortè aliquid desit totum sitientibus orbem.*

*At licèt inuidia rumpantur & ilia morsu  
 Nonnullis, quibus hoc augere araria, totum  
 Displicet, haud aliam prò re, pro tempore, formam  
 Qui statuant, licèt hinc, atque vrgeat inde necesse,  
 Quàm qua maiorum processit curta supellex,  
 Scire velim: nostris unquàm qua tempora rebus  
 Ingruerint, metuenda magis, promole pericli,  
 Aut metuenda minus, tali sub Rege repulsa?  
 Scire velim: si tam durum sit tollere, quando  
 Ditiore extiterit nobis Respublica: res &  
 Qua priuata, priori longè opulentior auo,  
 Tollere de magno, audacèr suadebat aceruo?  
 Hoc quoque scire velim: tollentem paucula damnans,  
 Liuide, cur potiùs non ipsa ad sydera tollis?  
 Millia qui largo tibi fœnore plura rependit,  
 Plumbea qua inuenit pridem, pòst aurea reddens?  
 Aude ingrate negare, & primam si potes, effer  
 Pauperiem: cui nunc malesuada opulentia turget,  
 Luxu Asiae, cui mensa Apici, cui tecta Luculli,  
 Concedant ebore, & signis, pictisque tapetis,  
 Cuique peregrino cultu non barbara coniux,  
 Assidet, ipsa comas nodo gemmante reuincta.  
 Quid dico urbanos? vel si se rusticus offert,  
 Quàm nitidus? quantum & victu mutatus ab illo  
 Iam fuerit? zythum saclo ructasse priori*

Cui magnum fuit: at nihil est nunc vina diebus  
 Et vel non festis, madido tribuisse palato?  
 Luditur, & vestitur, & estur, quod Sybaritæ  
 Inuideant: tu stulte putas, hæc omnia macris,  
 A tenui & vacua depromi posse pharetra?

Non ego, nec tanti fraudarim præmia facti,  
 Solus in immensas quod se demittere curas  
 Sustinuit, toto procurans pro grege pastor,  
 Dum toties totum tibi sustinet, alter ut Atlas.  
 Si nescis? num rere aliud tunc temporis ætûm,  
 Quum tua dispositis castellis littora in orbem  
 Cinxerat, & portus non una mole reuinxit?  
 Ne qua manus nostris succedens aduena terris,  
 Hostilem incautis posset diuertere prædam?  
 Quid? mare tam pulchra, & valida tibi classe subactum  
 Quod dedit? exempli captor, quo si sapit, ultro  
 Utetur Regum stirps postera, doctior usu,  
 Quàm prosit patriam muris cinxisse abiegnis,  
 Hîs, quibus in media, res & spes, sistitur unda?  
 Arte noua puppis dum plurima, turribus altis  
 Altior, edomitum imperiosa per ambulat æquor?  
 At nihil est, nobis sic vltima littora reddi  
 Tuta foris: si non medio lectissima regno  
 Corpora fida virum, muro præsentius omni  
 Auxilium patriæ conducens ære perenni,  
 Martis opus pacem voluit vigilare per altam.  
 Quid? quod nobilium sobolem submisit equorum?  
 Longinqua quæ stirpe uterum per pascua lata  
 Hinnisfremæ complens, generoso semine, matri,  
 Thessala nunc Anglis, Nomadumque armenta reponit?  
 Quid? quod & Aetneum spirans de faucibus ignem  
 Aenea terribili reboat nunc machina bombo,  
 Passim omni digesta loco? Nam cætera belli  
 Instrumenta, domi, atque foris, quæ prouidus usque  
 Congessit,

*Concessit, sileámne? opera vel vanus eadem,  
Enumerem, Thamesi ripas quota cingit arundo?  
Ardua quot nobis pascantur per iuga dama?  
Quotque canum nemus omne latranti voce remugit,  
Angla tuis (Diana) sacris, operata iuuentus  
Cum vacat, alipedes sectans per denia ceruos?*

*Hac ille assidua meditatus mente, suorum  
Certa salus, certo quo stans pede falleret hostem,  
Non ullis potuit iam parcere sumptibus, & quò  
Salua foret nobis res, nullis usque pepercit.  
Ergone magnificum fecundi pectoris ausum,  
Tot bene velle viris, populo patriam, patriaque  
Seruantem populum, vox praua, & rustica perget,  
Optima detorquens in pessima, ledere dictis?  
Quid potuit maius cuiquam conferre, salute?  
Quid voluit potius? tota quod mente cupiuit,  
Tota opera toties tibi prastitit: ilicet, hoc est,  
Vir medicus, puero nonnunquam absynthia miscens,  
Inuitum antidoto cautus quod sanat amara,  
Multa prius meditans: pueri lachrymaque, precésque,  
Auersa horrescunt ingrati pocula succi:  
Ille etiam, puero motus, nollet dare: tandem  
Vincit amor veri, inuito conferre salutem.*

*At mirum ne quis putet, unum hunc omnibus, omni  
Non ex parte, satis plenè potuisse placere:  
Quum pater ipse Deum, summi regnator Olympi,  
Iuppiter, aetherea terras moderatus ab arce,  
Incerta nequeat plebis tot dissona vota,  
Et simul, & grato cuius coniungere nexu.  
Si pluit: hic Boreae canas, gelidasque pruinas.  
Si riget: hic tepidos, praefert Aquilonibus imbres.  
Si sudum est: vernas alter vocat AEolus auras.  
Nymboſi exurgant odioſo turbine venti:  
Iactatus clamat superos Palinurus in undis.*



Sanguine tot Procerum Christo incunabula regni  
 Fundâras, quo nunc te impuro proripis auso?  
Quid struis? aut qua spe, partum decus improba, nîsis  
 Degeneri, pergis Herebi confundere monstribus?  
 Fleete gradum, verbis colliment facta necesse est,  
 Nunc, ubi cum stultis, non est tibi res idiotis  
 Amplius, at plusquàm doctos, quos littera telo  
 Instruit, inque tuum tenebris cinctum caput armat.  
 Non potes ignaros, ex gnaris reddere: formis  
 Ars facunda novis, exemplo quum queat vno,  
 Millia tot cudens, passim proferre librorum.  
 Scilicet, hoc demum, cervix tua vulnere nutat,  
 Quod scit, & unde sciat, populo est reparabile parvo.  
 Vnum hoc demito, & antiquam sic restitues rem:  
 Non potes? ergò etiam vita te redde priori,  
 Quò superas agilis conscendas pauper ad arces.  
 Sic etenim, toto passim circumfluus orbe,  
 Sancta Cliens iterùm suspexerit atria Petri  
 Atria nunc deserta, malis aut trita cucullis.  
 Nam dabit hoc meritis, meritò quod detrahit istis.  
 Moribus: haud æquum est nos hac dare, teque ita luxu  
 Parta nepotino disperdere: sedibus Ales  
 Si superis lapsus, iubeat concredere, nos hac  
 Ut fiunt, oculis, non auribus excipiemus.  
 Cur igitur nobis tam noxia lumina reddis?  
 Quidue palam? at laudes præstat memorare merentis,  
 Non vitia istorum percurrere, quæ Deus olim  
 Corriget, aut tollet: non insequor ista libentè  
 Quæ lippis nunc & tonsoribus ore teruntur.  
 Nec mihi mens, homines viuentes more vetusto,  
 (Sunt quoniam & Roma) impuris coniungere puros.  
 Nec tua, quæ tibi digna supersunt (Roma) renello:  
 Viderit hæc alius, quantum tibi deferat orbis.  
 Optârim potius, niueo candore micantem



Pastorem niueo pecori ter lactea claustra,  
Clauibus ingenuis tecti referare superni.  
Optârim potiùs, castas casto ore sacerdos  
Effundâtque preces, diuini & semina verbi,  
Omnibus amplectendus, ut omni maior honore,  
Laudetur, placeat, prasit, metuatur, ametur.  
Optârim, pecus ignauum, mugitibus amplis  
Quod reboat, clauso que ciet lugubre sub antro,  
Crassa cucullata mutet dispendia vite  
In melius: nam si vestis nunc ominis instar,  
Turgentésque genæ, ventérque abdominis alti  
Thesaurus specie offendunt: si denique non est  
Solus, qui solo Monachum se nomine iactat:  
Nec pauper (mirum) qui dum nil possidet, omni  
Possideat villa, prastat quod lectius: optem,  
Linquat ut hæc mundi mundo. Vulpecula nam si  
Macra cauum repetat strictum, quem macra subiuit,  
Fortè iterùm celsi conscendet culmen Olympi  
Par leuibus ventis, volucrum & velocior ala.  
Nunc iacet, immundo gaudens ut amica luto sus.  
Auersata oculo Phæbi renuente nitorem:  
Qualis furua suo quæ gaudet noctua fusco  
Iam senior, grauibusque volans cunctantiùs alis,  
Præda auibis metuit prædatis ne siet ipsa.  
Vsq̃ue aded èst tenuis nam venter, ab arte magister  
Querendi, quæ post perdat ventrosior equo.

Ergò, tuo dempsit si tam bona fercula ventri,  
Henricus, si tam lauta instrumenta popinæ:  
Tu quibus immeritam carnem afflictere solebas  
Cruclis si tam regalia claustra per vrbes  
Iam medias (sic sola placent namque oppida soli)  
Ne reputes, quicumque monastica dogmata seclor  
Collaudas, potuisse tibi hæc sine munine tolli?  
Numen erat, nimum tibi quod præcidit: & hæc est

*Ad citharam, ille arcu contendit, at ille palastra,  
 Projcit hic magno connixus robore saxum,  
 Hic agili praeceps iactat sua corpora saltu,  
 Victor ouat, laudèmq; & prætia larga reportat,  
 Quæ sero gaudet senior seruasse nepoti:  
 Hæc mihi si claro peragat plebs omnia sole,  
 Nil dubitans veris se efferre coloribus, ut quæ  
 Natiuam ingenuè testetur simplicitatem,  
 Quis non hæc animi tranquillæ, candida dicat  
 Argumenta fore? & puro de pectore labi?  
 Qualia nequicquàm simulandi nescia fingat,  
 Si mutare statum iusta indignatio vellet.*

*Qualitèr econtrà, si quis mihi pinxerit, alto  
 Torpentem mærore animi, & consortia plebem  
 Quæ fugiat, nisi quæ secretas ferre per umbras  
 Tendit, ubi hos cætus nox intempesta coëgit,  
 Nil sanum querula tristis iam voce susurrat,  
 Dira sed in Regem iaciens, lectumque Senatum,  
 Paulatim induitur sic coniurata, rebelli  
 Pectore: iamque parat sceleri se accincta, nefandos  
 Si quis in arma viros, dux profligator, vltro  
 Educat, speciosa foris prætereundæ doctus,  
 Intus at immani versans crudelia capto.*

*Hæu Superi: quis nam hos docuit malefana scientes  
 Consilia exercere? quis vltà quàm decet, altum  
 Hos voluit sapere? & censuram denique rerum  
 Sumere? num scire, aut nimium scire, officit istis?  
 Quis regat hos vnus? quorum vel quilibet instet  
 Consilio iniussus se inferre, exquirere & idem  
 Omnia non dubitet, rationibus vsque minutis?  
 Et damnet, minimum quod non sibi quadret ad vnguem?*

*Talia sed mota peragit plebs effera turba,  
 Cum furit, & longo iam dudum pondere pressa,  
 Tandem (animos faciat seu desperatio) surgit*

*In rabiem conuersa, feris truculentior ipsis.  
 Ni caueat, memori voluens prognostica mente,  
 Qui regere hos Princeps, exemplo primus honesti  
 Debuit, haud aqua arguiturus voce popellum,  
 Qui magno exemplo, docuit peccare minores,  
 Aut nimis indulgens, peccare per otia plebem  
 Sustinuit, (namque otia sunt fomenta malorum)  
 Aut malefacta in prima imprudens negligit herba  
 Corripere, arboreo qua temnunt corpore falcem,  
 Post ubi per plures morbi contagio creuit,  
 Aut miseros tandem, veluti ludibria, & umbras  
 Negligit, aut alijs ridens exponit inultos,  
 Quod genus ut fastus verum est insigne Tyranni:  
 Sic nullo grauius commotos pungit ab astro,  
 Quàm si despiciat, quorum ultor debuit esse.*

*Namque hominem sociale animal natura creâsse  
 Cum voluit, certo iungentem fœdere cœtus,  
 Vtile communi quò tandem quilibet usu  
 Perciperet, magno sese dum corpore miscet,  
 Membra quidem statuit pronè spectantia terram,  
 Imperio capitis subdens, ubi sacra superni  
 Lucet imago Dei, quo distribuyente, cuique  
 Iam membro accedit rata pars, & cuique suum ius.  
 Pracipue imbelles protectos vindice dextra,  
 Dum metuit temerare virum manus improba, corpus  
 Non vno ciuile modo qua destruat, audax  
 In scelus, atque manu stringens aliena rapaci,  
 Ni caput occurrens, horum compefcere diros  
 Insultus satagat: qualem se feruida pullis  
 Cristati prebet coniux enixa mariti,  
 Persidus in gyrum penna se prapete miluus  
 Si flectens, ventri inconcessam queritet escam.  
 Quid faciant pulli? ni iam dudum anxius mater  
 Instantem panide soboli perterritet hostem,*

*Lurconem dum voce minax, & submouet alijs?*

*Taliter (vt paruis componere maxima fas sit)*

*Dia Deum proles, nobis Astræa, salubri*

*Iustitia humanos trutinans sic temperat actus,*

*Vt neque perfidia sedem violentia tetra*

*Inueniat, quam Diua procul ceruicibus arcet,*

*Iamdudum suetam miserorum sanguine pasci,*

*Nec vana surdas plebs aures voce fatiget,*

*Cui nihil armorum est præter lamenta, precèsque,*

*Lesæ suis dum se gaudet refouere sub alis,*

*Iam placido innocuam producens tramite vitam.*

*Hæc illa est igitur virtutum maxima, iusto*

*Quæ tanquam regina alijs virtutibus antecit,*

*Immotos oculos obuincens fascibus, ense*

*Erecto cui dextra riget, cui læua bilancem*

*Sustinet: hæc olim propriæ seu symbola recti,*

*Maiores (Astræa) tuis superaddere signis*

*Gaudebant: animis ea dum versatur imago,*

*Sapè salutaris venerati numinis vsum:*

*Qua sine, non pietas, non aut clementia inani*

*Nomine, labenti patriæ succurrere pergant,*

*Dum male condonant mansueto pectore culpas,*

*Ferro opus est, ubi nunc contendit ferrea proles,*

*Inscriptas tabulis sacris perrumpere leges.*

*Quas nisi iustitia cingant adamantina claustra,*

*Durior hæc atas hominum violauerit ultro.*

*Quod prudens longo Henricus cognouit ab usu,*

*Quo se proripiat populus mala bestia, legum*

*Ni multo custode tenor seruetur ad unguem.*

*Iunior hic etenim dum forsan mite benigni*

*Principis ingenium precibus miseratio flectit,*

*Non uni indulgit, non vno crimine turpi.*

*At cum ignoscendo tandem perceperat, unus*

*Quanta nocens toti dimissus damna maniplo*

*Inferat,*

*Inferat, audaci ingeminans sua crimina facto:  
 Noluit ulterius iam clemens dicier uni  
 Parcere, sed multis, duxit mansuetius esse,  
 Parcere quàm soli, qui nollet parcere multis.  
 Ergò metum duxit vinclum præstantius esse,  
 Quo populus temerè mores mutatus in horas  
 Stare loco possit, crude formidine pœnæ,  
 Quàm si indulgentem vitijs, vitiosior hora  
 Momento tantum plebs diligit, huic amor est nam  
 Recti odium, & nullo bacchanter currere fræno.*

*Quòd si aliquis damnet rigidi sic Principis arcum  
 Imperium, populo scriptas qui sanguine leges  
 Proponat: quodam tenus hoc fortasse fatendum est.  
 Tempora, si & mores si non & plurimus usus,  
 Arguerent, humana magis meminisse pericli  
 Pectora, quàm si quid latum, aut gratum accidat illis,  
 Ingrata obliti benefacta recondere mente,  
 At memori dociles animo proponere acerba,  
 Quæ passa, aut patienda reuoluunt nocte dièque.*

*At si Regis opus, gladio stat vindice, noxa  
 Stirpitus à puro vt sic tollatur grege: quisnam  
 Iam pius, aut clemens magis est, qui monstrat aperte  
 Quid caueant, clavis edicens singula scriptis,  
 An qui securos, legum leuitate fefellit?  
 Longa quibus vitij obduxit tolerantia callum?  
 Postque nouo exemplo, iusso, pro legibus usus,  
 Armatos populo immitit? (suprema potestas  
 Si benè supremum imperium sic exerit) vna  
 Iam plures perimens, longè crudelior, hora?  
 Quàm qui vnum perimens, plures seruauerat vno?  
 Sed metus hic pœna, in paucos quæ exercita, paucis  
 Exemplis stetit, haud facile est dixisse, potentium  
 Quàm benè conatus compresserit, ilicet istis  
 Olim vicino coniunctus pauper agello,*

*Tam male vicini sensit mandata potentis,  
 Ut ni cuncta cliens, obnoxius usque patrono,  
 Perficeret, nutu que infferat ille superbo,  
 Actum erat istius de re, de bobus, & agro.  
 Quare novas sedes, aiebat diues, inultus  
 Haud patiar, quin tu quis ego sim, & tu quoque qui sis,  
 Ipse malo edoctus tandem fateare tuomet.  
 Quid faciat pauper? tremulo cui torpet in ore  
 Lingua affixa metu? numnam mastigia pergis  
 Mutire? haud equidem fas sit (patrone) benignus  
 Tolle tuas instar (quaso) mihi fulminis iras:  
 Tolle tuum quodcunque meum est, vel me quoque tolle,  
 Dummodò pace tua communi perfruar aura.*

*Hæc olim Henricus damnans malefua potentum  
 Imperia, iniusto miseros torquentia fastu,  
 Ulterius vetuit Cumani obtendere aselli  
 Mentitam populo hos, magno sub nomine larvam.  
 Non solum in medio, regni seu corde, tribunal  
 Supremum cingens numerofo iudice, lites  
 Antiquo de more statis qui mensibus omni  
 Discuterent populo, pauper ne obscurus, an aurum,  
 Angenus, & proavos iactet, discrimine nullo,  
 Quinetiam binas diuersis addidit oris  
 Iustitiæ sedes, ubi præsiede nixa potestas  
 Lecta virum, pulchro incepto præsentiùs illis  
 Ius possit dictare, loci distantia forte  
 Quos potuit retinere domi, ni teste propinquo  
 Legis opem possent sentire parabilis: unde  
 Idem erat extremis qui ignotior abforet oris,  
 Tam facile usurus legum munimine, quàm qui  
 Verba palatino propior Regi explicat ore.*

*Hoc erat, hoc igitur, quo demùm robore fulta  
 Plebs potuit tutò tandem coluisse potentes,  
 Quod satis esset, & ulterius nihil addere supplex,*

*Mitius*



*Mitius imperium reputans, dum seruiat uni,  
 Ille licet pro iure suis regaliter instet,  
 Quàm multis dare multa, per & non debita iura.  
 Iure etenim custode fruens, intenta labori,  
 Mille modis victum plebs ingeniosa parabit,  
 Rem satagens arcti parcendo augere peculi.*

*Qualis stramineo quæ se formica sub antro  
 Exercet, nunc huc, nunc sedula fertur & illuc,  
 Torrida flauentes dum campos occupat aëtas,  
 Abrosam condens miranda per horrea messëm:  
 Quo genio indulgens, torpentis tempore brumæ,  
 Promat opes; parcos bene quas seruarat in vsus,  
 Nil metuens, ni vim metuat contemptior vrsi,  
 Qui ferus imbelles perrumpens ungue cauernas,  
 Sapè solet plebis nigrantis corpore vesci,  
 Nequicquàm quæ parca dapes custodiat, ipsa  
 Cum custodis egens, laniata per ilia, dentem  
 Suscipit, at quanto satius custodia firma,  
 Iam toto misera frugum redimatur aceruo?*

*Taliter & populus non vna industrius arte,  
 Pauxillo paucum adijciens, ditescere pergit,  
 Bestiola exemplo tantilla edoctior, annis  
 Quid valeat seris aliquid tribuisse repòstum.  
 Quod vos non vobis (Ciues) seruasse rcpòstum  
 Quis ferat? ast alijs seruauerit ille repòstum,  
 Quisquis opes cumulare parat, custode remoto,  
 Fortior imbelli quas aufert nomine prædæ.*

*Ergò pios iustis qui vos sub legibus alta  
 Pace fouent, prono venerati pectore Reges,  
 Discite, quando opus est, in publica munera, quisque  
 Quæ rata pars, illis vestri tribuisse peculi.  
 Si datis, exiguo totum quis non bene seruat?  
 Non datis, exiguo totam quis non male perdit?  
 Quæ vestro ingrati Regi soluisse tributa*



Respuitis, per vim vobis post auferet hostis  
 Ingeminans, diro nectens vos compede, charis  
 Coniugibus, vestrisque illudens sepe puellis,  
 Quis ante ora patrum, non uno crimine turpes  
 Efficiet iuuenum manus improba, vos quoque maestos,  
 Non lachryma vultus liceat stillante rigantes,  
 Hac prece iam tarda, tam tetra repellere damna,  
 Quin oculis etiam coram obuersetur imago.  
 Nam voces tunc & dominorum, & verbera, victa  
 Iam cervice pati, & laribus decedere auitis,  
 Sic male congestum linquentes hostibus aurum,  
 Instructasque dapes, pretiosa & vellera lana,  
 Non illos pridem qua tondebantur in usus,  
 Et quaecunque nono exemplo committere victor  
 Audeat, haud animo victi renuente recusat.  
 Quidquid erit, vincenda proteruia sua ferendo est.

Proh Superi: horrendum hoc omen diuertite nostris  
 A laribus: Domino & Regi seruire Britanno  
 Ingenuo ingenui pergamus, tempora Phæbus  
 Annua dum repetit vasti certamine cursus,  
 Dum calet ather, & aërio flant corpore venti,  
 Dum refluxus lunæque vices mare sentit in undis,  
 Et medio tellus dum fert sua pondera centro.

Quare age, tu qui Anglo gaudes vir nomine, gaude,  
 Si tibi pauxillo libertas ere redempta,  
 Tam bene fortunas demum seruauerit omnes.  
 Fortè putes stultus si quid tibi deperit, ultra  
 Quam cupias propria custodiuisse sub arca,  
 Non bene communi quod sic committitur arcæ.  
 At si qui ditat, de te iam diuite tollens,  
 Sic tibi perpetuo felicia tempora cursu  
 Proroget, ipse tui cingens te milite nummi:  
 Non video cur non liceat, semperque licebit,  
 Tollere quod satis est, Princeps pius haud petet ultra,

Haudque

*Haudque alio quàm quo deceat vel iure, modòne.  
 Sic licèt Henricum, vicina potentia Regum  
 Iam nimio excreſcens, ſuperaddere plura cògit,  
 Maiorum pridem quàm veſtigialia ſtultis  
 Fortè rapina fuit, prudentibus at mera virtus.  
 Tempore ſcire ſuo, non magna augere tributa,  
 Cui res uſque foret cum talibus, omnia dudum  
 In decuplum geminaſſe ſuis, quos non piguit, ne  
 Fortè aliquid deſit totum ſitientibus orbem.*

*At licèt inuidia rumpantur & ilia morſu  
 Nonnullis, quibus hoc augere araria, totum  
 Diſplicet, haud aliam prò re, pro tempore, formam  
 Qui ſtatuant, licèt hinc, atque urgeat inde neceſſe,  
 Quàm qua maiorum proceſſit curta ſupellex,  
 Scire velim: noſtris unquàm qua tempora rebus  
 Ingruerint, metuenda magis, promole pericli,  
 Aut metuenda minus, tali ſub Rege repulſa?  
 Scire velim: ſi tam durum ſit tollere, quando  
 Ditior extiterit nobis Reſpublica: res &  
 Quæ priuata, priori longè opulentior auo,  
 Tollere de magno, audacèter ſuadebat aceruo?  
 Hoc quoque ſcire velim: tollentem paucula damnans,  
 Linide, cur potiùs non ipſa ad ſydera tollis?  
 Millia qui largo tibi ſænore plura rependit,  
 Plumbea qua inuenit pridem, poſt aurea reddens?  
 Aude ingrate negare, & primam ſi potes, effer  
 Pauperiem: cui nunc maleſuada opulentia turget,  
 Luxu Aſie, cui menſa Apici, cui tecta Luculli,  
 Concedant ebore, & ſignis, pictiſque tapetis,  
 Cuique peregrino cultu non barbara coniux,  
 Aſidet, ipſa comas nodo gemmante reuincta.  
 Quid dico urbanos? vel ſi ſe ruſticus offert,  
 Quàm nitidus? quantum & victu mutatus ab illo  
 Iam fuerit? zythum ſaclo ructaſſe priori*

*Cui magnum fuit: at nihil est nunc vina diebus  
Et vel non festis, madido tribuisse palato?  
Luditur, & vestitur, & estur, quod Sybarita  
Inuideant: tu stulte putas, hæc omnia macris,  
A tenui & vacua depromi posse pharetra?*

*Non ego, nec tanti fraudârim pramia facti,  
Solutus in immensas quod se demittere curas  
Sustinuit, toto procurans pro grege pastor,  
Dum toties totum tibi sustinet, alter ut Atlas.  
Si nescis? num vere aliud tunc temporis actum,  
Quum tua dispositis castellis littora in orbem  
Cinxerat, & portus non una mole reuinxit?  
Ne qua manus nostris succedens advena terris,  
Hostilem incautis posset diuertere prædam?  
Quid? mare tam pulchra, & valida tibi classe subactum  
Quod dedit? exempli cæptor, quo si sapit, ultro  
Victur Regum stirps postera, doctior usu,  
Quam prosit patriam muris cinxisse abiegnis,  
His, quibus in media, res & spes, sistitur unda?  
Arte noua puppis dum plurima, turribus altis  
Altior, edomitum imperiosa per ambulat æquor?  
At nihil est, nobis sic vltima littora reddi  
Tuta foris: si non medio lectissima regno  
Corpora fida virum, muro præsentius omni  
Auxilium patria conducent ære perenni,  
Martis opus pacem voluit vigilare per altam.  
Quid? quod nobilium sobolem submisit equorum?  
Longinqua quæ stirpe vterum per pascua lata  
Hinnis fremens complens, generoso semine, matri,  
Thessala nunc Angliis, Nomadumque armenta reponit?  
Quid? quod & Aetnaeum spirans de faucibus ignem  
Aenea terribili reboat nunc machina bombo,  
Passim omni digesta loco? Nam cætera belli  
Instrumenta, domi, atque foris, quæ prouidus usque  
Congessit,*

*Concessit, sileámne? opera vel vanus eadem,  
Enumerem, Thamesi ripas quota cingit arundo?  
Ardua quot nobis pascantur per iuga dama?  
Quotque canum nemus omne latranti voce remugit,  
Angla tuis (Diana) sacris, operata iuuentus  
Cum vacat, alipedes sectans per denia ceruos?*

*Hac ille assidua meditatus mente, suorum  
Certa salus, certo quo stans pede falleret hostem,  
Non ullis potuit iam parcere sumptibus, & quò  
Salua foret nobis res, nullis usque pepercit.  
Ergone magnificum facundi pectoris ausum,  
Tot bene velle viris, populo patriam, patriaque  
Seruantem populum, vox praua, & rustica perget,  
Optima detorquens in pessima, ledere dictis?  
Quid potuit maius cuiquam conferre, salute?  
Quid voluit potius? tota quod mente cupiuit,  
Tota opera toties tibi prastitit: ilicet, hoc est,  
Vir medicus, puero nonnunquam absynthia miscens,  
Inuitum antidoto cautus quod sanat amara,  
Multa prius meditans: pueri lachrymaque, prec'esque,  
Auerse horrescunt ingrati pocula succi:  
Ille etiam, puero motus, nollet dare: tandem  
Vincit amor veri, inuito conferre salutem.*

*At mirum ne quis putet, unum hunc omnibus, omni  
Non ex parte, satis plenè potuisse placere:  
Quum pater ipse Deum, summi regnator Olympi,  
Iuppiter, aetherea terras moderatus ab arce,  
Incerta nequeat plebis tot dissona vota,  
Et simul, & grato cuius coniungere nexu.  
Si pluit: hic Boreæ canas, gelidasque pruinas.  
Si riget: hic tepidos, praefert Aquilonibus imbres.  
Si sudum est: vernas alter vocat AEolus auras.  
Nymboſi exurgant odioso turbine venti:  
Iactatus clamat superos Palinurus in undis.*

Denique quid multis opus est? ni Iuppiter ipse  
 Prospiciat, cunctis quid congruat aptius, vlla  
 Contentos homines reddet iam sorte? beatiss  
 Non si Caliculis Chyrona adiungere vellet.  
 Tam vario plebs ad praesentia nauseat ore,  
 Dum cupit ulterius, quod naetum denique spernat.  
Quare, ego vos, capitis quibus est reuerentia cani,  
 Compellem potius, maturi pectora sensus  
 Promere, quid faciat? multis qui multa reponens,  
 Vnus, non vnā personam sustinet? hic, si  
 Auribus vnus tantum se accommodet, omni  
 Sibila displiceat, passim iactante theatro.  
 Est quod scire vnum satis est: male quod sciat omnis:  
 Est pulchri, est quaedam perfecti idea, repōsta  
Quam specie Princeps animo proponat, inertis  
 Illa licet vulgi, rudiores fallat ocellos.  
 Sic etenim, culpant quae forsitan vnus, & alter,  
 Aut plures, non illa vno damnauerit ore  
 Iam populus, nec quae aspectu primo horrida squallent,  
 Regiēda putet: multo laudatur ab usu,  
 Difficili pulchrum quod nititur: at bene capitis,  
 Annuat ipse Deus, faelix ut & exitus adsit.

Sic certē Henrico (tantum valet alta medullis  
 Inrita credulitas, longos concreta per annos)  
 Non vna obijciunt multi se voce, priorum  
Quod placita immutans, Diuū spectantia cultum  
 Longē alius, quam qui tantum tibi detulit olim,  
 Ipse loco te (religio Romana) mouere  
 Sustinuit: migrare iubens à finibus Angliis  
 Teque, suosque simul tot nomina Diua cucullos,  
Quando etiam tantum, non hinc secura dolorem  
 Sperabas, nostris nam quo seiunctior oris,  
 Hoc ignota magis, venerandas sanctula clauis  
 Obtendens, multaque animos formidine complens,

*Ignaris*

*Ignaris poterat lucrosam exponere mercem:*

*Si bene sic mæcho prostat Superum domus auro.*

*Nescio: nec sacrorum argutus censor, apertis  
Vocibus, hic pergam abstrusas depromere causas:*

*Quæ noua Religio, hunc, antiquam Religionem*

*Flectere, ad exemplar primæ relligionis*

*Impulerit? multo pectus iam numine versans?*

*Nam Deus hac tam vasta, procul dubio, exerit ipse,  
Commotans, adimens, flectens, quandoque reponens,*

*Imperia, & ritus, mores, formasque regendi,*

*Quæ steterant, rursus facie mutata recenti,*

*Qui iubet in Chaos antiquum, repedare per umbras.*

*Hoc scio, si meritis, dignè contingere iniquis,*

*Pæna potest: potuit, labi nunc Roma magistra,*

*Promeruisse, sue quantum nil credere larue,*

*Tot gentes properant: solis namque Anglica tellus*

*Non damnat votis, prius, & post, quæ potior pars,*

*Christicolum damnat: Romæ ne nescius erres*

*O Præsul: vos & comites, quos purpura vestit,*

*O utinam, antiqui seruantes limina Petri*

*Dignius, illi etenim vestri rubor occupat ora.*

*Vultis ut antiqui stet vobis gratia facti?*

*Pascite oves, rictu neque dilaniate lupino.*

*Vultis ut ipsa pedum vobis vestigia signent*

*Basia? sit vobis pura, & sine crimine vita.*

*Vultis ut excrescant vobis tot castra, tot urbes?*

*Hæc habeant pauper, neu scortorum agmina tollant.*

*Sed nihil est: nec iam rauco clamore theatri,*

*Ipse pudor vobis, desueti pectora honesti,*

*Amplius igniculis, plusquàm torpentia, sursum*

*Erigit: usque adeo Romæ nunc ferrea constat*

*Segnities, nolle ulterius resipiscere, inanes*

*lactanti voces, & non sua tela mouenti.*

*Hæc Superum domus: antiquo quæ purior æuo,*



*Sanguine tot Procerum Christo incunabula regni  
 Fundâras, quo nunc te impuro proripis auso?  
 Quid struis? aut qua spe, partum decus improba, nisi  
 Degeneri, pergis Herebi confundere monstros?  
 Fleete gradum, verbis colliment facta necesse est,  
 Nunc, ubi cum stultis, non est tibi res idiotis  
 Amplius, at plusquàm doctos, quos littera telo  
 Instruit, inque tuum tenebris cinctum caput armat.  
 Non potes ignaros, ex gnaris reddere: formis  
 Ars fecunda novis, exemplo quum queat uno,  
 Millia tot cudens, passim proferre librorum.  
 Scilicet, hoc demum, cervix tua vulnere nutat,  
 Quod scit, & unde sciat, populo est reparabile parvo.  
 Vnum hoc demito, & antiquam sic restitues rem:  
 Non potes? ergo etiam vitæ te redde priori,  
 Quò superas agilis conscendas pauper ad arces.  
 Sic etenim, toto passim circumfluus orbe,  
 Sancta Cliens iterum suspexerit atria Petri  
 Atria nunc deserta, malis aut trita cucullis.  
 Nam dabit hoc meritis, meritò quod detrahit istis.  
 Moribus: haud æquum est nos hæc dare, teque ita luxu  
 Parta nepotino disperdere: sedibus Ales  
 Si superis lapsus, iubeat concedere, nos hæc  
 Ut fiunt, oculis, non auribus excipiemus.  
 Cur igitur nobis tam noxia lumina reddis?  
 Quidue palam? at laudes præstat memorare merentis,  
 Non vitia istorum percurrere, quæ Deus olim  
 Corriget, aut tollet: non insequor ista libenter  
 Quæ lippis nunc & tonsoribus ore teruntur.  
 Nec mihi mens, homines viuentes more vetusto,  
 (Sunt quoniam & Romæ) impuris coniungere puros.  
 Nec tua, quæ tibi digna supersunt (Roma) reuello:  
 Viderit hæc alius, quantum tibi deferat orbis.  
 Optârim potius, niueo candore micantem*



Pastorem niueo pecori ter lactea claustra,  
 Clauibus ingenuis tecti referare superni.  
 Optârim potiùs, castas casto ore sacerdos  
 Effundâtque preces, diuini & semina verbi,  
 Omnibus amplectendus, vt omni maior honore,  
 Laudetur, placeat, præsît, metuatur, ametur.  
 Optârim, pecus ignauum, mugitibus amplis  
 Quod reboat, clausoq; ciet lugubre sub antro,  
 Crassa cucullata mutet dispendia vite  
 In melius: nam si vestis nunc ominis instar,  
 Turgentésque genæ, ventérque abdominis alti  
 Thesaurus specie offendunt: si denique non est  
 Solus, qui solo Monachum se nomine iactat:  
 Nec pauper (mirum) qui dum nil possidet, omni  
 Possideat villa, præstat quod lectius: optem,  
 Linguat vt hæc mundi mundo. Vulpecula nam si  
 Macra cauum repetat strictum, quem macra subiuit,  
 Fortè iterùm celsi conscendet culmen Olympi  
 Par leuib; ventis, volucrum & velocior ala.  
 Nunc iacet, immundo gaudens vt amica luto sus.  
 Auerfata oculo Phæbi renuente nitorem:  
 Qualis furua suo quæ gaudet noctua fusco  
 Iam senior, grauibusque volans cunctantiùs alis,  
 Præda auibus metuit pradatis ne siet ipsa.  
 Vsq; adeò est tenuis nam venter, ab arte magister  
 Querendi, quæ post perdat ventrosior aquo.  
 Ergò, tuo dempsit si tam bona fercula ventri,  
 Henricus, si tam lauta instrumenta popina:  
 Tu quibus immeritam carnem afflictere solebas  
 Crudelis si tam regalia claustra per vrbes  
 Iam medias (sic sola placent namque oppida soli)  
 Ne reputes, quicumque monastica dogmata sector  
 Collaudas, potuisse tibi hæc sine numine tolli?  
 Numen erat, nimium tibi quod præcidis: & hæc est

Iam quotus hic nostris pauper versatur in oris?  
 Quis nescit, magnos magna vi nunc nebulones  
 Sic petere, ut ni des, dubites ne tollere pergant?  
 Quis nescit, prostrare malis nunc artibus Iros,  
 Impura qui voce, stipem per compita clamant  
 Luce tenus, multa quam post sub nocte bibones,  
 Ridentes nimium facilis pia pectora vulgi,  
 Scorta inter magno strepitu, rixisque profundant:  
 Quotue hominum nequam viuunt, nequissima proles.  
 Hanc iubeas mancam, vel si pede claudicat uno,  
 Saltem aliquid sanis prestare per otia membris,  
 Nolit: cur? dulce est bene pascier, est agere & nil.  
 Hacne placet Superis pietas insulsa? petenti  
 Da facilis, mendicus erit: verum abnue, fiet  
 Aut cerdo, aut quiduis: ventri namque omnia dicat  
 Ingeniosa fames, vacuo labor improbus instat.

At mihi si ter tot (dicat nunc Anglia mater)  
 Ad sint, vberibus homines quot nutrio magnis,  
 Dummodo gens pronò contendat gnaua labore  
 Me colere, ex ipsis penetrabilibus abdita versans,  
 Vna ego, ter tot & exuperans, alimenta rependam.  
 Men pudor est igitur torpere per otia vobis?  
 Tam bene, quæ Solyma vincam praconia terre?  
 Nam sterili infelix essem si percita iunco,  
 Aut minus agricolis ferrem lapidosa per arua,  
 Torrida vel venis peterem sitientibus imbres,  
 Ipsa fame cogente sibi pro lege iuuentus  
 Sufficeret: namque artis opus sine lege, parata  
 Substituit melius, quibus est natura nouerca,  
 Quam fortunatis, quos pinguior educat vlnis:  
 Ni labor hos instans stimulis exerceat, & lex  
 Strictior, ignauo indicens ieiunia ventri.  
 Mentiar, his olim si non conamine stulto  
 Cænobia ignauis praebebant prandia, quot vel

Tertia pars nostri agricolis vix protulit arui.  
 Tertia pars Monachis nam cesserat: hi male pasto  
 Ventre, alios etiam fruges consumere natos  
 Pascebant, & iam, nil prater pascere, pulchrum  
 His fuit, & nullos iam tandem pascere in usus:  
 Quos ego sapè meæ telluris inutile pondus  
 Et sensi, & quot quot vel nunc benesuada laboris  
 Munera defugiunt, indignos censeo victu.  
 Ergò age, tu (mi Henrice) decus, tu gloria nostri  
 Prima soli, cape sceptræ manu, deforme Britanno  
 Pelle solo pecus omnium, pecorisque magistros.  
 Sic ego nobilium nutrix non lenta virorum,  
 Ingenuas pergam rursus florere per artes,  
 Marte potens, flauæ studiisque operata Minervæ.

Dixerat, & magnum his dictis commouit alumnus.  
 Ergò una iam voce iubens migrare cucullos,  
 Sustulit ignavis sua sic præsepia fucis:  
 Structæque (Somne) tuis loca furua silentibus umbris:  
 Et tibi (Nox) caliganti, Noctisque sorori  
 Desidia, & quæ cum non sit, tamen esse videtur.  
 Nescio sed Monachis num sit, tamen esse videtur  
 Callida quæ fîcto mentitur hypocrisis ore.  
 Si dubites num sit: collum saltè aspice tortum  
 In laeuam: tam fida manus (si Dijs placet) olim  
 Succedens nudis pietatis sedibus, astu  
 Pura peregrino corrumpit dogmata cultu,  
 (Antoni) haud similis tibi, nec tibi (Paule) nec illis,  
 Deserta patribus qui cellas ponere eremo  
 Gaudebant, vix radices ieiuna per ora  
 Sumentes, nisi quas paruo manus extulit horto  
 Ipsa serens, proprio post vota peracta labore.  
 Potus erat, gelido latices de fonte fluentes,  
 Mensa humus, & fessis præbebant antra cubile.  
 Nunc igitur Monachis qui non hæc pingua demi

Prandia fers, veteres at saltem respice : puris  
 Vocibus hi poterant iram mulcere Tonantis.  
 Carminibus poterant (tanta est fiducia) lōne  
 Iam facili fulmen vibrata euertere dextra.  
Quid faciant isti, venter quibus est Deus, & Dux?  
 Corrigit hos aliquis? si non pessundet iniquam  
 Progeniem? dum quis putre, & immedicabile vulnus  
 Palliat? an potius ferro, aut per caustica prorsus  
 Amputat, extirpans vitij monumenta nefandi?  
Que tu (quisquis eris) placatus, desine cælo  
Inserere, & tandem aterna dispunge litura.

Nam rem religio peperit post filia, matrem  
 Ditiore, immemore confossam dente subegit.  
Quod pius indignum facinus quum cerneret Heros,  
 Dispulit instantem maternis visceribus rem.  
 Sic orba euasit mater, sic filia demum  
 Mundano placuit subdens se nupta marito:  
 Et iam secundo peperit quoque filia partu,  
 Nixa vno geminos meliora in fata gemellos:  
 Tela manu crispat, patria qui militat, alter,  
 Alter Palladys hanc doctior artibus ornat.  
 Infelix (ò Res) materno crimine fœlix  
 Prole tua, patria sic pergas gignere nostræ:  
 Sic properent alij nobis longo ordine Reges,  
 Belligeros, doctosque viros, per præmia larga  
 Allicere: Henrico primi stet gloria cæpti,  
 Tam benè sublatam patria qui restituit rem.

Hic ego si centum linguis centena per ora  
 Dulce melos possem centena voce referre,  
 Qualia vel Phæbi superent & carmina plectrum:  
 Non linguz, non ora mihi, non carmina, centum  
 Vocibus, & toties Phæbeo prodita plectro  
 Sufficerent (ò Rex) condigna laude referre,  
Quantus eras largo virtutum pectore fautor,

Dona ab inexhausto manantia fonte rependens  
 Cuilibet, egregiè quicquam per facta merenti.  
 Usque adeò (hoc dicam) nemo indonatus abiuit,  
 Quisquis erat, quem tu censebas munere dignum.  
 Et sapuisti, (ò Rex) nam qualis crimina princeps  
 Infracto punit castigans verberare pœna:  
 Talis & ingenuos debet per pramia larga  
 Erigere ad virtutis opus: torpere videbis  
 Ingenia, omnigeno pridem florentia cultu,  
 Si nec honos, nec res, meritis succedit honestis.  
 Quid faciat miles generoso vulnere clarus,  
 Aduersum cui pectus obit non una cicatrix,  
 Si iacet, indigno senior neglectus in agro,  
 Bella gerens monstris, cum paupertate, famèque?  
 Quid faciat culta præstans facundia lingue?  
 Quid varijs peregrina petita scientia ab oris?  
 Quæ vidit, quæque & didicit, selecta reponens  
 Iam patriæ? ingrato contrà si pramia pugno  
 Comprimat, has Princeps ultro qui debuit artes  
 Ipse domi nutrire, foris accersere magno?  
 Qualis enim catulum lecta de stirpe magister,  
 Spem nemorum, cauta paulatim inflectit ab arte,  
 Voce minax, nunc & castigans verberare sauo,  
 Si peccat, docili sed pingua frustra repromens,  
 Quum paret, catulo pariter spes, & metus instant:  
 Non faciat? iam fert ululanti verbera tergo.  
 Si faciat? recipit laudatus frustula, & ultro  
 Iam dominus caput huic mulcens blanditur, uterque  
 In statione manent: facit hic, dat & ille: catellus  
 Iam gestit lustrare cubilia facta ferarum.  
 Dente aper, exurgatue leo metuendus ab ungue,  
 Non metuit, pulchrum est vitam pro laude pacisci:  
 Dum fidus domini mereatur frustula blanda,  
 Expectans, (neque enim memori sine munere mente

Obijciet tantis, se desperatior ausis.)  
 Talis in errantes Henricus durior, illos,  
 Qui meruere satis, nunquam satis extulit: & non  
 Territus, exhausti vitabat damna peculi,  
 Plus animos redimi, multo vel fœnore ducens,  
 Quàm dubio euentu subiti si forte pericli  
 Negligeret, toto quod non benè redditur auro.  
 Quisquis enim cupiat fidis confidere: certa  
 Spe foueat, dum res geritur, pòst re benè gesta,  
 Re inuet: est aliquid laudare, at præmia Princeps  
 Adjiciens, medio in cursu sic incitat alis.  
 An quod ab immiti iaculatur fulmina dextra,  
 Iuppiter, an potiùs nomen trahit ille, iuuando?  
 Crede mihi, non est tam plectens crimina, quàm quæ  
 Splendida condignis dat præmia, (præstat utroque)  
 Iustitia: & non dans, hoc iam pede claudicat vno.  
 Nam vacat annales cuiuscunque euoluere, paucos  
 Inueniet Reges vllò laudariet actò  
 Plenius, hijs, quibus à largo donum ubere fluxit.  
 Si neque præclarum facinus successit auro  
 Cuiquam, nec vicit, sterili qui vincere pugno  
 Dedocuit: donatiuum castrensia vota,  
 Urbane & plebis suffragia lata reposcunt.  
 Auro opus est: medios aurum transire per hostes  
 Assolet: ipsa necem genitrix gnati expiat auro.  
 Hoc fuit Augusto laudes quod strauit, & ipsi  
 Iuliadæ: hoc magni titulum, profusior emit  
 Magnus Alexander, seu quisquis largitèr almis  
 Ingenijs fauit: doctòrum vincere princeps  
 Ingenijs poterit Phœnicis sacula rari.  
 Nigrior ille licèt sit Memnone, lotus in vndis  
 Pieridum, exhibit vincens albedine cygnos,  
 Talis in ore virùm, qualem effinxere pœtæ.  
 Ergò dedit: neque delictum Titus ille virorum,

Plura dedit, maiora dedit, neque promptius isto:  
 Nam citò dans, bis dans, rarò bis ferre petentem  
 Sustinuit: multos spes hæc tam certa iubebat  
 Ire per aduersi manifesta pericula casus.  
 Si capite annueret, patria vel si (benè) lingua  
 Proferreret, vox hæc licèt vna, sed vnica, totum  
 Conficiebat, & emissum irreuolabile verbum  
 Huic stetit: ipsa Fides tali promitteret ore.  
 Hoc proceres, hoc ordo etiam affirmârit equester  
 Auctior, hoc Italus dicat, fateatur Iberus:  
 Quisquis ab extremis terrarum & sinibus, isti  
 Se dignum exhibuit: namque hoc laudatior ipso,  
 Non ea non dignis tam pulchrum tollere, duxit,  
 Reddere quàm dignis. Vos, ô, quibus iste perenni  
 Aere dedit placidis litare per otia Musis,  
 Si qua manet factò pietas, vos ô, decet omni  
 Tum studio, & quo vos ornauit munere lingua,  
 Vestrorum ingentem studiorum efferre parentem  
 Laudibus: ipsa (inquam) resonent collegia laudes  
 Struëtoris, Diuis regalia tecta Camænis  
 Struëtaque, regali censuque instructa Camænis.  
 Ipse ego quàm vellem digno consurgere versu,  
 Et mea fulmineo procurrere iam pede possit  
 Musa, imitata tubam, nec quicquam exilior, altam  
 Virgilij, aut Graio cecinit qui Pergama plectro.  
 Conscius at medio ponam mea carbasia cursu.  
 Viribus hæc non apta meis: ego stultior instem  
 Fumanti solem terris ostendere lychno?  
 Et lusi, & satis est: vobis hæc maxima linquo,  
 Dia Poëtarum soboles, Pernaësia templa  
 Qui colitis, multa & Phæbi iuga consita lauro.

Plura loqui timor ipse vetat, vox faucibus hærens  
 Abnuit, infanti resonare hæc grandia lingua.  
 Nam mea ieiuno sic carmine Musa pedestris,



*Hactenus officij memor, hæc tam pauculatanto  
Vir tutum, tam non dextrè, deprompsit aceruo,  
Concelebranda sibi: quid vasti denique acerui  
Congeries faciet? Quid si nunc Regia proles,  
Vel scædæ digna manus, patriæ spes trina, superstes  
Magnanimo (agnoscas cuius de stirpe) parenti,  
Exurgat? partemq; operis sibi vendicet huius?  
Spondeat hæc numeris mea decantare Thalia  
Tam raucis? & tam nullo sale quæque referre?*

*Quis pueri Eduvardi suavisima pectora, mores  
Ter suaues, pulchri exemplar, quod nullus Apelles  
Exprimat, & nullo describat Tullius ore,  
Condignè hic pergat non digno dicere versu?*

*Quis Maria constans per tot certamina robur  
Iam queat admirans iusto tractare cothurno?  
Semper ab aduersis namque hæc iactata procellis,  
Indefessa tamen, animosque induta viriles,  
Multa tulit, captig, tenax non territa mansit:  
Digna quidem, quam iudicij mens certior acris,  
Eligere aptasset melioribus optima fatis.*

*Quis teneram, & niueo insignem candore puellam,  
Augusta quæ fronte, oculo & micat, ELISABETHAM,  
Tam benè ter magni referentem ipsa ora parentis,  
Iam queat, atque pari meritis extendere laude?*

*Quæ licet & generis, tum forma munere, sceptris  
Ipsa suis maior, cunctas (me iudice) vincat  
Quot sunt, quot fuerant unquam prius, Heròinas:  
Attamen haud alio præstat magis indice, pulchri  
Quàm quòd in aspectus pulcherrima pignora, non tam  
Quisquam oculos cupiat fixus dimittere fixos,  
Quàm potiùs diui ingenij penetralia sacra  
Susplicere, omnigeno Musarum prædita cultu.*

*Si spectes quæ rara placent exempla, venustam  
Huic Venus inuideat faciem superata: decoram*

*Huic Iuno speciem, iam non Regina resignet,  
Arte minor Pallas, huic & concedat Apollo,  
Quum canit, aurata vel cum testudinis omnes  
Per numeros varians, arguto pollice currit:  
Ille Deum interpreter certet si interprete lingua,  
Ille Deum interpreter, huic cedat munere lingua.*

*Quomē Musa rapis? iam non meus hac ego Phœbi  
(Ipse etenim docuit) depromam oracula ab antro.*

*Felix, ô tanta genitoris imagine, virgo,  
Felix ô sceptris, felix & munere diuo  
Ingenij, felix & diua munere formæ:  
Restat adhuc aliquid, temet felicior ipsa,  
Aude aliquando tui, nimum cunctata, pudoris  
Vincula, felici, & plusquam, conferre marito:  
Parvulus ut nobis Henricus lusitet aula,  
Qui bene pulcher avum referat, quo pulchrior alter  
Non fuit, aut pulchris unquam præstantior actis.*

FINIS.

DE ILLVSTRIVM QVO-  
RVNDAM ENCOMIIS MI-  
SCELLANEA, CVM EPIGRAMMATIS,  
ac Epitaphijs nonnullis: eodem  
Thoma Chaloner  
Authore.



LONDINI,  
Excudebat Thomas Vautrollerius  
Typographus.  
1579.

IN AVTHOREM, GV-  
LIELMI MALIMI

μαρτύριον.



HERCVLEVS iste planè labor hæc grauia, facta, ac  
tam demum necessaria scientèr, ac affabrè scribendo,  
ornatissimum Chalonerum rarum Philosophum, Poë-  
tam insignem, præstantem denique φύσις, ἡ τίχης, ἡ  
τύχης πολιτικὴν fuisse probat. Id quod nemini præsen-  
tia hæc eius opuscula candidè perlegenti dubium esse  
põtest, siue varietatem aucupetur, siue scientiam quæ-  
rat, vel prudentiam hominis admiretur, siue verba tantummodò vene-  
tur, siue expiscetur sensum, siue iusto examine vtrunque, vel singula cõ-  
fectetur, ac trutinè. Talem igitur tantumque virum qui laudat, æquus  
censor habendus est: qui vituperat, improbus: qui eiusdem posteris fauet,  
pius: qui famam vilatenùs lacerat ac cruentat, maliciosè iniquus. Plu-  
ribus in hac re minimè vtar, ne vel bonorum iudicijs nimium diffidisse,  
vel malorum petulantiam reformidasse, vel (quod ad illius laudem spe-  
ctat) lumen in meridie accendisse, videar.

AD

AD SERENISSIMAM  
ANGLIÆ &c. REGINAM  
ELIZABETAM, QVVM A GRAVI MORBO,

post tristissimum de eius morte Nuncium con-  
ualuisset, Epistola cum gratulatione  
hortatoria. 1562.



*QVVM tot sustineas ex te pendentia vota,  
(Spes ô labentis sola relicta domus)  
Quàm male te dubio dictum est decumbere  
morbo,*

*Tam benè te nobis gratulor incolumem.  
Fama malum praeceps absentis venit ad aures,  
Hic ubi dines aquis it Tagus auriferis,  
Multaq; longinquas inimica voce per oras  
Congeminans, primis addidit aucta nouis.  
Hic tua lethali languescere pectora tabe  
Dixerat: hic fato iam cecidisse graui.  
Ille meos tentat quæsit is promere sensus,  
Alter propenso condaolet officio.  
Quum nil solus ego scirem, tot vocibus actus,  
Quid nisi constantè dicta proterua nego?  
Ipse tamen tacitum secreto corde dolorem  
Concipio, & dubia singula mente tero.  
Quicquid id est, populus quod nunc demurmurat iste,  
Non nihil est: aliqua parte sed est aliquid.  
Demus, ut ancipiti vexetur febre, vel artus  
Ah, teneros quæuis carpat adorta lues:  
Proh Deus, anne idèò non euasisse putanda est?  
Hoc ego, quod nolim, tam citò crediderim?*

*Fama fluit mendax, mentitur primus & auctor,*

*Nec nisi peruietis auribus ista feram.*

*Interea creber paulatim rumor, inanes*

*Decidit in ventos, & rediuius manes.*

*Gratulor, & plenis nunc stant mea gaudia velis,*

*Quae prius obscuris tacta fuere Notis.*

*Ite triumphales per festa Britannica lauri:*

*Vicinus: in tuto est ELISABETHALOCO.*

*Iactata est (fateor) morbi surgentibus undis,*

*Rursus at in portum rettulit alma salus.*

*Nunc, licet ista vado depulsa pericula constent:*

*Metimur tanti proxima damna mali.*

*Ante diem si te confectam cuspide Parcae*

*Dempsisset maestis flebilis hora tuis:*

*Quid potuit nostris succedere tristius unquam*

*Rebus? ut in promptu cui libet esse potest,*

*Qui secum regni reputet momenta vetusti,*

*Quanta sit & sceptris vis subeunda nouis?*

*Nam si nil magnum facili molimine versum est,*

*Sanguine mutatum constat & imperium:*

*Iheu quantas abiens turbas Regina dedisses,*

*Vnica nunc miseris anchora sacra manens?*

*Tecum una veterum cecidisset gloria Regum,*

*Et tecum Henrici stirps adamata tui:*

*Quem colimus, neque adhuc terris censemus ademptum,*

*Ora patris dum tu tam similita refers.*

*Quod si nos adeo nomen veneramur amatum,*

*Quid facias generi tu pia gnata patris?*

*Ecce vias in te sobolem recidisse tuorum:*

*Reddere sola potes, tollere sola potes.*

*Si neque te generis, nec tangit cura tuorum,*

*At saltem patriam respice Virgo tuam.*

*Non tibi, sed patria genita es, redde optima serum,*

*At saltem serum cinibus officium.*

*Collige Virgo rosas, flos est felicior usu,  
Intactum quam si marceat omne decus.  
Hanc faciem, hos annos, hæc membra decora iuuenta*

*Quis non sæcundo iudicet apta thoro?  
Elige de multis quicum feliciter annos  
Tu gratata tuis, & pia mater agas.*

*Quum benè te parvis dulcis puer (ecce) lacertis  
Colla petens stringat, gaudia quanta feres?*

*Oscula libabit gnatus, feret illa maritus,  
Ille dabit Domina congeminata sua.*

*Me miserum: hæc animo versans nunc lator inanè,  
Spectator verè gaudia quanta feret?*

*Si nescis: nostra hic agitur de sorte, futurus  
Ille tuus cunctis dexter adesse potest.*

*Tuque parens patria meritò diceris, ut albo  
Marmore vile putes corpora casta tegi:*

*Quum solido inscripta surgent adamante columna  
Mutanti viduos, prolis amore, thoros.*

*Scilicèt hæc semper non est tibi forma perennis,  
Et veniet canis addita ruga comis.*

*Vt fragilis iactura boni tibi mitior extet,  
Formosa rursus prole virere datur.*

*Laudabit quisquam gnatos? maturior alter  
Hoc ipso dicet mater & ore fuit.*

*Tu sæcunda tuos inter, noua sydera Phæbe  
Ostendes populis exoritura tuis.*

*Tunc tua constitues in seros sceptræ nepotes,  
Gens tua securo tunc pede plaudet ouans:*

*Quum videat sucti imperij languentia pridem  
Stemmata, sic gemmis luxuriare nouis.*

*Conferat hys steriles quisquam nunc cælibis annos  
Actæque virgineo tempora proposito.*

*Et quæcunque senex nimium tibi lectus, eremi  
Qui deserta sua prætulit Ilaridi.*



Laudibus ad nubes atque vltra tollit, iniquo  
 Iam propior preſſi nomine coniugij  
 Matrona extenuans celebrata virgine honores,  
 Illa virum & gnatos ceu colat, iſta Deum.  
 Multaque prætereà potius laudanda modeſtè,  
 Neſcio quo nimium quum nocet omne modo.  
 Quæ ſpecioſa licet, regno paritura Puella  
 Regia, vix ſerues, tu pia dicta ſimul.  
 Nam neque neſcieris vel prudentiſſima, ſtirpi  
 Omnis homo quantum debeat vſque ſue.  
 Quo generis conſtet damnum reparabile noſtri,  
 Rectius vt ſenſit doctus Ariſtoteles:  
 Hac non lege ſatos, naturam hoc poſcere, iuncto  
 Nil, ſi fert atas, purius eſſe thoro.  
 Caſta nec vt maneat, dignabere ferrea dici.  
 Trifte ferat præcium quum tua virginitas:  
 Si male diſtractis ſtudia in contraria membris.  
 Tota quidem poſt te terra Britanna fremat.  
 Nouimus Henricum, tum qui naſcuntur ab illo,  
 Arma per hos miſeris nulla mouenda manent.  
 Vltèrius Domino ignoto ſi cogimur vti,  
 Linea in obliquo eſt non ita certa gradu.  
 Hic, atque ille petet: num ſi petet auferat illa!  
 Neſcio, nec concors exitus iſta manet.  
 Quiſque timet mærens, quæ nolleſt damna futura  
 Proſpiciſt & capiti, quod licet vſque ſuo.  
 Vt pereat minimus quiſquam de plebe tuorum,  
 Vix tanti Trinia eſt, totaq; virginitas.  
 Ah piget, & nollem dictum quod abominor; atque hæc  
 Vana precor ventis verba caduca ſinuant.  
 Sed populi pia cura tui, cape rurfus eandem  
 Tu populi curam peſtore ſollicito.  
 Quod potes, & præſtat, da: non indebita poſcit,  
 Vtile ſed folio poſtulat ille tuo.

*Ne serò, postquam defloruit orba senectus*  
*Ipsa tuos malles, certa futura tuis.*  
*Nullus enim nescit, quanta est fiducia sceptris,*  
*Qua tardè inuitus de genitore capit.*  
*Hac via tuta manet, longum est ut cetera cures,*  
*Quò penitus tota suspitione vaces.*  
*Attamen hoc animo si stat tibi, nolle iugaleis*  
*Ante foreistadas stare tuus Hymenci,*  
*Si tibi tam placeant vittatae sacra Diana,*  
*Thuráque vestali iuge adolenda foco:*  
*Prospice virgo tuis: mater diceris ab aëtu,*  
*Maternè foueas si tua membra caput.*  
*Haud equidem reor hoc factum sine numine, letho ut*  
*Proxima, sic letho millia surriperes.*  
*Si memor humani casus, instantibus ausis*  
*Dum licet, & possis consuluisse velis:*  
*Ista tuo capiti maneat precor usque corona,*  
*Seráque sydereis sis socianda choris.*  
*Quid vetat interea, viuiam uiuentibus, omnem*  
*Tollere dissidij lege monente viam?*  
*Si scimus tua quos heredes debita spectant*  
*Sceptra, quis & primus, quisque secundus erit:*  
*Hac rata si populo fuerint, patribusq; Britannis,*  
*Ut certos statuunt te praecunte modos:*  
*Alma tuis mater, securáque tempera gignes,*  
*Quosque piè seruas, tu tibi sic paries.*  
*Interea hæc imis iterumque, iterumque reuolue*  
*Sensibus, ò patria spēsque, decusque tue.*  
*Imperium genus, ingenium Natura dedere:*  
*Magnum id, consilio maius ut hocce regat,*  
*Iudicium, cultas tenera doctrina per artes*  
*Addidit, in raris queque loquela viris.*  
*Admiranda foret, sentē delectet Athenis*  
*Digna loqui, Latio siue probanda foro.*

Nam nihil (atque aliquid tamen est) moror altera lingue  
 Dona, quod externis externa visa places.  
 Vsq̃ue adeò vt non te peregrinam dicat Hetruscus,  
 Illàue molliculo Gallia blanda sono.  
 Nec moror arguti suauissima pignora cantus,  
 Nec fidibus digitos omnibus artifices.  
 Nec faciem, quam certè habet, aut Venus optet eandem,  
 Nec quam Regina Iuno probet speciem,  
 Nec que vix uni tot (si non omnia Diui  
 Contulerint) hospes dona tributa notet.  
 Plus moror insontes mansueti pectoris alto  
 Consilio curas, & sine labe manus,  
 Quas vel læsa cupis nullo fœdare cruore:  
 Perpetuò vt possis, Iuppiter ipse duit.  
 Hoc pietatis opus: iamque hoc spes certa resurgit  
 Te quandoque tuum posse mouere preces  
 Tam iustas: quum non alieno poscimus ore  
 Nos tua gens, & quod poscitur (ecce) tuum est.  
 Coniugium? tuus ille feretur vir Ioue solo  
 (Vixque) minor: prolem? te puer ille beet.  
 Hac si fata negent nostræ inuidiosa querelæ,  
 Quamuis illa sua stent ratione tibi:  
 Compositis non parua manet te gloria rebus,  
 Ne que viua aboles, mortua bella seras.  
 Viua tuos custodieris: manet altera funus  
 Gloria, successor ne vagus inde ruat.  
 Dixi. Hæc ô faciles confirment omnibus (oro)  
 Turba fabis Diuum, & tu Dea certa tuis.  
 Mèque pio hæc absens modulor qui carmina plectro  
 Presenti constans sydere respicias.  
 Neue supercilio damnes mea carmina duro,  
 Vt deceat, nullo fastus in ore stetit.  
 Antè tuo quàm stet, quàm dedignere tuorum.  
 Pectora, stent medio sydera nulla Polo.

*Ereētis ereēta placent regalitèr : & te  
 Hactenus aquanimi noscimus ingenio.  
 Tūque adeò simplex (quum sis tam candida) pectus  
 Sponte velis sensus non reticere suos.  
 Si tibi displiceant puro de pectore prompta :  
 Ingenium vultu concidet omne tuo.  
 Da veniam facilis : non hac tibi scriptitat hostis,  
 Aut fallax blando turpior ore Gnato.  
 Liber at ex totis qui servit sponte medullis,  
 Henrici cineres per tua sceptrā colens.  
 Parua quidem Domine missa est hac strenula tanta,  
 Magna voluntatis pignora at auctor habet.  
 Te, si fata suis current aqualia votis,  
 Longum nataleis ducere posse precor,  
 Saniā, fælicem, letantē prole, marito,  
 Diuitijs, regnis sub tua iura novis.*

## AD EANDEM, PRO REDITV

deprecatio. 1564.

**M**ltitimus absentes, præsenti reddere dextra  
*Quæ cuperet Domina debita cura sue.*  
*Quàm foret hoc gratum, tam te statuentē molestum est,*  
*Parte mei præsens, parte quod exul ago.*  
*Sapè domum liber procincta mente reuertor :*  
*Te sine non redimo, quod graue corpus abest.*  
*Longa triennialis tulimus fastidia claustri,*  
*(Ah miseri) Hispano congeminata solo.*  
*Si quis in hys absens Naso nunc degeret oris,*  
*Forsitàn hic tristes conderet ille libros.*  
*Cuique suum pulchrum est : non Pontum Barbarus ipsum,*  
*Nec vellet patriam destituisse Tomon.*  
*Cultus erat, Romanus erat melioribus uti*  
*Suetus, qui glaciem non tulit (Istre) tuam.*

*Me mea terra tenet, Zephyris placidissima blandis:*

*Qui volet, ardentem perferat hic radios,  
Atque orbata suis montana cacumina sylvis,  
Rurâque depexa squallida tota siti.*

*Et fossas, ubi riuus erat torrentibus auctus,  
Dum Notus hybernas incutiebat aquas.  
Post ubi flagrantem repetit sol igneus axem,  
Vix ulla Hispano flumina vna solo.*

*Si fons perpetuis scatebrosus bulliat undis,  
Si vernans lato gramine terra viret,  
Piscosum patulo stagnum se porrigat orbe,  
Germinet artificis consitus hortus ope:*

*Miratur, stupet atque novas turba inscia dotes:  
Quid faceret gens hac rura Britanna videns?  
Et volucres desunt: nam desunt arbore frondes,*

*Qua canat, & nidum garrula ponat avis.  
Et desunt pisces longinquo ex aquore vecti,  
Hac tardè ad patinas, putida prada, venit.  
Nec nisi rarus adest vitulus, tener hinnulus, agnus,  
Quid mirum? succus lacteus oranis abest.*

*Quid faciat mater, steriles que pasta per herbas,  
Ægrius arenti prandia quarit humo?*

*Quicquid ad instructas lauti parat addere mensas  
Inuitans, frustra hic altile ferre volet.*

*Strigosis strigosa manent macilenta macellis  
Nescio quæ, parca frustula scissa manu.*

*Neue mihi obijciant, si quid magè dapibile talis  
Fert ager, aut populus vnus, & alter habet.*

*Hic ego quæ desunt passim, & communiter vrgens,  
Queque iter ingrediens quarat ubique, noto.*

*Attamen aucupio (forsan) locus, aut locus hamo est?  
Aut venatori stat sua prada cani:*

*Iuro tibi intactæ pharetræque, arcûque Dianæ  
Hanc Carpetanis nunquàm habitasse iugis.*

*Nam rarò quæ res capitur, non capta putanda est:  
Illa volet prædæ diuitis exuuias.  
Quid lepus, aut fossis latuisse cuniculus antris  
Qui solet, ad iustas fecerit (oro) plagas?  
Rarus adest ceruus: vix unquam vulnificus sus:  
Nulla trahit pietas tergore dama notas.  
Quidnam igitur fecisse foris paret hospes, inique  
Quò tandem fallat tædia longa moræ?  
Claudet in obscuris indignans adibus artus?  
Semper agens vno spongia fixa loco?  
Hoc miserum est: immò hoc bis dicat, quisquis Ibera  
(Ah nimis informi) cogitur esse domo,  
Nec satis à rigidi Boreæ perflamine tuta,  
Nec satis à flammis (Cynthiae sude) tuis.  
Quis putet? argentes non splendens ecce caminus,  
Nec leuat exustas unda, vel aura, cutes.  
Et Natura premens extremo hos urget utroque:  
Et tamen ars nullam dextera querit opem.  
Musca, culex, cimices graueolentia corpora, mensis  
Et superant stratis (turba proterua) thoris.  
Puluis, ubi est æstas, densissimus aëra complet:  
Aspectum medio surripit ille foro.  
Nec finit egressis referentur ut ora, vel oculi  
Circius, inuiso turbine sæpè furens.  
Post, ubi venit hyems, immundius omnia cænum,  
Continuûsque altis occupat imber aquis.  
Et subito occurrunt soles vredine tristes,  
Et subito argenti Bruma inopina pede.  
Aut riget immensum, nimio aut calet aër ab astro  
Torridus, hic medium vix reperire datur.  
Nullus ab extremo descensus lenior isto,  
Paulatim assuetos illud adire docet.  
Hinc (reor) hospitibus tam crebro examine febres,  
Et pituita nocens corpora sollicitant.*



*Sudanti quandoque astus pulmonibus ardent :*

*Pòst mucus madidis naribus egeritur.*

*Quare, quid edicat medicus ? sua sanguine vena est  
Exoneranda, (refert) cetera mutus abit.*

*Singula quid dicam ? dico hoc quod sentio certè,*

*Quod nocet, hic multum est, quod iuvat, exiguum.*

*Si placet ipsa sibi gens hæc, sique explicat alas*

*Illa suas : per me stent sua salua suis.*

*Non sum adèò ignarus, quin istis plurima tester,*

*Nam sua, deinde suo possè placere modo.*

*Attamen has quisquis longum premet aduena terras,*

*Votium rediens thus, tabulàmque dabit.*

*Iam verò, hæc modico per se constantia amano,*

*Ipsa (puto) comis gens reparare studet.*

*Hispanus ? prohi iura Iouis : (dare iura loquuntur*

*Hospitibus summum, nec sine iure Iouem)*

*Penè supercilio vitat consortia duro :*

*Nulla Charis mæsta ludere fronte solet.*

*Parca manus stringit, mens iracunda querelis*

*Suppetit, & crudo clamor ab ore tonat.*

*Deme saluantis phrasi condita recepta*

*Verbula, quum toties basia dat manibus,*

*Quid superest verè expositi, atque lubentis amici ?*

*Quid volet ille tuum, nolis ut esse suum ?*

*Mos suus est populo valdè diuersus Ibero*

*A reliquis, cultu, pectore, finitimis.*

*Vastus habet vastos saltus, & inhospitus ipse est :*

*Deserto latè plectitur atque solo.*

*Nec superest ultra proprio quod demat ab usu,*

*Vnde paret mensas hospitibus oppiparas.*

*Nec demùm inservire ulli dignatur, ut hospes :*

*Tantus & in quouis paupere fastus inest.*

*Fastus inest : hac se, ceu libertate tuctur :*

*Hoc sua rusticitas nomine tecta, placet.*



*Pectora Nobilium meliori imbuta magistro*

*Excipio: vulgus rectius insimulet,*

*Quisquis ab extrema peregrinus tendere Calpe*

*Pergat ad argentum claustra Pyrenicolum.*

*Vnde sit, ut reliquos pra se qui despicit omnes,*

*Ipse parum reliquis gratus & esse solet.*

*Quid mirum? nulli qui sese accommodat, illum*

*Contubernalem nec suus ipse ferat.*

*Attamen hunc talem toto tolerare trienni*

*Tempore sustinui, dum tua iussa sequor:*

*Anglus ego. Satin' hoc vno loquor omnia verbo?*

*Queritur, an dura est hic mea conditio?*

*Te propter patria careo, charisque propinquis,*

*Te propter libris, pignoribusque meis.*

*Te propter patrios ritus, fora, templa, penates,*

*Deserui, & festis structa theatra iocis.*

*Te propter meliora atatis tempora perdo,*

*Ante diem cura precipitante dies.*

*Te propter stant crine niues, iamque albida barba est,*

*Dum torpet toto corpore sanguis iners.*

*Te propter nunc orbis ago, natosque requirens*

*Desponsa nequeo coniuge vir fieri.*

*Hoc nihil ut tangat reliquos, mihi vulnus amarum est*

*Rem partam, post me non dare posse meis.*

*Si tamen ut donem, reliquum hac legatio linquet,*

*Hic pereco, atque domi (me miserum) pereco.*

*A Ere grauem exhaustas ades repetisse alieno,*

*Hei mihi quid prodest? sed tamen o repetam.*

*O mihi si per te liceat: redde optima serum*

*Poscenti reditum, dum licet, atque potes.*

*Crede mihi, paulum si longius ipsa moraris,*

*Ipse moram aeternam mortuus hic faciam.*

*Deficio, excruciant stomachi me tormina, iugi*

*Curriculo: excruciat calculus, acre malum.*

Sanguine iam tenues vena priuantur, & ille  
 Non ego qui fueram, vix mihi notus ego.  
 Tu quoque quum vultus nostros mirata requires,  
 Tangèris, miseri commiserata viri.  
 Eripe me hys inuicta malis: per sydera testor,  
 Pèrque tui cineres, Numina nostra, patris,  
 Pèrque tuam, mihi quæ tacta est, veneratâque, dextram:  
 Pratuleram patrio quum tua iussa solo.  
 Per Geniũque tuum te clementissima supplex  
 Deprecor, hic ne me longius esse sinas.  
 Quicquid in oppositum quisquam tibi dictat iniquus,  
 Crede mihi: (expertus plus scio) crede mihi.  
 Crede etiam causæ, quum sis iustissima, nostræ:  
 An patria, & vita, iustior esse potest?  
 Nonne etiam hunc superesse voles, qui pronus, & ultro  
 Præstitit obsequium, rursus ut ille queat?  
 Si quid ab hoc istic nunc posco munere demi,  
 Adde alijs: non me sic tibi surripio.  
 Sed longum inferuire velim. Sine fessa refectione  
 Membra queant iterum pondera ferre iugi.  
 Sic tibi vernantes currant fæliciter anni,  
 Sic te Reginam dextera fata beent.  
 Sic tibi longæ succedat paruulus (oro)  
 Aeneas, sceptris debitus Angliacis.

### DEPLORATIO ACERBAE NECIS

Heroidis præstantissimæ, D. Ianæ Grayæ Hen-  
 rici Ducis Suffolchiæ filiæ, quæ securi  
 percussa, animo constantissimo  
 mortem oppetijt.

**I** Ana luit patriam profuso sanguine culpam,  
 Viuere Phœnicis digna puella dies.  
 Illa suis Phœnix merito dicenda manebat.  
 Ore placens Veneris, Palladis arte placens.

Culta fuit, formosa fuit : diuina mouebat  
 Sapè viros facies, sapè loquela viros.  
 Vidisset faciem? poterat procius improbus vri:  
 Audisset culta verba? modestus erat.  
 Ipsa sed, vt facies erat insidiosa videnti,  
 Lumina deiecto plena pudore tulit.  
 Ingenium (ò Superi) tenero sub corpore, quantum  
 Nacta fuit? nactum quàm benè et excoluit?  
 Vix ea ter senos obiens exegerat annos,  
 Docta, cathedrales quod stupuere sophi.  
 Et tamen ipsa humilis, mitis, sensusque modesti,  
 Nil vnquam elatum dicere visa fuit.  
 At quæ viua omnes mansueto pectore vicit,  
 Elato gessit pectore se moriens.  
 Constantesque animos supremo tempore seruans,  
 Nescio Socraticis cesserit anne rogis.  
 Quod si me vatum quisquam de more locutum,  
 Arguat hac fictis amplificare modis:  
 Iuro tibi Veneris, per & omnia sacra Minervæ,  
 Perg, Aganippeas, Numina nostra, Deas,  
 Quod nihil insinuo: non laudatoris egentem  
 Quorsum opus ampullis tollere mirificis?  
 Nouimus, & nostris hæc nuper vixerat oris:  
 Obiecta implacida blanda columba lea.  
 Quam quia læserunt alij, quas debuit iras  
 Vertere in authores, fudit in innocuam.  
 Indicet hæc iustus iudex qui pectora cernit:  
 Non quæ iura iubent, semper vt aqua licent.  
 Nec fuit, vt (si culpa fuit, quando inscia peccat)  
 Altera tam seuis surgeret vltima modis.  
 Iuppiter æquanimis crudeles odit ab alto:  
 Hinc (puto) & vlticæ filia minora dedit.  
 Languentiq, ægros longum sub corpore sensus:  
 Conscia quo stimulus cederet acta suis.

*Punijt & lenta primos Rhamnusia tabe*

*Autores, diri consilij ofa nefas.*

*Hunc hydrops, alium confecit calculus: isti*

*Stilla grauis capitis, illi alia ingruerant.*

*Discite mortales: Sortem reuerenter habete:*

*Calcata ultorem sapè habet illa Deum.*

*Nec quia non semper manifestò Numen in iram,*

*Idque statim surgit, Numen inermeputes.*

*Linguæ sed hæc alijs, quorum pia pectora fontes*

*Æterni laticis, Biblia sacra rigant.*

*Me decet Aonijs tantum indulgere corymbis,*

*Quantum Helicon vati, Pieridèsque ferunt,*

*Concinere atque isti misera lachrymabile carmen,*

*Quæ perijt sæuis virgula tacta Notis.*

*O Iana, ò facies, ò pectus amabile duro*

*Cyclopi, aut si quid durius orbis habet:*

*Tene ita non animos saltem potuisse propinqua*

*Flectere? nec demum flectere sæmineos?*

*Non ignara mali, non hæc miserata iacentem est,*

*Quàm pia dicta alijs, tam fera facta suis?*

*Non potuit quondam cultam tam culta mouere?*

*Non rara dotes, donaque magna Deum?*

*Qualia vix vni tot contribuere puella?*

*Nec nisi perpaucis contribuere viris?*

*Mitto ego, quid fidibus sciuit, numerisque sonoris:*

*Quid præstabat acu, pingeret aut calamo:*

*Quis putet? hæc Arabum Chaldaica verba loquela*

*Iunxerat, Hebraeum scitè idioma tenens.*

*Nam Graio, siue Ausonio memorasse loquentem,*

*Paruum erit: has aliæ per loca culta sonant.*

*Gallus item & Thuscus sermo numerum auxerat Angle:*

*Si numeres linguas: bis quater una tulit.*

*Inuideat Stridon, te Pentaglotte ferendo*

*Sancte senex, vicit nostra puella tribus.*

*Quod*

*Quòd si formoso veniens è corpore virtus*  
*Gratior est, nihil est nobile stemma comes?*  
*A proavis pater huic titulos dedit ordine longo,*  
*Regales mater, laua per astra, dedit.*  
*Hys perijt, nec sponte tumens, nec sponte tiaris*  
*Addita, sed Procerùm noxa peregit opus.*  
*Hij se fortè suis rationibus vt tueantur,*  
*Quid meruit pro tot sola puella luens?*  
*Ignovit victrix alijs, sine vulnere sceptrum*  
*Ablatum Iana, qua Maria obtinuit.*  
*Huic non ignovit, tenera nec dura pepercit,*  
*Nec consanguinea (tam pia) nec grauida.*  
*Ianam atas, genus, & sexus, Procerùmque reatus,*  
*Quicquid erat, culpa soluere debuerant.*  
*Nec tamen hac Maria potuerunt omnia sensus*  
*Flectere: ceruices quò minus illa daret*  
*(Proh dolor) albentes gladio generosa secandas,*  
*Intrepide indignam passa virago necem.*  
*Qualis Achilleo mactata Polyxena busto,*  
*Dedecus immanis iuge Neoptolemi.*  
*Aut nimis ultricem qua placatura Dianam,*  
*Proxima iam cultris Iphigenia stetit.*  
*Turba dedit lachrymas spectatum effusa: decori*  
*Illa memor, moriens lumina sicca tulit.*  
*Oraque tranquillo vultu suauissima pandens,*  
*Verba dedit duras apta mouere feras.*  
*Me miserum: nequeo ulterius, nam cetera fletus*  
*Occupat. Heu tragicis Iana canenda modis.*  
*Ah Maria immitis, fluiòque pianda noueno,*  
*Par erat hoc saltem sanguine pura fores.*

Domino Io. Maſonio.

**A**ccipe, ſed fidum, multis deforme lituris  
*Exemplar: propria ſcripſimus iſta manu.*  
 Quis putet? hic non eſt ſcribam reperire fidelem:  
*Nil moror ipſe notas, re tibi ſi placeo.*

Paradoxa.

**L**vdimus indocti, doctique pœmate ficto  
*Quidlibet: hæc olim iura Pœſis habet.*  
*Nec decet ad normam Muſas reuocare iocoſas*  
*In circumſcripta ſi quid in arte licet.*  
*Numen agit vates: agitante caleſcimus aura*  
*Aſſlatu, qualis Pythius ex adytis,*  
*Nec mortale ſonans, ſolito nec ſobria vultu*  
*Nec coma conſucta cui ſtatione manet.*  
*Sed totum mutata Deum quum pectore caput,*  
*Non intellectos fundit ab ore ſonos.*  
*Sic mihi, nescio quid iam dudum tale vagatur*  
*Senſibus: in ſylvas auius abripior.*  
*Abripior, tu Phæbe premens in deuia cogis:*  
*Phæbe ſequor quo non ſemita trita vocat.*  
*Nec placet aſſucto quicquam de fonte petitum,*  
*Vnde ſuos hauſit cætera turba modos:*  
*Gorgonas, Harpyias, Centauros, atque Chymeras,*  
*Tantalum, & quicquid fabula priſca canit.*  
*Ritè crepet veteris charta ampulſoſa Pœtæ:*  
*Fons tunc Caſtalius plenior ibat aquis.*  
*Nunc adèd exhaustus numeroſa per ora bibentum,*  
*Vix habet vnde nouas irriget uſquam hederas.*  
*Dicta quidem toties, iterum dixiſſe cauebit,*  
*Qui placuiſſe hodiè, vel nouitate volet.*

Tempora

*Tempora si quando quicquam admifere nouati,  
 Hac quoque sunt cæptis non aliena nouis.  
 Caluitium, Quartana, & inhospitus ille Bufiris,  
 Si laudatores comperiere fuos:*

*Fas fuerit nobis aliqua celebrare Camena  
 Non minus infuetum quod Paradoxon erit.  
 Nec quia vix aquas primò porrexeris aureis  
 Quisquis es hac sola pro nouitate legens,  
 Ponere contractam mox dedignabere frontem,  
 Mutato sensim si liber iste placet.*

*Ille palam rigido forsan damnabitur ore:  
 Fata luens dominae dura Philargyria.  
 At tibi quum notos liber hic refricabit amores  
 Culpatae quicquam si tibi dulce fuit,  
 Quantumuis pudeat, qua te vrit flamma, fateri,  
 Ne pigeat vati ritè fauere suo.*

*Quumq; vel exiguo concedis murmure veris,  
 Sat super hac animum nouerit inde tuum.  
 Et facilis veniàmque dabit, parcetque pudori,  
 Et dicet, studio tangitur iste mei.*

*Nos verò aduerso namus si flumine, & ipsis  
 Contendunt ventis hac folia oppositis,  
 Parcite: difficili stat maxima palma labore:  
 Plusq; aliquid niti est, si voluisse sat est.  
 Laudamus, quod nunquam alij laudabile dicent,  
 Efferimus, longæ quod premit Inuidia*

*Consensus: culpante foro, vellente theatro:  
 Vt taceam (os durum) pulpita quid reboënt,  
 Aut quantis hanc contrà odys it charta Sophorum  
 Iamdudum exploso nomine Auaritiam.*

*At si aliud lacerare palam est, aliud penetrâlis  
 Prosciissam tacito suscipere hospitio:  
 Oro omnes non tam vulgo speciosa loquenti  
 Credere, quàm vulgus quod populare facit.*



Scilicet indignum est solo de nomine quicquam

Damnari, vltcrius si nihil inde neget,

Quod penitus totis non obuius arripis vlnis,

Natura affectus extimulante tuos.

Quod si natura quodam tenus impetus, & vis

Argumentosa pro ratione valet :

Deme parum errorem solo de nomine tractum:

Æquior hinc ipsis iam (puto) rebus eris.

Nempe, velut sordens aliquà culpetur auarus,

Nemo tamen scitè culpet auaritiā.

Nec persona tibi vitiosa, & sordida, eodem

Rem quoque tractatam crimine conscierit.

Non magis, inuisus quàm quod sit proditor, arces

Hostiles nolis proditione capi.

Multa quidem facie vel prima admissa, probantur:

Multa nisi expertis non placitura manent.

Tum quoque ab ingratis fructus quandoque leguntur

Arboris, inuiso nomine, praterita.

Nimirum baccas gratantèr carpimus ipsas:

Longè alio mater carpitur ipsa modo.

Hic verò ignaros error ni fortè leuaret,

Omnibus hac lymphis culpa pianda foret.

Attamen ignaros nec tute fatebere, factis

Reddere, quod lingua culpa proterua silet.

Verba parum valeant: pro se res ipsa loquatur:

Ecce vides: credas auribus, ane oculis?

Quid refert dubia quæ sit sententia lingua?

Pondus habent mores, totaque vita magis.

Hys moneor, longo nam quod probat orbis ab vsu

Quà Sol Eòs lustrat, & Hesperios.

Vnius indignum est conuellat pagina docti,

Qui commune bonum somniet omne Sophi.

Scilicet uxores, prolem, & charissima vitæ

Pignora, quis cunctis hætenus exposuit?

Illaque

*Illaque non potius priuata in munia vertit,  
 Quicquid, in obiectum, dogma Platonis habet?  
 Communi quicunque putat, communiter omnes  
 Tam faueant causa, quam sibi quisq; fauet:  
 Desipit, & magnas magno conamine nugas  
 Afferit, exemplis obrutus oppositis.*

*Nemo etenim alterius, \* eque ac sua commoda, curat,  
 Rectius ut sensit dius Aristoteles.*

\* Cæsura.

*Quin sua quum tractat, legum post euenit arte,  
 Ut sua det patria, se quoque, quisq; sue.  
 Vtimur ut proprijs, que nostro parta labore  
 Adsint subsidio (pigra senecta) tuo.*

*Nec frustra incertos metuit solertia casus:*

*Et formidatam vespers esuriem,  
 Frigidus annoso torpet quum pectore sanguis  
 Vtilior partis, nec reparare valens.*

*Non omnes Fortuna beat: quin sæpè merentes  
 Ingratam videas destituisse rotam.*

*At gnauis Fortuna fauet: si niteris ipse,  
 Porriget hæc ambas auxiliata manus.*

*Cunctantes iam elapsa fugit, nihil ocys illa est:  
 Aduersa crines arripe: capta manet.*

*En, quotus est hodiè, felici sorte relictas  
 Aproauis, longum qui tueatur opes?*

*Rarius inuenias, gallina filius alba  
 Idem etiam ut gnauo polleat ingenio.*

*Quod si inopes acri stimulo labor urget habendi,  
 Copia securos semisupinat opum,*

*Ingenio certè fateamur ritè colendo  
 Materiam sacra promi ab avaritia,*

*Quæ iubet albens iuuenes meminisse capilli:  
 Dúmque licet, bruma consuluisse sue.*

*Hinc artes inuenta Deum, mortalibus adsunt,  
 Subsidiumque isto fonte perenne fluunt.*

*Ingenium præbet, largitor ad inuia, venter*  
*Rhetoras hic peperit, Pæoniôsq; viros,*  
*Barbatôsque super, pacta mercede, Magistros*  
*Quantumuis vafri dissimulantèr agant.*  
*Nam nec causidicos fuerit memorare necesse:*  
*Agmina clamoso quæ dedit iste foro.*  
*Nec moror hic plebis quo pellat corda minuta*  
*Intempestiuus cui nocet ipse pudor,*  
*Nulla verecundi ratio vt seruetur egenti*  
*Quid si Conscriptos incitat iste Patres?*  
*Quid si alios, rigida celebratos pignore vite,*  
*Nec tamen istius protinùs immemores,*  
*Qui benè diuitias, magno quum pectore temnunt,*  
*Sapè prius spretis & superesse solent.*  
*Omnia si memorem, quæ dictitat iste Magister*  
*Insistam scrupos dicere littoreos.*  
*Dicere Niliacæ foliosa volumina cartæ:*  
*Quamq; operosa suis illa stetère notis.*  
*Siue reuersurum Thamesim quota stipat arundo*  
*Ludit oloriferis qua sinuosus aquis.*  
*Scilicèt, inscitè crebrò caput insignimus,*  
*Quærite? & in patinis sapius illud erit.*  
*Delicias animo quamuis meditemur inerti*  
*Si semel hic latret, continuo excutimur.*  
*Iamq; moras omnes tam saua potentia rumpit,*  
*Quaque iubet, velis, & properamus equis.*  
*Quod si nulla foret duris in rebus egestas*  
*Ex quo terra senex non nisi culta parit:*  
*Nunc quoque gens hominum glandem ructaret inertem,*  
*Nunc quoque speluncis corpora fessa darent.*  
*Nimirum agrestes priùs ac spes irrita glandis*  
*Luserat, vlteriùs consuluisse putas?*  
*Otia quum nostris tam sint innata medullis?*  
*Otia securis pestis amica viris?*

*Verum hebetes sensus (sic Dii voluere) necesse  
 Tandem acuit, gnavis eruditque modis.  
 Qualiter in silicis si que latet abdita venis  
 Scintilla attritu clarior exiliat  
 Proxima depascens sicca folia arbore dempta,  
 Inde petens totum, quum bene adulta, nemus:  
 Sic nobis latuere diu, tectâsque volucris  
 Ingenij vires copia contuderat.  
 Ah simplex, nimiumque aurato rustica saclo  
 Copia nunc maior \* (ecce) negata subit.  
 Nempe suas tandem ratio compulsâ retectas  
 Agnoscit vires, ingenioque micat.  
 Itque per ignotas tellure patente, latebras,  
 Atque triumphata viscera fossa petit.  
 Cogit & innumero victam parere ligoni,  
 Scinditur, & toto semina fert gremio,  
 Miraturque suos tam crebro vulnere fructus,  
 Quodque suo intactum nunc sit in orbe nihil:  
 Paulatimque animo iam desinit esse maligno,  
 Spes & avarorum facta benigna fouet.  
 Namque laboratas tellus exercita promit,  
 Si piger expectes, ipsa recondit opes.  
 Semper inest ergo cupido vis tectâ labori,  
 Ante diem ut curet, qua vehit ipsa dies.  
 Et serat, in feri quod tempora colligat anni  
 Mox instans tremulo, tarda senectâ pede.  
 Hoc verò, anne aliud quam prospicientia pura est?  
 Maxima in humanis annumeranda bonis?  
 Calitius hanc homini diuina particulam aura,  
 Quis dubitat dextrum contribuisse Iouem?  
 Mente nihil maius, cauto quæ præscia sensu,  
 Iam vitat, cuius non pignisse velit.  
 Ergo potes sensum plenè laudasse futuri,  
 Et potes effectus dilacerare suos?*

\* Cæsura.

*Prospicis, & vitas quæ nolles damna futura:*

*Anxius, & vitæ consulis vsque tuæ,*

*Et tamen hanc animi pergis vim carpere cauti?*

*Vt simul & cures, curæque displiceat?*

*Quis putet? impendens capiti graue pondus ab alto*

*Declinas? & mox displicet ille metus?*

*Num timuisse licet? certe licet, anne periclo*

*Defungi? cur non? cur modus ergo nocet?*

*Nec tamen ille nocet: (recto si singula sensu,*

*Discutis) ambiguus vocibus error inest.*

*Mox tamen hæc. Nunc affectus mortalia corda*

*Quum pulsant, Odium, Spes, Amor, atque Metus:*

*Quæ bona sunt, totis cupimus contingere velis,*

*Quæ mala sunt, totis viribus effugimus.*

*Si tepet affectus, Ratio est: sin ferueat, agrè est*

*(Iudice te) lesi sensibus ingenij.*

*Et moderata iubes: & iam nimium ore resellis:*

*Et nisi non lento vis properare gradu.*

*Audio: sed propria seruatrix cura salutis*

*In sua non lentis commoda fertur equis.*

*Prosilis, atque animo versat lymphata cupiti,*

*Spemque, metumque inter, gaudia grata boni.*

*Nimirum quò quid vitæ magè conuenit, aut quò*

*Hoc sine deterior vitæ futura foret:*

*Acrius hòc nobis stimulos Natura potentes*

*Subdidit, id cunctis velle parare modis.*

*Mortales, vident' ut generis reparabile damnum,*

*Sollicitat blandis iungere membra toris?*

*Tunc animis ardor, vident' ut vehementior instet?*

*Et si non furor est, proximus haud dubiè est?*

*(Proh Venus) ut cupidus sese ingerit alta voluptas?*

*Quàm fouet ille suam? quàm fouet illa suum?*

*Deme parum afflatis studia hæc violenta medullis:*

*Et genitrix virtus tota iacebit iners.*

*Totæque*

Totâque posteritas ratione iubente peribit :  
Nempe quis inguinibus utitur, atque sapit ?  
Aut sapiens stultos maiori ex parte puellos  
Non generat ? tanquam quod facit, haud faciens ?  
Nimirum affectus si non aduertimus altos,  
Infelix cæptis exitus esse solet.  
Non minus ac positis epulis ieiunus ineptè,  
Si stomachus partes negligat ipse suas :  
Atque gule tanquam formidet crimina tantæ,  
Dimidio incipiat, quàm queat, esse minus :  
Quid fiet ? reliqui tabescent protinus artus,  
Ilia strigosis & macilenta fibris.  
Nonne fuit satius genio indulgisse palati ?  
Versari, & plenus plenius in patinis ?  
Si nocet hæc auido gustu percepta voluptas,  
Mirum, ni dicant, quòd nocet ipsa salus.  
Tolle semel mensis ne quid conducat orexis :  
Et damus affectus hic quoque ut eicias.  
Sin iuuat ipsa fames, nec & hac sine ritè comestum est,  
(Nam lentos medicus nolit in ore cibos)  
Improbe quid toties Cerealia munera vaste  
Inuadens, animos corripis immodicos ?  
Tunc sapi ? sensu, Natura an fortè, profundo ?  
Que stimulos summis addidit ipsa bonis ?  
Nec paruos, nec inertis acuminis, aut moderatos ?  
Sed validos pleno, præcipitèsq; gradu.  
Nimirum dulces vitalis colligat aura  
Quisque libens haustus : vitæque nostra placet.  
Támque placet totis, ut semper viribus usque  
Omne animal seruet seque suúmque caput.  
Prima salus rerum est : memori hæc sub mente recurrens  
Cuilibet è brutis prima tuenda venit.  
Non infecta sequar : magni formica laboris,  
Exemplum gnavis ut queat esse viris.

*Nec parcis apibus quanta est industria pangam,*

*Curâue quæ coruos, sollicitè que canes.*

*Atque alia humane propiora animantia menti*

*Abdere, quæ rursus crastina mensa voret.*

*Hoc dico, nihil hîc frustra molimine tanto*

*Naturam in minimis adere bestioliis.*

*Quòque magis sensus monstrant vim bruta futuri:*

*Hoc magis humana nec ratione carent.*

*Quod si homo quantum homini differt quis fortè requirat*

*Proximus ille Deo est, qui magis ante videt.*

*Dæmonia est aliquis longæua mente valere*

*Qui putet, & causas tempore nôsse magis.*

*Cernimus albensis senium venerabile barba,*

*Iudicio impubes ante venire genas.*

*Prodigus est iuuenis: parca est & auara senecta,*

*Futilis hic, catus hic, cui magè danda fides?*

*Dissipat hic solus centeno parta labore,*

*Colligit hic centum pòst regerenda viris.*

*Nam licèt usura tantilla insistat auarus*

*Dum viuît, partis immoriturque bonis:*

*Pòst tamen innumeros prada pars tacta beârit,*

*Et populo superant, quæ referantur opes.*

*Improbet hic quisquam dementis pectus auari,*

*Semper in alterius commoda solliciti.*

*Vellera sic alijs tondendas ferre bidentes:*

*Tollere sic pandos, non sibi aratra boues:*

*Nescio: nec tantum moueor quo suadet auarus,*

*Quàm quo sedulitas nos inuet ista modo.*

*Congregat, & moritur: quid tum? res parta superstat,*

*Vix alio multis concilianda modo:*

*Multi adèò verbis in publica commoda prompti:*

*Non dant tantillam, cum venit vsus, opem.*

*Hic nihil vt spondet, sic linquit cuncta futuris*

*Sûbque sui cura, posteritatis habet.*



*Fallitur, in populi populum qui fortè salutem  
Coniunctis animis inuigilare putat.  
Nunc commune nihil, saltē aut paucissima restant,  
Occupat & propriū lex noua quemque boni.  
Si nihil ulterius ferret pia cura Deorum  
Auxiliū, quàm quod nunc homo fert homini:  
Nescio tam crebras humana scientia clades  
Nostræ sedulitas num reparare queat.  
Impia consumunt spes vanas arma coloni:  
Proterit & spicas depopulator eques.  
Grandinat aëria pater hâc Saturnius arce:  
Fulminat hâc: stragem sentit vtrunque seges.  
Deplorat casus gemmantis vinitor vne:  
Quam saeuo strinxit dente pruina rigens.  
Irruit hic pluuijs amnis torrentibus auētus,  
Et pecus & pecoris obruit vnda duces:  
Illic rimosas torret sol igneus oras,  
Subtrahit & plantis roris, & imbris opem:  
In tantis cæloque minis, bellique ruinis  
Quum fremit ira Deūm, quum furit ira hominum,  
Quid facimus? satī hic tritis plebs stultula fidat  
Subsidijs, nemo si sapit ulterius?  
Vt nihil in duros casus solertia seruet,  
Atque in speratam promat auarus opem?  
Nos equidem Diuos nimium culpamus ineptē,  
Si quid concepta spe minus obuēniat:  
Machina quum rerum discordi iuncta ligaclo  
Non simul omne omni tempore, fertue loco.  
Hic pluit, hic riget, hic sudo Sol torridus vrit,  
Dissonaque hæc scitè Numina conciliant.  
Mens æquata Deo est: Rex Iupiter omnibus idem,  
Et fouet ille Getas, & fouet Assyrios.  
Numinis immensa est sapientia: nunc tibi pleno  
Copia stat cornu: nunc tuus aret ager.*

*Collige quod superest in proxima tempora, tristi  
Sydere posterior ne neget annus opes.*

*Quem nimium fœlix rerum presentia lætat,  
Dignus erit ringi qualibet ille fame.*

*At stulti sumus: ò nunquam benè cauta futuri  
Pectora, mortales & sopor altus habet.*

*Fidimus, atque animo speramus lata supino,  
Nec metuisse malum possumus, absque malo.*

*Iupiter hanc animis lethæ miseratus iniquam  
Stertentum paucos constituit vigiles.*

*Iussit & erectis animis spectare futura,  
Neu se, neu cunctos perderet una dies.*

*Atque salutiferi cellaria fixit avari,  
Vnde penum esuriens plebs aliquando petat.*

*Hic sua cum merces, & quum sua præmia quemvis  
Iure manent, hominum qui generi auxilio est,*

*Si numero quandoque Deum adscripsisse merentes  
Paruum erat, atque isto crescere & astra modo,*

*Cur inuētores primos dignaris Olympo?  
Conseruatores Tartara ad ima premis?*

*Quid iuuat egregium quicquam reperirier, & mox  
Incustoditum fruge carere sua?*

*Res (ais) ipsa placet, sed non placet acris avari  
Ingenium, sordes, & manus usque tenax.*

*Scilicet, ista cupis, dubio pro tempore condi?  
Displicet ille suo more, modoque tegat?*

*Quid? si non aliter, nec ni foret ardor habendi  
Ille sacer, tantis tu fruerere bonis?*

*Sol calet, & nimio radiorum displicet aestu:  
Te tamen an Phæbo posse carere putas?*

*Vrit iners frigus, torpenti corpora bruma,  
Bruma tamen terris nec minus apta venit.*

*Haud secus, à nimia culpetur ut Euclio cura:  
In rem cura tamen vertitur illa tuam.*

*Sin te iam illius miseret, quod amore tenendi  
 Defraudat genium sordidus usque suum:  
 Stultus es: illa homini parco fluit alta voluptas  
 Parcè agere, & veniens mente fouere bonum.  
 Tu cupis hoc præsens, præsentiibus uteris, & mox  
 Differt ille alio gaudia consilio.  
 Corporis una tibi ratio est, iam iamque fouendi  
 Ille animo longas ruminat usque moras.  
 Et spes sæpè suas coquit immortaliter utens  
 Absentique absens delicio fruitur.  
 Applauditque sua, populus cum sibilat, arca:  
 Seruat & ingratis, & placet ipse sibi.  
 Quod si ita constituit secum, si ita viuere gestit,  
 Contentum planè nemo vocet miserum.  
 Immodè equidem inuitus qui nil facit, atque futurum  
 Mente bonum anticipat, nonne beatus erit?  
 Non sælix? pulcher? sapiens? Rex denique Regum?  
 Omnia contento quum tribuere Dei?  
 Quod si etiam hic iterum vexes, & gaudia dicas  
 Non nisi præsenti tempore posse frui,  
 Spemque futurorum distincti muneris esse  
 Semi voluptatis ceu foret ista seges:  
 Quid sua si plenè iam gustet gaudia auarus,  
 Non minus ac quouis qui fruitur volupi?  
 Gaudet amans (credo) pathica quacunque potitus  
 Quum venit in tepidum dulcis amica sinum.  
 Miscuit & plexis lateri latus ipsa lacertis,  
 Iamque parat grati praelia prima ioci.  
 Si gaudet iuuenis spè non frustratus amatae,  
 Quid faciat noster, cui Venus ipsa venit?  
 Aurea supponens vetulo, non lactea membra?  
 (Aurea ni frustra dicitur ipsa Venus)  
 Nomen ab insigni tulit hoc non irritè Homero:  
 Credibile est ipsam suppeditaſſe Deam.*

Culta Melesigenis placita, & genus omne Sophorum  
 Suspicit, & vatam quotque fuere prius.  
 Quotque hodie intextos capiti dant ferre corymbos,  
 Nec minus hic palmam posteritate feret.  
 Nunc acum dicas nihil hic vidisse poetam,  
 Aurcatum Venus est, aurum & auara petit.  
 Quando igitur plenis auro superincubat arcis  
 Euclio, non Veneres possidet ipse suas?  
 Quinque volutatus fuluo interlustrat auro,  
 An quisquam huic Venerem dicat abesse suam?  
 Oscula dat flaua toties repetita Monet.  
 Oscula (Dij) pathica qualia nullus amans.  
 Comprimit ambobus dilectam saepe lacertis,  
 Delicias dicit, nequitiasque facit.  
 Maiores tenera quondam quam Naso Corynna,  
 Et quam tu domina, docte Catulle, tue.  
 Quod si ea cuique sua est, quod fert sua quemque voluptas:  
 Quid refert, specie qua placet alma Venus?  
 Candida seu niueo iuuenem magis illicit ore,  
 Siue senem flauis aurea tota genis?  
 Tu certe ut niuea potius suspexeris ora,  
 Ipsa tamen vultu tangitur alterius.  
 Candidus ille color flauo redimendus habetur,  
 Prædæque albentes aurea vincla trahunt.  
 Et faciles oculos domina perstringit auaræ  
 Hic nitor, in nummis quem videt aureolis.  
 Attonito, tua sum, proclamat conscia, vultu,  
 En tua sum, donis non neget vlla capi.  
 Testis erit Romæ Tarpeia, pacta nitentes  
 Armillas, patriæ premia posthabita.  
 Testis erit pulchri specie quæ capta monilis,  
 Prodidit absconsam Graia Eriphyla virum.  
 Testis erit Procris, Proci quid castius ante?  
 Dona tamen dubiam congeminata mouent.

Testis erit malo virgo Scheneia iactō  
Passa moram, rapidis ocyor ante Notis.  
Vos quoque frondosa monstrantes vallibus Idæ  
Corpora, tres vno tempore nuda Dea:  
Virginibus nostris (mirum) ni exempla dedistis,  
Dona verecundus ne pudor apta neget.  
Turpe leuet quamuis formæ contentio factum,  
Arcano mali pectore imago stetit.  
Aurea secretos monit discordia sensus  
Hanc prater, formæ (credite) nulla foret.  
Quod si ita sit, Pluto seu iam Venus aurea prostat,  
Candida seu precio prostituenda manet:  
In Pluti certe positam fateamur utramque  
Arbitrio, qua vult, quin libet atque frui.  
Ergò, voluptatum si nulla est maior, amanti  
Quam Venus optatis porrigit illecebris;  
Quem magis ipse beet, vel cui magis alta voluptas  
Perpetuò obueniat nullus (opinor) erit.  
Nempe, nec hoc nihil est: niuea si longius uti  
Instituas, sensim quòd tuus ardor abit.  
Fastidisque tuam Venerem, iam lassus amator,  
Quando elumbe refers, emeritumque latus.  
Noster amans flauam toties constantèr amicam,  
Quum subigit, longas continuâtque vices.  
Quumque dies, annosque iterat, tunc fortius instat,  
Et petit amplexus, immoriturque operi.  
In nunc, quisque sue decantet gaudia sortis,  
Et narret leto quod tulit hora pede.  
Illi siue Ceres dubia lautissima cæna  
Luserit, aut posito corniger ille mero.  
Siue triumphatis Capitolia prisca quadrigis  
Scanderit, aut circo vicerit omnissono.  
Siue comas cinxit Pentathlus fronde oleastri,  
Seu stupere suos curua theatra modos.

*Hauferit auscultans ipsius carmina Phæbi,  
Spectet Apellea lintea picta manu.*

*Quis putet? aut brevis est, & non sincera voluptas,  
Siue voluptatis mox satur ipse suæ est.*

*Tædia subrepunt: & rebus longa potitis  
Gaudia, natura nausea non tribuit.*

*Sola tamen constans suprema ad funera avari  
Letitia vna manet, nec satur esse potest.*

*Nec bona iam sensu fastidit nacta remisso,  
Nec quò plura tenet, hoc minus vsque cupit.*

*Inuide, iam tantis ergò hijs aut aq̃uor esto,  
Aut quibus oblatras, inuide tolle manum.*

*Nec quia difficilis fastum patientia vicit,  
Constantem culpes, si patienter amat.*

*Lais amatori cuius Ephyreia noctes  
Non dedit: at cui non illa petita fuit?*

*Difficilem spretus potuit vocitare, superbam  
Difficilis carpsit nemo tamen faciem.*

*Tu cupis, & velles tacite, & tua gaudia damnas,  
Sepositis vulpes qualis iniqua botris.*

*Hoc tibi si falsum est: iam nunc intelligo acumen:  
Confice sexcentum, si potes, vsque stylis.*

*Quùmque Lycambæos contrà vibraris iambos,  
Æra tibi in cænam vix tria Zona ferat.*

*Queritis, immerito mastyx cur derogat auro?  
Querite, cur vulgus, quo caret, inuideat.*

*Diuitibus multos, paucis maledicere egenos  
Quid mirum est? inopi lingua tamen superest:*

*Hac sese solatur egens, sortemque negatam  
Despuit, & Cræsos (creditis?) atque Atydæas*

*Elenat: at fosso thesaurum inuenerit aruo,  
Thesaurum iniecta (creditis?) ille scrobe,*

*Rursus in æternas malit damnare latebras,  
Quàm rapim capsis transposuisse suis?*

*Non tacet oblata latrator Cerberus offa?*  
*Ignoscitque suis mitior inde bonis?*  
*Nec iam dissimulat curis pallentibus actus:*  
*Pallet amans omnis, pallet & iste senex.*  
*Maxima zelotypo domina custodiare stat:*  
*Custodit dominam peruigil iste suam.*  
*Et timet à ventis, propriâque exterritus umbra,*  
*Non atomos clausas vult penetrare fores.*  
*Hinc Venus assidui demirans pectus auari,*  
*Victâque solliciti sedulitate senis,*  
*Sola fouet solum, iamque indulgentior, inquit,*  
*Tam benè qui seruat, seruiat usque mihi.*  
*Interea, hac tacita sese dum diuitis arcæ*  
*Seruandam fido collocat obsequio:*  
*Amissam hâc, illâc, dominam per saxa, per ignes*  
*Turba per & moles querit auara maris.*  
*Impiger esuriens in Auernum (iusseris) ibit,*  
*Annuat inceptis hac modo fausta nouis.*  
*Non metuet Ditis sacrum temerare cubile,*  
*Si redimi à Stygijs se velit ista locis.*  
*Nec metuet tauros iaculantes naribus ignes,*  
*Aurato Venus hac vellere si lateat.*  
*Nec metuet vigilis rabiem irritâsse draconis,*  
*Fulgeat hæc malis dummodo ab aureolis.*  
*Omnia pro domina patientior iste subibit,*  
*Nec metuet summi tela trifidula Iouis.*  
*Hinc (ni omnis delirat amans) fateamur, oportet,*  
*Hanc non vulgari posse placere modo.*  
*De qua iam totus toties contenderit orbis,*  
*Philtro habet, & cæsto non caret usque suo.*  
*Troâda si raptæ facies formosa Lacææ,*  
*Atque Mycenæos trussit in arma duces:*  
*En Dea quid faciat toties hæc unica amantùm*  
*Zelotypo regum pectore bella serens?*



*Causa coronati toties hæc facta triumphi*

*Præda manet Marti sola petenda suo.*

*Gloria tum fama causata obtenditur umbra:*

*Hanc tamen, hanc quarunt intima corda proci.*

*Hæc illa est adamata suis: seu nomine ficto,*

*Laudis amor dicta est, religionæ Deum.*

*Hæc est ignotas nobis quæ protulit oras,*

*Et nunc non dubios addidit Antipodas.*

*Queritis auriferos quare nunc itur ad Indos?*

*Dicitur hæc illis Diva habitare locis.*

*Torrida quis subeat sitientis climata Phæbi?*

*Pectoræ maiores nunc ferat ipse faces?*

*Hæc duce, nunc audaci soluisse puppi,*

*Maxima pars orbis delituisse iners.*

*Hæc noua disculsi surgenti sydera cælo,*

*Quæ penes Antarcton, clare Canope, micæ.*

*Hæc primum à syluis mores reuocauit agrestes,*

*Quum domita est culta barbaræ terra manu.*

*Victæq; barbariem civili pectore mutans,*

*Hinc coluit terras, hinc coluit, Deos.*

*Nunc pater Eoas penetrasset Liber ad oras,*

*Et Gaditanum clauiger usque fretum,*

*Nique feras olim Romana potentia gentes*

*Huius adegisset subdere colla iugo:*

*Simplicitas certe rudibus tam rustica sacris,*

*Staret in hos etiam continuata dies.*

*Barbarus hæc domino mulctæ cum nomine, cessit,*

*Solamen, ritus, iuræque traxit heri.*

*Victorisque sui cuius nouus additus urbi,*

*Hæc rursus vinci conditione velit.*

*Nimirum sublimis equo, nutritus & aula,*

*Quid repetat paruos ditior inde lares?*

*Et sapit: & magnos geometres, pictor, aliptes,*

*Blanditijs nouit demeruisse Deos.*

*Et patienter agit captator funeris orbi,  
 Dum cadat in casses praeda petita suos.  
 Tum verò in totum quando successerit assensum,  
 Seque videt ternis crescere nominibus :  
 Quam citò fortune vultum componere sœlix  
 Nouit, & inflatis cuncta iubere genis ?  
 Paretur : caudamque mouet seruiliter ille,  
 Qui fuit hesterno combibo symposio.  
 Rara Dea virtus, sed adest sua gratia Diue :  
 Nec desunt Charites, cui Venus ista venit.  
 Extemplo nam pulcher erit, tum sanguine prisco  
 Aeditus, & culto præditus eloquio.  
 Quicquid ager, laudatus ager, bona turba fauete :  
 Nec sileant blando mollia verba sono.  
 Mane salutat um cubito trudentia p'ebis  
 Agmina, quum soluit limine, profiliant :  
 Hortentur, fascēsque petat, sellamque curulem :  
 Quid dubitet niuea vota subire toga ?  
 Nam leuis ut durum nil flexerit aura Catonem,  
 Diuersa populi parte tabella fauet.  
 Omnia diuitibus regina Pecunia præstat :  
 Mitior est donis hostis & ipse datis.  
 Crudus in Hectoreum (dum ferbuit ira) cadauer  
 Ille fuit, Phthij gloria prima soli.  
 At simul ut Priamo se Troica gaza ferente  
 Obtulerat, tumida mox cecidere minæ.  
 Lentiùs Æacides ulciscitur inde Patroclum :  
 Quid facias ? magnos munera (crede) Deos,  
 (Crede) Deos placant, hominēsque in fœdera iungunt,  
 Quamlibet offensis iusta querela fluat.  
 Umbra tibi ante oculos, versetur inulta parentis  
 Donatibi occisor, nec moderata, ferat :  
 Ut semel ille decor tremuli radiauerit auri  
 Hærebunt dubio famæque, & ira luto.*

Oderis indignum: dignissima premia amabis,  
 Fama vale, valeant ultio, nexq; patris.  
 Auro opus est, dulci quis non ignouerit auro?  
 Flexile Caucaſeos flexerit hoc ſilices,  
 Immanēſque Getas, & ferrea corda Cycloplum:  
 Et dubium eſt cultis quid queat hocce locis?  
 Auri ſacra famas quid non mortalia cogit  
 Pectora? libertas hoc licitante perit.  
 Emerat hoc ciues corruptor Iulius olim,  
 Venalis pretio Roma vel ipſa fuit.  
 Nunc aliud tempus: ſed adhuc vetus obtinuit mos  
 Aurea ut AEneae regnet in vrbe Venus.  
 Dic ubi non regnet? Paphus, & Gnydus omnibus oris  
 Nunc adolent tanta cinnama, thiſq; Dea.  
 Templa Dea queris? mortalia pectora viſe:  
 Templa tot inuenies hac ubi fixa ſedet.  
 Nec tibi tam praſens Numen mirabile quicquam  
 Suſcitet: illa viros promouet, illa Deos.  
 Tentabat Danaën varia ſub imagine forma  
 Iupiter, an maius quid Ioue mundus habet?  
 Num tamen obtinuit, gremioque acceptus amato eſt,  
 Ille prius noſtra quam tulit ora Dea?  
 Quem pater, & cuſtos, & virgo dura reiecit,  
 Senſit praſentem ſlauus adulter opem.  
 Culpantur fragiles auro expugnante, puella:  
 Parcite: num contra turris ahena ſtetit?  
 Aureus Acryſy gnata ſe miſcuit imber:  
 Parcite: quis primum miſcuit ara ſacris?  
 An quia tunc ſuco praluſit Iupiter aureo,\*  
 Vulnera, quae fecit, debet & ipſe pati?  
 Dicite Pontifices, nam vos dare iura loquuntur,  
 Quod placet in ſacris, corda prophana negent?  
 Pontifices, reges, ſatrapas, lectumque Senatum  
 Aureus hic magnes quum trahit, & retrahit:

\* Synær.

Miramur,

*Miramur, populus magnorum exempla Deorum,  
 Tam bene si votis omnibus exequitur?  
 Regna, vrbes, & templa Deum, nutuq. potenti  
 Cælum aperit: dubium est, quin & Auernum aperit.  
 Hac Dea si ramo quenquam donauerit aureo,\*  
 Aduertet facilem portitor inde ratem.  
 Inuia perrumpit lentor penetrabilis auri:  
 Verius hæc ergò est illa catena Iouis.  
 Cedite mortales, dominam reuerenter habete:  
 Viribus huic vestris, vis propè maior inest.  
 Durate: eueniet, quæ non sperabitur hora:  
 Aurea spes semper quid iuuenile refert.  
 Vos quoque pro numeris nummos sperate Poëta,  
 Mecænas nostro tempore si quis erit.  
 Hercule, si nemo est: magicas accingier artes  
 Proderit: hys Daphnis ductus ab vrbe domum est.  
 Carminibus quondam cælo deducere Lunam,  
 Paruum erat, & manes eripuisse Stygi.  
 Nullane cantando vis est hodierna Poëtis?  
 Quæ Mecænates euocet è tumultis?  
 Tercentum clamate Deos, Erebumque profundum,  
 Atque informe chaos, tergeminaque Hecaten:  
 Et miscete preces, precibusq. minacia verba,  
 Addite, sint diris carminamixta suis.  
 Sic (puto) demulsis Mecænas versus ab umbris,  
 Sarciet ingrata posteritatis opus.  
 Aut demum hoc nulla si sunt in carmine vires:  
 Amplius auxilij nescio quid superest,  
 Ni simul vt Musis, totòque Helicone relictis,  
 Deducant artes pectoris ingenui.  
 Qui placuisse volent hodie, penetralibus ipsis  
 Admissique suos demeruisse Ioues:  
 Quidlibet induerint, dum deposuisse pudorem,  
 Et niueam norint deposuisse fidem.*

\* Synæz.

*Auribus oblongis hodierna palatia regum*

*Prædita, Pantolabos præ tibi (Flacce) ferent.*

*Ipsa quidem (ut verum fatear) Venus aurea amantes*

*Non recipit, Pallas quos inimica probat.*

*Ergò agè: quo dominam diues mereare benignam,*

*Nec nimium sapias, nec nimis esto bonus.*

*Denique, ut hoc vno concludam hæc omnia verbo,*

*Sit tibi cura tue: sit tibi cura tui.*

## NICOLAUS PHILANDREIVS

Lectori.

QVum ex quatuor virtutum quas morales vocant generibus, ipsam honestatem, ex qua fama & omnis existit honor, æquè manare constet: tamen quæ animosè, atque fortiter in bello præsertim gesta sunt, ea nescio quomodo à Poëtis, Historicis, atque Oratoribus, plenius laudanda certatim arripiuntur. Hinc Thermopylarum, & Platearum, pugnaeque Leuctricæ, & Salaminij trophæi gloria. Hinc decantati Cocles, Curtius, atque Decij, quique simili præstitere virtute. Quæ virorum fortium celebratio, aut literarum monumentis consignata commemoratio aliqua, ipsis Britannis adeò usitata non fuit, ut Regis etiam Arthuri alioqui celebratissima ubiq; terrarum atque gentium militia, propriæ tamen, atque patriæ historiæ inopia plerisque iam tandem fabulosa videri cœperit. Et Iōannis Acuti Italorum literis, & statuis clarissimi, apud Anglos, nisi in domesticis fortassè Scelleiorum abnepotum monumentis, vix vlla (quod sciam) extat memoria. Quæ cum ita sint, eaque iacere semper soleant, quæ honore non alantur: magis est mirandum, eam insulam omni ætate viros produxisse tamè bellica laude memorabiliores, quàm

quàm pro gentis vel disciplina, vel pro militum vel præmio, vel gratia. Vt generosa illa indigenarum vis atque natura magnoperè sit profectò prædicanda, qui magnanimitatem hanc nulla neque præmij, neq; gloriæ spe colentes Reipub. solùm inferuiunt, ipsamque vitam non pro laude (vt inquit ille) pacisci, sed pro patria gratuitò quidem certè, & non grauatè profunderè consueuerunt. Atque hæc gentis huius magnanimitas quanquam & foris pristinæ Anglorū virtutis memoria satis sit credibilis, & domi vel intrépida pereuntiū nece aliquando probata: tamen quoniam exteris nationibus scriptorū penuria satis nota esse non potest, laudabilem suscepit operam in Hispanicæ legationis otio Orator Chalonerus, quum memorabilè Edoārdi Schelleij fortitudinē ad Scoticæ præsertim cladis (qua immortalis est) monumentum ita literis commendauit, vt eo in celebrando ipse & pietatis laudē, & propriam etiam ingenij gloriam sit meritò consecutus. Qui si bellatoris arma, atque impetus heroico modorum atq; vocum sono antiquo more decantasset, superbo ille quidem aurium iudicio inferuisset magis. Verùm quum celebrium facinorum æstimatione, non numerorum compositione clarorum virorum admiratio efficiatur: Tibullina Elegiaco in genere concinnitate, quæ contigit, fruentes, Heroici carminis magnificentiam non magnoperè requirimus. Vale.

DE HEROICA EDOARDI SCHEL-  
læi nobilissimi iuuenis Britanni fortitu-  
dine.

*C*Lara decent claros homines præconia: cesset  
Lingua. memor, facti gratia nulla viget.  
X

Est aliquid per se virtus: spreuisse triumphos  
 Magnanimo fortis pectore sapè solet.  
 Authori liceat, dum pulchri conscia mens sit,  
 Laudantùm intactos prateriisse sonos.  
 Ne liceat nobis ingrato pectore ciues  
 Egregios per nos non superesse, rogo.  
 Quis fuit ille olim celebratus Mutius? aut quis  
 Curtius, in medio víctima sponte foro?  
 Vos (Decij) si quod patria tribuistis, eodem,  
 Quo cineres busto conderet urna brevis,  
 Non (inquam) hys animis Roma, populúsque, patrésque,  
 Laudandos tacitè pratericre viros.  
 Sed meritis quantum potuit laus addere, fructu  
 Fortia facta ducum non caruere suo.  
 Ergò etiam egregios conatus illa iuventus  
 Attulit, & titulo digna, triumphè, tuo.  
 Fælices animis iuvenes, patriáque vicissim,  
 Talibus ò magnam te quoque (Roma) tuis.  
 Nos humiles obscurategunt monumenta sepultos,  
 Quos procul à cultu barbara terra premit.  
 Namque idèd nostris pulchrum vix aditur oris:  
 Quòd labor it, merces nulla labore redit.  
 Redderet hoc regnum, populus quod reddere sicut:  
 Curtius in nostro plurimus orbe foret.  
 At benè si gestis spes præsuit, atque sequuta est  
 Gloria, quæ à gratis sponte redire solet:  
 Illa quidem fortes gestorum fama superstes  
 Reddidit, in Latio qui viguere solo.  
 Nostra quidem si quos produxit terra Britanna  
 Hys similes, simili non ratione tulit.  
 Nam benè quòd facerent, nostris dedit unica virtus:  
 Cetera spes laudis tota iacebat iners.  
 Eugè ergò ò propria certè (SCHELLÆ) salutis  
 Prodigè, sed patria laus (EDOARDE) tue:



*Quem neque vel priscis animo prestante minorem,  
Perduxit virtus conscia ad interitum:  
Si tamen interitus succedens fama vocetur,  
Iuge viro pariens post sua fata decus.  
Quale sibi proprium statuatur Gentilis, ut haeres  
Addat & exemplis amula posteritas.  
SANGVINE ab antiquo iuuenis non degener, ortus  
Hic fuit: aspiceres, forma virilis erat.  
Viuida vis vultus, aciemque, oculosque micantes  
Pratulit: aspiceres, fortis ab ore fuit.  
Corpore non magno, fido sed pectore magnus,  
Bellator Tydeus qualis & ante fuit.  
Natus ad horrentis castrensia praelia Martis  
Nactus erat voto tempora danda suo.  
Vixque genas praecox signans lanugine prima  
Gallica Caletis arma lacefferat.  
Tum longo implicitos Anglos pars altera bello  
Strage sua sensit sapius esse viros.  
Huncque vel imprimis famosa Bononia vidit  
Ad se victrices saepe referre manus.  
Oh quoties pugnacis equi spumantia fræna  
Flexit in exitium Galle animose tuum.  
Oh quoties alacri socios sermone cohortans  
Primus in aduersos calcar adegit equo.  
Non animus, non ars; non actio defuit isti,  
Castore talis eques iudice Castor erat.  
Quoque etiam mirere magis, fors adsuit ausis,  
Dextera conatus iuuat & intrepidus  
Audacis iuuenis: cui qua potuere timori  
Esse alijs, animos hoc magis addiderant.  
Haud aliter quàm quæ sub iniquo pondere pressa  
Fortius in pondus surgere palma solet.  
Vnde nec egregij deceat reticere duelli  
Successus saui quod pepigere viri.*

Quum legeret miles Teruennæ mania celsæ  
 Anglicus Austriaci Caesaris arma fouens.  
 Landrisiūmque minax peteret : spectabat ab altis  
 Turribus ardentes Gallica turba rosas.  
 Signaque ab antiquo niueis contraria signis  
 Nec culpæ potens, vidit, & ingemuit.  
 Hinc dolor à visu sensim ad præcordia serpens  
 Gliscere conceptis cæperat igniculis,  
 Indignansq; pudor generoso pectore sauos,  
 Hortantum studijs, trusit in arma viros,  
 Fidentes certosque animi seu vincere detur,  
 Seu patria ante oculos occubuisse sue.  
 Parua manus, memoranda tamen, nec ab hoste per atram  
 Inuidiam titulis expolianda suis.  
 Que simul ut conscendit equos, hastasque trementes  
 Strinxit, & admissis prosiluit spatijs:  
 Prouocat equatos totidem concurrere nostrum  
 Nec studio pubes defuit Angla pari.  
 Pulchrum erat eximia specie, & constantibus ausis  
 Cernere protentis qualiter abietibus  
 Commissi iuuenes campo hinc atque inde patenti,  
 Fata ferebantur in sua præcipites.  
 Ordine seruato, geminos nam tessera iussit  
 Expectare sua prælia pacta vicis.  
 Et quater innocuo pro cursu fauit utrisque  
 Sors sua, seu ventos irrita tela leues,  
 Seu peterent fidis tutos thoracibus artus  
 Tot modo de solida frustula facta trabe.  
 Quintus at elato congressus fauerat hosti,  
 Perque latus ferro lancea vulnifico.  
 Arma sub axilla iuuenis male fida Britanni  
 Perterebrans summo tergo promicuit.  
 Saucius ille tamen notas nec liquit habenas,  
 Nec tulit indecori pectora lapsa metu.

*At leuiter propria conuersus ad agmina turmæ*  
 SCHELLÆVM hijs vltro sollicitat stimulis.  
*Ecce vides : socj nunc te per vulnera testor,*  
*Effice successu turba inimica breui*  
*Gaudeat : in te vnum recidit sors vltima nostrum :*  
*Et potes, & vindex dextera sapè tua est.*  
*Ingemit, & chari sortem miseratus amici*  
*Totus in vlticem procubuisse vicem*  
*Festinat, versansque animo, nec vulnera paut,*  
*Nec fouit gelidos corde tremante metus.*  
*Sed casus sermone breui solatus acerbos,*  
*Ipse tui (dixit) vulneris vltor ero:*  
*Sipater ille volet, dubia Mars prælia sorte*  
*Qui ferit, & lancem sustinet ancipitem.*  
*Tu modo letitiam hanc Gallis ne crede perennem,*  
*Siquid adhuc nobis quod doleant superest.*  
*Interea aduersa SCHELLÆVM parte laceffens*  
*Strenuus, & magnis viribus, hostis ait.*  
*Congredere : ingratas quid fando intercipis horas?*  
*An quæ facta vides, ipse futura times?*  
*Erubuit, dubium est magis, aut excanduit alter :*  
*Sed rubor ingenuo maximus ore stetit.*  
*Nec mora : protensis hastis concurritur. altè*  
*Vulnere defixo (Galle animose) iaces.*  
*Collapsaque manus moribundo corpore telum*  
*Ter traxere : suum ter simul officium*  
*Destituere : leues vita indignata sub umbras*  
*Dum fugit, & versis sors reuoluta rotis.*  
*Laudabant socj, nihil ille elatior vltro*  
*Laudabat victum, Fors (ait) ista fuit.*  
*Signum erat hoc verè fortis, sensusque modesti:*  
*Nunc cape, seruauit qua pietate suos.*  
 MISSVS erat lecta ductor conualle cohortis,  
*Hostilis latuit saltibus ecce dolus.*

*Omnibus insidia prorumpere partibus instant:*

*Atque impar tantis parua manus timuit.*

*Quod faceret propria motus ratione salutis,*

*Non fecit multis quò fuga tuta foret.*

*Vos (ait) ô socj, fugite hinc, me millibus ultro*

*Obijciam, restans occupat atque pylas.*

*Enadunt comites, infestis millibus vnus*

*Obstat, & angustis faucibus vnus obest.*

*Improbe quid tantos vno mucrone laceßis?*

*Scilicet ad Manes quò nec inultus eas.*

*Ecce ruunt in te solum numerosa caterua,*

*Tu ruis infestis obuius ordinibus.*

*Plûsque animo, quàm per vires contendis, & vrges,*

*Vi virtus tandem sed superata manet.*

*Captus ad hostilis ductorem duceri ala:*

*Miratur facinus, consiliûmque tuum.*

*Pramia virtutis laudem quis ab hoste requirat?*

*Virtutem acceptam sed tamen hostis habet.*

*Namque ità nescio qua semper ratione paratur*

*Magnanimum simili sponte fauere suo.*

*Ast ea magnanimum tulerant si tempora Gallum,*

*Inter præcipuos Biseus, vnus erat.*

*Cuius vt ante oculos steterat SCHELLÆVS inermis*

*Olim etiam Gallo notus ab ore Duci.*

*Tu ne (ait) & gladio stabis sine? vix ea fatus*

*Discinxit proprium Biseus ense latus.*

*Huicque dedit, multo verborum affatus honore,*

*Maior laudati laus stetit ore viri.*

*Non male mulctatum tenebroso carcere clausit,*

*Non duro captum perdidit imperio.*

*Sed miti tristem properans sermone lenare*

*Lenijt, atque æquo restituit precio.*

*Alterius forsan tali mens tacta periculo*

*Cautior, & posthac segnis ad arma foret.*

*Immemor*

Immemor hic instare sibi: & discrimina rursus  
 Poscere: tum gladijs obuius ire nouis.  
 Riserat ex alto iuuenis successibus amplis,  
 Latatúsque animo Mars pater indomito.  
 Hunc (ait) indignum est torpere per otia: castris  
 Tam bonus hic miles militet vsque meis.  
 Atque utinam: sed fata breues licet inuida cur sus  
 Huic tribuere meo: sit tamen vsque meus.  
 Quod superest, ego tela dabo: submisero & hostem,  
 Cuius transfixo corpore, victor ouet.  
 Dixerat, & sonitum clypeo collisus ahenó  
 Dat capulus gladij, duro adamante rigens.  
 Quo Deus ille truces mortalibus incutit iras  
 Horrendum AEmonijs rupibus ore tonans.  
 Interea incertis bellorum fluctuat undis  
 Hinc ferus assertor lily, & inde rose.  
 Qualis si Danaís Sigeio littore contrà  
 Troica sub signis lata iuuenta ruat.  
 Alternis vincunt vicibus, ceduntque vicissim  
 Lento congregiens utraque Marte manus.  
 Ipsa cruentatis funesta Bononia campis  
 Stat tanti precium, causâque dissidij.  
 At mea non horum suscepit Musa labores  
 Dicere, nec litis semina sparsa truci.  
 Sufficit ob Regum plebem deliria plexam,  
 Non semel hoc perijt crimine vulgus iners.  
 Te potius ter clare iterum SCHELLÆECANAMUS,  
 Et tua marmoreis praelia digna libris.  
 Fortè recens equitum aduentans longo ordine turma  
 Auxilium fessis hostibus attulerat,  
 Pulchra armis, virides simul ornatissima sagos,  
 Argenti varium fimbria clausit opus.  
 Distincta ex viridi atque albo stant vertice cristæ,  
 Bellator simili tegmine gaudet equus.

Illa V IDAMENSIS Carnutum Regulus arma  
 Ferre dedit, pictas & simul induuias.  
 Exultans animo, atque opibus, tum flore iuuent.e  
 Dux iuuenum, & domina tactus amore noue.  
 Hinc etiam comites ignem traxere medullis,  
 AEmula dum laudis pectora oberrat amor.  
 Quisque suas gestit vires per facta referri  
 Fortia, quæ rediens narret, amica probet.  
 Quisque alacri exoptans animo meditatur in hostem  
 Irruere, & propior voce laceßit item.  
 Hac oculis cernens toruis SVRREIVS HEROS,  
 Quem penes Anglorum tunc stetit imperium.  
 Non tulit instantes nostris illudere Gallos,  
 Notæque SCHELLÆI pectora sic acuit.  
 Aspicias? & patere intactos sub manibus hostes  
 Insolita demùm laude referre pedem?  
 Vade age. Sed multis feruentem accendere verbis  
 Quorsum opus? aut alacri subdere calcar equos?  
 Quà data porta ruit: comitum fidißima præsto  
 Corpora spectatum circuire latius.  
 Vt propius ventum est, designat quilibet hostem,  
 Quem petat, atque animos colligit inde novos.  
 Ipsa cohortantum vox mutua, murmure sensim  
 Crescit, & æratis adstrepit aucta tubis.  
 Non ea mens hosti contrà, discrimine aperto  
 Ancipitem Martis velle subire vicem.  
 Quin potius notas fraudum superare per artes  
 Tendit, & insidijs vincere dispositis.  
 Namque sub umbrosa peditum manus abdita valle  
 Incautos lautè cingere docta, stetit.  
 Hùc ubi Gallus eques sensim retrò acta referre  
 Lilia: fallacis cæperat arte fuge.  
 Extemplo expertos SCHELLÆVS doctior astus;  
 Angli iubet fixo sistere signa gradu.

*Solus & explorans anteit: perniciosum illum  
 Hispana genitus stirpe ferebat equus.  
 Et celer, & lenibus cursu contendere ventis  
 Et solitus docta flexilis esse manu.  
 Sic tecti patuere doli: sed iniquius hostis  
 Pertulit instructos non latuisse dolos.  
 Ergo etiam aduersa veterator prodit ab ala,  
 Prouocat, & Partha mobilis arte fugit.  
 Rursus & instanti similis redeuntia vitat  
 Prælia, nec iusto comminus ense ferit.  
 Sed variè ludens (qualis Maander in undis)  
 Ipse suas repetit, rennuit atque vices.  
 Scilicet incautum partem tracturus in illam,  
 Quà stetit expectans insidiosa manus.  
 Hic equidem dubio SCHELLÆI pectora motu,  
 Spemque, metumque inter, sic reputasse ferunt.  
 Persequar? & tantos non inscius induar enses?  
 Solus ego? an tanti vincere non fuerit?  
 Ergo astu nostris impunè illuserit armis  
 Subdolan? & nulla laude meos repetam?  
 Non faciam: fors ipsa fauet benè fortibus ausis,  
 Sentiat iste mea vel nece vulnus (ait.)  
 Verba subit fremitus medio imperfecta furore:  
 Igne micant oculi, pectora anhelata micant.  
 Qualis enim Hircano tigris spoliata recessu,  
 Raptorem catuli querit odore sui,  
 Atque agili præceps fertur per denia saltu,  
 Rugitu horrendas testificata minas,  
 Mox ubi prensuræ similis sine vulnere sentit  
 Prædonem rictus ludificare suos,  
 Et fremit, & rabidos vibrata exurgit in ungues,  
 Et repetit cassas, terque, quaterque vices:  
 Talis ab elusa iuuenis violentior ira  
 Frustrantis gyros non tulit ulterius.*



Sed propior, certusque animi calcaribus actis  
 Lusorem infesto comminans urget equo.  
 Euolat instinctu sonipes, conamine certo  
 Hasta petit vasti subdola terga viri.  
 Non illum ulterius technæ, non proxima texit  
 Vis comitum, aut ferro lamina structa duplo.  
 Quin medias inter costas, per & ilia acutæ  
 Cuspidis, altè actò vulnere sensit opus.  
 Fraxinus athereas fragilis pars scandit ad auras,  
 At bona pars miseri tergore fixa stetit.  
 Interea immensus telorum personat imber  
 Certatimque omni missile parte volat.  
 Hinc eques effusus SCHELLÆVM indagine cingit,  
 Hinc peditis flammæ machina tacta vomit.  
 Dira lues tetro passim ferit aëra bombo,  
 Plumbatæque noua mittit ab arte pilas.  
 Si non cuique dies certo suus ordine staret,  
 Et nequit inuito quisquis obire Deo:  
 Tunc poteras SCHELLÆE mori, quum quatuor ictus  
 Vulneribus (domini fortè pericula luens)  
 Conciderat rediens sonipes: sed fata sororum  
 Annuerant parui temporis esse moram.  
 Sic tua te trussit manifesta in vulnera virtus,  
 Incolumem at socijs fors bonarestituit.  
 Singula quid memorem? finem quis querit et ipsum?  
 Vix dolor id patitur, sed memorare decet.  
 ANGLIA Scotigenis rupto cum fœdere lasa  
 Misceret Scotopralia cruda solo:  
 Adfuit hic præstò, decus, & tutela suorum,  
 Pulcher eques, pulchro conspiciendus equo.  
 Riuus ut in medio paulo torrentior ibat,  
 Constitit hic castris utraque turma suis.  
 Est locus ad fauces, pago antè ignobilis, at nunc  
 Scotorum effusa sanguine, nobilior.

*Donec enim pugna poterunt meminisse nepotes:*

*MVSKELBVRGVE tuum lugubre nomen erit.*

*Consilium capiunt animo non dispare utrique*

*Flumine transmissio conseruisse manus.*

*At rudis armorum Scotus, numerique recensor,*

*Stultius instructos tempfit ab arte viros.*

*Mene (ait) hos patria primum non pellere terra?*

*Ibitur: & primus confita signa tulit.*

*Quæ fuit (ò Superi) turba properantis imago?*

*Impetus instantum quis fuit ille pedum?*

*Structa per undantes hominum quot millia campos*

*Vidimus hastatis iungier ordinibus?*

*Quæ Pellea phalanx longis inuicta sarissis,*

*Immoto scisset si bene stare loco:*

*Sed nimium properans, & iniquo colle subire*

*Contendens, proprio victa furore fuit.*

*Victa fuit, sed non nimium victoribus ipsis*

*Sic placuit lecto sanguine parta salus,*

*Quum neque vel totum quandoque ignobile vulgus*

*Vnius egregij portio digna cadat.*

*Si numeres, Scoti innumeros: sin pectora libres,*

*Nos paucis nimio plus quoque perdidimus:*

*Queis neque nobilitas animosis defuit ausis,*

*Exitus aut claris dignus imaginibus.*

*Hij nempe in prima cataphractum fronte locati,*

*Cade viam socijs apperuerè sua.*

*Cade viam, & proprio redimentes sanguine, ius est*

*Hos paucos multis millibus anteferam.*

*Tèque vel imprimis (SCHELLÆ animose) perenni*

*Te dignum est celebret nomine posteritas.*

*Iussus es oppositos à fronte urgere maniplos,*

*Hij seges armorum densa sarissa stetit.*

*Non metuens hostem, sed pugna expensor iniquæ*

*(Namque equites contis quis temerè obiciat?)*

Consulibus obliqui potius conanime flexus  
 Securè impeterent hostis inermes latus.  
 Consilio hoc (si non alijs mens laeva fuisset)  
 Angles ferox nullo vulnere victor eras.  
 Non placuit tutum tumidis: vox ista senili  
 Prodiit, at fatuo est ore reiecta tamen.  
 Atque aliquis dicto cautum stricturus iniquo,  
 Ista (ait) à timido cautio corde fluit.  
 Ingemuit recti mens huic benè conscia, probrum  
 Altius ingenio pectore despiciens.  
 Me timidum (ò Socij, vos & mea vulnera testor)  
 Nulla dies vidit, nulla dies videat.  
 Verùm ego ne frustrà videar maiora loquutus,  
 Efficiam, quis sim nunc quoque facta probent.  
 Si qua tamen nostris fors hactenus aequior ausis,  
 Nunc ò successus inuidiosa neget:  
 Vos animos nostro ne despondete periculo,  
 O comites capsi cura suprema mei.  
 Quin quod ago potius mecum unà agitote, nec ultra  
 Querite, deuotum hoc quæ vocet hora caput.  
 Nam semel hocce mori, si sit perferre necesse:  
 Pulchrum est pro patria, coram oculis patria.  
 Eia ergò ò memores nostris insistite captis:  
 Est aliquid gelidos deposuisse metus.  
 Fortiter impulsus acies inimica ruentium  
 Sentiat, & latam fecerit acta viam.  
 Neve mei dubitet quisquam calcare iacentis  
 Pectora, si turbis sternor ab oppositis.  
 Seruiat hoc vobis saltem pro ponte cadauer,  
 Quem super Angla meam palma eat ulta vicem.  
 Dixit, & ante omnes cursu se protulit ultro,  
 Primus in hostiles insiluitq; sudes,  
 Certior interitus per tot propè spicula certi,  
 Attamen illustris certior interitus.

*Nec satis hoc fuerat, quin ipso viuidus ausu  
 Plus oculos in se verterat attonitos.  
 Obuia prosternens stridentis more procella  
 Qua venit à rapidis seuiùs acta Notis.  
 Vidisses fusos latè dare terga maniplos  
 Quà ferus urgentis mole rucebat equi.  
 Vndique Vulcano fabrefacta per arma magistro  
 Tutior, atque imos ferreus usque pedes.  
 Nec mora, nec cadis requies tunc vlla fuisset,  
 Ni sua succisis munera poplitibus  
 Liquisset sonipes non vno vulnere tardus,  
 Fatàque defungens accelerasset heri:  
 Qui semel excussus postquàm cingente corona  
 Impiger instantes reppulit ense viros:  
 (Visa cano) pugna memorabilis arte pedestris,  
 Sustinuit valida pralia dura manu.  
 Qualia Tydida decuissent fortè lacertos,  
 Nec nisi conserta vi superatus erat.  
 Quum soli innumeros concordēs crebriùs ictus  
 Incuterent, plagas & sine fine nouas.  
 Sic demum moriens, sed non sine testibus, auxit,  
 Ille suis animos, hostibus eripuit.  
 GENTIS enim fortuna viri deuota per ausa  
 Vicit, & exemplo laurea parta stetit.  
 Num Decios igitur, vel te fortissima Curti,  
 Siue alios, quorum fama coronat opus,  
 Maiorem vera laudem virtute parasse  
 Contendat, quisquis sacula prisca notat?  
 Si te facundis ciuem euenisset Athenis,  
 Seu te Romano tale patrasse solo:  
 Turba tibi statuas summa vel in arce locasset,  
 Lysippusque tuo totus in ære foret.  
 Certatim illustres canerent tua facta pœta,  
 Facta theatriali concelebranda choro.*

334 DE ILLVSTRIVM QVORVNDAM  
Nunc quoniam hos plausus te nec sperasse fatendum est,  
Pluris erit toto nomen in orbe tuum.

DEPLORATIO BELLI CIVILIS  
in Gallia exuscitati, Anno. 1562.

BVccina terribilem disclusit abenea cantum,  
Et ruit infausto Gallia tacta sono.  
Quà Bellona fremens, furijs comitata ministris  
Excitat instantes in sua fata manus.  
Sæua ducum monitu, crispantur & impia tela:  
Impia, maternis abdita visceribus.  
Non iuuat, ipsa cadens nunc hos miseranda quod oret,  
Nunc illos, gladijs victima facta suis.  
Signa etenim, atque acies cognatis viribus instant:  
Tam male cognato sanguine constat amor.  
Querimus hinc, diro qua tanta licentia ferro?  
(Quis putet?) ecce suos Styx habet hic superos.  
Dux Erebus vexilla monet: Cælig, misertus  
Ipse Acheron gnatas iam iubet esse pias.  
Æmula Nobilium grassata potentia, zelo  
Nescio quo, tacitam prætegit inuidiam.  
Plebs ignara animi, ventisque volucrior ipsis,  
Arripit oblati semina dissidij,  
(Ah misera) expansis citius quam debuit vlnis:  
Vix iterum longa concilianda die.  
Religio hinc, atque hinc animos facit: omnibus idem  
Est furor, obtenta sub pietate latens.  
Velle Deos superos, & cælum humana per arma  
Afferere, atque humeris sustinuisse suis.  
Scilicet hæc Superos cura ambitiosa fatigat,  
Nec nisi nostrati cælum habitatur ope.  
Pronus in hæc leto incumbit spectacula vultu  
Iuppiter: & veterum lignea turba Deum:  
Quippe

Quippe fouent pugnas, pugnis miscentur & ipsi,  
 Atque iubent aras sanguine stare suas.  
 Nos quoque si Diuos istos dignamur honore,  
 Signat decet ferro cingere sacra sacro.  
 Sin colimus nullo numen violabile ferro  
 Dicito, gens studijs tam male freta tuis,  
 An Deus ille Deum, patria qui sede profectus  
 Mortales lassis iungere cœlitibus,  
 Ipse insons, fontes tanta pietate satagit,  
 Sanguine Tartareum dissoluitque iugum:  
 Hoc docet? an sacri vult sic sibi pagina libri?  
 Tale quid exemplo prodidit ille suo?  
 Scimus enim cœna præcepta nouissima sacra  
 Quo pepigit pacis fœdere discipulis,  
 Qui nobis proprio veniam, pacemque cruore  
 Reddidit, auerso restituitque Patri.  
 Et semel amissa postquàm succedere vitæ  
 Iusserat, o memores viuite pacis (ait.)  
 Pax ego sum: semperque meis patientia castris  
 Militat: hac palmam cuncta ferendo refert.  
 Ipse ego constituens deuicto ex hoste trophæum,  
 Nonne crucem docui vos quoque ferre meam?  
 Nil moror assensus leuium sine pectore vocum,  
 Quas timor astrictis exprimit ense viris,  
 Sed benè persuaso prius, & mea iura valenti  
 Insinuo: inuitus nullus in ære meo est.  
 Ergo, nec mi opus est populis per tela subactis,  
 Sceptra ego Rex animùm nec violenta gero.  
 Nec mi acies posco, sed verba fidelia: quid vos  
 Arripitis, positis, arma aliena, meis?  
 Si mihi non tellus, non & vada carula ponti,  
 Et simul ipsa poli Regia syderei,  
 Si mihi non toto quicquid subsistit in orbe  
 Factori, & Domino redderet obsequium,

*Si mihi quum iubeam, Geniorum sedula præsto*

*Non adsint atomis millia plura, vagis,*

*Esset opus vestro (forsan) mea regna tueri,*

*Et cælum humano cingere presidio.*

*Nunc, ego ab aeterno mundi moderator, adempto*

*Auxilio, solus singula, cuncta, rego.*

*Decreui, & satis est: non ulla mobile technæ est*

*Decretum magni, consiliūque Dei.*

*Taliter, humano, loqueretur si Deus ore,*

*Excuteret plebi tela proterua sue.*

*Nam neque vel gladijs pax hæc tranquilla cruentis*

*Nititur, aut mitis prælia Christus alit.*

*Hostis at humani generis Cacodæmon, & hydris*

*Vndique Tartareis noxia Tisiphone.*

*Hic iubet, illa faces submittit sæua rubentis,*

*Sæuius horrendos & ciet ore sonos.*

*Vnde truces resonant bacchata per arua tumultus,*

*Et fora pacatis utiliora viris.*

*At benè si monitis sapientum fidere præcis,*

*Mens hominum sciret, deteriora sequens:*

*Non adeò impunes, iuris sub imagine tecti,*

*Iura darent sceleris seditiosa manus.*

*Quæ tamen illicitos postquàm sibi cinxerit enseis*

*Paucorum occultis exagitata odijs,*

*Heu male quam pulchris nouit pars utraque verbis*

*Consily Lernam dissimulare sui.*

*Vincat amor patriæ, legum & veneranda potestas,*

*Hic ait: ille etiam sic ait, ore tenus:*

*Pectore sed tristis vindicta exuscitat iras,*

*Et recolit causas, ambitione furens.*

*Si tamen ulla malos cohibet reuerentia, ius est*

*Flectatur patriæ vel prece quisque sue.*

*Flebilis, & cultos pridem neglecta capillos*

*(Heupietas) passus GALLIA stat manibus.*

*Imploransque*



*Imploransque suos fundit mastissima verba  
Verba quidem duras apta mouere feras.  
Sic ait : ò nunquam longa fruitura quiete,  
Gens mea, nec stabili sistere docta loco.  
Ingenium sortita leues procliue per iras,  
At sensim admissas ponere sueta minas.  
Post varios casus, post mille pericula, rupto  
Et toties laesos fœdere finitimos.  
Nunc ubi bella foris desunt, furialibus ausis  
An mea vos gladijs viscera inire placet?  
Vt serpentigenas Medea crimine fratres  
In sua congressos vulnera obisse ferunt?  
Huccine longanimis recidit pars ultima capti?  
ITALIA, & vana spe repetita fugax?  
Insubrùm vt matres, Transalpinaeque puella,  
Iusta ferant ultis, vestra per arma, viris?  
Quis pudor? olim ingens porrecti gloria sceptri:  
Auxilium miserè, nunc vel ab hoste, petit.  
Quem toties lœdit, supplex nunc mulcet : & hac est  
Alternæ sortis tessera, & ordo vicis.  
Ne nimium faustis mortalia pectora rebus,  
Aut fidant partis desidio sa bonis.  
Quid tamen hys precibus tandem speratis ab hoste?  
Scilicèt, vt partis vulnere pars superet?  
Vt mihi dimidio tantum sit corpus e vita?  
Dimidium truncent lictor, & exilium?  
I nunc alta tui fac narres facta trophæi,  
Quisquis es exitio victor inique meo.  
Inscribasque tuis carmen lachrymabile lauris:  
Corruit auspicijs gens mea victa meis.  
Ergò ego quæ genui, vestro lymphata propago  
Sanguine, puniceam cernere cogar humum?  
Et mihi pinguescent per vestra cadauera campi?  
Quo plorem? tanto crimine facta ferax?*

*Nec vos surgentis cohibet reuerentia regis,*

*Hac olim forsan qui meminisse volet?*

*Ille quidem præstat, quantum puerilibus annis*

*Eximio possit rex puer ingenio.*

*Sed solet hoc regno vicium commune nocere,*

*Rex puer, imperio si minor ipse suo est.*

*Quarè agite, ò nimium feri secura flagelli*

*Pectora, sed sero debita supplicio.*

*Dum licet, indulgete odijs: sine vincat uteruis,*

*Tempus adest certè, quo breue victor ouet.*

*Nam repetet causas, tantique exordia belli,*

*Ille meus, præstò vir, meus ille puer.*

\* Cæsu. Tum neque sat fuerit \* aut hac, aut illa referre,

*Purgantes patrij semina iacta rogi:*

*Quum penitus toto ostendens mea stigmata vultu*

*In nequam ciues ipsa ego testis agar.*

*Exposcámque meos, quos vestris inscius error*

*Miscuit, at vestro crimine disidijs*

*Tot pueros, matrèsque vnà, miseràsque puellas,*

*Et passim cæsos occidione sènes,*

*Et mea civili liuentia flumina tabo,*

*Oppida mactatis & violata viris.*

*Nec dubito comites quin arma infasta sequantur*

*Pestis, & incuruis unguibus alta fames.*

*Nec mihi profuerit gladios vitasse, reuerant*

*Hac mala collectas si mihi relliquias.*

*Quid? quod & extremum subeo iactata periculum*

*Vt ratis admissis siqua fatiscit aquis?*

*Tot simul hostiles perflant mea turbine venti,*

*Et latera, & medios sauius vsque lares:*

*Vt dubitem (sed vana precor sint omnia) quorsum*

*Vindicta externis nititur auxilijs?*

*Scilicet arbitrio sortis committitur, an sim,*

*Quæ fueram, an dominis prada petenda nouis?*

*Dū melius : sed & hac, aut hys grauiora timebit,  
 Qui rudis in laevis spem locat ante viris.  
 Ne precor vsque adeo iuuat hoc vicisse periclo:  
 Ponite sedatis tela proterua animis.  
 Haec enū infanisse sat est : exurgat utraque  
 Parte ferens ramos, mitis oliua, tuos.  
 Et sanctum aeterno fœdus connectite vinclo:  
 Hac rata sit pacis formula scripta noue.  
 Primum equidem memores ne quisquam exerceat iras :  
 Longum lethais sed benè mergat aquis.  
 Si puer, aut virgo est maturis nubilis annis,  
 Connubijs firment mutua pacta duces.  
 Ne liceat dicto posthac perstringere iniquo,  
 Qui tibi diuerso dogmate vota fouet.  
 Millibus hoc fas sit concedere : libera sunt  
 Ista quibus freti religione ruunt.  
 Non vestrum (ô pueri) tantas componere lites:  
 Hac Deus arcanis pensitat ipse modis.  
 Principio potuit forsā, medicina parari:  
 Tarda solet longa cura subire moræ.  
 Vultis ut ex isto rescentur corpore naui  
 Vndique morbofo, brachia, crura, pedes?  
 Vt male chirurgis tandem medicata cruentis  
 Sic superesse queam, quid superesse datis?  
 Vix bene quod laceri dignabor nomine trunci  
 Non placet hoc tanto vulnere parata salus.  
 Nec placet hoc criticis iactatum vocibus vnâ  
 Dissimiles ritu non benè stare viros.  
 Mallem equidem similes : sed nulla, aut lentior extet  
 Flexio natura iam semel arborea.  
 Quid facias ? si interna Deus sibi vendicet vnus?  
 Spectet & externos si Politeia modos?  
 Messis habet lolium, lappas, tribulósque, rubósque,  
 Separet hac Dominus tempore quæque suo.*

*Interea Iudæus, Arabs, Romanus, eisdem*

*Mœnibus, aduertat qui regit, esse queunt.*

*Tam placidi ut nullis facies maris excita ventis*

*Arte caret, nequiens iungere dissimiles.*

*Quid Deus? an mundi discors concordia pugnat,*

*Quominus ipsa suo stent elementa loco?*

*Quid vaser in castris diuerso milite septus*

*Annibal? an turbam reppulit ipse suam?*

*Quumque tot oppositos cultu, patriæque tot annis*

*Duceret, an sensit seditione graues?*

*Quid memorem Constantinos? & qui prius & post*

*Cæsareis dignè præfuerant titulis?*

*Vrbibus an varios passi regalibus, vllò*

*Diffona plexerunt peccora supplicio?*

*Si non insigni petulantia turbida motu,*

*Laderet imperij publica iura sui?*

*Hij fructum pietatis habent encomia sacri:*

*Nullatyrannorum spicula tale ferent.*

*Nam Decij, Domitique cruces, & cruda Neronis*

*Tempora quis Stygijs non notat apta locis?*

*Mitto ego sed veteres, quid suadent facta recentum*

*Causa eadem in partes nunc ubi vulgus agit.*

*Illic flauicomis quæ turgidus it \*Alemannis*

*Rhenus, & expositis diffluit Albis aquis.*

*Vrbs vrbi, vir & ipse viro contraria sentit*

*Hys super, at nullus hys super arma capit.*

*Nec semel obloquitur, quin & connubia iungit,*

*Coniuiæ & multo conuenit (ecce) mero.*

*Tam faciles, facile ingenium, si reddidit illos,*

*Quid mea gens toruos hic imitare Getas?*

*Ah pereat quicumque nouis exulcerat ausis*

*Lernaum, serpit quod magis inde, malum.*

*Si benè composita tandem ratione quiescent,*

*Forsan & aternus hac sopor exciperet.*

\* Cæsu.

*Crede mihi in vitio est tractatio praua inuentum,  
Plebs ubi inhumanum respuit imperium.  
Scilicet excutitur metus, & reuerentia, maior  
Si metus intentos quid vereantur, agat.  
Religio insidens animis euellitur aegre,  
Nec nisi persuasu cesserit illa loco.  
Est aliud cogi per vim, per vincula, per ignes,  
Est aliud blanda comiter arte regi.  
Quam multos videas pressos contendere contra?  
Dimitte, & nullo languor ab hoste venit.  
Vis male cum toties cesserit, tolerantia prestat  
Mutua: lenibit multa ferendo dies.  
Tempus habet vires, plus quam medicamina centum:  
Tempore fac cœcant ulcera hiulca suo.  
Tempora quinetiam venient annalibus apta,  
Quum serus releget sacra priora nepos.  
Miratusque suos proanos: anne (inquiet) hæc est  
Illa quidem tantis acta querela odijs?  
Disputet: & mallem ciues ciuilibus vsos  
Ingenijs, talem non subijsse notam.  
Alma super tales deplangens Gallia questus  
Finierat, madidas imbre rigata genas.  
Ter tonuit summa iaculatus Iuppiter arce,  
Ter quoque commotum mugijt (ecce) solum.  
Dirigere virum pallentia protinus ora,  
Conscia sollicitus corda timor subiit.  
Quid faciant? durum est incepta relinquere bella,  
Durius, aduerso continuare Deo.  
At vos, ô proceres, tandem cœatis in unum,  
Ne pigeat longas anticipare moras.  
Longior hæc prima spe tela ordita cucurrit,  
Infaustum rupto stamine sistat opus.  
Si faciles positis dexteris coniungitis armis,  
Vt maneat prisco gratia vestra loco:*

Exemplò renoua stabit concordia plebi,  
 Rursus & adnatis crescet amicitijs.  
 Sanctius à memori pax clade redempta coletur,  
 Nescierat pacis commoda, pace fluens.  
 Dulcis in expertis damnosus est alea Martis,  
 Expertus sacris postibus arma dabit.

Autoris Distichon.

**H**Æ Cecinit, Galla qui non ex stirpe profectus,  
 Pacis amans, Christi pignora ubique fouet.

AVLICÆ VITÆ AD RVSTICAM  
 collatæ, vituperatio.

**Q**UOD I rudis inflatos Tyrio miraris amictu,  
 Ipse per ambiguas inscius ire vias,  
 Quique Palatina iuuenis spe tangeris aula:  
 Admoneo referas ad meliora pedem.  
 Flexilis est atas isthæc tibi: cerea sunt hæc  
 Fræna, quibus dubium tu moderaris iter.  
 Si malè firmato per saxa latentia gressu  
 Laberis: heu præceps quò ruiture cadis?  
 Est via (confiteor) mollis quæ ducit ad aulam,  
 Tota super blandis suaue refulta rosis.  
 At tibi tam vastos subitùs recludit hiatus,  
 Vt modò stans, puncto temporis ima petas.  
 Ne verò confide cadens, neque posce benignam  
 Alterius, pridem qui tibi amicus, opem.  
 Sortis erat, non ille tui sectator: adempta  
 Sorte, Palatinus nullus amicus erit.  
 Vnquam etenim seruilis homo liberrima pura  
 Iura colat, quæ nec nouit, amicitia?  
 Quum semper ficto incedat versatilis ore,  
 Nunquam non vafri Polypus ingenij?

*Si nescis: totum sese tibi spondeat: insta,  
 Quando opus est: fractum negligit ille virum.  
 Quippe per alterius gaudet scandisse ruinam,  
 Captat ab angusta qui data dona manu.  
 Et statione manet vultus vigil arbiter, aureis\*  
 Quo teneras verbis mulceat oppositis.  
 Nec dubitat laudare palam, turpissima laudet  
 Illa prior stupido quem colit ore Thraso:  
 Rursus & impura lacerare vel optima voce,  
 Displiceant Domino si bene facta suo.  
 Quorsum ergo ingenue flagrans virtutis amore  
 Intrās damnosæ conditionis iter?  
 Si nihil est quod des: pauper contemneris ultro,  
 Si nihil attuleris: pauper abito foras.  
 At tibi nummosa crescat sic census in arca,  
 Crescet onus diæ sic simul invidia.  
 Sic tua conciliat delator prædia fisco:  
 Cogit & innocuum ferre pericla caput.  
 Vt potius dempta tot agrorum mole, Philemon  
 Esse velis pauper, cui pia Baucis anus  
 Prandia non magno, præbebat parua, paratu,  
 Prandia conuiuia rustica digna Ioue.  
 Scilicet alma fides, probitas, candorque perennis  
 Et pudor, & pura religionis amor  
 Rura colunt: paruosque lares, tacitosque recessus  
 Sylvarum, & fontes lenè fluentis aquæ.  
 At bisores vitant regalia limina valuas:  
 Illaque Penelopes atria plena procis.  
 Fraus ubi, & insidia, ridenti atque ore profundus  
 Linor, & indignis artibus ambitio.  
 Omnia purpurea penetralia protinus aula  
 Præuenere, bonis ne locus esse queat.  
 Ergo nec aspecta tutum est diuertere porta  
 Ingressus planus, quâ planus egreditur.*

\* Synzr.



*Ægide, falcata, sumptisque talaribus, harpe,  
 Et benè ceratis auribus illi opus est,  
 Qui tot monstra simul, solo comitatus honesto,  
 Confidat patrio pellere posse loco.  
 Mitte suis Ænea Harpyias vivere regnis:  
 Atque alias sedes (Trospie) quere tuis.  
 Est locus: Ausoniam sacri dixere Poëta:  
 Saturnus priscam rexerat Ausoniam,  
 Innocuisque viris, medio vel rure, sub ipsis  
 Auræque arboribus sacula constituit.  
 Hanc pete, quacunque est: dudum vetus illa profanis  
 Amisit nomen, trita tot hospitibus.  
 Saturnique sui presentia Numina perdens,  
 Dediticit mores, aurea secla simul.  
 Quare, fides ubi sit? probitas? candorque perennis?  
 Et pudor? & pura religionis amor?  
 Illic Ausonia portus intrasse recentes,  
 Tèque puta fessis figere templa Deis.  
 Sique fides, probitas, candor, pudor, & pia Diuinum  
 Relligio agrestes nunc subière lares:  
 Ruris amor Diuos (inquam) si mouerit ipsos,  
 Mutasse incultis oppida culta casis:  
 Tu quoque tranquillam, terris iactatus, & alto,  
 Ausoniam ruris sedibus inuenies.*

## DE TEMPLI DIVI PAULI TOTIVS

Angliæ celeberrimi conflagatione. Quar-  
 to die mensis Iunij. Anno 1561.

Ad urbem Londinum Apostrophe.

**V**RBIS antiqua situ, domibus, populoque superba  
 Londinum, Thamesis præterlabentis & undis,  
 Tot regum longo variorum regia tractu:

*An quòd amœna tibi facies hinc, inde viretis  
 Clauditur? arboribusque frequens quòd villa sub ipsis  
 Manibus erigitur, patulis umbrosior hortis?  
 An quia nauigero refluum tibi flumen in alueo \*  
 Innumeras toto merces conducit ab orbe?  
 An quia nubiferis tibi tanta palatia surgunt  
 Turribus? an potius tibi quòd numerosa caterua  
 Itque, reditque vias, atque ipsa undantia complet  
 Compita? siue alio tandem te nomine iactas?  
 Anne (inquam) posthac iactura conscia tanta,  
 Ausa eris vlla tuis admittere gaudia curis?  
 Donec magna graui casu domus illa Tonantis  
 Illa domus (reliquis ceu Phœbe augustior astris)  
 Quæ cælo caput attollens inferre solebat,  
 Mole sua minor est toto nunc vertice, sauos  
 Traiectu horrendo quæ passa est fulminis ignes?  
 Vnde vel ambustos tendens ad sidera vultus,  
 Nunc quoque, nescio quid mirandum clade stupenda  
 Exprimit, atque oculis mater miserabilis affert  
 Mærorem ingentem nostris: dum cana perustis  
 Marmoribus, vellet, si non oppleta fauilla  
 Exerere arentes in verba querentia fauces,  
 Auxiliùmque tuum, ni tu bis saxea torpes,  
 Implorans adèd, flagranti exposcere voce.  
 Sæpè quidem tristes sensisti noxia clades,  
 Omina sæpè etiam nimium prænuntia veri,  
 Præmittente Deo, nimium resupina, tulisti:  
 At nunc alta tui capitis quum gloria, tali  
 Tota quidem irati flagrant Numinis ira:  
 Quid dubitas, tremulis tundens tua pectora palmis,  
 Agnouisse scelus? quo tu temeraria tandem  
 Mite Dei pectus vindicta armaueris alta?  
 Quam (ni vana fides eludit seria risu)  
 Iam parat: hæc pœnam non vana ostenta minantur.*

\* Synær.

*Ergo (si quis adhuc precibus locus) exue mentem  
Marmoream: largoque rigans tua lumina fletu,  
Pectore fac vnâ ducas suspiria ab imo,  
Prona Deum venerans, & multo squallida sacco,  
Fassa etiam meruisse, Dei diuertere flagellum.*

*Si pudet, & peccasse piget, miserebitur ultro.  
Nam faciles cedunt animis cælestibus ira:  
Nec punisse iuuat, quorum est conuersa voluntas.  
At si inuersa manes, si delectaris iniquo,  
Iamque habitum indueris: ferus omnia Iuppiter Argos  
Transferet, inque nouos soluet se Troia campos.*

*Hac igitur primò placabis Numina parte  
Procurans. Age, Lerneas videamus Echydna  
Vndique cænofo stagnantes pectore ciues  
Euomere, & pura cordis penetralia lympha  
Expurgare, vices nouies abluta nouenas.*

*Intus agant solidis hæc vera piacula sacris:  
Intus habent, Argum quod non latet omniuidentem.  
Nil iuuat (an sperent cælestia Numina falli?)  
Nil iuuat externus niueo candore ligustra,  
Vincat item canos paries gypsatus olores:  
Si domus interior limosis obsita crustis  
Fæda sit, ac scopæ vix dum laquearibus vllæ  
Euerrisse queant telas quas pendula Arachne  
Induxit, tabulisque situ squallentibus alto.*

*Mundis munda placent: quid Numine mūdus ipso est?  
Succedet Pater hospitio, renitescere plebi  
Vsq; neque tuæ videat spectoris album.  
Naribus offensis vitat loca fætida: sordes  
Non amat, & fucum vitat cane peius, & angue.  
Te verò an vultus quisquam putet obdere fuco?  
Assimulare super, verbo tenus, illa minori  
Quæ digito sensus nunquàm demittis in imos?  
Eloquor? an sileo? sed enim admonuisse sat esto.*

*Differis*

*Differis egregiè, Stoa miranda vel ipsi  
Facta probent, quod lingua sonat, nihil amplius addo.*

*Parte alia immitti quoniam ter maxima flamma  
Ipsa ante ora ruens aedes veneranda tuorum,  
Funesto sacras fœdauit stigmatè turres,  
Vnde hodiè fœdo totum decus urbis hiatus  
Scinditur, aut potius tanquàm ingens littore truncus,  
Turpis mole sua est, capitis cui gloria defit:  
Ne reputes (fama prudens si parcis auorum,  
Sive tui quicquam tangit te cura) futurum  
Amplius insignes inter numereris ut urbes,  
Nè satagas oblita ioci, somnique, cibique,  
Indefesso animo, & totis incumbere neruis,  
Maius ut exurgat, tectisque insignius amplius  
Quàm fuit olim ingens, ante illa incendia fanum,  
Fanum equidem toto quo nil augustius orbe  
Ipsa peregrinis vox linguis adita fassa est.  
Nec dubito: sparsit longinquas fama per aures  
Excidium delubri atrox, & tristia fata  
Paulini, gemitusque absentium pectore seuit.*

*Vnde etiam, si quis longinquis uectus ab oris  
Quondam hospes, notas oculis quæsuerit arces,  
Pyramidemque ipsas ferientem vertice stellas,  
Tale videns penitus fato decus urbis, & orbis,  
Concessisse graui, tales hic pectore questus  
Aut dabit, aut potuisse putabitur: Heu quibus, chen  
Casibus humanos conatus Parca fatigat?  
Et quid non posthàc fluxum, & mortale putandum est?  
Postquàm etiam istius structura adamantina templi,  
Quod stetit, atque tulit nongentis amplius annis  
Agmina ventorum toties aduersa furentium,  
Tot nubes, totis iaculantes viribus imbres,  
Tot solèsque, hyemèsque, & quicquid ab aethere durum  
Dura solet tandem penetrare in saxa, trisulci*

348 DE ILLVSTRIVM QVORVNDAM  
*Non tulit (heu fatum miserabile) fulminis ictus.*

Templi Deo gratissimi reparatio.

*Longa dies adimit mutato tempore multa,  
Quæ post mutato tempore stare iubet.  
Quæ collapsa iacent operosi pondere cultus,  
Stabunt nativæ simplicitatis ope.  
Deme peregrinos tota de mole paratus,  
Internam & fido marmore sterne domum:  
Quò Pater omnipotens, hominum commenta perosus  
Purior in pura gaudeat esse domo.*

DE PACE, INTER PAVLVM  
quartum Caraffam, Pont. Maximum, &  
Philippum secundum, Hisp. Regem  
Catholicum sancita: Anno. 1550.

**V**enit ab Italicis nuper gratissimus oris  
Nuntius, albenti referens signanda lapillo,  
Pontificem, folio Petri quem Roma vetusti  
Suscipit, antiqua genitum de stirpe Carassa,  
Et (quo te iactas sælix Hispania) magni  
Fortia Caroliden superantem facta Parentis,  
Seposito lenti tandem conamine belli,  
Pacatas latos iunxisse in sædera dextras.  
Mirum equidem potuisse dolos fallacia corda  
Gallorum lenium tantos fabricare, susurris  
Astutis, dum Paule, tibi nil tale timenti  
Inculcant, teneras captantes molliter aures,  
Nescio quid, tantæ vix dignum nomine turbæ.  
Qua tamen alma dies, dudum mortalibus agris  
Vix concessa, iterum perturbaretur ab imo.  
Hinc semel immissa indulgens proclivius iræ

Tentaſti

Tentaſti ancipitis, grandæuus, prælia Martis,  
 Zelo animi (ſas eſt ſic credere) belligerantis  
 Pro patria, & triplici, quam geſtaſ (Paule) corona.  
 Te licet auxilij, deceptum nomine falſi,  
 Promiſſis largus, ſed Gallus viribus impar,  
 Propulerit ſocium, ſocia agmina iungere, & unâ  
 Ingruere in placidi pacata ſilentia regis  
 Heſperij, inuito, mitèmq; laceſſere bello:  
 Qui tamen ut decuit, pius & placidiſſimus hoſtis,  
 Continuit ſeſe, monitis bella aſpera mulcens  
 Albani Ducis, iſtantis, iam iamque ruentis,  
 In dirum Roma exitium, per & ilia triſti  
 Iam conſecta fame, mox danda & pectora ferro,  
 Abnuſit inuiſos de te celebrare triumphos,  
 Hoc Petri auguſta tribuens (ò Paule) cathedra.  
 Quippe reſiſtentum laſus non corda ſuperba  
 Excidio ulciſcenda putans, (decet ultio crudas  
 Præcipitata ſeras) lenta at mitiſſimus ira  
 Prætulit expectans cunctando vincere, puras  
 Quàm temerare manus, reſperſo ſanguine plebis,  
 Immeritò alterius luitur æ crimina culpa.  
 Uſque adeò teneris multum eſt aſſueſcere ab annis  
 Imbutum pietate virum, & vir tute paterna.

At tu Paule ſenex, populi, morumque magiſter,  
 Cuius ab exemplis paſſim tot millia pendent,  
 Ne reputes nullas tanto hoc pro pignore laudes  
 Eſſe tuas poſitis, quod nunc pax alma, querelis  
 Mercatorem auidas, ſpe plenum, trudit in undas,  
 Agricolam duro, impigrum commendat aratro,  
 Paſtorem pecoris, deducit montibus altis  
 In valleis, ubi læta ruunt per prata iuuenti,  
 Ruſticus ad calamos plaudens pede ſaltat agreſti,  
 Urbanus reparat ludos per vaſta theatra,  
 Lacte fluunt amnes, dudum que ſanguine, cornu

*Copia Amalthæum rursus depromit, amenis  
Cuncta iocis, multòq; sonent quod sparsa cachinno.*

*Hæc tua (si lacerum Christi iam cogis ouile:  
Si satagis seruare gregem de fance luporum)  
Hæc tua sunt propriè, potius dignissima, pastor  
Munera, mortales per te quod pace finantur.*

*Pax igitur, pax ô, florenti tempora lauro  
Cincta Latinorum peragrabat cultior vrbes.  
Præcipuè te Roma, tuâsq; ascendit in arces.*

*Quo me Musa rapis? video (ni fallor) & absens  
Aspicio populi, undantis per compita, eursum.  
Ecce micant pingui domuum fastigia tædæ,  
Et displosa tonant tormenta minantia cælo,  
Dum clangente tuba, resonatur grande, & acutum.  
En flores plebs spargit ouans, pictisque tapetis  
Atria nobilium, & multo noscuntur ab ostro.  
Clamat Iô pars hæc, pars hæc tibi concinit hymnos  
O Christe, en pueri imberbes, castæq; puellæ  
Fundunt ore preces, puro & de pectore, pacis  
Te largitorem, qui pax es vera, ferendo.  
Ipse manu senior Paulus, comitumq; caterua  
Cardinis à titulo, quos ardens purpura vestit  
Thuribula excutiunt auro fulgentia: nares  
Gratus odor Superum penetrat, ferit athera cantus.  
Salue festa dies. Salue ô Pax optima, salue.*

*In Decoctorem mollem.*

*Mollia semiuiri vis stragula Sardanapali,  
Et pluma fultos, mollior ipse, thoros.  
Dura reformidas posuisse cubilia uiuo  
Cesspite, vel simplex quod tibi sternit humus.  
Fastidis genuina (nepotum maxime) perdunt  
Te noctes Sybaris, perdis & ipse dies.*

*Fercula*



*Fercula corrumpis medicato rara sapore,  
 Vina voras, iterum tentior ipse vomis.  
 Huc huc maiorum processit cura tuorum,  
 Hec est antiquæ maxima palma domus.  
 Quæ multos fuerant olim agrè parta per annos,  
 Mensibus en paucis distrahit iste nepos.*

Ad Rufum medicum.

**M**ANE soles summo Phæbum prævertere Rufe:  
*Surgis enim dum nox non benè tota abijt.  
 Esse quid hoc dicam? languentis tu (scio) dicis  
 Quid stomachi vires surgere mane acuat.  
 Sic puto: nam medicus dum centum consulis agris,  
 Edicisque cibis à quibus abstineant:  
 Macra prius tibi Zona refert sestertia centum.  
 Siccine languentem (Rufe) acuis stomachum?*

In eundem.

**E**GREGIAM verò laudem, solidòsque triumphos  
*Rufe refers, mira est effricta gratia frontis:  
 Hoc falsum esse putas? vis sic urbanus haberi?  
 Non inuitatus mensas conuiuia alienas  
 Inuadens, tanquam Menelaus Homericus? ergò  
 Fercula dum immitti percurris singula dente,  
 Pocula dum exiccas vinique tricongia, buccas  
 Dumque ambas reple, buccellis Pamphagus amplis,  
 Et sapis arguto morsus variare palato:  
 Distento, quantum satiata cruoris hirudo,  
 Ventre abis, & te non posthac tria lumina Phæbi  
 Conspiciunt, trinis epulis caua cuncta refertum,  
 Tergeminum satagis dum somno extertere villum.*

## In Astrologomastigas.

SÆpè solet monstris Titanum terrea proles  
 Insurgens, ipsos sollicitare Deos.  
 Num centum Briareus manibus adducere cælo  
 Conatus Superos, & violare Iouem,  
 Enceladusue ferox, aut cætera turba Gigantum  
 Plus poterant, ausis in sua damna truces,  
 Quàm cælo audaci, atque astris conuitia lingua  
 Ingerere, atque alti temnere signa Dei?  
 Certa catenatisquem constat singula causis  
 Efficere, & nullam poscere sortis opem.  
 Sint licèt occursum qui constantissima cæco  
 Astra putent temerè munus obire suum.  
 Corpora nec vires ullas cælestia nostris  
 Corporibus motu subdere posse suo.  
 Hac olim audaces Epicuri de grege porci  
 Dicta, Gigantæis asseruere modis.  
 Impius est, cæco qui volui singula casu  
 Asserit: & nullos, aut nihil esse Deos.  
 Qui nullos statuit, cælum tueatur, opacis  
 Luminibus magnum concelebrare Deum.  
 Ordine tam certo labentia sydera, quisquis  
 Numen habere negat, numina nulla putat.  
 Qui frustra, & nullos contendit sydera in vsus  
 Tot Zonis vasti cingere septa poli:  
 Dignus erit nullos astrorum cernere cursus,  
 Cæcus at in tenebris viuere Cimmerijs.

## Epitaphium D. Ioannis Cheki.

Tu nunc exuias liquisti corporis huius  
 Cheke, Deo viuens, lux noua iuncta polo.  
 Fulxisti inter nos lumen radiantius, & nunc  
 Astra tuo exortu, languidora micant.

TRANSLA-

TRANSLATIO QVORVNDAM CAR-  
minum quæ Gallico primum sermone conscri-  
pta, à serenissima Scotiæ Regina in mutuæ  
amicitiæ pignus, vnâ cum excellentis  
operis ANNULO, in quo insignis  
adamas prominebat, ad Se-  
reniss. Anglię Reginam  
Elizabetham missa  
fuerant.

Adamas loquitur.

**N**ON quia duritiæ superem ferrumque focumque,  
Sculpta nec artificis gloriôr ipsa manu,  
Nec quia gemma nitens operoso cingar ab auro  
Pura quidem, & Phœbi sydere candidior:  
Sed potius cordi similis mea forma, quod ipsum  
Cor Domine, excepta duritiæ, exhibeat.  
Nam quod ab oppositis non vincitur, & sine naui  
Candida quod tota est, his ego, & illa, pareis.  
Credere quis possit? postquàm me emiserat illa,  
Mi Dominam rursus posse placere nouam?  
Sed placet: hoc fausta felix en debeo sorti,  
Me Regina iterum, nec minor ista, tenet.  
O vtinam ambarum benè possem adamantina vincula,  
(Ore fauete omnes) cordibus inijcere.  
Quæ neque liuor edax, neque falsis acta susurris  
Suspicio, aut caries temporis vlla, terant.  
Tunc ego ab Eois dicar celeberrima gazis,  
Hic etiam gemmas vincere præcipuas.  
Tunc ego perstringam tremulo fulgore coruscans,  
Adstantum, immixtis lumina seu radijs.  
Tunc ego seu pretio, seu quæ me prouocet arte,  
Gemma, adamas firmo robore prima ferar.

## EPITAPHIVM D. THOMÆ PARRII

Equestris ordinis viri, Serenissimæ Angliæ  
Reginæ Elizabethæ Consiliarij.

**P**arrius antiquo didicit pro more, fidelis  
Esse, quibus votum præstitit obsequium.  
Magnum erat, hunc magno Crum vvello prima iuuentæ  
Tempora laudatis attribuisse modis.  
Maius erat, quòd res regalis ritè puella  
Oeconomus, tanto tempore, disposuit.  
Quòd tibi neglecta propria ratione salutis  
Adfuit, & rebus (Elizabetha) tuis:  
Quum fera ab offensa manantia iussa sorore  
Innocuam, indigno carcere condiderant.  
Maxima sed meritò sibi laus debetur, adultæ  
Quod Domine placuit iam magis, ipse senex.  
Pectore quòd placuit nudo, sermonis amator  
Nudi, & subtristi candidus ore tamen.  
Quòd placuit multis, multorum sedulus vltro  
Quòd fauit causis, nullius obfuerat.  
Hinc Regina potens, vnum hunc prolixius, vnum  
Culta memor veteris officij coluit.  
Atque ità quòd fatis hoc concedente, rigasse  
Ipsa suas fletu dicitur vsque genas.  
Falicem Domina te (Parri) tunc pietatis  
Illatulit fructus, tu simul officij.  
Sic properent alij, Domine præstare merenti  
Rem, vitam, & si quid charius esse potest.

EPITAPHIVM D. GVLIELMI PA-  
getti Baronis de Beaudeferro.

Collocutores. Genius. Viator.  
Genius.

**O**s s'a tegit tumulus, mens cælo emissâ potitur:  
Hæc olim iunget, sed meliora, Deus.

Fata

*Fata viam inuenère, manet post funera facti  
 Gloria, tu violis sparge viator humum.  
 Sparge rosas, nec parce croco, cumuletur honore hoc  
 Quòd gremio tantum pignus opaca fouet.  
 Inde oculos ipsis intendens fixius astris  
 Sparge preces: animam hanc non malè vota decent.  
 Que benè cum vixit terrena subdita moli,  
 Nunc leuis est puris addita stella globis.  
 AEternùm salueto ergò, dic atque valetò,  
 Vir memorande tuis, vir memorande alijs.  
 Vixisti hic clarum patriæ decus: hinc tua vinet  
 Fama rogum superans, viua per ora virum.  
 Liuor iners falsis potuit te onerare susurris,  
 Dum vixti, hinc abiens maior es inuidia.  
 Pæniteat viuos: tu iam securus Olympo es:  
 Nos desiderium saepe, magisque premet.*

Viator.

**Q**Uorsum hæc? quis (quæso) de tot vel millibus vnus  
 Promeruit fatis sic superesse suis?

Genius.

**Q**UI viuius voluit virtutem extendere factis,  
 Qui patriæ curam prætulit vsque suæ,  
 Qui iuuit multos, qui læsus lenius ipsos  
 Pertulit ingratos, nec grauis ultor erat.  
 Qui dextrè ingentes rerum direxit habenas,  
 Hic meruit fatis sic superesse suis.

Viator.

**P**ROMERUIT, si talis erat: si tempora tales  
 Ista ferunt: paucos quid vetat esse, tamen?

*Sint aliqui, demus, media inter millia cygni  
 Coruorum: durum est dicere, nemo probus.  
 Iste tuus si cygnus erat, ne pluribus (oro)  
 Suspensum teneas, nomen at ade viri.*

## Genius.

*S* Inescis Pagettus erat, cui fila sororum  
 Fluxerunt paulò quàm potuere minus.  
 Inuida quandoque est Lachesis: nunc pollice blando  
 (Vt reor) optantis stamina dissecuit.  
 Aeger, & impingens non in sua tempora, soluit  
 Ritè senescentem iam satiatus equum.  
 Nunc lapis hic loculo sacer est, & manibus: illum  
 Fauſta quies vndis aquoris eripuit.  
 Consilio, eloquio, pietate, & pectore largo  
 Præstitit: hys tenues artibus auxit opes.  
 Prole, vxore, domo, numeroſo & iugere felix,  
 Si tamen hys felix dicier vmbra potest.  
 Vmbra sumus: fuit hic ingens: quod denique reſtat,  
 En quanti cineres quàm brevis vrna capit.

## Viator.

*I* Llius? vrna leuis placida premat ossa quiete:  
 Ossa (precor) longum non temerata cubent.  
 Tam benè, quàm patrium reduci mens athera saltu  
 Scandit, & est supero pars numerata choro.

EPITAPHIVM THOMÆ PHAYRI  
 Medici.

*P* Hayrus erat longis noster dignissimus annis,  
 Indigna peryt noster at ille nece.  
 Nam domini culter, quis vitet fata? cruorem  
 Hauſerat, hac lapsus culpa proterua fuit.

*Hoc Nympha fleuere diu : syluæque virentes  
 Deposuerunt comas : sanguine terra rubens  
 Erubuit : Musæ vati lachrymabile carmen  
 Crinibus effusis concinuerunt suo.  
 Quod placuit Musis, Musarum cultor Apollo  
 Hunc plectro, hunc medicis artibus instituit.  
 Huic dedit ipsa Hecates pallentia nosse venena,  
 Omne quod & Lybicis reptile serpit agris.  
 Huic etiam Pallas naturæ arcana retexit,  
 Quicquid Arabs docuit, quicquid & Indus habet.  
 Non illum latuit Circæ potentia versus,  
 Nec Bactri magicis quæ docuere libris.  
 Et tamen hæc studij causa rimatus honesti  
 Scire satis duxit, non nocitura tulit.  
 Ingenium tribuit par magnis Iuppiter ausis,  
 Ausus erat carmen vertere Virgilij.  
 Cetera quis nescit? nunc Anglum se Maro factum  
 Miratur, ciues plaudite, Phayre vale.*

Epitaphium Ioannis Brenni.

*S*ipotius meritis, quàm ficto nomine stirpis  
 Antiquæ quisquam debeat esse aliquid,  
 Si non esse aliquid maiorum nomina donant  
 Ignauo, at virtus, quem sua nobilitat:  
 Quis potius nostro mereatur stemmata Brenno,  
 Cui laus ingenuo parta labore manet?  
 Acre viro pectus, mens culta, & gnaua libellos  
 Transtulit ad clypeos: dexter utrisque fuit.  
 Sic Martem coluit, Musis ut proximus esset,  
 Sic Musas, ut non Martia negligeret.  
 Sed belli, & pacis, Musarum & Martis alumnus,  
 Vtile quid patriæ præstitit usque sue.  
 Donec ab ardentis correptus acumine febris  
 Intempestiuos decedit in cineres.



358 DE ILLVSTRIVM QVORVNDAM  
Brenne vale: ignotis cinis es, mihi notior, idem  
Vivus es: officium iuge rependit amor.

Epitaphium Edoardi Camerarij.

**N**obilis, antiquoque satus de stemmate, factis  
Nobilior, iacet hic Camerarius ille, animoso  
Pectore, qui Gallos exosus, hoc miser vno  
Nomine torquetur, quod nunc male grata Caleti  
Mœnia circumdant tumulum, cineresque sepultos,  
Mœnia nunc Gallis, olim possessa Britannis.  
Mortuus hic igitur, inimica in gente moratur  
Gallorum, vivus quos tam capitaliter odit?

EPITAPHIVM NOBILISSIMI E-  
quitis D. Tho. Viati, Senioris.

**E**rgone supremum rupit Parca invida filum?  
Solvit & in cineres populi decus omne Britanni?  
Et quid non posthac populatrix ista renellat?  
Si neque cana fides, neque mens intacta, nec vlla  
Gratia dicendi, nec carminis aurea vena  
Scribendi in patrio sermone decenter, & aptè,  
Nec poterant mores faciles, nec vivida virtus  
Ingenij, vigor aut spirans sub pectore forti  
(Mille alias taceam ut dotes, quibus ille refulsit)  
Non (inquam) poterant congesta hac omnia in unum,  
Vnius à Parca furj's servasse Viatum?  
Quin immatura consumptus tæbe periret?  
Credo equidem superos humana ad commoda natum,  
Dignum sed meliore loco rapuisse Viatum,  
Invidia, atque metu dubios: ea cura premebat  
Scilicet, internos tam clarum ob sydus obortum,  
Quo duce Britannium pubes, de more Gigantum

Sursum

*Sursum iter ad cælos, meliori aſt arte, pararent.  
 Illum ergò indigetem Superi fecere, decoros  
 Ornantes artus, radiantibus undique ſtellis.  
 Atque ita vel moriens, vitæ incrementa recepit.  
 Nam licet internos verſatus, & aditus unâ  
 Non potuit viuens ſtimulos ſuperare potentis  
 Inuidiæ, quæ ſepè comes virtutibus aſtat:  
 Nunc tamen hys functus tenebris, bis, tæque reuixit,  
 Viuet & in maius, ſe attollens gloria rerum  
 Geſtarum, ſubiit quas hic per mille labores,  
 Donec laudis amor animos impellit honeſtos,  
 Aut poterint quicquam in nobis præconia famæ.  
 At nos interea memores meremur, inertî  
 Pectora tundentes planctu, lachrymiſque viciffim  
 Ora madent, patriæ tam charum ob pignus ademptum.  
 Et dubitamus adhuc, an & hoc quod vidimus, umbræ  
 Idolum potiùs, quàm res non ficta putetur:  
 Neve graui ex ſomno quamprimùm reddita nobis  
 Eſt acies ſenſus, vigiles ea cuncta loquamur,  
 Antea dictabant quæ nobis ſomnia vana.  
 Sic ſubitò quoniam ſe oſtendit, & abſtulit unâ.  
 Sed fuit, ô utinam ſemper foret illi Viatus  
 Felix, heu nimium felix, tantum potuiſſet  
 Extremam pulchrè cæptis ſuperaddere limam.*

EPITAPHIUM CAROLI BRANDO-  
 nij Ducis Suffolciæ.

**L**ector ſiſte gradum, tacitâque hæc mente reuoluens  
 Exemplum raræ proſperitatis habe.  
 Carolus hic ſitus eſt Brandonius, intimus ille  
 Qui fuerat Domino, nec ſine iure, ſuo.  
 Regis opus, namque illum Henricus maximus uſque  
 Euexit longo ſtamine amicitia.

Sequm vnâ iuuenes exegit dulciter annos,  
 Grata sibi & cani nec minus ora viri.  
 Illum clara ducis gestare insignia iussit,  
 Iunctum germanæ coniugio Mariæ.  
 Illo vsus sacri magno rector palati,  
 Illo etiam arcani Praside consilij.  
 Omnia ni dederat, certè rex iste dedisset,  
 Obstitit ast tantis improba Parca bonis.  
 In primo ingenti belli molimine, Gallos  
 Depelli à Morino littore quo placuit,  
 Dum designato functurus munere, summam  
 Ruminat imperij, pectore sollicito,  
 Dum struit arma, enses, arcus, tormenta, phalanges  
 Expectans voto tempora danda suo:  
 Occidit, instantis confectus cuspide Parca,  
 Hoc debes fato Galle inimice tuo.

EPITAPHIVM MARGARETÆ NE-  
 uillæ virginis tam formæ, quàm indolis  
 eximiæ.

I Mproba, dum tenera populata est virginis artus  
 Atropos, immiti falce (Nevilla) tuos:  
 Quam bene condigno cælum insigniuit honore,  
 Tam male nos tanto priuat acerba bono.  
 Nil potuit latis, succedere tristius vnquam  
 Auspicijs de te, quæ propè certa dabas.  
 Tanta puellaris fuerat præstantia formæ,  
 Tam præstans varijs dotibus ingenium.  
 Quid quod inexhausto sitiebas pectore Christum,  
 Immoriens sacris nocte dieque libris?  
 Sic tamen ut vitæ potiùs conamine sanctæ,  
 Non obscura tui signa dares studij.  
 Et iam ter senis turgebas nubilis annis,  
 Certatim crebro spes repetita proco.

*Quum te zelotypæ telum immedicabile Parca  
Surripuit terris, restituitque Deo.*

Ad D. Io. Masonium amicum.

**P**lus valet exiguum largo de pectore donum,  
Eruta quàm parca millia multa manu.  
Nam quod ab inuito donum extorquetur auaro,  
Non datur: exiguum largior ergò dabo.  
Et largomea dona dabo, quem pectore prono  
Non pigeat prona dona fovere manus.  
Hoc demum fuerit, culto committere amico  
Inculta, at puro prodita dona sinu.  
Exiguum plenis nam candor laudibus effert,  
Hoc nihil à toto suscipito ergò tuo.  
Tam mihi sit nullo concessum tempore falli,  
Quàm scio te vero veriùs esse meum.

## NAVIGANTIS AD INDIVIDVAM

Trinitatem precatio: cum exhortatione,  
ad nauigationis comites.

**S**umme Pater, cunctorum opifex, fili vnice, imago,  
Mensq; patris, quig, amborum cælestis ab ore  
Spiritus vnanimi prodix, Deus vne per æuum,  
Trine etiam, imperio coniuncte, & numine compar:  
Vos ego iam tumidi per tanta pericula ponti  
Ad patriam tendens, terra dudum hospes Iberæ,  
Testor, & imploro supplex (quæ vestra potestas  
Ætheris, aurarum, telluris, & æquoris, vno  
Comprendit pugno molem, & moderatur ab alto)  
Has haurire preces, aurêsq; aduertere votis.  
Non aliena peto: terris iactatus, & alto,  
Post varios casus, post sana pericula morbi,

*Dulce solum patria, postésque renisere auitos,  
Vestra (Deus) si fata sinunt, profusiùs opto.  
Si vultis, dabitur: fatis stat vestra voluntas,  
Fata regens, Parcisque potentior omnibus una est.*

*Nutu igitur tumidos pelagi componite vultus,  
Nutu, quo media sol versus nocte serenat  
Nubila, subsidunt montes, terra acta tremiscit,  
Et cedunt siccis imo maria abdita arenis.*

*Nunc ô, sed toties, immitte classibus Austros,  
Absistant toto contraria flamina cælo,  
Prora secet fluctus spumantes lenitèr, vnctam  
Pellat agens ventus tensa inter vela carinam:  
Lata sonet transtris repetita thalassica pubes  
Nautica, submissa vestrum & prece numen adoret,  
Spe potior, sed multa timens. Quis nauigat, & non  
Concretum gelida gestat formidine pectus?*

*O spes infirmas hominum: confidimus umbra,  
Nitimur & stipula, dum res Fortuna secundat:  
At simul vt saua moles voluntur aquarum,  
Diuersique ruunt fratres, furit æstus ab imo,  
Vt tonat aethereo vibratum fulmen ab axe,  
Stridulæque obscura consurgit nocte procella,  
Horrorem ingeminans atra caligine tinctum:  
Religio immanes, posita feritate, Cyclopas  
Tunc facit esse pios, & ferrea pectora pulsat.*

*Nos olim de fonte sacro meliora superni  
Qui cultus documenta accepimus, an decet horam  
In seram differre preces? Non semper habendus  
Ante oculos tute es, qui præsens omnia cernis  
Non visus, tangisque etiam non tactus ab vlla.*

*Ocyus ergò malo iuuèt occurrissè futuro,  
(O socj) dum Phæbus adhuc non occubat umbris,  
Dum supere est lux multa, nec vltima præcipitat nox.  
Infelix qui sera preces in tempora differt,*

*Tendere*

*Tendere nec didicit palmas, nisi verbere passo.*

*Tu (Genitor) miserere tuum. Non brachia cælo  
Tensa, nec intutis oculos deflectimus astris,  
Libantes tanto regi pia carmina, tristes  
Lenitura iras. Mitesces carmine fuso  
Ipse ingens: cæloque etiam, pelagóque ministri,  
(Millia quot totis non equat littus arenis)  
Ut Domini demulsum animum, & placida ora videbunt,  
Absistent pænis miserorum: debita noxæ  
Tela reponentur, iam procurata petentium  
Vocibus, & lachrymis, gemituque, & pectore tunso.*

*Rectius (ò socy) de cælo hæc aura petita est:  
Cælitus adueniet, praelatior omnibus auris.  
Ecce venit: secumque trahit placata sequaces  
Atque Notos, Euróque super. Concordia fratrum  
Tam benè mixta iuuat, soluentes littore Ibero  
Ut patrius condat, tridui post carbasa, portus.  
Oro fauete omnes, valeat (precor) omnibus omen.*

*Terra procul (socy) ni fallor gurgite vasto  
Emicat, obscuros & promit carula vultus.  
Nauclerus senior nostram asserit. O bona salve  
Terra parens: ò salve iterum: iam proxima facta es:  
Nòsse datur portus patulos, simul oppida, & agros  
Floribus intextos, viridantésque arbore sylvas.*

*(O socy) iam vota iterent: gratésque profonde.  
Quæstis patriam? pone hanc quam queritis, eccam.  
Vobis, pontigrade puppis statione relicta,  
Mox dabitur natale solum pede tangere fausto.  
Vixque etiam plantas figetis littore primo,  
Quum vos turba virum medios, cingente corona  
Quæsitis largè innadet. Vos dicite duros  
Quos passi casus: quæque Hespera terra ministrat.  
Dicite terribiles æstus, & torrida regna:  
Squallentésque situ, tot vasta cacumina, montes,*

*Arentes fluvios, & non tractabile cælum.*

*Ipse redux onerem donis solennibus aras,  
Iam propè me accingens (Genio suadente) quieti  
Optata, que sera annos refouebit inertes.*

*Ite, quibus feruet circum præcordia sanguis  
Multus adhuc, primæque salit lanugine barba.  
Vestrum opus, & vestro servat se hæc palma labori,  
Ignotas lustrasse vrbes, ignotæque regna.*

*Me, bis bina isto qui tramite lustra peregi,  
Rite senescentem, ne extrema peccet arena,  
Solvere equum deccat. Post hæc præsepia fessus,  
Et stabula, & multo surgentia stramine strata,  
Molior, exosus rauci spatia ultima circi  
Iam toties vitata rotis. Quid carcere prodest  
Sisyphios crebrò emissum renouare labores?  
Tuta quies laribus, plausu procul. Hic ego fixis  
Herculis ad postes armis, Veianius agro  
Delituisse velim, securæ per otia: sed non  
Immemor aduersæ, mediæ inter gaudia, fortis.*

### EVLOGIVM CLARISSIMI DVCIS,

Domini Thomæ Poyninghi, quem virtute, re-  
rumq; gestarum gloria ciuibus suis accep-  
tissimum, in ipso virilis ætatis flore  
mors iminatura eripuit.

**V**idimus (ò cines) Poyninghum Heroibus æquum  
Antiquis. Si pulcher eques crispauerat hastam,  
Castor erat. Si fortè pedes umbone cateruas  
Retrò ageret, plantis agilem similabat Achillem.  
Sin, nec frustrà, oculos ipsos mucrone feriret,  
Hector erat. Ducis at clarissimus artibus, illos,  
Paruum erit vt tollat quos de grege miles honores  
Castrensis meruisse potest vel quilibet, acrem

*Intrepidè*



*Intrepidè pugnans clypeo qui sustinet hostem.  
 Longè aliam egregius ductor cui cura negoci  
 Totius incubuit, re fortiter & benè gesta,  
 Captivis, spoliisque ingens, tum finibus auctis,  
 Quum redit, à populo & patribus pro iure coronam  
 Accipit, ut quarto deinceps cognomine fretus,  
 Ipse ruber niueis Capitolia celsa quadrigis  
 Scandat, laurigeros obiens de more triumphos.*

*Dux bonus, & sælix (quid enim fortuna nouerca  
 Si fuerit, nudo præstat conamine virtus? )  
 Dux (inquam) hic igitur, qui sic præstabat utroque,  
 Quantum hodiè quisquam, aut quisquam qui floruit olim,  
 Si ducibus Graijs, me iudice, sique Latinis  
 Confertur, nec adhuc solvuntur iusta merenti,  
 Parcite ductores Graij: neque ferte Latini  
 AEgrius, antiquis nouus hic sit tempora lauris  
 Incinxit: dedit ipse manu dedit ipse Gradivus:  
 Et dixit, (Poyninghe) feras me dante virentes  
 Hos ramos: age cinge comas: maiora merenti  
 Post tribuam, si fata volent, contraria votis  
 (Heu) persapè meis. Sed te palma inclyta Olympi  
 Ad iuga summa feret: celebrabere & omnibus aui  
 Curriculis, viuésque tui post busta sepulchri.  
 Hac Deus: & versis, iam tum præagus, habenas  
 Curribus immisit, delubràque Thraca renisit.*

*Lætior ast Heros donis, & iudice tanto,  
 Immortale decus, post & superantia vitæ  
 Prætulit acta breui: totusque ingentibus ausis  
 Incubuit. Neque fors aptam fortuna negauit  
 Materiam votis. Neq̃tebant prælia reges  
 Ingentes animis ambo, tum viribus ambo.  
 Suasit amor laudis, regnùmque, & conscia virtus,  
 Nec semel arcta nimis gignens vicinia litem  
 Sapè leui ex causa, coniunctos inter, acerbam.*

*Vrbs antiqua manet : Morinorum littore vastum  
 Despectans propè contiguus pro mænibus aquor,  
 Frugifera, & cultis opulenta Bononia campis.  
 At nunc facta ferax, madefactâq; sanguine, dirum  
 Luxuriare potest : segetemque infamis opimam  
 Proferet illa diu : tot corpora clara virorum  
 Condit, qui duro cæsi sub Marte, nefastus  
 Occubuerè aruis, vrbs sub mænibus altæ.*

*Hanc prior Henricus, gentis decus, arxque Britannæ,  
 Vi multa aggressus Rex occupat : ardet adempta  
 Franciscus, par ipse animo, Gallisq; tiaris.  
 Certatur : retinere parat possessor opimum  
 Viribus admissus spoliū. Fremit alter, & acres  
 Concipit indignans furiata mente dolores.  
 Hæc mouet, illa mouet : nunc pleno Marte minaces  
 Educit turmas, disponit & ordine longo  
 Ferratos tormenta globos mittentia nisu  
 Igniuomo, tentatque nonis æquare ruinis  
 Mænia iacta solo : nunc obsidione frequenti  
 Sollicitat, vallôsque, & propugnacula crebris  
 Extruit insistens castellis : feruet ab omni  
 Parte opus. E contrâ septi obsidione resistunt :  
 Erumpuntque etiam, castrisque hostilibus instant.  
 Intereâ, si crebra velim certamina, & ipsos  
 Congressus, pugnasque virum describere, longum  
 Effet opus. Summa quondam qui pronus ab Ida  
 Ille Tonans lento vidit collisa duello  
 Agmina ob Oebaliæ raptum certare puellæ,  
 Mirum, oculos isthuc flectens ni dixerat, ipsos  
 Hic etiam Danaos, Troianâq; robora, rursus  
 Propugnasse suis, hinc castra, hinc Ilium armis.  
 Nec Simoënta isthic galeasque, & scuta sub undis  
 Voluentem tepidis morientem sanguine, quisquam  
 De fore scisset, toties qui flumina rubro*

*In mare vidisset decurrere tincta colore.*

*Mars Pater, ancipitem Iouis ut manus ardua lancem  
Librabat, pro sorte data nunc prætulit istos,  
Nunc illos: neque enim hocce meum est, tacuisse vel hostis  
Promeritos, si quid præclare gessit, honores.*

*At neque nostratum corda imperterrita, fræno  
Quàm stimulus propiora, nec illum spiritus ultro  
Acer, in arma ruens, animis qui prurijt imis,  
Nec decet ultrices per tela, & vulnera dextras  
Intempestiui digito pressisse silenti.*

*Vera canens, moderata canit. Laudauimus ipsos  
Aduersa de gente viros: fraudabo merentes  
Laude meos? quisquàmne suis ingratus haberi  
Vsq̃ue ad eò insistat? Meruistis nobile (ciues)  
Vestra Polo ferret Mauortia facta poema  
Antiqui vatis: si quis nunc versus ab umbris,  
Illa tuba grauiore sonans, rem passibus æquis  
Exprimeret. Nam si non vobis deforet alter  
Siue Maro, aut Graio cecinit qui Pergama plectro,  
Forsan & ista seges foret Ilium, & alta Latini  
Regia. Vos primi panxistis talia, vates,  
Atque Aganippæo ter tincta in fonte dedistis  
Vina per ora virum fama iactata nitere.*

*Muta silet virtus, defit facundia lingua:  
Et iacet obscuris, tenebrosa, ignobilis antris.  
Te verò (Poyninghe) unum cui paruit omne  
Præsidium, cuique vrbs commissæ Bononia fidis  
Recta sub auspicijs, Anglorum signa rubentes  
Prætulit arce Rosas, & Gallica Lilia tempst,  
Quo celebrare stylo? quo tandem dicere versu  
Condignè potero? Quod miles fortiter egit,  
Quòd vicit, palma (ecce) tua est, qui fida monendo  
Autor eras palma: ductoris semper habetur  
Consilio, auspicijs, fortuna gratia: terna hæc*

*Præstitit hic solus. Non me Verona Catullum,  
 Non scatebrosus aquis Nasonem Sulmo fluentis,  
 Mantua non omni maiorem laude Maronem  
 Progeniuit. Non vlla meis Hyblæa labellis  
 Densa insedit apes, vatem testata futurum.  
 Tu tamen vt docti resonantia plectra Catulli,  
 Ingenioque Ouidi decurrens diuite venam,  
 Virgiliique tubam dignè potes armisonoram  
 Poscere cantandis tot te vincente trophæis :  
 Sic pius ipse aliquo tantum talèmq; meorum  
 Splendorem, sæclique huius, si carmine pango,  
 Tantisper, dum quis calamo præstantior illum  
 Ritè ferat, cultis seu diuitis inferat hortis  
 Historia, aut sacro vehat ad vaga sydera versu,  
 Non equidem luisse operam, neque functus inani  
 Officio videor. Saluebis, & vsque valebis,  
 Aeternùm celebrande tuis, mirande alienis  
 Dux bone, Dux rebus fortunatissime, gestis.  
 Tu tamen ipse tibi florenti atate, tueque  
 In medio cursu fortunæ crepte per atrum  
 Liorem triplicùm, morbo grassante, Sororum.*

EPICEDIVM, DE VIRTVTIBVS  
 ad exitiosam vsque inuidiam insignibus,  
 Edoârdis Bellingami.

**T**E quoque magne canam (te BELLIGHAME canenti  
 Sit licet & numeris opus, & testudine vatis,  
 Iliacum vena panxit qui diuite carmen)  
 Gesta Deo similem cui bellica munera curæ:  
 Siue ducus pectus cantu miremur & artes,  
 Siue manu prompti præstantia militis ausa.  
 Sæpè suos, claro iuuenis qui sanguine prodit,  
 Assimilare solet. cognato stemmate creti

Hic,

*Hic, & belligero SCHELLÆVS pectore fractus,  
 (Ille, decus patriæ, vota qui morte, periculum  
 Propulit à iugulis, Scoto insurgente, suorum)  
 Vnanimis iunctas concordie fœdere dextras  
 Firmarunt. Etenim nec Thesea Pirithous, nec  
 Sanctiùs ille suum Pylades seruabat Orestem,  
 Alter in alterius quam istorum commoda promptus  
 Exitit: arcano Naturæ ad mutua sensu?  
 Namque animis similes eadem fert sapè voluntas.*

*Iam verò hic, (te nostra aliàs SCHELLÆ Thalia  
 Seiunctim cecinit) mihi nunc memorabitur vnus:  
 Vnicus ille super, si fortia pectora queras,  
 Ingenuam aut morum seriem, constantiæ ora,  
 Semper, ab equali se demittentia filo,  
 Seu sors lata parum, seu verso dextera vultu  
 Tentaret iuuenem infractum, tentabat utrisque.*

*Mirandum fidi marmor sed pectoris, auxit  
 Mira viri species, proceri & corporis artus,  
 Vibrantèsque oculi, frontisque immota seueræ  
 Asperitas: quamuis nihil illo comius esset  
 Moribus, alloquio, conuictu, & pectore toto,  
 Quisquis in illius sese consortia iunxit  
 Dignor, atque amor idem animo cui insedit honesti.  
 Cætera terribilis, (fateor) nec turpibus vnquam  
 Arridens: odio alto agitans mendacia, vanis  
 Infit blandiloque nunc sectatoribus aula.  
 Atque ita, qui nihil in sese committere turpe  
 Sustinuit, quique abstinuit congressibus insons  
 Impuris. recti ob studium pulcherrima adeptus  
 Eulogia, infractum præ se tulit vsque Catonem:  
 Laudatus vel ab ore virum, quæ incluta virtus  
 Nunquam adiens, quodam tamen impulit ipsa pudore  
 Hactenus, ut digno non digni sponte fauerent.*

*Ergò illum Henricus numero adiunxisse ministrum*

*Selecto instituens, propius quos principis arcta  
Colloquia, ipsiusque fouent secreta cubilis,  
Delectu hoc docuit Rex prudens quantus in isto  
Extaret vigor, & scintillans pectore virtus.  
Nec sua spes Regem de tali admissa fefellit.*

*Quippe loco semel ut potuit spectatus aperto  
Se exerere, & totas populo producere dotes,  
Arduus ingenito sublimia robore tractans  
Arma, aciesque datas, non vnum propulit hostem,  
Dux bonus, imperio accepto feliciter usus.  
Vnde, vel & (satis postquam Rex optimus, orbum  
Ante diem gnatum linguens, concesserat atris)  
Hunc studio gnatus resouendum duxit eodem:  
Iussit & Hyberno praefectum denique regno,  
Prorogis fidum dubio pro tempore munus  
Exercere, vagos redigentem in verba rebelles.*

*Tum varie ingentes Iuuernia passa tumultus,  
Omaurique minas, gladiosque Ochonnore sensit  
Sanguinolente tuos. Quis lurida pinxerit ora,  
Horribilesque oculos, impexo crine, tyrannum  
In coniuratas venientium fœdere dextras,  
Imperium, & fasces contra, noménque Britannum?  
Dira virum species toruo sese effera vultu  
Protulerat, tacitis tunc confertissima lustris  
Exiliens, campoque ausa est se immittere aperto,  
Omnia barbarico vastans quassata furore:  
Ira, odium, & praeda sitis ut sine lege ferebant,  
Atque duces, atque indomitum fera corda ministrum.*

*Crudeles natura facit fore crimine auito  
Hybernos, media quamuis se pace quietos  
Assimulent, etiam per somnia rursus imago  
Armorum, cedisque redit, stupri, atque rapina,  
Tanta per ingenitos feritas stat barbara sensus.*

*At melior dux hic causa, & praestantibus armis*

*Lectorum*

*Leëtorum comitum (namque illi militis Angli  
Non temnenda manus fuerat superaddita eunti)  
Vt primùm (luerna) tuas prora appulit oras,  
Imperioque dato ritè est de more potitus,  
Imprimis veteres studuit reuocare cohortes  
Angligenùm, admissò qui iam stipendia luxu  
Plurima in Hyberna frustrà regione terebant,  
Rursus ad antiquam, reparato milite, formam:  
Legitimisque iterùm docuit succedere castris,  
Et pugnare loco, nec se statione mouere  
Palantes, qui fecisset, quos fugerat hostis  
Speraret comitùm ultores mox proditur enses.*

*Tum verò conuersi animi: manifestaque latè  
Mililibus summissa iterum fiducia creuit.  
Poscere dehinc hostes, ultrò atque laceffere tendunt  
Conferti: nec tam fuerat calcaribus exhinc  
Quàm frænìs opus. Ardebant generosa pudore  
Corda, resarcitis iterùm succedere palmis.*

*Dux cautus, Dux idem altis fortissimus ausis,  
Iam satis armigera factum quum nouerat arti:  
Egregiam instructis legionem protulit armis,  
Et recta hostiles populatum duxit in agros.  
Illi alios, spe falsi, illis in finibus olim  
Induperatores nostros, ambage recepta,  
Et quos insidijs positis frustrare solebant,  
Tunc etiam aduenisse rati, sublato ululatu,  
Crispantèsque suis de more hãstilia pilis,  
Primò equidem lenibus tentabant eminùs ausis:  
Hinc propius conferre gradum, retròq; reuertì  
Protinùs, implexis & corpora condere syluis,  
Aut etiam loca nota sibi, non cognita nostris  
Cæno, & limosa properant vitata palude  
Indugredi, incauto manifesta pericla sequenti.*

*Noster at ut vera vicit virtute, nec ullis*



Artibus, insidiisue locum perspexerat hostis  
 Esse, sed incensos superare incendia lucos,  
 Stagnaque deductis diuerti in proxima fossis,  
 Nec latebras superesse fuga, aut in praelia vires,  
 Quin etiam opportuna locis castella propinquis  
 Erexisse ducem Angliacum, sua, verberare saevi  
 Tormenti igniuomo glandes iaculantis ab ore  
 Ferratas, aquata solo, fœdاتا ruinis  
 Oppida, spes miseri protritاس strage coloni,  
 Cunctaque ab infestis prosterne denique duris,  
 Tandem animos, quanguam inuitus, laxare ferinos  
 Caput, & hinc veniam demissa voce petebat.

Euge tuo (victor Dux BELLINGHAME) trophæo.  
 Captiui Omanrus, trux atque Ochonnerus Anglas  
 Spectandi effusus nurbus mittuntur ad vrbes.  
 Approbat egregiam lato rex pectore palmam:  
 Hoc procures festa confirmant undique voce:  
 Famæque vicinas petijt celeberrima gentes,  
 Ingeminansque albis transcendit ad astra quadrigis.

Tu vero, non hinc lenta torpescere dextra,  
 Passus es incensos victoris militis æstus:  
 Ast instare sibi, nouaque actis necere bella  
 Instituis, si quis votis sese offerat hostis.

Hinc alta satrapæ Hyberni formidine tangi,  
 Victricisque manus, nec non victricia signa  
 Cæperunt, geniũque viri exhorrescere tanti.  
 Haud secus ac ripas albens si cygnus ad vdas,  
 Colludens, comitum media inter millia olorum,  
 Sentiat impressos aquila de nubibus ungues  
 Demissa impigro per inania vasa volatu,  
 Extemplò totum insolitus pauor occupet agmen,  
 Et vix vel medijs spem saluam ponat in undis.

Vnius ergò viri populum presentia cunctum  
 Continuit grauiore metu indignantibus instans.

*Et dedit antiqua rursus ditione teneri  
Compositos. Tanta se maiestate ferebat  
Magnanimum, impigrum, vigilique oculatiùs Argo  
Rimantem cætus, & conciliabula prima:  
Inde nouis citiùs truncantem semina cæptis,  
Mittitur à torta quàm glans balearica funda.  
Denique, pacatis placidum, & super omnia iustum  
Se tulit: ipse sui largissimus, idem alieno  
Absistens: sordēsque sagax, & nomen auari  
Præsidis euitans, solo & contentus honesto,  
Non repetundarum tremuit formidine purus,  
Personæ memor ad calcem seruasse decorum.*

*Heu, quid at extremos carpsistis fata malignè  
Successus? medio quidnam Clotho improba cursu  
Fila viri truncas longo dignissima fuso?  
Tūque adedò instabili constans Fortuna, merentem  
Plurima, sperata quid fraudas mēsse laborum?  
Linentūque premis, virtuti ingrata, susurris?  
Æger, & indignans, (qualis qui lassus inique  
Scipiades patriæ Linternum prætulit vdim)  
Decubuit mærore animi: quique omnia pridem  
Pertulit inuictò constantis robore sensus,  
Non tulit ingratos ciues. Hinc lenta secuta est  
Tabes lethifico carpens præcordia morsu.*

*Occidit: haud facile equalem cui nostra tulerunt  
Tempora, degeneri sensim euascentia prole.  
Agnoscunt ciues iactura vulnus acerbæ,  
Heròæ & cassum nequicquam lumine lugent.*

DE VIRO VNDEQVAQVE DO-  
ctissimo Christophoro Calueto Stella,  
Barcinonensi.

**B** Arcino Christophorum Caluetum lucida Stellam  
Ædedit: hinc aucto clarior igne micat.

*A a ij*

*Ante quidem illustris, longè praluxit Iberis*  
*Vrbibus, ut cunctis Cynthia syderibus.*  
*Nunc tantum, bis clara, suo de lumine lumen*  
*Quæ dedit, illuxit, prævia facta sibi.*  
*Et patria ornavit Stellam: stellatus & ipse*  
*Ornavit patriam, lux nova, luce sua,*  
*Quæ medias inter tenebras radiantia fundens*  
*Lumina, inextincto pollet ab ingenio.*  
*Illatæque faces tam docti pectoris umbris*  
*Pratendens, noctem discutit Hesperiam.*  
*Vnde senis culti vincent monumenta sororum*  
*Stamina, venturo fulgidiora die.*  
*Livor iners aliquid, nunc & sors invida possunt*  
*Demere plus merito, quàm tribuere sui.*  
*Nil demet virtuti olim consensus, ab omni*  
*Orbe sonans, Stellam qui vehet usque polo.*

## De Fabullo fure.

**V***Rbani (moneo) hospitem Fabullum*  
*Clausis & foribus, simul tabernis,*  
*Vitetis. Digitos Fabullus omnes*  
*Visco collinit: & manus reuinctas*  
*Vel post terga gerat, nec otiosas*  
*Discus comperiet, cyphus, patella,*  
*Nec mantile, nec ipsa strata lecti.*  
*Nam vestis, petasus, parùmve theca*  
*Custodita, vel arca diligenter,*  
*Conclamare potest. Fabullus uni*  
*Furtis, nequitijs, dolis proteruis*  
*Cedat Mercurio: secundus ipse est:*  
*At primo propior, ferè & gemellus.*  
*Tardè tertia subsecuta classis*  
*Furum, vix stadium tuctur imum.*

*At verò, ille aliquid licentiosè  
 Ablatis (quoniam cupit videri  
 Iure egisse bono) solet susurro  
 Obtendisse breui, monens in aurem,  
 Quod communia cuncta amiculorum  
 Debent & bona dici, & esse, prisco  
 Exemplo Samy sophi, silentes  
 Olim discipulos foro, fabisque,  
 Qui iussit satis anxie abstinere.*

*Tun' hoc asseris, optime ò Fabulle?  
 Sic te Pythagoræ iuuat seueram  
 Tam sanctè renouasse disciplinam?  
 Urbani (moneo) caute ab isto  
 Fidenti nimis, & parato amico:  
 Non istos amo, queis vel ille priscus  
 Cedens Autolycus, nouis magistris  
 Tradat lampada: quos nec ipse seruet  
 Centum luminibus, nec vsque centum  
 Custos Aſſetorides. Fabulle, mappam  
 Dudum sustuleras: quid (oro) mensam  
 Intentus citriam tuere limis?  
 Absoluisti opus: ipse curiosus  
 Ni plusquàm satis es: manum rogamus  
 Istam tam vigilem atque diligentem  
 Iam tandem à tabula (Fabulle) tollas.*

### EPITAPHIVM D. PHILIPPI A Gueuara, qui Didaci Pater fuit.

*C**ui sacer est tumulus, si quæris fortè viator:  
 Pestanis spargi dignus hic vsque rosis,  
 Dimidius Gueuara hospes terit ista Philippus  
 Limina: dimidius tecta superna terit.  
 Quis fuit, an quæris? Musarum, & Martis alumnus:  
 Mars prior hunc iuuenem, Musa habuere senem.*

*Quid præstaret equo, tremulam ut crispauerat hastam,  
Nouit belligerum laus hodierna virum.*

*Hoc decus ut fesso vergens iam dempserat atas  
(Ante diem morbus nam senium attulerat)*

*Quam breue profecit, studijs dum totus honestis  
Incubuit, norunt pectora docta virum.*

*Historia antiquæ vindex acerrimus, cui  
Cana situ, rursus tersa nitere dedit.*

*Hinc, quæ sita domi veterum monumenta tot vnus,  
Quot poterant vrbes condecorasse, habuit.*

*Concursu studium vnus gens tota probabat:  
Si quis & adueniens doctior hospes erat.*

*Maeste tuis opibus (generose Philippe) Philippos  
Non sitiens aurum propter, at artis opus.*

*Maeste magis viua superantis imagine gnati:  
Si tamen hunc post te Sors superare facit.*

*Vix facit: & modici vsuram post temporis (heu)  
Fit comes en patrio Didacus ipse rogo.*

*Didacus, omnigenas hausisse fideliter artes  
Vix dum pubentem, quem stupere senes.*

*Quid faciat vidua mater desertior æde?  
Heu mater, duplici funere tacta suum?*

*Pulvere sparsa comas, planctumque miserrima tristi,  
Optet & ipsa mori tertia iuncta suis.*

*Vos (animæ illustres) patrio requiescite cælo:  
Ossa tegat verno cespite molle solum.*

EPITAPHIVM IUVENIS NATALI-  
bus, eruditioneque clarissimi, D. Didaci à  
Guevara, Philippi filij.

*Q*uod patrio comes est illatus Didacus, atra  
Ante diem Parca sic statuente, rogo:  
Pierides sparsis per livida colla capillus  
Delicium flerunt (Hespera terra) tuum.

*Mæstæ etiam positis Charites planxere corollis,  
 Cui norant Clarj credita plectræ Dei.  
 Naiâdes totas lacrymis (miserabile) fufis  
 Implèrunt urnas, (uide Ihere) tuas.  
 Vranie ante omnes morientem excepit alumnum,  
 Astricolamque astris intulit ipsa sui.  
 Hunc (ait) æthere æ tantum qui lucis habebat,  
 Perpetuò dignum est æther ut ipse habeat.  
 Annuit assensu capitis Saturnius almo:  
 Hinc Gueuara nouis iam sua syderibus  
 Interstincta stupet radiantia membra, superno  
 Proximus & votis, clarus in orbe micat.  
 Culce puer, diuine puer, tu maxima dudum  
 Hispanum fueras gloria, nunc gemitus.  
 Quid quòd & externis humentia lumina fletu  
 Sollicitas? tanti est esse, quod esse velis.  
 Plurima, sed ficto, multis stat gratia, vultu:  
 Hic toto simplex pectore gratus erat.*

# DE RARISSIMI HEROIS, D.

*Henrici Kneueti equitis Britannii virtu-  
 tibus, Epicedium.*

*T* *mea si insignem lecto celebrare Kneuetum  
 Carmine Musa cupis,  
 Pyndaricum expediâsque melos, plectrumque sonorum:  
 Vix quoque sic poteris  
 Pectoris aut digna candorem efferre Camæna,  
 Purpureumue decus  
 Mansuetæ virtutis, in illo plurima vultu  
 Que genuina stetit.  
 Intacta primum vel virginis (ecce) pudorem  
 Ille vir exhibuit.  
 Fulmineo Marti tamen assimilandus in armis,  
 Ut tuba pertonuit.*

376 DE HELVETIORVM QVORVNDAM  
Illic ingentes poterant stupuisse ruentem,  
Hector, & AEacides,  
Solut in obuersos dum tot contenderet hostes,  
Per media arma furens.  
At semel vt tristes posuit Bellona tumultus,  
Atque iterum redijt  
Pax bona, tranquillo pelago sedatior idem,  
Mitis, vt antè, fuit.  
Tum fidum thoraca sacris nam postibus aptans,  
Artibus ingenuis  
Magnum habuit, culto fidiſque incumbere cartis  
Pectore. Doctus enim  
A puero fuit: hinc media versatus in aula,  
Stemmatibus & titulis  
Illustris, florensque fauentis principis arcto  
Alloquio, atque comes  
A camera assiduo Regem pro munere stipans,  
Non tamen ipse librum  
Ferre manu armigera quicquam tulit esse pudori,  
Qua prius hasta tremens  
Marte ferebatur nondum adiuga cana remisso  
(Hæc ninoſe) tua.  
Sic alternanti mirum popularia vota,  
Nobiliũque virũ,  
Quo studio fauere. Kncuettoliuor & ipse  
Officere erubuit.  
Auxerunt studia ista virũ facundia lingua,  
Comis & ore lepos,  
Innocui & risus non irridere parati,  
Promptaque sedulitas  
Officio ignotos etiam adiutare, decentis  
Corporis inde decor  
Rarus erat: facièsque nec vni optata puellæ:  
Larga sed illa manus



*Omne tulit punctum. Solidas donabat ut vrbes*  
*(Nanque Monarcha fuit)*  
*Pellæus iuuenis, victor qui sub iuga misit*  
*Totum Orientis opus:*  
*Sic isti imperium in populos si fata dedissent,*  
*Tute Philippiades*  
*Dixisses, mihi par datus est, aut vincor ab isto.*  
*Rara sed ista Deum*  
*Pignora (vel miseris) tantum ostenduntur, & instar*  
*Fulguris aethereas*  
*Inde petunt sedes, cognatâq; sydera, noto*  
*Sydera & ipsa gradu.*  
*Occidis ante diem votis repetite Britannum*  
*(Large Knevette) tuum*  
*Non minus, humani quam quem sua Roma vocabat*  
*Delicium generis.*  
*Tu nunc ut pedibus nubes, & sydera calces,*  
*Nil miseretne, tuis,*  
*Mærorem, & lachrymas, quod & hac suspiria linqvis?*  
*Heu redimende nouem*  
*Pactolis, totidemque Tagis, si fata reuerti*  
*Manibus annuerent.*

# EPITAPHIVM THOMÆ CHALO-

neri Equitis, à Gualtero Haddono Legum Doctore,  
 Serenissimæ Reginæ Elizabethæ à  
 supplicum libellis, iamdiu  
 conscriptum.



**N**atura Thomas Chalonerus, & arte valebat,  
 Vtilis & patriæ vir fuit ille suæ.  
 Publica cum magna suscepit munera laude,  
 Laude pari libros scripserat ille domi.  
 Sic patriæ vixit magno, dum vixit, honore,  
 Sic patriæ magno concidit ille malo.

FINIS.

Errata sic corrigenda.

Pag.	Ver.	Pro	Lege
29	12	<i>arerctas</i>	<i>arrectas</i>
80	26	<i>Argicolas</i>	<i>Agricolas</i>
92	21	<i>Tridenter</i>	<i>Tridentifer</i>
109	4	<i>pralia</i>	<i>inpralia</i>
154	7	<i>placabit</i>	<i>placabat</i>
302	12	<i>conscierit</i>	<i>consociet</i>
362	9	<i>immitte</i>	<i>immittite</i>
56	33	<i>armis</i>	<i>arnis</i>
75	24	<i>spectatibus</i>	<i>spectandas</i>
270	26	<i>suosq;</i>	<i>tuosq;</i>

